

Pro Cubiculo M. Gram. B.

<36635254770011

S

<36635254770011

Bayer. Staatsbibliothek

A. Lat. a. ~~472~~.

950 Martialis

Collegij S. J. Monac.
M. V A L.

MARTIALIS EPIGRAMMATA

Demptis obscenis.

Addidit annotationes
& interpretationem


JOSEPHUS JUVENCIUS

è Societate JESTI.

Typus ab ipso auctore correctus,

et munda

commendata.



ROMÆ, Typis Antonii de Rubeis
in Platea Cerenſi. 1703.


SUPERIORUM PERMISSU.



IMPRIMATUR

**Si videbitur Reverendissimo Patri Magistro
Sac. Pal. Apostolici.**

*Dominicus de Zaulis Episc. Verulanus
Vicesgerens.*



IMPRIMATUR.

**Fr. Jo. Baptista Carus Mag. & Reverendis.
P. Sac. Apostol. Pal. Mag. Socius Ordin.
Præd.**

Bayerische
Staatsbibliothek
München



M. VAL. MARTIALIS

VITA.

De ejusdem scriptis, & istis commentariis.



MARC. VAL. MARTIALIS natus est Bilbili, quæ civitas est Hispaniæ in Celtiberia, patre Frontone, matre Flaccilla, kalendis Martiis, sub Claudio Imperatore, qui anno Christi 41. imperium inivit. In quibusdam libris pervetustis appellatur M. Val. Martialis Cocus: sive id cognomentum ipsi per jocum fuerit inditum, sive gentilitium & paternum habuerit. Uxorem duxit Clodiam Marcellam, quam ipse libro Epigr. XII. epig. 19. celebrat. Romam sub Nerone venit annum agens alterum & vicesimum. In Italia mansit annos 35. quibus exactis, rediit in Hispaniam suam anno ætatis 57. ibique decessit imperante Trajano, natus annos admodum 60.

Ejus carminum libri quatuordecim numerantur: nec in iis tamen omnia omnino ejus epigrammata continentur; siquidem nonnulla proferuntur à quibusdam antiquis auctoribus, quæ in istis libris non extant; sive quod scripta fuerint libris jam editis, sive quod colligentibus exciderint.

Magnam semper ab hominibus eruditis ingenii laudem est adeptus. *Erat* (inquit Plinius Secundus, illius æqualis & amicus) *homo ingeniosus,*

acutus, acer, & qui plurimum in scribendo & salis haberet & fellis, nec candoris minus. Ælius Verus Cæsar, teste Spartiano, Martialem Virgilium suum appellabat. Omitto recentiorum de illo testimonia plena dignitatis, quibus adstipulatur consentiens omnium ætatum fama.

Si quæras quid sit Epigramma, quo in genere uno versatur Martialis, ea vox nihil aliud quàm inscriptionem sive titulum sonat: ἐπιγράφο enim est, inscribo, superscribo. Nunc significat carmen breve ac venustum, rem aliquam ingeniosè, graviter, aut argutè concludens. In quo venustas porro epigrammatis & acumen consistat, legendo sentias faciliùs, quàm definiendo explices.

Jam verò ut aliquid etiam de istis commentariis, & labore nostro admoneam, non me deteruit superiorum hujus cultissimi vatis interpretum, Ramiresii, Matthæi Raderi, Petri Rodellii, Vincentii Colleffi, & aliorum eruditus labor, quominus symbolum quoque meum conferrem. Raderus enim, præterquam quod mole rerum & eruditionis copiâ laborat, habet interdum nonnulla suboscuro, & quædam etiam intacta prætermittit. Rodellius partem duntaxat Martialis, ea quidem, quam ceteris in libris adhibuit, perspicuitate ac sagacitate, complexus est. Quod spectat illos, qui **VARIORUM** inscribuntur, commentarios, quos imperiti laudant, dolendum profectò est ejus generis & nominis libros, tam specioso nomini tam parum respondere: qui si reipsâ tot interpretum, quot extant, sententias suis quasque locis aptè digestas, acri judicio delectas, & inter sese compositas, accisis quæ ad rem non pertinent verbis, repræsentarent, novis facilè commentariis careremus. Colleffus, qui novissimè scripsit, nondum omnibus satisfacit. Operam dedimus quoad ejus fieri potuit, ut nihil omitteremus non explanatum, ubi

res poposcit; nec minor fuit cura brevitatis: itaque non evagati sumus longius in propriis quibusdam nominibus explicandis, in indagandis vocum nonnullarum originibus, ac ejusmodi tricis, in quibus nonnulli Grammatici valde sudant. Quis enim id in epigrammate legendo quærit? Lectiones optimas è probatissimis petitas codicibus, & ad sententiam carminis quam proximè accedentes secuti sumus: alias, si quæ vulgatæ essent, interdum exposuimus; alienas & contortas omnino rejecimus. Præfiximus etiam nova singulis epigrammatis lemmata sive titulos, è quibus uniuscujusque argumentum & acumen intelligi possit. Indices addidimus tres. Primus est Epigrammatum. II. Lemmatum, sive argumentorum, quæ quia in magna varietate versantur, ea communes quosdam in locis redigere studuimus, unde quisque arbitrato suo depromat quod opus erit; v. g. si condendum sit epitaphium, amplius viginti ejus generis epigrammata eodem indicata titulo reperies, suo singula certo colore, cultuque distincta: si quid in avaros mediteris, si quid componas in invidos, ingentem & amœnam silvam dabit hic secundus index. III. Est rerum, earum præsertim quæ in notis explicatæ fuerunt, quæ nec semper vel eruditissimis obviæ sunt, nec in exponendis singulis epigrammatis fuerunt à nobis repetitæ, ut consuleretur brevitati. ad extremum, ita rationem eruditionis habuimus, ut pietatis ac pudoris etiam haberemus; rati nullum eruditioni profanæ & antiquitati locum apud homines pios ac bene institutos esse debere (quantumvis abjecti quidam ac perditii homines reclamant) ubi religionis aut probitatis vel levissimum periculum est.

APPENDIX.

CUM in postremis libris recurrant sæpe voces eædem, quæ in prioribus explicatæ sunt, satis habuimus paginam indicare, ubi erant explanatæ. aliquando tamen (quod nescire te nolim) in his paginis indicandis diligentia excudentium titubavit, præsertim in libro VII. & VIII. ubi rem non eo, quo est notata, loco sæpe reperies, sed tertia fere, ante ascriptam, pagina. Quod si quærendi labor te angit, Indicem, quæso, consule, ubi pagina cum fide citatur. Incœperam quoque in prioribus libris Romanam veterem monetam exigere ad recentis Romanæ usum ac trutinam; sed cum iidem numeri ut plurimum redirent in libris posterioribus, satis visum est, quod fuissent semel explicati. Ne quid tamen desideres, utque totam rei nummarie veteris Romanæ, rationem cum recenti comparatæ, ut quidem nunc est hoc anno 1703. æstimare possis, sic habeto: Sestertium minorem continuisse duos asses Romanos veteres cum dimidio tertii, sive semisse: Unum sestertium majus, minores mille sestertios valuisse: in denario quatuor fuisse sestertios, asses verò decem. Sestertium minorem unum respondere duobus assibus, seu solidis, ut vocant, Gallicis: qui efficiunt Romanæ monete recentis baiocchos duos, cum triente, id est, quarta bajocchi parte. Unde colliges denarium Romanum octo solidis Francicis, & novem admodum baiocchis respondere. Libram Turonicam, sive nummum Francicum, qui assis seu solidos Gallicos viginti complectitur, & sestertiis minoribus decem æquiparatur, valere baiocchos tres & viginti circiter. Decem libras, seu Francicos, respondere scutatis nummis Italicis duobus & baiocchis admodum triginta. Viginti

Francicos estimari scutatis Romanis quatuor, & baiocchis sexaginta. Quadraginta Francicos nummos respondere scutatis Italicis novem, & baiocchis viginti. Huic summæ respondebant sestertii minores quadringenti, sive denarii centum, quod vulgo vocabant, *mille æris*: eratque illum idem Minæ, seu mnæ antiquæ, pretium. 1d

Jam, mille sestertii minores, id est sestertium majus, respondent centum libris Turonicis, seu nummis Francicis: Romanis verò scutatis tribus circiter & viginti. Libræ Francicæ quingentæ, nempe quinque sestertia, scutatis Rom. centum quindecim. Sexcentæ, id est, sex sestertia; scutatis 138. Septingentæ, sive septem sestertia, scutatis 157. cum baiocchis circiter quinquaginta. Mille nummi Francici, seu decem sestertia, ducentis triginta scutatis Italicis. Decies mille libræ Gallicæ, sive centum sestertia (quod etiam appellabant sestertiū semel) scutatis Rom. recentibus, bis mille & trecentis. Vicies mille nummi Gallici, sive sestertiū bis, scutatis Romanis quater mille sexcentis. Centena millia nummorum Francicorum, hoc est mille sestertia, sive sestertium decies, quod olim una vocula, *Decies*, appellabant, valent scutatorum Roman. viginti duo millia, & quingentos. Francicorum trecenta millia, quod Romani veteres dicebant *tricies*, subaudiendo, centena millia minorum sestertiorum, efficiunt scutatorum Roman. circiter sexaginta novem millia. Decies centena millia Francicorum, sive millio, ut vulgo loquuntur, quod Romani vocabant *centies*, efficiunt scutatorum Italic. circiter ducenta viginti quinque millia. Decem verò milliones, ut dicitur, quod priscis Romanis erat *millies*, valent Italicorum scutatorum ferè vicies centena millia, cum ducentis quinquaginta millibus. Ex istis numeris facilis

erit de ceteris conjectura, augendo summam vel minuendo, pro rata portione.

Addo: Argenti libram veterem Romanam denarios 84. complexam esse, & respondere libris Turonicis five nummis Francicis 33. cum solidis 12. auri vero Romanam veterem libram, libris Turonicis 576. æstimari. Talentum Ægyptium argenti libras complectebatur 80. Gallicas vero bis mille sexcentas octoginta octo. Atticum, libras Francicas bis mille quadringentas: minas 60. Erat alterum talentum atticum paulo majoris pretii, continens minas octoginta.

Metuo ne typographorum festinatio, dum studiosæ juventuti commodare properant, alicubi lapsa sit. Eos à candidis lectoribus, quorum labori levando libellus iste fervit, excusatum iri confido. Si quid erit nihilominus errati gravioris, indicabitur. Vir eruditus, dum legeret Epigramma LXI. Lib. IX. voces istas *Astra in diversa*. Illas sic explicandas censuit, quasi cælum duplex innueret Martialis, unum Jovis, alterum Cæsaris. Nam Domitianum Jovi: ejus domum cælo comparare Vates solet. Nolui te ingeniosa explanatione defraudare.

Alius, milliarium latinis usitatus fuisse, quàm milliare, observavit. cui assentior. ea vox semel iterumque legitur lib. I. Epig. XIII.

Idem Epigrammati XIV. ejusdem libri multum lucis afferri posse credidit è Plinii Epistola decima sexta libri III. & eruditus in eam notis Catanei, qui, opinor monet Arriam illam de qua scribit Tacitus libro XVI. Annal. ejus Arriæ quam Martialis celebrat, filiam extitisse. Epigrammatis XVIII. ejusdem libri I. sententia hæc videtur esse, Agricola m causidico esse præferendum.



M. VAL.

MARTIALIS

LIBER SINGULARIS.


DE SPECTACULIS,

SIVE

AMPHITHEATRUM CÆSARIS.



LIBER SINGULARIS. Ita vocatur hic liber, quia de uno quodam argumento scriptus, & à cæteris libris sejunctus est. Inscríbítur etiam, *De Spectaculis*, quia spectacula sunt præcipuum illius argumentum, nempe venationes, singularia gladiatorum certamina, naumachia, &c. Denique ab aliis inscribítur, *Amphitheatrum Cæsaris*, quia describit ludos & spectacula edita in amphiteatro, quod Titus Imperator, Domitiani frater, exstruxit, vel potius, à Vespasiano patre jam structum, dedicavit.



M. VAL.
 MARTIALIS
 LIBER SINGULARIS.
 DE SPECTACULIS,
 SIVE
 AMPHITHEATRUM CÆSARIS.

EPIGRAMMA I.
De Titi Cæsaris Amphitheatro.

1. **B**arbara Pyramidū fileat miracula Mēphis;
2. Assiduus jactet nec Babylona labor;
3. Nec Triviæ templo molles laudentur honores;
4. Dissimuletque Deum cornibus ara frequens;
5. Aëre nec vacuo pendentia Mausolea
6. Laudibus immodicis Cares in astra ferant.
7. Omnis Cæsareo cedat labor Amphitheatro:
8. Unum præ cunctis fama loquatur opus.

VERS. 1. *Barbara miracula* ab Ægyptiis, barbaris populis, maxime si cum Romanis conferantur, ædificata. Alii omnes populi præter Græcos, barbari, ab ipsis præsertim Græcis appellabantur. *Barbara* jungi potest cum voce *Memphis*. Eadem est sententia. Ægyptus desinat jactare suas illas admirabiles pyramides, quæ inter mundi miracula recensentur.

Memphis. Ubs Ægypti vetus, & regia; ad Nilum. Sunt

qui credant hodie dici *il Cairo*.

Pyramidum. Prope Memphim erant pyramides, nempe ingentes è saxo moles quadratæ, ab latissima basi paulatim in acumen assurgentes, instar ignis, qui cum in aërem tollitur, desinit in acumen: unde factum nomen pyramidis, videlicet à voce græca *πύρ*, *πυρός*. Illæ ab artificibus 360000. dicuntur ædificatæ: erant altæ pedes 600. totidem latæ in singula basis latera. Conditæ sunt à

Pharaonibus, vel ut in iis tumultarentur, vel ad opes ostentandas, &c.

Miracula. Septem vulgò mundi miracula numerantur. Ægypti pyramides; Ephesinæ Dianæ templum; Regis Mausoli sepulchrum; statua solis Rhodia, seu Colossus Rhodius; Jovis Olympici simulacrum ex auro & ebore factum à Phidia; Muri Babylonis; & Cyri Persarum Regis domus.

2. *Affiduus.* Non laudetur Babylon propterea egregia opera labore assiduo & improbo structa: v.g. muros lateritios, hortos pensiles, &c. posset hoc videri dictum per hyppallagen, pro; ne Babylon jactet laborem assiduum. Legunt aliqui non malè, *Assyrius*. Turnebus existimat hæc verba, *Assyrius labor*, non esse intelligenda de muris, hortis, &c. Babylonis assiduo, id est, diuturno, labore structis, ut explicui, sed de assiduo laudandi labore, hoc sensu: ne homines assiduè laborent in laudanda Babylone.

Babylona. Babylon urbs primaria fuit Chaldææ; à Belo condita, à Semiramide cincta muris; quorum altitudo fuit pedum 200: latitudo 500 ambitus stadiorum 380. stadium autem unum pedes 600. habet.

3. Nec in Dianæ Ephesinæ templo laudentur statuę molli ac delicato artificio factæ, columnæ præstantes, & alia ejusdem templi ornamenta.

Trivie. Diana sic dicta est, quia in triviis colebatur: vel quia tribus in locis quasi ingreditur, in cœlo, terris, & inferis: eadem quippe Luna, Diana, & Proserpina erat.

Templo. Templum Dianæ Ephesinæ ducentis viginti annis factum est à tota Asia: longum fuit pedes 315. latum 220 columnæ 127. à singulis regibus factæ, &c. *Plin. l. 36. c. 14.*

Honores Legunt aliqui *Jones*, quia Ephesus est in Jonia minoris Asiæ regione: & sensum hunc esse volunt: nec molles Jones laudentur ob Dianæ suæ templum. Molles vocantur, quia deliciis & luxu diffuebant, unde lascivæ saltationes ab Horatio vocantur motus Jonici. Si retineas, *Honores*, explicabis, ut dixi, de ornamentis templi, ejusque delicata, & Jonicâ substructione.

4. Et ara cornibus frequens, sive, frequentibus, id est, plurimis cornibus structa, taceat Deum à quo est condita: ne se Dei manu ædificatam venditet.

Deum. Apollinem Delium. Fabulis prodirum est Dianam aliquando plurimas capras venatu interfecisse: illarum detraxisse cornua, eaque ad fratrem Apollinem, ut monumenta victoriæ, attulisse: qui ex istis cornibus aram singulari artificio construxerit. Ita Callimachus in hymno Apollinis. Quidam hoc interpretatur de ara Jovis Hammonis in Ægypto,

in qua simulacrum Dei cornutum erat, arietina specie ac forma, & ara ipsi cornibus arietinis, cælatis, ornata.

5. *Mausolea*. Tumulum Mausoli, Regis Cariæ, ab ejus conjuge Artemisia ipsi positum, & columnis ita sustentum, ut in aëre vacuo pendere videretur. Horti celebres illi Babylonii de quibus dictum ψ. 2. eandem ob causam pensiles appellati sunt, quia tenuibus erant columnis impositi. *Cares*. Populi Cariæ, in Asia minori; Caria nunc vocatur *Adinelli*.

7. *Omnis labor*. Opera ista omnia diuturno & egregio labore perfecta.

Cæsareo. Quod Titus Cæsar, Domitiani frater, extruxit, five potius, à Vespasiano pa-

tre cœptum, absolvit ac dedicavit; & in cujus dedicatione ludos per dies penè centum exhibuit, quos magnam partem hic describit Martialis. Vide Lipsium, libro de Amphit. c. 7. ubi docet in eo octoginta septem hominum millia sedere commodè potuisse, imò centena millia: & alia quædam addit, unde facilè intelligatur hoc amphitheatrum ceteris orbis miraculis facilè anteponendum fuisse.

Amphitheatro. Ita dicebatur locus in oblongi circuli formam factus, cujus in medio erat spatium vacuum, circa quod spatium assurgebant lapideæ contignationes, in iisque sedilia, è quibus spectabantur pugnae gladiatorum, ferarum, &c.

I I.

Roma sibi reddita.

1. Hic, ubi fidereus propius videt astra colossus,
2. Et crescunt mediâ pegmata celsa viâ;
3. Invidiosa feri radiabant atria Regis,
4. Unaque jam totâ stabat in Urbe domus.
5. Hic, ubi conspicui venerabilis amphitheatri
6. Erigitur moles, stagna Neronis erant.
7. Hic, ubi miramur velocia munera thermas,
8. Abstulerat miseris tecta superbus ager:
9. Claudia diffusas ubi porticus explicat umbras,
10. Ultima pars aulæ deficientis erat.
11. Reddita Roma sibi est; & sūt, te præside, Cæsar,
12. Deliciæ populi, quæ fuerant Domini.

VERS. 1. 2. 3. In eo loco ubi jam videtur solis colossus ad cælum usque sublatus &

radiis coronatus: ubi jam sunt patentes viæ, in quibus pegmata sponte sua variis

tabulatis augentur : in eo spatio cernebatur paulò ante domus Neronis , auro tota gemmisque collucens , quæ totam ferè urbem occupabat.

Colossus. Significat ea vox statuam inusitatæ magnitudinis : atque illam imprimis quæ solis effigie , Rhodi viscebatur in portu , alta pedes centum & quinque , ut ait Festus , sive , ut Plinius , cubitos LXX. quæque inter septem mundi miracula numerabatur. De qua idem Plinius agit fusè libro 34. ex quo & ejus novissimo ac eruditissimo interprete plura , si lubet , petes. *t*

Nero statuam suam posuerat in vestibulo palatii à se ædificati , altam colossi ritu , pedes 120. Vespasianus ablato illi statuæ Neronis capite solis caput imposuit , additis radiis septem quorum singuli longi erant pedes 23. Hinc vocatur sidereus colossus , id est , radiatus , fulgens siderum in morem.

2. *Pegmata*. Erant machine quædam ligneæ instar turrium vel domorum factæ , quæ cum unam ostenderent contignationem , repente in alteram tertiamve surgebāt , brevissimo tempore : vel crescebant ac dissolvebantur. Illis imponebantur gladiatores , apparebant flammæ innoxie , &c. Facta vox à verbo *πύγμῃ* , compingo , fabricor , struo.

3. *Regis*. Ita Neronē inviosè vocat : qui crudelissi-

mè imperium exercuerat. Is à Palatio usque ad Esquilias domum ædificaverat , quam auream appellavit. Hanc demoliti sunt Vespasianus ac Titus , & in publica ædificia commutarunt.

5. *Venerabilis*. Quia dedicatum ut superiori Epigr. diximus , amphitheatrum fuit à Tito : vel , expone *venerabilis* , augusta , ingens.

7. *Velocia numerata*. Quia celerrimè fuerant extructæ. Erant autem thermæ loca quædam ubi calidæ aquæ servabantur , ad sudorem provocandum : de illis infra pluribus locis agitur. *Θερμὸς* , *calidus* , in balneis propriè lavabant ; in iisque frigidæ vel tepidæ aquæ erant : sudabant in thermis , tamen thermæ pro balneis interdum usurpantur.

8. Ubi nunc thermæ sunt , ibi erant arva ingentia , quæ ad amœnitatem & prospectum Nero incluserat in sua domo , tectis miserorum civium diratis , aut igne absumptis.

9. Ubi nunc est porticus olim ab Imperatore Claudio facta , & à Nerone ferè diruta , jam per te restituta & ornata pergulis & arbutulis umbram conciliantibus ; ibi erat ultima pars domus Neronianæ . Nonnulli pro *Claudia porticus* legunt *Livia*. Sanè Plin. lib. 14. c. 1. Liviæ porticum suo tempore superstitem fuisse testatur ; vixit autem sub Tito . Sunt qui eandem esse Claudiam

porticum, Liviamque velint.

11. *Sibi*. Quæ non sua esse, sed Neronis, antea tota videbatur.

Te præfide. Te imperatore. *Delicie*. Ædificia ad pu-

blicam utilitatem & oblectationem instituta.

12. *Domini*. Neronis, quem Dominum odiosè appellat, cum Titum vocet tantum præsidem.

III.

Cæsar patriæ pater.

1. Quæ tã sepõsita est, quæ gens tã barbara, Cæsar,

2. Ex qua spectator non sit in Urbe tua?

3. Venit ab Orpheo cultor Rhodopeius Hæmo,

4. Venit & epoto Sarmata pastus æquo.

5. Et qui prima bibit depressi flumina Nili,

6 Et quem supremæ Tethyos unda ferit.

7. Festinavit Arabs, festinavêre Sabæi,

8. Et Cilices nimbis hîc maduere suis.

9. Crinibus in nodum tortis venêre Sicambri,

10. Atque aliter ~~tortibus~~ ~~erinis~~ Æthiopes.

11. Vox diversa sonat: populorû est vox tamê una,

12. Cû verus PATRIÆ diceris esse PATER.

tortibus crinibus!

VERS 1. *Sepõsita*. Semo-ta, ab urbe distans.

3. *Orpheo*. Pro, Orpheio, five Orphico. Hæmus, ubi Orpheus habitavit.

Cultor Rhodopeius. Qui Rhodopen colunt, arant: Rhodope & Hæmus sunt montes Thraciæ notissimi: is nunc vocatur *Balkan*, & *Monte Argentaro*; ille *Rulla*, aut *Valiza*.

4. *Sarmata*. Hodie, Russi, Tartari, Moscovitæ.

Epoto. Qui sitim sedat, potando equum, id est, equinum lac, aut etiam sanguinem.

5. Populi ab ultima Ægypto seu Africa, profecti, ubi

Nilus nascitur: qui ejus fontes bibunt, quos deprehendere & assignare, difficillimum Geographis est.

6. Qui habitat litora oceani occidentalis, seu Atlantici, quem mundi esse terminum & supremum finem putabant veteres: vel Britannici, circa Orcadas & Thulen.

Tethyos. Thetys, Dea maris præses, pro mari accipitur.

7. *Arabs*. Est Arabia pars Asiæ, inter Sinum Persicum & mare Erythræum: l'*Arabia*.

Sabæi. Vicini sunt Arabibus, vel pars Arabiæ felcis;

tortibus crinibus,

quorum urbs primaria, Sabab, Zibit.

8. Et Cilices perfusi sunt pluviâ odoratâ & dilutâ croco, qui apud ipsos Cilices eximius colligitur in Coryco monte. Imbres odorati depluebant in amphitheatrum & spectatores per tubos latentes.

Cilices. Populi Ciliciæ, in Asia minori, ad meridiem, è regione insulæ Rhodi. *La Cilicie*, nunc pars ejus tractûs qui à Turcis vocatur *la Carmania*.

9. *In nodum tortis*. Cirra-

tis, cincinnatis. Sicambri populi Germaniæ, occupabant totum tractum à mari, ad Mænum fluvium.

10. *Aliter*. Quia natura crispi sunt Æthiopes ob calorem qui magnus in Africa: Germani, artificio: est enim Germania frigidior. Tum Germani tortos in nodum capillos in colla fundebant; Afri breviores, & strictim crispatos gestabant.

11. *Diversa*. Sono: *Una* sensu & significatione; idem omnes dicunt suo quisque sermone.

I V.

Delatores urbe pulsi.

1. Turba gravis paci, placidæque inimica quieti,
2. Quæ semper miseras sollicitabat opes,
3. Tradita Getulis: nec cepit arena nocentes:
4. Et delator habet, quod dabat, exsilium.
5. Exsulat Ausonia profugus delictor ab urbe: /a
6. Impensis vitam Principis annumeres.

VERS. 1. 2. Gravis paci, &c. Quæ media in pace domesticum quasi bellum gerebat; quæ insidiabatur semper miserorum civium opibus? Ut enim divites spoliarent, eos fictis criminibus accusabant.

3. Traditi sunt delatores Getulis, id est, Afris, seu magistris leonum & bestiariis, ut eos ipsi suis leonibus laniandos objicerent. Duæ sunt aliæ lectiones hujus loci, sed ambæ non satis latinæ & barbaræ. Lipsius legit *Traducta est Titulis*, id est,

cum titulis & inscriptionibus aut appensis collo, aut per lictores gestatis, è quibus agnosceretur eorum crimen, traducti sunt per amphitheatrum, fuerunt ad ignominiam circumducti, & ostentati ad ludibrium. Est enim ea vis & notio verbi *Tradacere*, Legunt alii, *Traducta est Gyaris*, vel potius, Gyaras (ut sua legibus grammaticis constet reverentia) hoc est, transportata in Gyaros, seu Gyaras, quæ sunt insulæ duæ desertæ, in mari Ægeò, in quas exules insigni-

ter scelerati deportabantur.

Nec cepit, &c. Tantus fuit eorum numerus, ut cum arena non posset omnes capere, esset angustior illis continendis, ut feris objicerentur, quidam eorum pulsi sint in exilium, quod alios pellere consueverant. De voce *Arena*, vide Epig. 8.

4. *Delator*. Ita vocabantur calumniatores, qui falsis criminibus accusatos cives opulentos deferebant ad principem, à quo in exilium pellebantur, addictis fisco ipsorum bonis, & quartâ parte in

præmium datâ delatoribus, qui idcirco vocabantur etiam quadruplatores.

5. *Aufoniâ urbe*. Roma, Italia olim dicta est Aufonia, ab Rege quodam suo, Aufone.

6. Tu, ô civis, quod vivis, hoc acceptum refer Cæsaris impensis & sumptibus, i. beneficio & curæ, qui delatores expulit. In quibusdam libris hoc distinctum separatim scribitur, & V. Epigramma conficit: melius cum superioribus versiculis jungitur.

V.

Leo victus & cæsus à fœmina.

1. Belliger invictus quod Mars tibi fœvit in armis;
2. Non satis est Cæsar: fœvit & ipsa Venus.
3. Prostratum vastâ Nemees in valle leonem,
4. Nobile & Herculeum fama canebat opus.
5. Prisca fides taceat; nam post tua munera, Cæsar,
6. Hæc jam femineâ vidinus acta manu.

VERS. 1. & 2. Non satis est, ô Cæsar, quod Mars, bellator Deus, arma invicta tractet in amphitheatro in tuam gratiam, dum viri armati feras conficiunt: ipsa Venus, ipsæ fœminæ, natura imbelles, generosæ, fortesque sunt.

3. *Nemees*. Nemea, seu Nemeæ, oppidum Pelopon-

nesi, Cleonis proximum: ubi sylva & vallis Nemæa, in qua Hercules leonem interfecit, vocatum idcirco Nemeæum, & Cleonæum.

5. Sileant antiquæ historie & fabulæ, quibus fidem adjungere soliti sumus.

Tua munera. Spectacula à te edita.

VI.

Ficti Laureoli verum supplicium.

1. Qualiter in Scythicâ religatus rupe Prometheus

2. Assiduam nimio pectore pavit avem.
3. Nuda Caledonio sic viscera præbuit urso.
4. Non falsà pendens in cruce Laureolus.
5. Vivebant laceri membris stillantibus artus,
6. Inque omni nusquam corpore corpus erat.
7. Denique supplicium dederat necis ille paternæ,
8. Vel domini jugulum foderat ense nocens.
9. Tempia vel arcano demens spoliaverat auro,
10. Subiiderat fævas vel tibi Roma faces.
11. Vicerat antiquæ sceleratus crimina famæ.
12. In quo, quæ fuerat fabula, poena fuit.

VERS. 1. *Qualiter.* Qui ob aliquod scelus necandi producebantur in amphitheatrum, illi, quod eorum poena plus afferret spectatoribus voluptatis, cgebantur sustinere personam alicujus fabulosæ historiæ. v. g. Herculis deflagrantis, Orphei à Mænadibus discerpti, &c. Reus aliquis, cum hæc Martialis scriberet, in crucem actus est in amphitheatro, & objectus urso: gerebat ille nomen, personamque sustinebat Laureoli cujusdam mimi & actoris qui in veteri Poëtæ Nævii comædia, cruci affixus fuerat, objectusque ficto urso, ac tragica, i. e. ficta, & scenica morte cæsus; hinc jocandi occasionem arripit Martialis.

Rupe. Caucaſo monte Scythiæ.

Prometheus. Japeti filius, adhibita, inquit Servius, ad solis rotam faculâ ignem furatus est, quo hominem à se factum è luto, animavit. Iratus Jupiter eum in Caucaſo religari per Mercurium jussit,

& aquilam seu vulturem apposuit, qui ejus cor exederet.

2. *Assiduam.* Nunquam cessantem die ac nocte Prometheus jecur depascere.

Nimio. Fœcundo in pœnas & renascente.

3. *Caledonio.* Caledonia pars est Scotiæ: ibi Caledonia sylva, in qua ursi erant immanes.

4. *Falsa.* Qualis erat illa, in qua histrio Laureolus penderat, in Nævii comædia.

Laureolus. Sicarius iste, cui nomen Laureoli Histrionis datum.

7. *Denique, &c.* Aut patrem necaverat, aut dominum ille Laureolus.

9. *Arcano.* Sacro, recondito. Vasa enim Sacra ex auro & argento, in adytis ac templorum secretiori & tutiori parte custodiuntur. Vel, aurum illud significatur, quod à civibus, custodiæ ac securitatis causa in templis deponeretur.

11. *Vicerat, &c.* Illum certe

A v

oportuit admisisse majora scelera quàm quæ in priscis historiis narrantur; siquidem veram pœnam & necem pertulit, quæ in histrione Laureolo ficta & ad severitatis specimen adumbrata tantùm fuerat: gravissima pœna

quàm excogitare tragœdia fabulosa potuerat, illi est verè imposita, ergo debuit esse valde sceleratus.

12. *Fabula.* Sæpè pro tragœdia usurpatur ea vox, aut pro comœdia. A verbo fari, quia inter se loquuntur actores

VII.

Dædalus fictus ab urso laceratus.

1. Dædale Lucano cùm sic lacereris ab urso,
2. Quàm cuperes pennas nunc habuisse tuas.

VERS. 1. *Dædale.* Dam-natus quidam ad bestias nomen & personam Dædali coactus est induere, tum ex aliquo pegmate (de pegmatibus vide Epig. 2.) excussus, ut Dædalum è labyrintho

evolantem exhiberet, decedit, & ab urso est laceratus. Lucania est pars Italiæ inferioris, ad meridiem prope Calabriam, ubi ursi majores aliis viscebantur & ferociores.

VIII.

Rhinocerotis pugna cum tauro.

3. Præstitit exhibitus totâ tibi, Cæsar, arenâ,
4. Quæ non promisit, prælia rhinoceros.
5. O quàm terribiles exarsit pronus in iras!
6. Quantus erat cornu, cui pila taurus erat!

VERS. 3. Rhinoceros in amphitheatrum promotus, tandem in pugnam exarsit, ad quam vix adduci posse sperabatur.

Arena. Locus vacuus & patens, qui ædificiis amphitheatri cingebatur, dicebatur arena, quia erat arenâ stratus & conspersus, tum ut certantes gladiatores absque offensione caderent, tum ut humus arenâ versatâ & mutatâ, renovari faciliè posset, cùm erat inquinata sangui-

ne. Dicebatur etiam Cavea, quia depressior erat.

Quæ non promisit. Aegrè irritantur ad pugnam Rhinocerotes, & iste, licet stimulis, igne, flagellis, incitatus, manebat immotus; cùm subitò in objectum taurum insiluit, & eum ut levem pilam totâ arenâ versavit.

Rhinoceros. Est animal ferum, paulò minori, quàm elephas, mole, cum quo, pugnare solet. Huic unum cornu est in extrema nare,

unde illi nomen: *πίς*, nasus
κέρας, cornu.

5. *Pronus*. Cornu submis-
so ad taurum iactandum.

6. *Quantus*. Quàm terribi-
lis, valens, &c.

Pila. Qui taurum, instar,
pilæ, iactaret. Interdum pi-

læ dicebantur simulacra ho-
minum facta stramine, quæ
vestibus rubris induebantur,
& tauris objiciebantur, ut
ad pugnam irritarentur. Eas
imagines tauri iactabāt cor-
nibus ut pilas, unde appella-
bantur vulgò pilæ.

IX.

Crudelitas vel in feris punita.

1. Læferat ingrato leo perfidus ore magistrum,
2. Ausus tam notas contemerare manus:
3. Sed dignas tanto persolvit crimine pœnas,
4. Et qui non tulerat verbera, tela tulit.
5. Quos decet esse hominum tali sub Principe
mores,
6. Qui jubet ingenium mitius esse feris?

VERS. 2. *Contemerare*.
Offendere, violare manus,
à quibus scilicet capiebat ci-
bum, toties sibi blanditas,
familiares & amicas.

4. *Verbera*. Magistri, ami-
cè sævientis, ut eum, v. g.
irritaret ad pugnam, &c.

Tela tulit. Pertulit necem
telis confixus Cæsaris jussu.

5. Quàm humanos & man-
suetos esse homines sub illo
Principe decet, qui etiam fe-
ras jubet mansuetas esse, pu-
nit illas quòd nimirum feræ
sint.

X.

Ursus visco implicatus.

1. Præceps sanguineâ dum se rotat ursus arenâ,
2. Implicitam visco perdidit ille fugam.
3. Splendida jam recto cessent venabula ferro,
Nec volet excussâ lancea torta manu.
5. Deprendat vacuo venator in aëre prædam,
6. Si captare feras aucupis arte placet.

VERS. 1. *Præceps*. Demis-
so capite: dum bestiam
persequentem trepidus ac ci-
tus fugit.

Sanguinea. In qua multæ
aliæ feræ cæsæ fuerant, &
ipse jam aliquot fortè vulne-
ra acceperat.

Serostat. In orbem agit, volvitque. Urso invalidum est caput, itaque cum urgeatur, illud anterioribus pedibus obtegit, & in orbem volutus plagas declinat. *Plin. l. 8. c. 35*

2. *Perdidit fugam.* Amisit fugiendi facultatem: coactus est sistere, implicitus visco

3. Nihil jam opus est ad venationem venabulis, quibus feræ cominus feriuntur; nec lanceis, quibus eminus; siquidem visco jam possunt capi: aucupium occupavit locum venationis.

Tecto. Tegere solebant ferarum venabuli, ac involvere, vaginâ, coryto, cum nullus ejus erat usus, post venationem: ne rubiginem contraheret, si apertum ac nudum esset. Legitur etiam *terso*, i. polito.

5. 6. Quid superest nisi ut feræ quoque in aëre vacuo volitantes à venatoribus deprehendantur & capiantur, ut aves: quandoque illæ, instar avium, capiuntur visco & aucupio. Deprehendi propriè dicuntur à venatoribus feræ; aves, captari.

XI.

De sue quæ ex vulnere peperit.

1. Inter Cæsareæ discrimina seva Dianæ
2. Fixisset gravidam cum levis hasta fuem,
3. Exiliit partus misere de vulnere matris.
4. O Lucina ferox, hoc peperisse fuit?
5. Pluribus illa mori voluisset faucia telis,
6. Omnibus ut natis triste pateret iter.
7. Quis neget esse satum materno funere Bacchum?
8. Sic genitum numen credite: nata fera est.

V E R S. 1. In cruenta & variâ, cum feris pugna & venatione, quæ in amphitheatro Cæsareo exercetur, Diana est Dea venationis præses.

4. O crudelis Lucina, itane levas onere matrem, dum eandem interficis? Hoccine est partus præsidem & adjutricem Lucinam habere? Lucina Dea partibus præerat.

6. *Triste iter.* Nempe vul-

neris. Unus tantus fœtus per vulnus editus erat, reliqui cum matre, mortui.

7. *Satum.* Natum, editum.

Materno. Semele fuit Bacchi mater: hæc fulmine percussa cum fuisset, Bacchus vivus extractus est ex ejus alvo.

8. Si fera per maternum funus & vulnus nata est, eodem modo nasci Deus potuit.

XII.

De eadem sue.

1. Icta gravi telo, confossaque vulnere, mater.
2. Sus pariter vitam perdidit, atque dedit.
3. O quàm certa fuit librato dextera ferro!
4. Hanc ego Lucinæ credo fuisse manum.
5. Experta est numen moriens utriusque Dianæ;
6. Quâque soluta parens, quâque perēpta fera est.

VERS. 5. *Utriusque*. Et venatrix, quæ feras perimit; & Lucinæ quæ partibus præest. Eadem enim dea Diana

| & Lucina vocabatur.

6. *Soluta*. Partu feliciter levata.

XIII.

De eadem.

1. Sus fera jam gravior maturi pignore ventris
2. Emisit fætum, vulnere facta parens.
3. Nec jacuit partus, sed matre cadente cucurrit,
4. O quantum est subitis casibus ingenium!

1. *Gravior, &c.* Jam partui proxima, gravida Filii, alumni, &c. & hoc loco per metaphoram, catuli vocantur pignora, quia sunt indicia, præmia & vincula matris

| conjugum fidei & amoris.

3. *Cadente*. Vulneratâ & moriente.

4. *Ingenium*. Opportunitas: ratio & via efficiendi aliquid.

XIV.

*Carpophorum venatorem Meleagro
& Herculi anteposit.*

1. Summa tuæ, Meleagre, fuit quæ gloria famæ,
2. Quantula Carpophori portio, fusus aper!
3. Ille & præcipiti venabula condidit urso,
4. Primus in Arctôi qui fuit arce poli:
5. Stravit & ignotâ spectandum mole leonem,
6. Herculeas potuit qui decuisse manus:
7. Et volucrem longo porrexit vulnere pardum:
8. Præmia cùm laudis ferret, adhuc poterat.

VERS. 1. 2. Aper à te , ô Meleagre , cæsus , qui summam tibi gloriam attulit , quantula , quàm exigua , est portio gloriæ illius , quam conficiendis in amphitheatro feris Carpophorus est adeptus ?

Meleagre . Meleager sive Meleagrus , Oenei Regis Ætolorum filius , immissum ab iratâ Dianâ in agros Ætoliæ prope urbem Calydonem , aprum , interemit . *Ovid.* 8. *Met.*

Carpophori . Erat adolescens venandi peritissimus , Imperatori carus : vicens in amphitheatro feras confecit , eodem die , ac uno spectaculo .

3. 4. Ille in pectore urfi in ipsum irruentis condidit suum telum venaticum , qui ursus primus erat , i. maximus , sævissimus , in Arctoi , id est , septentrionalis poli , plagâ .

Arctoi . Arctos , græca vox , ursam significat . Est autem ursa , cùm de astris agitur , signum septentrionale , prope polum . Ait igitur vates illum ursum qui à Carpophoro confectus est , fuisse

similē majori & primæ Ursæ : duo enim signa cœlestia idem nomen habent , alterum Ursa Major , & quasi prima dicitur ; alterum , Minor & secundæ magnitudinis .

Arx poli dicitur , quia , ut ait Virgilius de polo septentrion. *Hic vertex nobis semper sublimis* , &c. Scaliger pro *arce poli* legit *axe poli* , linea quippe à polo ad polum ducta , vocatur Axis : itaque per hanc vocem totus Polus septentrionalis designabitur .

5. *Ignotâ* . Inauditâ , mirabili .

6. Aut dignus erat ob immanem suam molem , quem Hercules ipse , monstrorum domitor , perimeret .

7. *Porrexit* . Extendit in arenâ interfectum .

8. Cùm laudem meritam & plausum spectatorum , pro præmio reportaret , *adhuc poterat* , adhuc validus & indefessus erat , perinde ac si pugnam ordiretur .

Posse , interdum absolute ponitur pro integris viribus esse , valere . *Virg.* XI. *Æneid.* *Hactenus , Aeca soror , potui.*

XV.

Taurus effigiem Domitiani secum attollens in Cælum .

1. Raptus abit mediâ quòd ad æthera taurus arenâ :
2. Non fuit hoc artis , sed pietatis opus .
3. Vexerat Europen fraterna per æquora taurus ;
4. At nunc Alciden taurus in astra tulit .
5. Cæsaris , atque Jovis cõfer nunc , Stella , juvêcos ,
6. Par onus ut tulerint , altiùs iste tulit .

V.1. *Raptus* Ex aliquo pegmate & machinâ profiliens. Describitur spectaculū quoddam in quo visus fuerat taurus in aërem subitò abreptus, & impositam dorso Domitiani effigiem, habitu Herculis effictam, in cœlum secum tollens, Estque sententia hæc: quod spectatus est taurus in cœlum veluti abreptus è mediâ arenâ, non tam id ars machinis suis effecit, quàm pietas ipsius Jovis filio suo Herculi faventis & machinas adjuvantis: imò latentis fortè in isto tauro ligneo & Domitianum attollētis in cœlum, ut olim in tauro latens Europen rapuit.

3. *Fraterna per equora* Jupiter in taurum mutatus per mare (quod est regnum sui fratris Neptuni) Europen Agenoris Phœnicum regis filiam raptam transvexerat in Cretam.

Alciden. Hercules ita vocatus est, vel à robore, ἀλκὴν robur, vel à patre suo Alceo.

6. O Stella (est nomen hominis, qui summus Martialis amicus erat, ad quem multa extāt epigrammata) compara

istos duos tauros, hunc qui Domitianum, illum qui Europen vexit, certè antepōnes taurum Cæsaris. Sunt qui legant hoc modo istum versum: *Cæsaris atque Jovis confer nunc schema; Juvenci paronus ut tulerint, &c.* Quam lectionem etsi non valde probō, explicabo tamen: compara duplicem hanc figuram & repræsentationem, id enim sonat ea vox græca, *ζῆμα*, primam in quâ Taurus Jovem repræsentans, sive Jupiter, in taurum mutatus, Europen portat: alteram, in quâ taurus ligneus cum impositâ Herculis effigie Cæsarem adumbrante, profilit è machinâ: licet illi juvenci seu tauri idem & æquale onus tulissent (quod tamen aliter se habet, quia unus puellam tulit, alter portat Herculem sive Cæsarem) tamen hic taurus qui vehit Cæsarem sub vultu Herculis, suum onus tulit altius, nempe in cœlum, atque adeo tauro Jovi est præferendus, qui Europen tantum usque in littus, in summâ aquâ, vexit.

6. *Ut.* Quamvis.

XVI.

Elephas ad pedes Imperatoris supplex advolutus.

1. Quodd pius, & supplex elephas te, Cæsar adorat:
2. Is modò qui tauro tam metuendus erat:
3. Non facit hoc jussus: nulloque docète magistro,
4. Crede mihi, numen sentit & ille tuum.

VERS. 3. *Jussus*. Per artem ac disciplinam institutus, | cente, suâ sponte, sentit & agnoscit te Deû esse: Domitianus Deum se vocari jussit.

XVII.

Leo à Tigride laceratus.

1. Lambere securi dextram consueta magistri
2. Tigris, ab Hircano gloria rara jugo,
3. Sæva ferum rapido laceravit dente leonem:
4. Res nova, non ullis cognita temporibus.
5. Ausa est tale nihil, silvis dum vixit in altis;
6. Postquàm inter nos est, plus feritatis habet.

VERS. 2. *Gloria rara*. Fera insignis ab Hyrcaniæ jugis, seu montibus Romam usque advecta. Tigres vix à venatoribus capiuntur ob pernecitatem.

Hircano. Est Hyrcania regio Asiæ, tigribus frequens, Pars, ut quidam volunt, Persidis, ad mare Cas-

pium, quod etiam Hyrcanum vocatur.

4. *Res nova*. Quia leo cæteris feris præstare dicitur robore & audaciâ: novum igitur est ac insolens, eum à tigride superatum vel, *Res nova*, quia hæc tigris erat mansueta & cicur.

XVIII.

Taurus ab Elephante interfectus.

1. Qui modò per totam, flammis stimulatus, arenâ
2. Sustulerat raptas taurus in astra pilas:
3. Occubuit tandem cornuto ardore petitus.
4. Dum facilem tolli sic elephanta putat.

VERS 1. *Stimulatus*. Ad pugnam irritatus & provocatus.

2. *Pilas*. Erant illæ pilæ simulacra quædam ad humanam effigiem facta, & fœno facta, vel stramine: quæ feris dilaceranda objiciebantur. Vide supra Ep. 8. & lib. 10. Ep. 75.

3. *Cornuto ardore*. Corni-

bus infestis & ardentibus ab irato & ardente elephante petitus, & percussus ejus cornu, i. dente, Elephantis dentes multi cornua vocitant, ut Oppianus, Varro, Ælianus, &c. Legit Ramiresius ex aliquot vetustis codicibus, *cornuto ardore petitus*, id est, toto conatu cornuum ardentium adortus

elephantem tollere, & ipsâ suâ violentiâ debilitatus, ac fractâ cervice exanimatus. Quo in loco vox *potitus*, est significationis passivæ, sonatque, victus, domitus. Sic Plautus dixit, *hostium potitus*, pro captus, oppressus ab hostibus. Aliqui simplicius, licet paulò durius le-

gunt, *Cornuto abs ore petitus*: nempe ab ore Elephantis, in quo dentes prominent instar cornuum.

4. *Sic*. Ut pilas. Nonnulli huc referunt duos versus mutilos, qui ad calcem hujus libri leguntur epigr. 29. *Cedere majori &c.* & hujus epigrammatis clausulam esse volunt.

XIX.

De duobus gladiatoribus à Cæsare populo concessis.

(phum :

2. Dū peteret pars hæc Myrinum, pars illa Triū-
2. Promisit pariter Cæsar utrâque manu.
3. Non potuit melius litem finire jocosam.
4. O dulce invicti Principis ingenium!

VERS. 1. *Peteret*. Cùm una pars populi spectantis ludos, postularet Myrinum, altera Triumphum, nempe ut alteruter, in arenâ decertaret, cū aliquo alio gladiatore putâ victore, qui jam alios multos confecisset. Tales vocabantur supposititii, *ἐφεδποι*, nempe qui cum palmariis & victoribus gladiatoribus manus conferebant. Erant fortasse illi Myrinus & Triumphus ex eorum numero quos Imperatores alere solebant domi suæ proprios ac peculiare gladiatores ad suas & populi delicias, ordinariis & publicis gladiatoribus valentiores & illustriores. dicebantur illi postulatii & fiscales. Pars una populi hunc petebat: pars altera, illum:

utrumque Cæsar liberaliter promisit, utrumque dedit, ambos inter se committens.

2. *Utrâque manu*. Hic gestus ab eo fit qui largè aliquid & liberaliter annuit.

Mos est militaris, (inquit Isidorus Originum lib. 1. c. 25. à P. Scriverio laudatus) *ut quoties consentiat exercitus quia voce nō potest, manu promittat*. Itaque mos è militia in arenam translatus est.

3. *Litem*. Populi contentionem, & studia in duas partes scissa: jocosam dicit, quia in re ludicrâ, ludoque gladiatorio versabatur ea contentio.

4. *Dulce invicti* Indulgentia est acumen: ~~Antithesi~~ hostibus invictus & inexorabilis est: civibus facilis & exorabilis.

M. Antithesi

XX.

Orpheus in Amphitheatro exhibitus.

1. Quidquid in Orpheo Rhodope spectasse theatro
2. Dicitur: exhibuit, Cæsar, arena tibi.
3. Repserunt scopuli, mirandaque silva cucurrit,
4. Quale fuisse nemus creditur Hesperidum.
5. Adfuit immixtū pecudū genus omne ferarum,
6. Et supra vatem multa pependit avis.
7. Ipse sed ingrato jacuit laceratus ab urso.
8. Hæc tamen ut res est facta, ita ficta alia.

V E R S. 1. 2. In arenā amphitheatri exhibitū tibi est, & Cæsar, quidquid olim factum & spectatum fuisse dicitur in Rhodope, Thraciæ monte, qui tanquam theatrum Orphei fuit, ubi canebat, audientibus & saltantibus saxi & sylvis. De Rhodope vide Epig. 3. hujus lib.

3. Repserunt. Dicuntur scopuli ab Orpheo canente tracti: hoc autem in arenā fiebat machinis quibusdam ligneis, montium speciem referentibus, quæ rotis subjectis & latentibus fidiculis producebantur, & movebantur.

4. Hesperidum. Fuerunt Hesperides Atlantis filiae, regis Mauritaniæ: coluerunt hortos à Poëtis decantatos, ubi aurea mala, quæ draco servabat, &c.

5. Pecudum ferarum. Animalium ferorum & immanium. Vox *ferarum* est hic

adjectiva. Libenter hic sequar Jani Gruteri conjecturam legentis, *pecudum genus omne, ferarumque*. Pecudes sunt animalia veluti domestica & mansuetiora, ut oves, tauri, canes. Feræ autem, immites & sylvestres belluæ, ut tigres, apri, &c.

6. Vatem. Orpheum. Erat ille aliquis reus Orpheum representans, ut Laureolum & Dædalum scelerati illi, de quibus mentio fit Epig. 6. & 7.

7. Ingrato. Qui beneficium Orphei canentis suavissimè, compensabat dirâ crudelitate & illatâ nece. De Orpheo lege Ovid. lib. Met. 10.

8. Hæc. Supplicium Orphei ficti.

Alia. Prisci Orphei historia fabula est: Is enim quod homines à ferino victu, moribusque deterruisset, dictus est & fictus tigres lenire, sylvas movere, &c.

XXI.

Rhinocerotis cum Urso pugna.

1. Sollicitant pavidum rhinocerota magistri,

2. Seque diu magnæ colligit ira feræ,
3. Desperabantur promissi prælia Martis:
4. Sed tamen is rediit cognitus ante furor.
5. Namque gravem gemino cornu sic extulit unū / 5
6. Jactat ut impositas taurus in astra pilas.

VERS. 1. *Sollicitant*. Ad pugnam provocant. Supra Ep. 8. & 18.

2. *Colligit*. Dum se longo tempore ad iram & pugnam excitat: dum in irâ concipiendâ moratur diutiùs.

3. *Promissi p. M.* Pugna Rhinocerotis cum Urso, promissa vel à munerario, id est, eo qui ludos edebat, vel ab Imperatore.

4. *Is cognitus*. Ille furor qui ante fuerat cognitus, cum idem Rhinoceros taurum jactavit & elisit. Vide epigr. 7. ubi quid esset Rhinoceros diximus.

5. *Gemino*. Duplex habet cornu Rhinoceros, ut aliqui

affirmant, alterum majus in extremâ nare; alterum minus, modico inter utrumque intervallo. Ita Pausanias lib. 9. illud minus cornu aliqui autores ponunt inter scapulas Rhinocerotis.

Ursum. Legunt aliqui *Urum*: est *Urus* bos sylvestris: voces illas (*gemino cornu*) ad *urum* nonnulli referunt; non ad Rhinocerotem: extulit ille *urum* gravem & metuendum cornu gemino, ac sanè *Uris* magna cornua & perampla, & Rhinoceros ob unum duntaxat cornu ferè celebratur.

6. *Pilas*. Vide Epig. 8.

XXII.

Laus Carpophori.

1. Dorica quàm certo venabula dirigit ictu
2. Fortis adhuc teneri dextera Carpophori!
3. Ille tulit geminos facili cervice juvencos;
4. Illi cessit atrox bubalus atque bison.
5. Hunc leo cū fugeret, præceps in tela cucurrit,
6. Inunc, & lentas corripe, turba moras.

VERS. 1. *Dorica*. Græca. *Dores* enim populi fuerunt Græciæ, in Achaïâ, inter Phocidem & Epirum. A Græcis autem feruntur inventa venabula. Adde quod in Doride est mons Pindus, in

quo arbores eximiae ad fabricanda hastilia. In aliis codicibus legitur: *Norica*. Est Noricum pars Germaniæ complectens Austriam, Stiriam, Carinthiam, Carniolam, Bavariae partem,

&c. in eo tractu ferrum optimum eruebatur ad enses, & venabulorum mucrones conficiendos.

2. *Teneri*. Juvenis.

3. *Tulit*. Portavit, nullo labore, impositos capiti suo, & humeris duos tauros à se interfectos. Nonnulli explicant illam vocem de ipsis tauris, qui fuerint.

Facili cervice, id est, habuerint cervicem mobilem & facilem versatilem, atque adeò facilius istum venabuli potuerint declinare: vocemque, tulit, exponunt, sustulit, interemit. Exponit hoc Petrus Scriverius de venatoris ipsius cervice, qui tauros in se irruentes inflexâ cervice, & obliquâ exceperit.

4. *Bubalus*. Plinius & Soli-

nus ajunt istud animal è cervino esse genere: alii ab Uro non distinguunt, sive sylvestri bove.

Bison. Animal sylvestre, cujus à media fronte inter aures unum cornu existit, ramis hinc inde, palmarum in morem, diffusis.

5. *In tela*. Aliorum venatorum: quasi minùs timeret ab aliis perimi, quàm occurrere Carpophoro.

6. *Inunc*. Solebat turba, populus, sæpè queri quòd bestiae tardiùs pugnarent, quòd bestiarii morarentur: nihil habes quod jam conqueraris, inquit Martialis: feras omnes ubi primùm Carpophorus aspicit, fugat, conficitque.

XXIII.

Naumachia.

1. Si quis ades longis serus spectator ab oris,

1. Cui lux prima sacri muneris ista fuit:

3. Ne te decipiat ratibus navalis Enyo,

4. Et par unda fretis: hic modò terra fuit.

5. Non credis? spectes, dum laxent æquora Martè,

6. Parva mora est, dices: hic modò pontus erat.

VERS. 1. 2. O tu quicumque seriùs ad ludos spectandos venisti ab regione distatâ; cui dies iste, quo datur Naumachia, est primus dies muneris sacri, seu initium spectaculorum: qui ab hac primùm die incipis interesse muneribus & spectaculis, cum aliis diebus, quando venationes editæ sunt, &

alia id genus, nondum advenisses.

2. *Sacri*. Ludi vocabantur sacri, quia, venationes Dianæ: gladiatoria munera Saturno & Marti, Naumachiae Neptuno, sacrae erant ac dedicatae: vel quia dabantur ab Imperatore, cui adulatur hæc voce.

3. 4. Noli decipi dum vides

in amphitheatro navale bellum exhiberi instructis navibus ; dùm cernis spatium aquâ plenum par toti freto ; noli credere hic reverâ fretum esse : hîc modò , 1. antequam advenires , terra & sicca arena fuit .

Enyo . Bellona , Dea belli præses , Martis soror .

5. Si non id credis mihi dicenti , expecta & contemplare donec æquora , dum aquæ emissæ ex arenâ , laxent , dirimantque navale bellum ac Naumachiam , quasi di-

mittant ac solvant ; ei finem imponant .

6. *Dices* , &c. Miraberis aream siccam & arenam esse , ubi pontum videras : erumpes in istas voces ; quî fieri tam citò potuit , ut ibi terram & solum videam , ubi modò mare , navesque aspexi ? Porro Naumachia significat navalem pugnam ; *ναῦς* , navis , *μάχη* , pugna . Interdum est locus , ubi ejusmodi pugnae navales & ludicrae fiunt .

XXIV.

De Nereidibus in amphitheatro Naumachia natantibus .

1. Lusit Nereidum docilis chorus æquore toto ,
2. Et vario faciles ordine pinxit aquas ,
3. Fuscina dente minax , nexu fuit anchora curvo :
4. Credidimus remum , credidimusque ratem :
5. Et gratum nautis fidus fulgere Laconum ,
6. Lataque perspicuo vela tumere sinu .
7. Quis tantas liquidis artes invênit in undis ?
8. Aut docuit lusus hos Thetis , aut didicit .

VERS. 1. *Nereidum* . Erant illæ Nerei & Doridis filia , maris Nymphæ .

Docilis chorus . Turba probè docta certo modo & ordine natare . Chorus est propriè turba saltantium & canentium , inter se juncta manibus aut vocibus .

Æquore toto . Toto Naumachia spatio .

2. *Faciles* . Mobiles , facile cedentes .

Pinxit . Sulcatur unda , & quasi describitur à natanti-

bus . Nereides variis modis compositæ varias figuras in aquâ summâ expresserunt .

3. *Fuscina* . Tridens , telum Neptuni . In fuscinae morem natatores isti Nereidum cultu vestiti , se composuerunt .

4. Nereides natantes ita se disponebant , ut imitarentur formam ac figuram remi , anchoræ , tridentis , ratis : adeò ut eas ipsas res nobis in undis cernere videremur .

5. *Laconum* . Castoris &

Pollucis, qui Dii Lacones appellabantur, quia nati sunt Mycenis, urbe Laconiae in Graecia. Facile porro fuit representare in Naumachia duas stellas velut pendentes in aëre, quomodo Lacones pinguntur: vel duos pueros summo in velo pendulos, quales Castor & Pollux vul-

gò exhibentur. De Castore & Polluce aliis in locis fusiùs agitur. Indicem consule. Et epigr. 32. lib 1.

6. *Perspicuo*. Pellucido.

3 *Hos* Superant humanam artem isti ludi: aut docti sunt à Thetide, maris Dea, aut potius ipsa Thetis eos didicit à Cæsare majore Deo.

XXV.

Carpophorum Herculi, & aliis monstrorum domitoribus anteposit.

1. Sæcula Carpophorum, Cæsar, si prisca tulissent;
2. Jam nullum monstris orbe fuisset opus.
3. Nō Marathon taurum, Nemeæ frondosa leonē,
4. Arcas Mænalianum non timuisset aprum:
5. Hæc armata manus Hydræ mors una fuisset,
6. Huic percussa foret tota Chimæra semel.
7. Ignipedes, posset sine Colchide vincere tauros:
8. Solvere & Hesionen solus, & Andromeden,
9. Herculeæ laudis numeretur gloria: plus est,
10. Bis denas pariter perdomuisse feras.

V. 2. Nullū ampliùs opus, seu labor ac negotium fuisset orbe, seu in orbe, monstris domandis, in monstris extinguendis: vel non fuisset orbis peragrandus ad extinguenda monstra, omnia uno in amphiteatro, eodem tempore confici à Carpophoro potuissent: vel, non opus fuisset monstris ad orbem ob scelera puniendum & vexandum, inutilia fuissent: Carpophorus enim omnia facile domuisset.

3. *Marathon*. Est urbs Atticæ, non procul Athenis. Neptunus iratus Minos Cre-

tensium regi, taurum ignivomum in Cretam immiserat, adduxit hunc à Creta Hercules in campum Marathonium, ibique occidit. Eum alii à Theseo interfectum volunt.

Nemeæ. De Nemeâ sylvâ vide Epig. 5.

4. Arcades non timuissent aprum Mænalianum. Aper ferocissimus vastabat agros circa Mænalian urbem Arcadiæ, aut circa Erymanthum ejusdem Arcadiæ montem & oppidum, hunc Hercules interfecit.

5. 6. Hæc manus, nem-

pe Carpophori, armata, unâ morte, uno ictu hydram peremisset, & uno vulnere chimæram sustulisset. Quæ monstra non nisi multis vulneribus, & quasi multis mortibus, ab Hercule fuere confecta.

Hydræ. Hydra serpens fuit in Lerna, Græciæ palude: illi plura capita, quorum unum si secaretur, alia duo renascebantur. Hoc monstrum multo labore domuit Hercules.

6. *Chimæra.* Monstrum fuit in Lycia, è tribus, ut fabulantur, conflatum feris, leone, caprâ, & dracone: domitum est à Bellerophonte.

7. *Ignipedes.* Pernices, instar ignis. Jason, adjuvante Medea, aureum vellus abstulit, servatum à tauris ignivomis, Ovid. 7. Met. Legitur etiam *Æripedes*, 1. quorum pedes instar æris solidi erant.

7. *Colchide.* Sine ope Me-

deæ, quæ Colchis appellatur, quia Æta ejus pater, Colchorum rex erat: ipsa quoque regio Colchis dicitur: Est in Asiâ, prope Pontum.

8. *Hesione.* Hesione Laomedontis Trojanorum regis filia, postulante Neptuno, qui erat iratus Laomedonti, exposita ceto, liberata est ab Hercule. Ovid. xi. Met.

Andromedæ. Erat filia Cæphei regis Æthiopiæ: cujus mater Cassiope cum Nereides contempsisset, coacta est exponere suam filiam, & objicere ceto. Hæc à Perseo soluta fuit. Ovid. 4. Met.

9. 10. Numerentur labores Herculis & monstra, quæ ipsi tantam fortitudinis laudem & gloriam attulerunt, ejus labores & palmæ vix 12. reperientur: Carpophorus 20. monstra perdomuit uno tempore, eodem spectaculo.

XXVI.

Titî Naumachiam, Augusti, & Claudii & Neronis Naumachiis anteponit.

1. Augusti laudes fuerant, committere classes,
2. Et freta navali sollicitare tubâ.
3. Cæsaris hæc nostri pars est quota? vidit in undis:
4. Et Thetis ignotas, & Galatea feras:
5. Vidit in æquoreo ferventes pulvere currus,
6. Et domini Triton ipse putavit equos.
7. Dumque parat sævis ratibus fera prælia Nereus
8. Abnuît in liquidis ire pedester aquis.
9. Quidquid & in Circo spectatur, & Amphitheatro,
10. Dives Cæsarea præstitit unda tibi.

11. Fucinus, & pigri taceantur stagna Neronis:

12. Hanc norint unam sæcula Naumachiam.

V E R S I. Committere classes, id est, inter se componere ad pugnam, alias aliis objicere.

2. *Freta.* Aquam in amphitheatrarum inductam instar maris.

Sollicitare. Movere, personare, ad pugnam excitare.

Tuba. In pugnis navalibus est etiam in usu tuba.

3. 4. Quantula hæc portio est eorum quæ à Tito sunt facta? Simplicem videlicet Naumachiam, id est, navium pugnam Augustus exhibuit: addidit Titus monstra marina ignota, quæ nec viderat Thetis, nec Galatea, (Dæ sunt marinæ.) Imò pugnas ferarum inter se, quas docuit facere in aquis id omne quod in arena, in terra, facere consueverant. Induxit etiam currus & alia omnia quæ fieri solerent in solo sicco, & caveâ amphitheatri.

5. *Ferventes.* Incitatos summa celeritate.

Æquoreo pulvere. In æquore, quasi in arena, & pulvere.

6. *Domini.* Neptuni. Putavit Triton se in vero mari esse, & equos Neptuni agitare.

Triton. Monstrum est marinum à quo Neptuni currus agitur: superiori parte hominē referēs; inferiori piscem.

7. 8. Dum Neptunus rantes instruit ad navale cer-

tamen, noluit incedere per aquas pedibus, ut poterat; curru vehi maluit. Visebatur nempe effigies quædam Nereum seu Neptunum curru inductum repræsentans: inde navalem aciem ordinabat, &c.

9. *Circo.* Erat circus spatium fere rotundum & clausum, instar oblongi circuli: circa illud erant ædificia & porticus, unde spectabantur varia certamina, præsertim curulia, in quibus currus circa positas in extremo circo metas circumagebantur.

10. *Cæsarea.* Titi Cæsaris. In ea voce, ultima syllaba producitur ob duas consonantes sequentes in voce *præstitit*: exhibita sunt in unda per Cæsarem immissa, omnia spectacula, quæ in circo solent exhiberi.

Tibi. O Spectator.

11. Non jactet Claudius Imperator suam Naumachiam in lacu Fucino; neque Nero, piger ille Imperator & otiosus alteram, quam exhibuit in suo amphitheatro. hæc una Titi Naumachia digna est quæ immortalis posteritatis memoriâ celebretur.

Fucinus. Lacus est in Italia, in Latio & Marforum regione, nunc *Lago di Celano*, vel *Lago di Marso* & dicitur *Tagliacozzo*. De illo vid. Plin. lib. 3. c. 12. & lib. 36. c. 15.

XXVII.

*Duo gladiatores mutuis vulneribus
victores & victi.*

1. Cū traheret Priscus, traheret certamina Verus,
2. Effet & æqualis Mars utriusque diu:
3. Missio sæpè viris magno clamore petita est;
4. Sed Cæsar legi paruit ipse suæ.
5. Lex erat, ad digitum positâ concurrere palmâ:
6. Quod licuit, lances donaque sæpè dedit.
7. Inventus tamen est finis discriminis æqui;
8. Pugnavere pares: succubuerunt pares.
9. Misit utrique rudes, & palmas Cæsar utrique;
10. Hoc pretium virtus ingeniosa tulit.
11. Contigit hoc nullo nisi te sub principe, Cæsar:
12. Cū duo pugnarent, victor uterque fuit.

VERS. 1. *Traheret*, In longum duceret, altero alterum superare non valente.

3. Populus rogavit magno clamore ut viris illis daretur ab Imperatore missio.

Missio. Cū læsus gladiator, & dejectus, jamque ab adversario interficiendus vitâ petebat à principe aut populo, eamque in unum diem impetrabat, illi dari missio dicebatur: si negaretur missio, interficiebatur.

5. Lex ea posita fuerat à Cæsare ut concurrerent, si ve certarent, propositâ victori palmâ, ad digitum, id est, donec eorum alter victus, digitos seu manus protenderet, seque victum ultro fateretur: quod neutri istorum facere certum erat. Victos se fatebantur gladiatores digito sublato. Victor exclamabat, *hoc habet*: vic-

tus manus protendebat & submittebat arma. Noluit hanc suam legem perfringere Imperator. Aliter hoc ipsum explicat P. Sriverius. Cū videret, inquit, Cæsar neutrum ab altero vincicertando posse, jussit ut micatione digitorum inter se palmam sortirentur: displicuit lex magnanimis gladiatoribus; redintegrato certamine, tandem ambo procubuerunt: ita uterque victor, uterque victus fuit. Micare porro digitis, est digitos certo quodam modo agitare, attollere vel deprimere, quod sæpè ludo, interdum sortitioni servit.

6. Misit populo cibos Imperator, & alia munera, ut moram longioris pugnæ, atque adeo negatam à Cæsare gladiatoribus missionem, æquiore animo ferret; quod ip-

se salva sua lege facere poterat, non vero gladiatoribus missionem dare.

Lances. Opsonia in lancibus.

8. *Pares*. Simul alter ab altero vulneratus & victus, non tamen peremptus.

9. *Rudes*. Erat rudis, scipio quidam ligneus, vel gladius, quo donabantur gladiatores, emeriti, adeo ut ab omni certandi, nisi vellēt,

necessitate immunes essent. Itaque plus multo quiddam erat, quàm missio.

10. Isto donati sunt præmio ob suam fortitudinem, mirabili quodam pugnae exitu celebrandam, & industriam pugnantium, cum uterque alterum læsisset ac vicisset.

Ingeniosa. Propter insolitum pugnae eventum: vel certantium artem. Vide Epigr. 13.

XXVIII.

Dama Cæsaris pedibus advoluta.

1. Concita veloces fugeret cùm dama molossos,
2. Et variâ obliquas necteret arte moras:
3. Cæsaris ante pedes supplex, similisque roganti
4. Constitit; & prædam non tetigere canes.
5. Numē habet Cæsar, sacra est vis, sacra potestas,
6. Credite: mentiri non didicere feræ.

Legitur hoc epigramma in quibusdam codicibus, estque simillimum decimo sexto, quod tu vide.

XXIX.

A quo vinci turpe sit.

1. Cedere majori, virtutis fama secunda est:
2. Illa gravis palma est, quā minor hostis habet.

Mutilum hoc epigramma est: sententia illius hæc: Majori hosti cedere & fortiori, laudem habet quamvis secundam; primam enim & maximam ille fert laudem, qui majorem aut certè parem vincit; nullam, qui minorem & inferiorem superat: durum vero est minori & inferiori cedere, ab eo vinci.

XXX.

Excusat epigrammata parum elaborata.

1. Da veniam subitis: non displicuisse meretur,

2. Festinat, Cæsar, qui placuisse tibi.

Da, &c. Videtur hæc esse clausula cujusdam Epigrammatis quod interciderit, quo

carminum ex tempore scriptorum festinationem excusaret Cæsari.

XXXI.

In Domitianum.

Flavia gens, quantum tibi tertius abstulit heres!
Pæne fuit tanti non habuisse duos.

Flavia gens. O Flaviorum familia quantum tibi gloriæ Domitianus abstulit! Prope-
modum satius fuisset, non habuisse duos præstantissimos Imperatores ex ea domo, Vespasianum & Titum, quàm hunc teterrimum ac patri fratrique, dissimillimum.

Antiquus interpres Juvenalis ad Sat. iv. profert hoc epigramma, seu fragmentum

epigrammatis, in Domitianum à Martiale scripti: quod si est à Martiale conditum, id contigit post Domitiani mortem, eo enim vivente nunquam id ausus esset. Sanè constat omnia quæ leguntur in hoc spectaculorum libello carmina, non eodem fuisse vel tempore, vel Imperatore scripta.





M. VAL. MARTIALIS

EPIGRAMMATUM

L I B E R I.

EPISTOLA.

Ait se mores hominum describere, personis & nominibus parcere: rogat ne quis pejorem in partem suos versiculos explicet: denique, si quid est à se liberius paulò, & licentius dictum, excusat.



PERO me secutum in libellis meis tale temperamentum, ut de illis queri non possit quisquis de se bene senserit; cùm, salva infimarum quoque personarum reverentia, ludant: quæ adeo antiquis auctoribus defuit, ut nominibus non tantùm veris abusi sint, sed etiam magnis. At mihi fama viliùs constet, & probetur in me novissimum ingenium. Absit à jocorum nostrorum simplicitate malignus interpres, nec epigrammata mea scribat. Improbè facit qui in alieno libro ingeniosus est. Lascivam verborum licentiam, id est, epigrammaton linguam excusarem, si meum esset exemplum. Sic scribit Catullus, sic Marfus, sic Pedito, sic Getulicus, sic quicumque perlegitur. Si quis tamen tam ambitiosè tristis est, ut apud illum in nulla pagina latinè loqui fas sit, potest epistolâ, vel potiùs titulo contentus esse. Epigrammata illis scri-

buntur, qui solent spectare Florales. Non intret Cato theatrum nostrum; aut si intraverit, spectet. Videor mihi meo jure facturus, si epistolam versibus clausero.

Spero, &c. Arbitror eam in scribendo moderationem à me fuisse adhibitam, ut de meis epigrammatis queri jure possit nemo, qui nullius sceleris conscius sibi ipse fuerit.

Cum, &c. Cum neminem vel infimæ sortis hominem lædant.

Ludent. Ludere apud Poëtas est scriptitare aliquid, præfertim joculare ac venustum.

Abusi sunt. Id est, non tantum homines infimos & obscuros, in suis epigrammatis vero nomine & suo singulos appellarint: sed etiam homines magnos, nobiles, claros. Is autem non tam jocorum & epigrammatum usus est, quam abusus.

Magnis. Ut Cæsarum, Pompejorum, &c.

At mihi, &c. Ego verò malim minorem consequi famam & gloriam, quàm illam querere claris hominibus ambitiosè insectandis: malo gloriam è vilibus & obviis argumentis ac nominibus ignotis petere, &c. Major est fama scriptoris & illustrior cum in nobiles scribit, at caro ea fama & periculoso emitur.

Novissimum. Ultimum: ultimo loco laudetur in me ingenium: primo loco laudetur probitas, reverentia viris magnis debita, quam si reti-

nere nequeo, malo ingenii laudem amittere.

Malignus. Qui eos in pejo-rem partem interpretetur, sic illos accipiendo, quasi aliquem descriptum & notatum iis velim.

Scribat. Sua illa faciat, malignè interpretando, quæ mea sunt, si simpliciter explicentur. Vel: *Scribat*, id est, *inscribat*. Ne apponat quasi titulum meis epigrammatis, perinde ac si in hunc illumve, cujus nomen iis præfigat, fuerint composita.

Ingeniosus est. Vult ingenium suum iniquis interpretationibus & à mente auctoris alienis, ostendere.

Si meum esset exemplum. Si ea res à me primùm fieret, si primus omnium scriberem licentiùs.

Ambitiosè. Putidè, obstinatè, famam è tristitia, hoc est, severitate & austeritate ista, captando.

Latine. Id est, clarè, simpliciter & apertè, suis vocabulis res indicando licèt subobscenas, &c.

Cato. Ille Uticensis, notæ severitatis. Eo nomine indicatur austerus quicumque cæsor, & vir gravis. Jampridem enim Cato vixerat, qui sibi attulit manus Uticæ post pugnam Pharsalicam. Vide Epig 9. Nepos erat M. Porci

Catonis qui Censorius est nuncupatus, ejusdem severitatis ac probitatis.

Florales. Subaudi, ludos: illi celebrantur in honorem Accæ Tarratiæ, olim famosæ meretricis, quæ postea sub Deæ Floræ nomine, fuit culta & consecrata. Hæc popu-

lum Romanum moriens heredem dixerat ea lege, ut editis ludis suum natalē diem quotannis celebraret. Pleni erant Florales ludi, spurci- tiæ ac turpitudinis. Vide Augustinum de Civitate Dei lib. 4. c. 8.

EPIGRAMMA I.

Catonis severitatem reprehendit.

1. Nosses jocosæ dulce cū sacrum Floræ,
2. Festosque lusus, & licentiam vulgi,
3. Cur in theatrum, Cato severe, venisti?
4. An ideò tantū veneras, ut exires?

V E R S. I. *Floræ sacrum*. Diem sacrum seu festū Floræ celebrari cū scires. Ludi Floræ, seu Floralia, ut in epistola explicanda diximus, insigni licentia celebrabantur: eos aliquando ut spectaret ingressus in theatrum Cato fuerat: populum lasciviæ suæ & proterviæ, tanto spectatore, quasi reprehensum & admonitum puduit: quod ubi

Cato intellexit, discessit e theatro, ne populo molestus esset. Isto exemplo lectores suos admonet Martialis, ut epigrammata sua non legant, si severiores esse velint. Certè castis oculis legi omnia non possunt: itaque merito submoventur obscena, tenebrisque damnantur, vel Catone, homine ethnico, iudice.

II.

Sibi adhuc superstiti gloriam immortalem partam esse gratulatur.

1. Hic est, quem legis, ille quem requiris,
2. Toto notus in orbe Martialis
3. Argutis Epigrammatōn libellis:
4. Cui, Lector studiose, quod dedisti
5. Viventi decus atque sentienti,
6. Rari post cineres habent Poëtæ.

V E R S. I. &c. Ego ille sum | præ manibus, ô lector; cele-
Martialis, cujus librum habes | bratus toto orbe propter ar-

guta, quæ scripsi, epigrammata. Qui, te tribuente, famam sum eam vivens ac sentiens consecutus, quam poëtæ ceteri mortui vix cōsequuntur.

6. *Post cineres.* Post obitum: quia olim apud Romanos corpora cremabantur, & cineres urnâ condebantur.

III.

Lectorem hortatur ut suos emat libellos, & ubi venales prostent, docet.

1. Qui tecum cupis esse meos ubicunque libellos,
2. Et comites longæ quæris habere viæ;
3. Hos eme, quos arctat brevibus membrana tabellis:
4. Scrinia da magnis, me manus una capit.
5. Ne tamen ignores ubi fini venalis, & erres
6. Urbe vagus totâ: me duce certus eris.
7. Libertum docti Lucensis quære Secundum,
8. Limina post Pacis, Palladiumque forum.

VERS. 3. *Arctat.* Angustos & minoris molis facit: qui continetur paucis & brevibus tabellis è membrana factis. Est autem membrana, pellis animalium, ad scribendum polita. Hæc interdum unica & longior in toto libro erat: interdum in varias pagellas, & tabellas divisa, quæ simul omnes compingebantur. Arctiores & minores libri, qui manu capi possent, vulgo vocabantur Enchiridia, *ἐγκυρίδια*: majores, volumina dicebantur, quia scripti erant in perpetua membrana circa bacillum ligneum involuta.

4. *Scrinia.* Ingentes libros repone domi & serva in scriniis, sive arculis & capsis: ego, id est, meus liber, ge-

stari facile, & manu capi possum.

6. *Duce.* Docente viam, & bibliopolam monstrante.

7. *Lucensis.* Romani cujusdam nobilis qui Lucensis appellatur, libertum eruditum, nomine Secundum, quære: is tabernam librariam habet post templum Pacis, & Forum Palladium. Hoc forum postea forum Nervæ dictum est: inchoatum à Domitiano, perfectum deinde à Nerva; inter Capitolium & Quirinalem Montes positum; vocabatur etiam Palladium à vicino Palladis templo: item transitorium, quia per illud ultro citroque multi commeabant. Porro ea vox *Lucensis* proprium viri nomen est, non appellativum: Et si Luca urbs & respublica

nunc Italiæ sit. Suspiciatur tamen Turnebus *Secundum* non esse viri nomen, sed appellativum, atque in li-

bertis alios primos, alios secundos, &c. appellatos fuisse refert, in suis *Adversariis*.

IV.

Librum suum exire gestientem admonet.

1. Argiletanas mavis habitare tabernas,
2. Cùm tibi, parve liber, scrinia nostra vacent.
3. Nescis, heu, nescis dominæ fastidia Romæ:
4. Crede mihi, nimum Martia turba sapit.
5. Majores nusquam ronchi: juvenesque, senesque,
6. Et paeri, nasum rhinocerotis habent.
7. Audieris cùm grande sophos, dum basia captas,
8. Ibis ab excusso missus in astra fago.
9. Sed tu, ne toties domini patiare lituras,
10. Nève notet lusus tristis arundo tuos;
11. Ætherias lascive cupis volitare per auras,
12. I, fuge; sed poteras tutior esse domi.

VERS. 1. *Argiletanas*. Argiletum erat locus quidam Romæ, haud procul theatro Marcelli; in quo tabernæ bibliopolarum. Sic dictus est à quodam Argo duce Argivorum, qui ab Evandro exceptus hospitio, cùm in affectati regni suspicionem venisset, ab Arcadibus, inscio Evandro, interfectus est: cui postea Evander tumulum erexit quem de nomine ejus Argiletum appellavit. Lege Virgilium 8. *Æneid.* versu 346.

2. Cùm in meis scriniis & arculis locus sit vacuus & patens, ubi manere, quasi domi tuæ, tutò possis.

3. *Fastidia*. Criticorum morosam severitatem, hominum judicia poëtis parum æqua.

Dominæ. Urbium principis, atque adeo fastidiosæ.

4. *Martia turba*. Romani plus æquo sunt ingeniosi & docti. Mars Romuli pater.

5. *Ronchi*. Ronchus, est sonitus qui editur naso, à stertentibus, quo sæpe utuntur qui quid contemnunt; quasi significarent adeo ineptum illud esse ut malint stertere quàm id videre, vel audire. Sensus est, nullos esse homines Romanis fastidiosiores.

6. *Nasum Rhinocerotis*. Longum nasum & acutum: quia Rhinoceros in procero & acuto naso ingens habet cornu, &c. Vide librum superiorem de Spect. Ep. 8. & 21. Habere nasum Latinis est, irrisorem esse; interdum esse acri, mordaci, & acuto judi-

cio, quali ferè sunt risores & cavillatores. Nasus calliditati tribuitur, ut frons pudori, &c.

7 Cum te laudari audieris.

Hac voce, Sophos, σοφῶς, id est, doctè, utebantur cùm plaudebant: istis etiam *Euge, Bellè*, &c.

Basia. Oscula: dum ambis gratulationes, dum plausum consecretaris. Amicos osculari solebant, item eos quos probarent, & quibus plauderent. Legitur etiam, *Dum basia jactas*. Quo verbo usum esse Phædrum lib. 5. Gruterus observavit: *Jactat basia tibicen*, &c.

8. Te tuus lector, excussa veste per jocum projiciet in aërem ac subsilire coget.

Sago. Propriè sagum est

vestis militum: hic pro qualibet ponitur. Metaphora sumitur ab iis qui ut aliquem irrideant, solent eum in aliquo stragulo, cujus oras & extrema teneant manibus, versare & excutere.

9. *Domini*. Heri tui, poëtæ: meas lituras, qui te emendo.

10. Neve ego arundine, id est, calamo, deleam ea quæ pravè scribis: ludere dicuntur Poëtæ cùm quid licentius & liberius scribunt. Notare propriè dicebantur Censores, cùm aliquem arguebant, damnabant, afficiebant ignominia, vel pœnâ.

11. *Lascive*. Proterve, petulans. *Velitare* & Exire foras, prodire in vulgus.

V

Cæsarem orat ut æquo animo libros suos legat.

1. Contigeris nostros, Cæsar, si fortè libellos,
2. Terrarum dominum pone supercilium.
3. Conluevère jocos vestri quoque ferre triumphi,
4. Materiam dictis nec pudet esse Ducem.
5. Quâ Thymelen spectas, derisoremque Latinū,
6. Illâ fronte, precor, carmina nostra legas.
7. Innocuos censura potest permittere lusus:
8. Lasciva est nobis pagina, vita proba est.

VERS. 4. *Ducem*. Cùm triumphabant Imperatores, solebat miles jociis liberioribus, conviciisque, in eum ipsum qui triumphabat jacendis, indulgere. Non pudet igitur ipsum ducem esse materiam dictorum, id est, di-

steriorum & jocorum, quæ in illum dicuntur.

5. *Thymelen* Erat Thymele Latini, histrionis famosi, uxor; utriusque actione mimica delectabatur plurimum Domitianus. Vox ista *Thymele* significat etiam pulpi-

tum, scenam.

7. Potest vel rigidissimus censor permittere innocentem ludum & liberum.

8. Quis id credat? Perinde

quasi scriptor improbus, esse vir probus possit, qui totidem ferè improbos, quot lectores, efficiat.

VI.

Respondet Imperator Martiali.

1. Do tibi Naumachiã, tu das Epigrammata nobis.

2. Vis, puto, cum libro, Marce, natare tuo.

VERS. 1. 2. Dum edo Naumachiam, tu offers nobis epigrammata. Factum bene, adest commodum aqua, in quã malum poetam cum suo libro

& munere levi, ac intemptivo, projiciam. Jocatur. De voce, Naumachia, vide librum Spectac. Ep. 23.

VII.

Leonem Cæsaris cum Jovis aquila comparat.

1. Ætherias aquilã puerum portante per auras,

2. Illæsum timidis unguibus hæsit onus:

3. Nunc sua Cæsareos exorat præda leones,

4. Tutus & ingenti ludit in ore lepus.

5. Quæ majora putas miracula? summus utrique

6. Auctor adest; hæc sunt Cæsaris, illa Jovis.

VERS. 1. 2. Cum olim aquila à Jove missa, sive ipse Jupiter mutatus in aquilam, Ganymedem per auras portaret, hæsit puer sine damno inter ungues aquilæ veluti metuentis ne illum læderet.

Puerum. Ganymedem, Troie Regis Trojanorum filium, à Jove raptum, ut superis nectar in cælo misceret.

3. Nunc lepores, licet à leonibus, quos in amphitheatrum Cæsar produxit, nullo perimi negotio queant, ac præda leonibus certa & sua

sint, vitam tamē ab ipsis impetrant & exorant imo tuti ludunt in eorum ore.

6. Auctor & artifex utriusque miraculi est maximus, Cæsar & Jupiter, atque adeo, utrumque par & æquale est: nisi fortasse hoc ultimum, ut pote difficilius, nempe quod lepores in leonum ore aperto impune ludant, majorem Deum videtur postulare. Sic Domitianum, qui se Deum jubebat appellari, Jovi vel anteponebat, vel certè exæquat. Legitur utrisque in optimæ notæ codicibus.

VIII.

Laudat Stellæ poëtæ carmen de columba.

1. Stellæ delictum mei columba,
2. Veronâ licet audiente dicam,
3. Vicit, Maxime, passerem Catulli.
4. Tantò Stella meus tuo Catullo,
5. Quantò passere major est columba.

VERS. 1. *Stellæ*. Erat hic poëta Martiali amicissimus: columbam habebat in deliciis, eam mortuam erudito carmine deflevit, ut Catullus passerem, mellitis versiculis, qui extant: *Lugete ô Veneres, &c.* Catullo Stellam præfert.

Columba. Carmen de columba.

2. *Verona*. Erat Catullus Veronensis: est Verona, urbs Italia, *Verona*, ad fluvium *Atthesim*: à Gallis olim condita,

& ab eorum duce Brenno dicta primùm Brenona. Justin. lib 20. Natus est Catullus anno U. C. 667. scripsit inprimis epigrammata: Est in eo præcipuus candor Latini sermonis, legendus est tamen cautim propter obscenitatem admixtam.

4. *Tuo*. Quem ita admiraris. Tanto major est Stella Catullo, quantò columba est major passere.

IX.

Fortitudo sapientis.

1. Quòd magni Thraseæ, consūmatique Catonis
2. Dogmata sic sequeris, salvus ut esse velis;
3. Pectore nec nudo strictos incurris in enses:
4. Quòd fecisse velim te, Deciane, facis.
5. Nolo virum, facili redimit qui sāguine famam:
6. Hunc volo, laudari qui sine morte potest.

VERS. 1. *Thraseæ*. Thraseas Pætus, Romanus fuit omni virtute ornatissimus: à Nerone qui tantam probitatem ferre non poterat, mori iussus.

Catonis. Cato ille, de quo hic sermo est, Uticensis dictus fuit, quia se Uticæ, (est

urbs Africæ) interfecit, ne veniret in Cæsaris victoris potestatem: homo, ut ait Vellejus, per omnia Diis quàm hominibus propior, omnibus humanis vitiis immunis, &c.

Consummati. Virtutibus omnibus perfecti.

2. *Dogmata*. Effata Stoicæ

B v j

disciplinæ, quam sequebantur Thræseas & Cato, quæ summum bonum in honestate & virtute ponit, sed quæ docebat obeundam esse mortem, imò laceffendam, ut periculum & ignominia vitaretur: contra sentiebat Decianus, licet secta Stoicus.

Salvus. Vivus, incolumis. Ita Stoicam virtutem amas, ut vitam non oderis, ut adversam ferre fortunam vivendo, quam fugere moriendo malis.

4. Facis probè, meo iudicio: nō aliter facere te velim.

5. Non probo virum qui famam constantiæ & fortitudinis, emit morte, qua nihil facilius: hunc probo qui eam vitā sanctè, ut facis, degendā, consequitur: laudabilior mihi videtur qui vivere sapienter, quam qui mori fortiter, potest. Legunt nonnulli in secundo versu *Talis ut esse velis*: sensus est; sic Stoicos sequeris, ut esse, & porro vivere diu Stoicus velis.

X.

In hominem bellum & elegantem.

1. Bellus homo & magnus vis idem, Cotta, videri;
2. Sed qui bellus homo est, Cotta, pusillus homo est.

VERS. 2. *Sed qui bellus, &c.* Bellus idem est quod elegans, venustus, porro ait Aristoteles res parvas venu-

stas esse posse, non pulchras; quia pulchritudo & dignitas, nisi in magnis, esse nequit.

XI.

Heredipetam vetulæ divitis nuptias ambientem carpit.

1. Petit Gemellus nuptias Maronillæ,
2. Et cupit, & instat, & precatur, & donat.
3. Adeone pulcra est? immò foedius nil est:
4. Quid ergo in illâ petitur & placet? tussit.

VERS. 4. *Tussit.* Id est, ægra est, brevi moritura; tussis enim frequens & anhelans, gravioris ægritudinis est signum: illam uxorem petit, ut eam mox ad rogam efferat, opes ejus auferat.

Quidam codices habent: *Tussis*. Quid placet? Non ipsa, sed ejus tussis, & mors, seu hereditas, quæ mortem consequetur. Gemellus porro, & Maronilla, ficta nomina sunt.

XII.

In avidum potorem.

1. Cū data sint equiti bis quina numismata, quare
2. Bis decies solus, Sextiliane, bibis?
3. Jam defecisset portantes calda ministros,
4. Si non potares, Sextiliane, merum.

V E R S. I. *Numismata* Nummi festerii. In spectaculis solebant Imperatores dare spectatoribus nonnihil pecuniæ ad bibendum aut emenda bellaria, ut otium falleretur. Dati erant singulis equitibus decem nummi festerii, qui asses pecuniæ Gallicæ faciunt 20. Sextilianus bis decies, seu vicies bibebat solus inter illos quibuscum bibebat, & quidem merum, id est, vinum aquâ non mixtum: quod longè superabat præmium 10. festeriorum. Turnebo videtur accipiendum hoc de sportula, quæ decem nummos, five centum quadrantes continebat. Cū sportu-

lam unam Sextilianus accepisset, duas tamē bibebat, five tantum hauriebat vini quantum exæquaret viginti nummos seu pretium duarum sportularum. Junius de lege sumptuaria explicat, quæ cū m juberet ut equites in cœnam impenderēt diebus profestis decem tantum nummos, Sextilianus viginti nummos in solum potum impendebat.

3. *Calda*. Aquâ calidâ vinum temperare interdum amabant, ad sanitatem id præstare arbitantes: quamquam nivibus, & glacie sæpissimè uterentur, præsertim æstat e.

XIII.

Viri probi sunt in tutela Divinæ Providentiæ.

1. Itur ad Herculei gelidas quâ Tiburis arces,
2. Canaque sulphureis Albula fumat aquis;
3. Rura nemusque sacrum, dilecta que jugera Musis,
4. Signat vicinâ quartus ab Urbe lapis:
5. Hic rudis æstivas præstabat porticus umbras,
6. Heu quàm pænè novum porticus ausa nefas!
7. Nam subito collapsa ruit, cū mole sub illâ
8. Gestatus bijugis Regulus esset equis.
9. Nimirum timuit nostras Fortuna querelas.
10. Quæ par tam magnæ non erat invidiæ.
11. Nunc & damna juvant; sunt ipsa pericula tati:

12. Stantia non poterant tecta probare Deos.

V E R S. 1. Herculei. Hercules imprimis Tibure, *Tivoli*, oppido Latii ad decimum ab Urbe lapidem, colebatur. Gelidum appellatur, quia erat edito in colle situm, ubi aura frigidior.

2. Et fons dictus Albula, volvit aquas fumantes, & canas, sive albicantes, ob sulphureas venas montium unde oriuntur istæ aquæ. *Albulæ aquæ, Bagni di Tivoli*, sunt aquæ salubres prope Tibur, quæ in Anienem fluvium devolvuntur.

3. In illa via quæ ducit Tibur, habet Regulus villam Musis caram (quia orator & vir doctus) quarto ab urbe lapide, seu milliari distantem.

4. *Lapis.* Singula passuum millia signabant Romani posito in via lapide: itaque lapis quartus, ponitur pro quarto milliari. Porro tria passuum millia leucam majorem Gallicam conficiunt.

5. *Rudis.* Inelegans, rusticana.

6. *Novum.* Inauditum,

ingens.

Nefas. Quia Regulum virum probum pæne oppressit.

7. *Mole.* Porticu lapidea.

8. *Gestatus esset.* Atque adeo præteriisset.

Bijugis. Binis uni iugo nexis.

9. Non est ausa Fortuna Regulum opprimere, communem invidiam verita, & omnium querelas atque convicia, si virum probum sic interemisset: timuit ne, si oppressus esset Regulus, negaretur Divina Providentia, ut sit ab impiis, in graviori proborum infortunio.

11. Ruina istius porticus quamvis damnosa domino, magnam illi & nobis utilitatem affert, quia nos docet, viros probos curæ esse Superis: meritò sunt optanda ejusmodi pericula, quæ Providentiam illustrent.

12. Si stetisset porticus, si lapsa non esset, non probasset esse Superos rerum humanarum arbitros, & virorum proborum custodes.

XIV.

Arria, sive muliebris fortitudo.

1. Casta suo gladium cum traderet Arria Pæto,

2. Quem de visceribus traxerat ipsa suis:

3. Si qua fides, vulnus quod feci non dolet, inquit,

4. Sed quod tu facies, hoc mihi, Pæte, dolet.

V E R S. 1. Arria. Erat illa focrus Traseæ, de quo *Epig. 9.* uxor Cæcinæ Pæti, qui ab Imperatore Claudio ius-

sus est sibi necem afferre, quia Scriboniani partes secutus fuerat: sed prævit illi uxor, semet feriendo, extra-

Etumque pugionem è vulne-
re, marito tradidit, cum hac
voce: *Pæte, non dolet.* Ita fer-
mè Tacitus, Plin &c.

3. *Si qua fides.* Si quid mi-

hi credis.

4. *Quod tu.* Quia tu meip-
sâ mihi cariores, tua vulnera
gravius, quàm mea sentio.

XV.

Ludus leonis cum lepore in arena.

1. Delicias, Cæsar, lususque jocosque leonum
2. Vidimus; hoc etiam præstat arena tibi:
3. Cùm prensus blando toties à dente rediret,
4. Et per aperta vagus curreret ora lepus.
5. Unde potest avidus captæ leo parcere prædæ?
6. Sed tamen esse tuus dicitur, ergo potest.

VERS. 2. Hæc miracula
tuam in gratiam amphithea-
trum edit. Pars ima in am-
phitheatro, ubi depugnabant
gladiatores, feræ, &c. voca-
batur Arena, quia ibi arena
spargebatur, quæ sanguinem

interfectorum gladiatorum
combiberet, efficeretque ut si-
ne offensione caderent.

6. *Ergo potest.* Quia tibi ut
Deo feræ ipsæ obediunt: quia
tuam clementiam imitan-
tur.

XVI.

Hodie vivendum.

1. O mihi post nullos Juli memorande sodales,
2. Si quid longa fides, canaque jura valent:
3. Bis jam pænè tibi Consul trigessimus instat,
4. Et numerat paucos vix tua vita dies.
5. Non benè distuleris, videas quæ posse negari;
6. Et solum hoc ducas, quod fuit, esse tuum.
7. Expectant curæque catenatique labores:
8. Gaudia non remanent, sed fugitiva volant.
9. Hæc utrâque manu, complexuque asserere toto:
10. Sæpè fluunt imo sic quoque lapsa sinu.
11. Non est, crede mihi, sapientis dicere, vivam:
12. Sera nimis vita est crastina; vive hodie.

VERS. 1. 2. O Juli quem
nulli sodalium debeo postpo-

nere, si quid juris habet ami-
citia vetus: si modò primi de-

bent esse amici, qui vetustissimi.

3.4. Instat tibi propè annus sexagesimus & paucis tamen adhuc diebus vixisti, quia paucis genio indulgisti: vidisti jam fermè bis triginta consules.

Consul. Romani solebant annos per Consules designare, quia Consules initio anni magistratum inibant, & primi scribebantur in fastis.

5. Non rectè facies si ea gaudia differas, & capere, dum potes, negligas, quæ intelligis posse tibi non dari, id est, præripi morte: vive dum vivis, quia incertus es futuri.

7. Curæ, Labores, quasi ad fores excubant, expectant dum admittantur, à limine

non recedunt, & aliis alii succedunt: avolant verò Gaudia. Catenatos vocat, quasi inter se connexos, & cohærentes, ita ut unus labor alterum afferat, adducatque; alius ex alio nascatur.

9. *Affere.* Tibi vindica & mancipa: arripe.

Utraque manu. Moris erat iis, qui suum quidpiam dicebant esse, ut isti rei manum injicerent. Ovid. *Et dicam, mea sunt; injiciamque manus.* Virgil. *Injecere manum Parce.*

10. *Fluunt.* Excidunt Gaudia, elabuntur, quamvis intimo in sinu condita.

12. *Vive.* Vivere apud Martialem & poëtas sæpe est, genio indulgere, vitam genialem vivere.

XVII.

De suis epigrammatis.

1. Sunt bona, sunt quædam mediocria, sunt mala plura

2. Quæ legis hîc: aliter non fit, Avite, liber.

VERS. 2. Hic. In isto libello meo.

Aliter. Non potest id non evenire in libro qui multa contineat: in multis carminibus non possunt omnia esse

optima. Vel, liber non potest aliter bonus esse. Nempe navi aliquot formam commendant, ac deteriora quædam pretium addunt optimis.

XVIII.

Cur poëta esse quam causidicus, malit.

1. Cogit me Titus actitare causas,

2. Et dicit mihi sæpè, magna res est:

3. Res magna est, Tite, quam facit colonus.

VERS. 2. Magna res est. Magnæ utilitatis, magnæ di-

gnitatis.

3. *Res magna,* &c. Ludit

in hac voce, *Res*, quæ fun-
dum, opes, fortunas, sæpe si-
gnificat: sententia est; tu di-
cis, ô Tite, plurimum esse uti-
litatis in actitandis causis:
respondeo ego plus esse in a-
gris colendis, & colonum seu
agricolam rem familiarem
suam magnam facere, mul-
tum facere lucri: laudem ma-
lo è versibus, quàm lucrum
ex foro quærere.

XIX.

Vinum optimum pessimo admixtum.

1. Quid te, Tucca, juvat vetulo miscere Falerno.
2. In Vaticanis condita musta cadis?
3. Quid tantum fecere boni tibi pessima vina?
4. Aut quid fecerunt optima vina mali?
5. De nobis facile est: scelus est jugulare Falernum;
6. Et dare Campano toxica sæva mero.
7. Convivæ meruere tui fortasse perire:
8. Amphora non meruit tam pretiosa mori.

VERS. 1. *Falerno*. Falernum vinum erat optimum, in Campania Italię regione: Vaticanum, pessimum; in agro Vaticano prope Romam, natum; quod postea toxicum, id est, venenum, vocat.

2. *Musta*. Mustum est vinum recens è racemis expres- sum, atque adeo parum salu- bre, & malè dulce.

5. Quantum ad nos atti- net, facile id toleramus, quod nos isto veneno jugules; fa- cilis est nostri jactura: sed cur optimum vinum pessimè perdis?

6. Et veneno interimere vinum Campanum: miscendo nempe Vaticanum vinum, quo Falernum corrumpatur & pereat.

XX.

In edentulam & tussientem aniculam.

1. Si memini, fuerant tibi quatuor, Ælia, dentes:
2. Exspuit una duos tussis, & una duos.
3. Jam secuta potes totis tussire diebus;
4. Nil istic, quod agat, tertia tussis habet.

VERS. 2. Amisisti illos om- nes, semel iterumque tussien- do.

4. *Nihil*, &c. Nullos jam dentes amittere poteris, quæ omnes exspuisti.

XXI.

In voracem & gulosum hospitem.

1. Dic mihi, quis furor est? turbâ spectante vocatâ,
2. Solus boletos, Cæciliane, voras.
3. Quid dignû tanto tibi ventre, gulâque precabor?
4. Boletum, qualem Claudius edit, edas.

VERS. 2. *Boletos*. Boleti sunt fungi delicati: tu exquisitis cibis solus vesceris; ii quos vocasti, vilioribus: an eos invitasti ut te optima quæque vorantem spectarent jejuni?

4. *Claudius*. Imperatorum

Rom. fuit quintus. Huic uxor Agrippina imperium filio suo Neroni maturare cupiens, boletum veneno infectum, quodd esset avidissimus ciborum talium, obtulit, quo paulo post extinctus est. Sueton. in Claudio, c. 44.

XXII.

Error Mucii Scævolæ gloriosus:

1. Cùm peteret regem decepta satellite dextra;
2. Ingressit sacris se peritura focis.
3. Sed tam sæva pius miracula non tulit hostis,
4. Et raptum flammis jussit abire virum.
5. Urere quam potuit contempto Mucius igne,
6. Hanc spectare manum Porfena non potuit.
7. Major deceptæ fama est & gloria dextræ,
8. Si non errasset, fecerat illa minus.

VERS. 1. *Peteret*, ad necem quæreretur: *Dextra* Mucii, quæ Porfenam petebat unum, *decepta* ejus satellite intercepto, quem Mucius Regem putarat esse.

Regem. Porfenam, regem Etruscorum. Ille Tarquinius Superbum Româ expulsus, restituere cùm vellet, in eum Romanus quidam Mucius conjuravit; pergensque in ejus castra, scribam militibus stipendia dividendum, & regio ferè indutum cultu, pro rege

accipiens, obtruncavit; protractus ad regem, facinus confitetur, & ut sentias, Rex, quàm vile sit corpus iis, qui magnam gloriam petunt, inquit; dexteram foculo ad sacrificium parato injecit, quasi erroris pœnas daturam. Hinc factum illi nomen Scævolæ, quasi qui sinistra manu uteretur, ambustâ dextrâ; σκαυὴ sinistra manus. σκαυόλας; Scæva, vel Scævola, qui sinistra utitur. Id contigit anno

U. C. 248. ante Christum verò 512.

3. *Sæva miracula* Mirabilem viri generosi, at sævam & noxiam domino fortitudinem. *Pius*. Clementior erga Mucium, quàm ipse Mucius erga se.

8. *Fecerat*, pro fecisset, more loquendi Græco. Porsena quippe interfecto, non fuisset.

fortasse obsidio soluta: certè Mucius Scævola tantam gloriam sibi non peperisset: non fuisset tanta gloria in interficiendo hoste, quanta fuit in cremanda manu. Rectè Seneca: *confecit bellum inermis ac mancus, & illa trunca manu reges duos vicit, Porsenam & Tarquinium*.

XXIII.

Lusus leonum cum leporibus.

1. Quid nunc sæva fugis placidi lepus ora leonis?
2. Frangere tam parvas non didicere feras.
3. Servantur magnis isti cervicibus ungues,
4. Nec gaudet tenui sanguine tanta sitis.
5. Præda canum lepus est, vastos nō implet hiatus:
6. Non timeat Dacus Cæsaris arma puer.

VERS. I. *Quid nunc*, &c. Legitur etiam, *Quid non sæva*, &c. sensusque potest esse: *Quid fugis non sæva ora leonis nunc placidi*.

3. *Cervicibus*. Feris majoribus laniandis reservant se leones.

4. *Sitis*. Aviditas sanguinis: crudelitas.

5. *Hiatus*. Rictus leonis.

6. *Dacus*. Daci erant ubi sunt nunc Valachi, Transilvani, & Moldavi; pro Getis etiam usurpantur, trans Is-

trum enim habitavere ante Aureliani tempora, qui eos cis Istrum transtulit. In illos Domitianus bis arma sumpsit, deque ipsis publicè triumphavit, licet ab iis malè fuisset multatus. Sensus est: In te sevir leon non magis amat, ô lepus, quàm Cæsar in pueros Dacorum: illos negligit; viros, quibuscum pugnet, quærit: vel, in hostem infirmum, quæ ipsius est clementia, non sævit.

XXIV.

Sera post mortem est gloria.

1. Ede tuos tandem populo, Faustine, libellos,
2. Et cultum docto pectore profer opus:
3. Quod nec Cecropiæ damnent Pandionis arces,

4. Nec fileant nostri prætereantque fenes.
5. Antè fores stantem dubitas admittere Faniam?
6. Teque piget curæ præmia ferre tuæ?
7. Post te victuræ per te quoque vivere chartæ
8. Incipiant: cineri gloria sera venit.

VERS. I. *Ede populo*. Fac publici juris; evulga in populi gratiam.

2. Et profer in lucem carmina ingenio elaborata.

3. 4. Quod opus Græci probent ac Latini.

Arces Cecropiæ. Athenæ: sic dictæ à Cecrope primo rege Atheniensi. Pandion Rex, easdem instauravit, ornavitque.

Prætereant. Non legant, non probent.

Nostri. Latini scilicet.

5. *Ante fores*. Tuas. *Stantem*. Admitti postulantem.

6. *Curæ*. Operis summa cura elaborati.

7. *Victuræ post te*. Laudandæ, & celebrandæ à posteris post tuam mortem. *Per te* Te illas nunc evulgante.

8. Exigua est & sera gloria illa quæ mortuis datur; ea potior quæ vivis. Mortui enim seipsum illius gloriæ non habent, absentes nempe & ignari.

XXV.

In avidum potorem vini exquisiti.

1. Sextiliane, bibis quantum subsellia quinque
2. Solus, aquâ toties ebrius esse potes.
3. Nec confessorum vicina numismata tantum,
4. Æra sed à cuneis ulteriora petis.
5. Non hæc Pelignis agitur vindemia prælis;
6. Uva nec in Tuscis nascitur ista jugis.
7. Testa sed antiqui felix siccatur Opimî,
8. Egerit & nigros Massica cella cados.
9. A caupone tibi fæx Laletana petatur,
10. Si plus quàm decies, Sextiliane, bibis.

VERS. I. *Subsellia quinque*. Quantum equites quinque in subselliis sedentes in theatro, ad visenda nempe spectacula.

Subsellia. Sunt humiliores sedes, in quibus equites confidebant, nam senatores sel-

lis altioribus utebantur.

2. Ipsa aqua toties hausta ebrium te faceret. Ironice dictum.

3. Nec tantum pecuniam eos poscis qui tecum, qui prope te sedent, sed ab aliis ulteriore loco sedentibus.

Numismata. Diximus antea Epig. 12. cautum fuisse lege, ne supra nummos decem impendere in vinum liceret equitibus, in conviviiis. Ea lex non diu, neque apud multos viguit, ut iste Sextilianus documento est.

Cuneis. Ordines theatri, in quibus erant gradus spectatorum sive subsellia, vocabantur cunei, quia sensim augebantur, ab ima cavea ad summum theatrum crescendo: ut cuneus ferreus ab imo acumine in latum caput crescit.

5. 6. 7. *Vindemia* illa, id est, vinum quod bibis, non est domita, pressa, Pelignis praelis; non bibis vinum deterioris notæ, quale est Pelignum, vel Tusculanum, sed Opimianum hauris.

Pelignis. Peligni sunt mediæ Italiæ populi in Aprutio, prope Vestinos: in eorum agro erat vinum pessimum, ut & in Tuscia. Ea regio nunc dicitur *Valva*.

Opimi. Lucio Opimio Consule, anno ab Urbe condita 633. ante Christum 119. vini optimi felix & ingens Italiâ totâ proventus fuit, quod in

testas seu amphoras diffusum, diuque postea servatum est.

8. Et cella, sive apotheca, egerit, id est, profert, promit, tibi cados, &c. Jubes tibi è cella vinaria afferri vinum Massicum: illud vates nigrum vocat, id est, saturi ruboris & pæne fusci.

Massica. Massicus mons in Italiæ Campania fuit, vini generosi ferax. Nunc est in ea parte Italiæ quæ vocatur Terra Laboris, in regno Neapolitano. *Monte Marisco* appellatur, inter Minturnas & Calenum.

9. *Fæx Laletana*. Vinum fæculentum ac vile. Laetania est Hispaniæ regio, in qua vinum pessimum. Nunc magna pars est Catalauniæ inter Gerundam & Tarraconem.

10. *Decies*. Potiores honesti & moderati non plures cyathos quàm decem haurire consueverant. Monetur ergo iste Sextilianus, ut si decimum cyathum transire velit, ne bibat Opimianum aut Falernum, sed Laletanum. Cyathus est patera modica: Vide sequens Epigramma.

XXVI.

Conviva memor.

1. Hesternâ tibi nocte dixeramus,
2. Quincunces, puto, post decem peractos,
3. Cœnares hodiè, Procille, mecum.
4. Tu factam tibi rem statim putasti,
5. Et non sobria verba subnotasti,
6. Exemplo nimium periculoso:
7. Μισῶ μνήμονα συμπότῳ, Procille.

V E R S. 1. Cùm cœnares heri mecum, nocte, dixeram tibi, postquam peregissem, id est, hausissem, decem quincunces, atque adeo subebrius jam essem, dixeram, inquam, tibi, ut hodie mecum cœnares; invitaveram te ad cœnam: tu hoc, quasi certum & jam prope factum, accepisti, & subnotasti, hoc est, tacitè notavisti, in memoria recondidisti, quod ego non sobrius, & per jocum dixeram.

2. *Quincunces.* Quincunx est poculum, quinque cyathos continens. Sextarius enim dividebatur in cyathos 12. ut as, qui duodecim in uncias tribuitur; estque hic poculorum ordo. Sextarius continet cyathos, 12. Deunx, continet,

11. Dextans, decem: Do. drans, 9. Bes, 8. Septunx, 7. Semis, 6. Quincunx, 5. Triens, 4. Quadrans, 3. Sextans 2.

4. *Factam.* Res facta dicitur ea quæ certò futura sit.

6. *Exemplo &c.* In quo rem fecisti mihi & aliis periculosam.

Periculoso. Multa enim dicuntur in vino & inter pocula, unde periculum convivis creari possit; quæ idcirco sunt penitus obliviscenda. Tum valde periculosum est exigere ab ebrio promissa, cùm ebrii facilè omnia promittant.

7. Odi memorem convivam, Procille: itaque ne te putes verè invitatum à me: non te vocavi.

XXVII.

In ebriosum.

1. Hesterno foetere mero qui credit Acerram,
2. Fallitur, in lucem semper Acerra bibit.

V E R S. 1. *Acerram.* Nomen est viri hoc in loco: aliàs thuribulum significat.

2. *In lucem.* Id est, usque in diem. Hesternum convivium nocte inchoatum protrahit in auroram: adeoque hodie-

no semper mero foetet, non tantùm hesterno. Sic dum illum videtur excusare, gravius accusat. Qui totos dies potare Acerram credit, fallitur: potat etiam totas noctes.

XXVIII.

In furem alienorum carminum.

1. Fama refert nostros te, Fidentine, libellos
2. Non aliter populo quàm recitare tuos.
3. Si mea vis dici: gratis tibi carmina mittam:
4. Si dici tua vis; hæc eme, ne mea sint.

V. 4. *Tua.* Nam quod emas possis dicere jure tuum, lib. 2.

XXIX.

In Imperitum medicum.

1. Chirurgus fuerat, nunc est vespillo Diaulus :
2. Cœpit quo poterat clinicus esse modo.

V E R S. 1. *Chirurgus.* Is dicitur qui manu vulneribus facit medicinam : à voce *χειρ*, manus ; & *ἔργον*, opus : quasi manu exequens. Clinicus est chirurgus præstantior, isque dicitur, qui aliquid præcipiendo, qui visendo, ægros curat ; à voce *κλίνη*, lectus, cubile ; quia lectis affidet, cubilia ægrorum lustrat. Vespillo, is vocatur, qui mortuorum cadavera è lectulo effert ad rogum, à voce, vesperi, quia sub noctem vulgò id fiebat, quasi vesperillo : vesperillo, vesprillo, vespillo.

2. Ordo est : cœpit esse clinicus, quo esse modo clinicus poterat. Sententiam & jocum sic explico : Diaulus è chirurgo fieri clinicus cùm vellet, neque ob ingenii tarditatem eò pervenire posset, vespillonis munus & nomen sumpsit, mortuos sepelire, producere compositos in lectulis, cœpit : & sic clinicus est factus aliquo modo, nempe circa lectos versando, quod faciunt clinici, imò sepeliendo mortuos, quod interdum medici illi clinici factitant, quĩ ægrotos sæpe tollunt & interficiunt.

XXX.

Ἀντιπάθεια.

1. Non amo te, Sabidi : nec Possum dicere quare.
2. Hoc tantum possum dicere non amo te.

V. 1. *Quare.* Amoris & odii quædam sunt latentes causæ, ab antiphatia & sympathia, hoc est, naturali quâdam animorum consensione & repugantiâ, ortæ ; quas sentire possumus, explicare

non possumus. Potest exponi epigramma sic : te non amo, neque tamen patitur meus pudor eloqui me odii mei causas. Ita eas tacendo innuit.

XXXI.

Fictæ lacrimæ.

1. Amissum non flet, cùm sola est, Gellia patrem :
2. Si quis adest, iussæ profiliunt lachrymæ.

3. Non luget, quisquis laudari, Gellia, quærit:
4. Ille dolet verè, qui sine teste dolet.

VERS. 4. *Sine teste*. Præsente & conscio nemine.

XXXII.

Amor fraternus.

1. Si, Lucane, tibi, vel si tibi, Tulle, darentur
2. Qualia Ledæi fata Lacones habent:
3. Nobilis hæc esset pietatis rixa duobus.
4. Quòd pro fratre mori vellet uterque prior.
5. Diceret infernas & qui prior îffet ad umbras
6. Vive tuo frater tempore, vive meo.

VERS. 1. Si vobis, ô Lucane & Tulle, fratres conjunctissimi, daretur divinitus eadem vivendi & moriendi cōditio quæ Castori & Polluci data est, Ledæ Lacedæmoniae filiis.

Lacones. Castor & Pollux Helenæ fratres, alternis vivebant & moriebantur. Pollux cum immortalis esset, quia patrem habebat Jovem, ab eo petiit, ut Castor frater, qui mortalis erat (ut pote genitus Tyndaro patre, licet ex eadem atque Pollux matre Læda) simili gauderet immortalitate. Cum recusaret

Jupiter, saltem id exoravit Pollux, ut immortalitatem suam cum fratre communicaret, ac partiretur, atque ita viverent, morerenturque alternis diebus.

5. *Et qui ...* Qui prior amborum vestrum mortuus foret, ille nollet redire ad vitam, sed suum tempus, id est; diem ac tempus vivendi sibi concessum, fratri concederet, contentus ipse nunquam vivere, ut frater semper viveret: diceret, æternum moriar, ô frater, ut tu nunquam moriari.

XXXIII.

In poetam plagiarium.

1. Quem recitas, meus est, ô Fidentine, libellus:
2. Sed malè cum recitas, incipit esse tuus.

VERS. 1. *Recitas*. Poëtæ solebant sua carmina, convocatis auditoribus, recitare ad pompam. Vide Epig. 28. hujus libri.

2. *Tuus*. Quod malè recitetur, hoc tuum est: quod bene compositus, meum Incipit malus videri ac tuus, cum a te malè recitatur.

XXXIV.

Laus Deciani.

1. Si quis erit raros inter numerandus amicos,
2. Quales prisca fides, famaue novit anus;
3. Si quis Cecropiæ madidus, Latiaque Minervæ
4. Artibus, & verâ simplicitate bonus:
5. Si quis erit recti custos, imitator honesti:
6. Et nihil arcano qui roget ore Deos:
7. Si quis erit magnæ subnixus robore mentis:
8. Dispeream, si non hic Decianus erit.

V E R S. 2. *Anus*. Vetusta, annosa. Legunt aliqui *avos*: hoc sensu, quales avi nostri fuere.

3. *Cecropiæ Atticæ*. Cecrops rex primus fuit Atheniensium. Minerva Attica, pro græcarum litterarum cognitione ponitur: Latia, pro latina eruditione.

Madidus. Planè eruditus non leviter tinctus litteris: illis omnino imbutus.

5. *Imitator*. Sectator: qui perfectæ virtutis ideam in se conetur exprimere.

6. *Arcano ore*. Tacito voto: id est, improbo Illi enim clam Deos rogare dicebantur, qui parum honesta poscebant; unde Persius Sat 2. laudat eos qui aperto voto vivunt: qui palam à Diis omnia petunt, neque audiri metuunt. Vide locum in Persio à nobis interpretatione perpetuâ & notis illustrato.

7. *Subnixus robore mentis*. Fortis, generosus.

8. Finge tibi virum omni laude cumulatum, Decianum adumbrasti.

XXXV.

In invidum.

1. Qui ducis vultus, & non legis ista libenter:
2. Omnibus invideas, livide; nemo tibi.

V. 1. *Ducis*. Adducis in rugas, contrahis frontem, ut solent qui contemnunt & indignantur.

Nemo tibi. Nemo miseri invidet: itaque optat ut sit iste miserrimus. Invidetur tantum bonis & felicibus.

XXXVI.

In scurrâ insulsum.

1. Urbanus tibi, Cæcili, videris:

2. Non es , crede mihi : quid ergo ? verna es,
3. Hoc quod Transtiberinus ambulator ,
4. Qui pallentia sulfurata fractis
5. Permutat vitreis : quod otiosæ
6. Vendit qui madidum cicer coronæ :
7. Quod custos , dominusque viperarum :
8. Quod viles pueri salariorum :
9. Quod fumantia qui tomacula raucus
10. Circumfert tepidis cocus popinis :
11. Quod non optimus urbicus poëta :
12. Quod de Gadibus improbus magister .
13. Quare desine jam tibi videri ,
14. Quod soli tibi , Cæcili , videris ;
15. Qui Galbam salibus tuis , & ipsum
16. Possis vincere Sestium Caballum .
17. Non cuicumque datum est habere nasum :
18. Ludit qui stolidâ procacitate ,
19. Non est Sestius ille , sed Caballus .

VERKS. 1. *Urbanus*. Comis, falsus, elegans.

2. *Verna es*. Scurra es, verniliter comis & facetus es. Servus domi ex ancilla natus, verna dicebatur. Illi autem vernæ, erant vulgò scurræ, stolidi, & malè dicaces, nihil habebant nativi salis & ingenui.

3. *Hoc quod, &c.* Hoc es, quod ambulator seu mercator Transtiberinus. Vilissima hominum genera commemorat, solita scurriliter joculari, quibus Cæcilium comparat.

Transtiberinus. In regione Urbis posita trans Tiberim, plebecula egens, & circumforanei mercatores degebant. Illi urbem peragrabant venditando vilissimas merces, & dictis quibusdam scurrilibus

emptores aucupando.

4. *Sulphurata*. Sunt ligna tenuia imbuta sulphure in extremis hinc inde partibus, ad ignem è fomite excipendum: porro qui vendebant hæc ramenta, ea fermè permutabant fractis vitreis.

6. *Cicer*. Legumen est è pisorum genere, quod frigebatur, & populo spectanti ludos, vendebatur ad levandam famem, otiumque fallendum. Interdum vendebatur aquâ maceratum, ut faciliùs decoqui posset. *Coronæ* Multitudini.

7. *Custos, &c.* Circulator & præstigiator circumforaneus, qui viperas ostentat populo, à quibus ipse noxiè vulneratur, &c.

8. *Pueri*. Servi, aut filii Sa-

12. *ii* sunt qui falsamenta, id est, salitas carnes, divendunt, quod viles mulierculæ vulgò faciunt.

9. *Tomacula*. Tomacula, & per syncopen, tomacla, erant farcimina & intrita quædam ex jecore suillo, cum ovis, caseo, &c. quæ fartores & concursantes urbem coqui multo clamore calida & fuman- tia vendebant ganeonibus, in popinis.

11. *Urbicus poëta*. Intelli- git histrionum quoddam ge- nus, & poëtarum, qui versus pessimos popello decantant in triviis, atque ita captant vulgi aures, quæstus gratiâ.

12. *Quod de Gadibus*. Ga- des urbs & insula est in ex- trema Hispania, ad meri- diem, ad freti Gaditani angu- stias, *Cadice*: hic parum pu- dicæ quædam saltationes & ridiculæ vigeant, ac doce- bantur à magistris in varias oras inde prodeuntibus.

14. *Videris*. Nimirum poli- tus & urbanus, ita ut etiam possis, hoc est, putes te posse vincere urbanitate Galbam (famosus fuit scurra Augu- sti) & Sextium sive, ut qui- dam legunt, Tettium Cabal- lum, scurram quoque insi- gnem, qui sub Vespasiano, e- jusque filiis floruit, & propter dicacitatem, quasi à calci- trando, Caballi cognomen adeptus est.

17. *Habere nasum*. Argutè & Urbanè joculari V. Epigr. 4.

18. Qui ludos illiberales & facetias procaces stolidè, ut tu, confectatur, is non est si- milis Sextio Caballo, scurræ, cui te anteponis: non est Sex- tius ille cognomento Cabal- lus, facetus & urbanus scur- ra; sed est similis duntaxat caballo, id est, equo; est stoli- da pecus, & Sextii Caballi ni- hil habet præter dimidiam nominis partem, nempe ut caballus sit.

XXXVII.

Porciæ fortitudo.

1. Conjugis audisset fatum cum Porcia Bruti,
2. Et subtracta sibi quæreret arma dolor:
3. Nondum scitis, ait, mortem non posse negari?
4. Credideram fatis hoc vos decuisse patrem.
5. Dixit, & ardentes avido bibit ore favillas:
6. Inunc, & ferrum turba molesta nega.

VERS. 1. *Conjugis*. Bruti, à quo Cæsar percussus, uxor fuit Porcia, filia Catonis Uti- censis: ea cum mariti necem accepisset, qui sibi post Philip- pense prælium violentas na-

nus attulerat, neque ferri co- piam vel teli haberet, arden- tes carbones hausit ore.

4. *Patrem*. Catonem Lege Epigr. 10. Ille cum ferro se graviter vulnerasset, impe-

ditus fuit ab amicis, ne se ipsum omnino conficeret, passusque est ab iis vulnus obligari, ac somni cupiditate simulatâ, cum eosdem abire compulisset, solutis quibus obligatum erat vulnus, vincu-

lis, inserta per illud manus viscera sibi & vitam avellit.

6. *Molesta*. Famuli enim gladios illi omnes subdulerant. Potest hic versiculus tribui Porciæ quasi famulis insultanti; potest etiam poetæ.

XXXVIII.

Convivium jejunum.

1. Bis tibi triceni fuimus, Mancine, vocati,
2. Et positum est nobis nil herè præter aprum.
3. Non quæ de tardis servantur vitibus uvæ,
4. Dulcibus aut certant quæ melimela favis.
5. Non pyra quæ lentâ pendent religata genista:
6. Aut inuitata breves Punica mala rosas.
7. Rustica lactantes nec misit fiscina metas,
8. Nec de Picenis venit oliva cadis.
9. Nudus aper, sed & hic minimus, qualisq; necari
10. A non armato pumilione potest. (omnes:
11. Et nihil inde datum est: tantum spectavimus
12. Ponere aprum nobis sic & arena solet.
13. Ponatur tibi nullus aper post talia facta:
14. Sed tu ponaris, cui Charidenus, apro.

VERS. 1. 2. Sexagenos ad cœnam invitasti heri, nihilque dapis apposuisti præter aprum.

2. *Herè*. Vocabulum vetus, pro heri, hesternâ die.

3. *Uvæ*, quæ serò autumno lectæ, servantur.

4. Aut melimela, quæ cum ipso melle de sapore certant: quæ dulci melle dulciora sunt.

Melimela. Sunt poma quædam exigua quæ, à melleo sapore *μελίμηλα* sunt vocata.

Favi, sunt cellæ & foruli apium, ubi mel condunt: pro melle ipso hic sumitur

ea vox.

5. *Pendent*. In cellis & apothecis condita: genista, *ginestra*, est fruticis genus lentum & molle, ut salix & spartum, unde fiunt nodi & retinacula.

4. *Punica mala*. Poma granata. Punica vocantur, quia in agro Punico, id est, Carthaginensi, plurima & insignia nascebantur: granata verò, à granis, sive acinis, quibus referta sunt. Rosas dicuntur similia, quia flos mali Punici, brevi seu exiguae rosæ similis est.

7. Non educti sunt è calatho rustico casei affurgentes in metarum, seu pyramidum figuram.

Fiscina. Est calathus, seu corbis è vimine, quo ferè utuntur rustici ad fructus & alia id genus ferenda.

Metas lactantes. Caseos lacte stillantes, ab ima parte lata in acumen desinentes, quæ est metæ forma, & inversi turbinis ac supini. Legunt quidam *lactentes*, quasi caseus ipse lac hauriat ex eoque constet. Puer lactens dicitur, mater lactans: quia hæc lac donat, quod fugit puer.

8. *Picenis*. Ager Picenus est in Italia ad oram maris Adriatici, ubi nunc *Ancona*, *Lauretum*, *la Marcha d'Ancona*: ibi olivæ præstantes, in

cadis condi solitæ, & Romam deportari.

9. *Nudus*. Sine condimento, vel sine aliis opsoniis & cibis, est appositus.

10. *Pumilione*. Homine nano, eoque inermi.

11. *Inde*. Ex apro.

12. *Arena*. Amphitheatrum, in quo apri sæpe spectabantur & alæ feræ cum hominibus, aut inter se certantes. Spectaculum dedit nobis aper tuus, non convivium. De voce *arena* vide librum Spectac. Epigr. 8.

14. Sed tu objiciaris apro, cui expositus est Charidemus, nempe devorandus. Iste scilicet Charidemus à Domitiano objectus apro in arena paulò ante fuerat, ob sua scelera.

XXXIX.

Ad lectorem fastidiosum.

1. Lascivos leporum cursus, lususque leonum

2. Quòd major nobis charta, minorque gerit:

3. Et bis idem facimus, nimium si, Stella, videtur

4. Hoc tibi: bis leporem tu quoque pone mihi.

VERS. 1. 2. Quod in quolibet meo libro sive majori, sive minori, describo leporum cum leonibus ludentium petulantes cursus & bis idem tracto argumentum, si tibi videtur fastidiosum, ô Stella, ulciscere me, voca me ad cæ-

nam, & bis leporem mihi appone; non fastidiam.

2 *Major charta*. Videtur ea vox indicare hunc primum librum in quo plura sunt Epigrammata: minor verò charta, librum de spectaculis, in quo sunt pauciora.

XL.

De libro suo.

1. Edita ne brevibus pereat mihi charta libellis,

2. Dicatur potiùs ἢ ὁ ἀπαμειβόμενος

V E R S. I. Ne papyrus in edito jam & compacto brevi libello Epigrammatum, vacua & inutilis super sit, malo ineptum aliquid potiùs quàm nihil scribere, quàm pati ut papyrus pereat, itaque ad versum faciendum hemistichium illud Homericum pono, τὸν δ' ἀπαμειβόμενος,

id est, Illi autem respondens.

2. Potiùs, &c. Videtur illos arguere scriptores, qui ut faciant librum, vel augeant saltem; apta, inepta, scribunt; aut etiam carpere Homerum, qui ad nauseam istas voces repetere solet, τὸν δ' ἀπαμειβόμενος.

XLI.

De medico imperito.

1. Nuper erat medicus, nunc est vespillo Diaulus:
2. Quod vespillo facit, fecerat & medicus.

V E R S. I. *Vespillo.* Quid sit hoc nominis, vide Epigr. 29. Iocus est. Cùm esset medicus Diaulus occidebat ac tollebat ægros, eosdem nunc vespillo factus ad rogum ef-

fert, quod est simillimum: utrobique ipsi cum mortuis res est; hic sepelit, illic interficiebat: medicus ægros dedebat neci; vespillo, eosdem mortuos terræ mandat.

XLII.

Lusus leporum & leonum.

1. Rictibus his tauros non eripuerunt magistri,
2. Per quos præda fugax itque reditque lepus.
3. Quodque magis mirum, velocior exit ab hoste,
4. Nec nihil à tanta nobilitate refert.
5. Tutior in sola non est cùm currit arenâ,
6. Nec cavere tantâ conditur ille fide.
7. Si vitare canum morsus, lepus improbe, quæris,
8. Ad quæ confugias ora leonis habes.

V E R S. I. Magistri leonum non potuerunt eripere tauros eorumdem leonum rictibus & dentibus, per quos tamen rictus, lepores timidi

impunè commeant, & innoxii fugiunt, iisque elabuntur.

3. 4. Lepores ab leonum ore velociores fugiunt, & celeritatem ac robur, imò nobi-

litatem & gloriam, videntur ab tam nobili fera reportare, accipere. Legunt aliqui *mobilitate*, eritque hæc sententia; quò velocius per aperta leonum ora cursitant, eò minùs læduntur. Itaque sua ipsis velocitas utilis est.

5. Non sunt tutiores lepores, cùm in arena soli sunt, aut conditi in cavea.

6. *Caveæ*. Cavea est locus in quem abduntur feræ ut ferventur; antrum & receptaculum, septum ligneum, ubi

aluntur, continentur. Fidelis cavea hic dicitur, quia feras custodit, tutasque præbet. Cavea etiam dicebatur amphitheatri solum. Vide librum Spect. Epig. 8.

7. Deinceps, ô festivi lepores, cùm vos canes persequuntur, ad leones confugite. Acumen est in eo, quòd leo crudelis fera sit, & longè fortior canibus, à quibus lepores capiuntur, qui leo tamen lepori perfugium præbere dicatur.

XLIII.

Amicum in Hispaniam proficiscentem ad vitam rusticam & genialem hortatur.

1. Vir Celtiberis non tacende gentibus,
2. Nostræque laus Hispaniæ,
3. Videbis altam, Liciniane, Bilbilim,
4. Aquis & armis nobilem,
5. Senemque Caunum nivibus, & fractis sacrum
6. Vadaveronem montibus,
7. Et delicati dulce Botrodi nemus,
8. Pomona quod felix amat.
9. Tepidi natabis lene Congedi vadum,
10. Mollesque Nympharum lacus;
11. Quibus remissum corpus adstringas brevi
12. Salone, qui ferrum gelat.
13. Præstabit illic ipsa figendas prope
14. Voberca prandenti feras.
15. Æstus serenos aureo franges Tago,
16. Obscurus umbris arborum.
17. Avidam rigens Dircenna placabit sitim,
18. Et Nutha quæ vincit nives.
19. At cùm December canus, & bruma impotens
20. Aquilone rauco mugiet,
21. Aprica repetes Tarracónis littora,

22. Tuamque Laletaniam:
 23. Ibi illigatas mollibus damas plagis
 24. Maestabis, & vernas apros,
 25. Leporemque forticallidum rumpes equo,
 26. Cervos relinques villico.
 27. Vicina in ipsum silva descendet focum
 28. Infante cinctum sordido.
 29. Vocabitur venator, & veniet tibi
 30. Conviva clamatus prope.
 31. Lunata nusquam pellis, & nusquam toga,
 32. Olidæque vestes murice:
 33. Procul horridus Liburnus, & querulus cliens,
 34. Imperia viduarum procul.
 35. Non rumpet altum pallidus somnum reus,
 36. Sed mane totum dormies.
 37. Mercetur alius grande & insanum sophos:
 38. Miserere tu feliciū:
 39. Veroque frui non superbus gaudio,
 40. Dum Sura laudatur tuus.
 41. Non impudenter vita, quod reliquum est, petit,
 42. Cū fama, quod fatis est, habet.

VERS. I. O Liciniane, qui meritò prædicaris à Celtiberis. Celtiberi sunt Hispaniæ Tarraconensis populi, à Gallis circa Garumnā positī, qui Celtæ vocabantur, oriundi, qui cū venissent ad Iberum Hispaniæ flumen, ibique consedissent, addiderunt suo nomini, fluminis, juxta quod confederant, nomen, & Celtiberi sunt vocati. Nunc magna est pars Arragoniæ & Castellæ.

3. *Bilbilim*. Urbs fuit olim Hispaniæ, in Celtiberis, patria Martialis: nunc pagus *Banbola*, seu *Bambola*. Prope veterem Bilbilim pridem ex-

cisam, condita est urbs, quæ appellatur *Calatajud*, quæ Bilbilis nova dici potest.

4. *Aquis*. Alluit Bilbilim Salo fluvius, *Xalon*, cujus aquæ ferrum & gladios durant. Sanè in Itinerario Antonini fit mentio aquarum Bilbilitanarum, quas oportet fuisse fontes prope hanc urbem inclytos aliquā dote. Malit legere Sriverius *Equis & armis*... alit enim Hispania equos optimos: & equis magis cum armis convenit, quàm aquis.

Armis. Bilbilitani cæteris Hispaniæ populis præstabant in eudendis armis ferreis, in

tingendis gladiis, & veterem adhuc famam retinere dicuntur.

5. *Senem*. Albicantem, candidum nivibus. Caunus est mons Arragoniæ ad Septentrionem, versùs Castellæ veteris fines, sex leucis distans ab Ibero fluvio, nunc *Moncayo* dicitur. Sunt qui legant *sterilemque Calvum nivibus*, &c. Sed ubi mons ille sit, & cui veterum notus, non explicant.

Et fractis... Et montem Vadayeronem ab reliquis montibus separatum. Sacros putabant esse montes, ac multi cuiusdam Deo consecraverant. Vocatur iste mons nunc *Vadavicor*.

7. *Botrodi*. Est oppidum hoc in eadem Celtiberia, nemore ac pomario inclytum *Delicati*. Deliciis pleni; quippe quod arboribus, umbris & fontibus abundat.

8. *Pomona*. Dea hortorum præses & fructuum, à pomis dicta.

9. Natationi dabis operam in fluvio Congedo leniter fluente, ac solibus æstivis tepido. Sunt qui legant *Tepida natabis luce Congedi vada*. *Tepida luce*, sub meridiem, cum aqua, solis calore tepidifaceta, natationi est aptior. Vocatur hodie Congedus, sive Cogedus, *Rio di Codes*, vel *Congedo*, & in Salonem influit.

10. *Nympharum*. Lacus enim Nymphis erant sacri.

11. Quibus lacubus tepidis & Congedo solutum, & quasi

laxatum corpus, refrigerabis, & aquâ Salonis contringes: frigus poros corporis claudit, & omnia contrahit. Salonis autem fluvii aqua frigidior est.

Brevi. Tenui, non alto, seu qui non longo spatio volvitur. Potest etiam ea vox *brevi*, exponi brevi tempore, statim refrigerabis corpus aquâ Salonis, cum æstuabis.

12. *Gelat*. Salonis aqua egregia est ad tingendum ferrum & laminas ensium.

13. Ipsa Voberca (oppidum seu vicus Hispaniæ *Bobierca* & *Bubierca*, in finibus Celtiberorum) circumsepta silvis, præstabit ac offeret figendas tibi prandenti feras, ac prope manu prendendas; tanta est earum ibi copia, ut in ipsas villas confluant.

15. Calores æstivos, qui sereno cælo sunt majores, mitigabismerso in aquis Tagi, corpore, tectus & latens sub arboribus ad ripam consitis. Tagus, *Tajo*, fluvius Hispaniæ celeberrimus, oritur in Castella nova, & duabus infra Ulisipponem leucis oceano miscetur: aureas arenas dicitur volvere.

17. *Dircenna*. Fons frigidissimus: item Nutha. *Pincis nives*, frigidior est nivibus.

19. *Canus*. Albus propter nives. *Bruma impotens*. Sæva præter modum.

21. Secedes Tarraconem, urbem cælo temperato & clementi subjectam. Est in ora Catalauniæ, inter Barcinonē & Dertusā: nunc *Tarragona*.

Aprica, Locus apricus dicitur, qui est soli expositus.

22. *Laletaniam*. Est Hispaniæ regio. Vide Epigr. 25. nunc magna pars est Catalauniæ.

24. *Vernas apros*. Quasi indigenas, domique natos. De vernis vide Epig. 36. plagis retibus.

25. *Rumpes*. Dilaniabis, perimes; vel, ejus cursus, quos callidè dissimulat, variatque ad fallendos venatores, equo celeri antevertes, & illius technas solves, irritas facies: vel denique, defatigabis: venatores interdum leporem necari non sinunt, sed currendo delassant.

26. *Relinques villico*. Macrandos videlicet, quia caro cervina est insulsa & deterior leporinâ, ideòque rusticis aptior cibus.

27. *Silva*. Ligna vicina silvæ quasi suâ sponte focum agrestem instruent; facilè domum portabuntur.

28. *Sordido*. Villici filio pannoso & squalido.

30. *Clamatus*. Vicinus venator à te voce accitus veniet, ut tecum prandeat, neque servo erit opus ad eum invitandum, quem, utpote vicinum, ipse voce tuâ poteris vocare, & è propinquo inclamare.

31. *Lunata*... Nō erunt in tuo convivio viri nobiles & senatores, quibus morem gerere oporteat. Senatores orti è centum primis senatoribus, à Romulo creatis, calceos gerebant aluta, seu pelle agni-

na, testos, iisque adsuebant imaginem lunæ crescentis, quæ etiam est nota numeri centenarii, ut indicarent se oriundos è centum primis illis senatoribus à Romulo creatis. De calceis illis lunatis consule, Epigr. 26. lib. II.

Toga. Vestis erat Romanorū propria, maxime clientium, qui cum patronos affectarentur, salutarent, &c. togati apparebant. Toga igitur pro togatis clientibus hic sumitur.

32. *Murice* Purpurâ. Propriè murex est pisciculus è cujus succo vel sanguine fit Purpureus color: *olide*, quia panni recens infecti, vel bis tincti gravius olent.

33. *Liburnus*. Servus publicus, lictor, præco: tales enim ferè oriundi erāt è Liburnia, quæ est regio Illyrici inter Istriam, & Dalmatiam ad sinū Adriaticum, erantque valentes, proceri, & ut ait hic poëta, horridi, hoc est, truces, feri, odiosi.

Querulus. Quia multa postulabant à patronis, vestes, cibos, &c. Cliens apud Romanos erat homo ferè plebejus, qui se in tutelam potentioris conferebat, & quem colebat ut patrem.

34. *Viduarum*. Viduas imperiosas & arrogantes. Viduæ divites & oibæ colebantur ab hæredipetis, qui multas ab iis molestias devorare cogeantur: describit his versibus urbanam vitam & ejus incommoda.

35. *Reus*. Vel cliens, vel alius quilibet, qui te consu-

lat, anxius de suæ causæ evē-
tu. Reus, est quicumque in jus
vocatur, cujus res agitur.

37. Alii acclamationes &
plausum emant popularem
magno pretio: tu felices illos,
qui appellantur, miseros, (ut
revera sunt) puta, eorumque
felicitatem dignam commi-
seratione existima, qui tanto
labore gratiam populi, rem
tantillam, mercentur.

Sophos. Gloriam, famam.
Vide Epigr. 4. ubi ea vox ex-
plicatur. *Insanum.* Ingens, ri-

diculum.

39. *Non superbus.* Ab omni
ambitione disjunctus *Vero*
gaudio. Quod in tranquillita-
te animi & quiete positum
est.

40. *Sura.* Nobilis causidi-
cus, amicus Liciniani.

41. 42. Qui famam & glo-
riam satis magnā est conse-
cutus, potest ille jure, quod
vitæ reliquum est, genio dare
ac voluptati. Cum famæ satis
est consultum, ratio habeatur
valetudinis & vitæ.

XLIV.

Focus in cocum, ex Homero.

1. Si tibi Mistyllus cocus, Æmiliane, vocatur;
2. Dicetur quare non Taratalla mihi?

VERS. I. *Mystillus.* Est in
Homeri Iliade versus ejus-
modi græcus, lib. I. v. 465.

Μίσυλλον τ' ἄρα τάλλα,
καὶ ἀμφ' ὀβελοῖσιν ἐπειραν.
Secabant alia (fercula) in
frusta, & verubus figebant.
Æmilianus joco, suum co-

cum vocabat Mystillum: di-
cit illi Martialis se eodem ju-
re posse suum cocum vocare
Taratallam: quam vocem
format è tribus voculis in
Homerico vers. allato, proxi-
mè post μίσυλλον sequenti-
bus, τ' ἄρα τάλλα.

XLV.

Lepus leonem fugiens.

1. Non facit ad sævos cervix nisi prima leones,
2. Quid fugis hos dentes, ambitiose lepus?
3. Scilicet à magnis ad te descendere tauris,
4. Et, quæ non cernunt, frangere colla velint?
5. Desperanda tibi est ingentis gloria fati
6. Non potes hoc tenuis præda sub hoste mori.

VERS. I. Non decet leo-
nes alia præda quàm vasta,
immanis: non conveniunt

leoni feræ, nisi quæ habeant
cervicem ingentem, ut tauri,
apri, &c. *Prima cervix.* Cer-

vix primarum & nobilium
ferarum.

2. *Ambitiose*. Quasi ambias
gloriam pereundi à leone,
provocando illum tua fuga,
ut te persequatur, & enecet.

3. *Ad te descendere*. Abji-

cere se ad ignobilem præ-
dam, relietâ nobiliori.

4. *Non cernunt*. Ob exigui-
tatem: vel, quæ despiciunt.

5. *Fati*. Mortis gloriosæ
quam tibi à leone inferri ex-
peteres.

XLVI.

Libros suos Quinctiano commendat.

1. Commendo tibi, Quinctiane, nostros,

2. Nostros dicere si tamen libellos

3. Possim, quos recitat tuus poëta:

4. Si de servitio gravi queruntur,

5. Assertor venias, fatisque præstes;

6. Et, cum se dominum vocabit ille,

7. Dicas esse meos, manuque missos.

8. Hoc si terque, quaterque clamitaris;

9. Impones plagiaro pudorem.

VERS. 3. *Tuus Poëta*. Fi-
dentinus, qui eos mihi subri-
puit, ac recitat ut suos. *Tuus*,
tibi notus, familiaris.

4. Si mei libelli queruntur
se in servitutem redigi à Fi-
dentino, cum sint liberi: tu
eos defende esse liberos, as-
sere ac vendica: imò da præ-
des quibus illis cautum sit.

5. *Assertor* Est vindex, li-
berator, seu defensor & te-
stis alienæ libertatis.

Satis præstes. Præstare sa-
tis, five satisficere, in jure, est,
dare prædes, seu fidejussores
& sponsores, qui negotii pe-
riculum in se suspiciant, qui
creditorem securum præ-
stent, *sic sicut*.

6. *Dominum*. Ad quem ver-
sus mei pertineant, tanquam
sui.

7. *Manumissos*. Qui donaban-
tur libertate, manu à domino
tenebantur, circumageban-
tur, & mittebantur è manu,
liberique pronunciabantur:
hinc ea vox, manumitti, est,
donari libertate.

9. *Plagiaro*. Ita dicitur,
qui hominem aliquem libe-
rum, emit invitum aut ven-
dit, aut pro servo tenet. Fa-
cta vox à plagis, quod qui hu-
jus criminis convicti essent,
damnarentur plagis, lege
Fannia. Transfertur ad eos
qui res alias furantur, pro
suis vèdicant, ac retinent sibi.

XLVII.

In poëtam plagiarium.

1. Una est in nostris tua, Fidentine, libellis

2. Pagina, sed certâ domini signata figura;
3. Quæ tua traducit manifesto carmina furto.
4. Sic interpositus villo contaminat uncto.
5. Urbica Lingonicus Tyriâthina bardocucullus:
6. Sic Aretinæ violant crySTALLINA testæ:
7. Sic niger, in ripis errat cùm fortè Caystri,
8. Inter Ledæos ridetur corvus olores:
9. Sic ubi multifonâ fervet sacer Atthide lucus,
10. Improba Cecropias offendit pica querelas.
11. Indice non opus est nostris nec vindice libris:
12. Stat contra, dicitque tibi tua pagina, fur es.

VERS. 1. In nostris epigrammatum libellis, quæ tu describere soles, ac recitare pro tuis, una est pagina tua, id est, à te scripta. Exscribebat Fidentinus epigrammata Martialis, & pro suis venditabat: ne furtum verò pateret, quædam à se composita illis interponebat.

2. Sed illa pagina certo quodam indicio satis ostēdit quis ejus auctor & dominus sit, nempe se prodit esse tuam, quia ineptè est scripta & illepidè.

3. Quæ tua carmina ridenda exponit, ob furtum manifestum.

Traducit. Traducebantur propriè scelerati cùm trans urbem, aut per arenam ducebantur, ut essent omnibus spectaculo & ludibrio: hinc, verbum *traduco*, sæpe sumitur pro, irrideo, ridendum propono, palàm accuso.

4. 5. Sic bardocucullus, quo Lingones, populi Galliæ, utuntur, si inter vestes urbanas Tyrianthinas mixtus &

interpositus appareat, videtur eas villo suo crasso & uncto inquinare. Sic, inquam, sordent tua carmina meis interjecta, pulchris sordida, uncta nitidis.

Villo. Villi, pili sunt, seu fila è quibus panni constant. Legitur alicubi, *filo*.

Urbica. Urbana, Romana. *Bardocucullus.* Bardi, erant Gallorum cantores & poëtæ, seu philosophi, imprimis eruditi, Marcellino teste, qui hæc veste utebantur: habebat illa quoddam capitis tegmen, quî cucullus à forma vocabatur. Nam propriè cucullus est papyraceum involucrium, quo pigmentarii utuntur. Quod si ea vestis careret cucullo, dicebatur Bardiacus. Scribentius è bonis libris ita legit: *sic interposito vilis contaminat unco, &c.* Nam cucullus acutus erat instar metæ, idemque longior, unde incurvabatur & uncum repræsentabat, ut longioribus cucullis contingit, cùm extrema pars à capite in scapulas recidit.

Tyrianthina. Vox ea componitur ex *Τύριος*, Tyrius; *ῥόανθος*, viola purpurea: est igitur Tyriantium vestimentum confectum è purpura violacei coloris.

6. Sic testæ ex argilla *Aretina* (*Aretium* Italiae oppidum, *Arezzo*, in Thuscia) factæ, si comparentur cum vasis crystallinis, sordent, & illa scedant.

7. *Caystri*. Cayster Asiae minoris fluvius, cygnis abundans, per Lydiam labitur: nunc vocatur *Chiay*.

8. *Ledeos*. Quia Jupiter sub forma cygni venit ad Ledam Castoris & Pollucis matrem.

9. Sic, ubi nemus aliquod sacrum resonat philomelarum cantibus, earum dulces

querelas pica offendit, turbat, corrumpit. *Multifona*. Multam & variam vocem habente.

Atthide. Attica: subaudi, alite: significatur Philomela Pandionis regis Atheniensium filia: Cecropia dicitur, id est, Atheniensis, à Cecrope rege primo Atheniensium. Ejus cantus querelæ appellantur, quia videtur adhuc queri de injuria sibi à Tereo rege illatâ. Vide lib. V. Epigr. 6 r.

11. 12. *Indice*. Qui ostendat eos esse meos: accusatore. *Vindice*, qui asserat eosdem in libertatem. (Vide Epigr. 46.) tua carmina meis à te inserta, & illis dissimillima, me tacente, ac nemine inclamante; furem te satis clamant.

XLVIII.

De amicorum delectu.

1. Si quid, Fusce, vacas adhuc amari.
2. (Nam sunt hinc tibi, sunt & hinc amici;)
3. Unum si superest, locum rogamus:
4. Nec me, quod tibi sim novus, recuses.
5. Omnes hoc veteres tui fuerunt,
6. Tu tantum inspicere, qui novus paratur
7. An possit fieri vetus sodalis.

V E R S. 1. Si vacat adhuc apud te locus novo amico: si adhuc amari potes ab aliis novis amicis. *Fusce*. Cornelius Fuscus præfectus cohortis

tum prætorianarum sub Domitiano fuit, magnæ apud principem auctoritatis.

5. *Hoc fuerunt*. Novi scilicet, ut ego.

XLIX.

Se privata vita & modicis opibus contentum esse.

1. Vota tui breviter si vis cognoscere Marci,

2. Clarum militiæ, Fronto, togæque decus;
3. Hoc petit: esse sui nec magni ruris arator,
4. Sordidaque in parvis otia rebus amat.
5. Quisquam picta colit Spartani frigora saxi,
6. Et matutinum portat ineptus Ave;
7. Cui licet, exuviis nemoris, rurisque beati,
8. Ante focum plenas explicuisse plagas!
9. Et piscem tremulâ salientem ducere setâ,
10. Flavaque de rubro promere mella cado:
11. Pinguis inæquales onerat cui villica menfas,
12. Et sua non emptus præparat ova cinis.
13. Nō amet hanc vitā, quisquis me nō amet, opto:
14. Vivat & urbanis albus in officiis.

VERS. 1. 2. Si rescire vis quid optem ego Marcus Val. Martialis tuus amicus, ô Fronto, domi, forisque; belli & pacis artibus, inclyte.

Fronto. Vir fuit cum multis rebus præclarè gestis, tum singulari in eruditos & literatos amore clarus.

3. *Sui*. Ad se pertinentis: cuius sit dominus: optat agrum colere, non ita quidem magnum, sed suum.

4. *Sordida otia*. Sine cultu & splendore urbano: *in parvis rebus*, in re familiari angusta & tenui.

5. 6. Effene quemquam adeo mente captum, ut colere amet viros nobiles in marmoreis ædibus habitantes, eosque manè salutare magno labore; si possit ille, si satis opum habeat, ut postquam feras captas in suo nemore inclusit retibus, ea retia explicet, exoneret, domi suæ ante focum sedens, &c. Ordo est: cui licet explicare ante fo-

cum plagas plenas exuviis ruris & nemoris beati. Est qui legat *beato*: id est, cui beato exuviis, abundantis spoliis ruris.

Spartani. Marmor Spartanum seu Laconicum laudabatur: Sparta, urbs Peloponnesi primaria fuit, in Iaconia regione: Eadem Lacedæmon dicta est; nunc vocatur *Mistra*. Est autem marmor frigidissimum; idem vulgò est pictum venis variis, & maculosum. Itaque, *picta frigora Spartani saxi*, intellige domum ornata marmore frigido & variis coloribus distincto.

9. *Seta*. Linea piscatoria, quæ sæpe fit è setis equinis. *Salientem* palpitantem.

11. *Inæquales*. Modò lautiores, modò tenuiores: vel, non æquè ab omni parte fultas; v.g. si sit (ut in Baucidis mensa. Ovid. 8. Met.) pectus impar, & testa parem faciat. Vel: impolitas, non

dolatas manu artificis -

12. *Non emptus*. Factus è lignis non emptis *Sua*, quia ova calido cinere & modico igne melius coquuntur: vel, domi nata, nō aliūde quęsita.

14. *Albus*. Vel pallidus & anxius, in urbanis muneribus

& curis: vel albatus, hoc est, indutus veste candidā, ad salutandos officiosē, & colendos patronos: quia clientes albā togā urebantur ad officia patronis præstanda: vel denique, candidā facie, non fuscā, ut rusticorum est.

L.

In cauponem.

1. Continuis vexata madet vindemia nimbis:
2. Non potes, ut cupias, vēdere, caupo, merum.

VERS. 1. 2. *Merum* Ludus est in hac voce, quæ vinum significat non dilutum aquā. Vinum igitur aquā cælesti & imbribus ita temperatum est, ut illud non possit

purum vendi. *Ut cupias*, quamvis cupias: quæ sanè ironia lepida est, in cauponem solitum vino aquam admiscere, & minimè cupientem merum vendere.

LI.

Lauta balnea, jejuna cæna.

1. Dat Baïana mihi quadrantes sportula centum,
2. Inter delicias quid facit ista fames?
3. Redde Lupi nobis, tenebrosa que balnea Grylli:
4. Tā malè cūm cœnē; cur bene, Flacce, labor?

VERS. 1. 2. Cūm te, o Flacce, ad Baïana balnea patronum cliens sequor, das mihi sportulam, in qua numerantur centum quadrantes; quæ summa pecunię non sufficit ad levandam famem: quid juvat me esurientem locus deliciarum plenus?

Bajana. Baïæ, Bajarum, *Baja*; locus amœnus in campano littore, juxta Lucrinum sinum, inter Puteolos & Misenum montem: ibi aque calidæ, & celebrata e-

rant balnea.

Sportula. Est vas vimineum è sparto, in quo cibi, pecunia, &c. feruntur. Vulgò apud Romanos vox ea significabat cibos, quos clientibus patroni dividebant è sua mēsa: id verò cūm visum esset molestum patronis divitibus, illi pro cibis in dies singulos dederunt centum quadrantes, quæ summa redit ad asses vigintiquinque pecunię Gallicæ, & ad tres Julios cum dimidio Romanæ: est

autem quadrans quarta pars
Romani assis, tres unciae.

2. *Fames*. Inopia, ægrè
sufficiens ad tollendam fa-
mem.

3. 4. Reduc me Romam, &
patere ut ibi laver cum popu-

lo promiscuè in vilibus ac te-
nebricosis Lupi & Grylli bal-
neatorum, balneis: non amo
egregia balnea & cœnam je-
junâ: malim optimè cœnare,
& pessimè lavari.

LII.

De lepore & leone.

1. Intres ampla licet torvi lepus ora leonis,
2. Esse tamen vacuo se leo dente putat.
3. Quod ruet in tergum, vel quos procubet in armos?
4. Alta juvencorum vulnera figet ubi?
5. Quid frustra nemorum dominum, regemq; fatigas?
6. Non nisi delectâ pascitur ille ferâ.

VERS. 3. 4. Tu nullum
habes prope tergum, nullos
armos, in quos ruat leo;
quæ pars in te reperietur, in
qua possit alta vulnera face-

re, & dentes figere, quo pa-
cto solet infigere juven-
cis, nempe lacerando tota mem-
bra? Vide Epig. 42.

6 *Delectâ*. Insigni, magna.

LIII.

Laus poetarum aliquot, maxime Hispanorum.

1. Verona docti syllabas amat Vatis,
2. Marone felix Mantua est:
3. Censetur Apona Livio suo tellus,
4. Stellaque, nec Flacco minùs:
5. Apollodoro plaudit imbrifer Nilus,
6. Nasone Peligni sonant.
7. Duosque Senecas, unicumque Lucanum,
8. Facunda loquitur Corduba.
9. Gaudent jocosæ Canio suo Gades,
10. Emerita Deciano meo:
11. Te, Liciniane, gloriabitur nostra
12. Nec me tacebit Bilbilis.

VERS. 1. *Verona*. Urbs Ita-
liæ, item Mantua: *Verona*,
Mantova.

Docti vatis. Catulli: natus

est Veronæ anno ab urbe con-
dita 667. Vide Epig. 8. hujus
libri, & 177. lib. XIV.

Syllabas. Versus, quorum

ratio syllabis constat, & certâ illarum mensurâ.

2. *Marone*. Virgilius natus est in vico, qui Andes vocabatur, non procul Mantua, anno ab Urbe condita 684.

3. *Censetur*. Æstimatur, laudatur. Illi apud Romanos censi dicebantur qui profitebantur apud Censorem nomen suum, genus, tribum, liberos, maximè verò suas opes & rem familiarem, quæ propriè vocabatur census; quibus nihil erat pecuniæ, pauperes, capite censi dicebantur, quia nihil præter seipsum in censum referebāt, cum divites, alius trecentis millibus nummum, alius sexcentis, alius pluribus, paucioribusve censerentur. Hinc ortum est ut aliquis aliquāre ac dote censi dicatur, quā excellit ac præstat, ut virtute, formâ, &c. Sic Patavium censetur Livio. Scripsit T. Livius Romanam historiam stilo amplo & eleganti. Floruit sub Augusto & Tiberio: ediderat libros 142. Superfuit tantum 35. Est in illo ubertas, amplitudo, & lactea eloquentia.

Apona tellus. Patavina regio: sic appellatur à fonte prope Patavium, *Padova*, qui dicitur Aponus, *Abano*.

4. Nec minùs laudatur ob Titum Livium Patavina regio, gloriaturque duobus summis poëtis, Stellâ & Flacco, qui indidem orti sunt. Stelle opera non extant: Valerius: Flaccus scripsit octo libros Argonauticon.

Campanus fuit, ex urbe Setia in Italia. Opus suum Vespasiano dedicavit.

5. *Apollodoro*. Nobili poëtæ comico, Alexandrino, Menandri æmulo.

Imbrifer. Qui toti Ægypto loco est imbrium: illi enim vix unquam in Ægyptum decidunt, sed Nilus exundans totam irrigat.

6. *Peligni*. Populi Italiæ, ubi Sulmo urbs. Ovidii patria. Vide Epigr. 25.

7. *Senecas*. M. Annæum Senecam, qui rhetor insignis extitit: & ejus filium L. Annæum Senecam, qui philosophus est dictus, ac tragœdiarum, ut quidam volunt, scriptor fuit. Vide lib. 4. Epig. 32.

Lucanum. Senecæ philosophi ex fratre nepos fuit. Historiam belli civilis Cæsarem inter & Pompejum, versu scripsit. Perire jussus à Nerone, cui propter æmulationem artis poëticæ invisus erat, sibi venas incidit. Ejus poësis tumidior est & ambitiosior; licet plerumque acris & ingeniosa.

8. *Corduba*. Urbs Hispaniæ. *Cordova*.

9. *Jocose*. Quia saltationi & choreis dediti erant Gaditani. Sunt autem Gades urbs & insula in extrema Hispania prope Africam, in freto Gaditano. *Cadiz*. vide Ep. 36.

10. *Emerita*. Emerita augusta, urbs Lusitaniæ, nunc *Merida*. Decianus autem iste fuit Stoïcus Philosophus, de quo agit Epigr. 9. de urbe Bilbili, vide Epigr. 41.

LIV.

Hominum frequentia periculosa.

1. Casta , nec antiquis cedens Levina Sabinis,
2. Et quamvis tetrico tristior ipsa viro:
3. Dū modò Lucrino, modò se permittit Averno;
4. Et dum Baiānis sæpe fovetur aquis:
5. Incidit in flammās , juvenemque secuta, relicto
6. Coniuge , Penelope venit , abît Helene.

VERS. 1. *Sabinis*. Mulieres Sabinæ olim laudabantur ob castimoniam.

2. *Tristior*. Alienior à jocis & deliciis , quàm vir suus severus homo , & austerus.

3. Dum navigat modò in Averno lacu , modò in Lucrino. Est uterque lacus in Campania Itala ; Avernus Cumis , Bajisque proximus. appellatur hodie *Lago d'Averno* , vel di *Tripergola*: Lucrinus inter Puteolos & Bajas , olim erat celebris , sed terræ motu anno 1538. absorptus est; restat tantùm lutosus palus , & vocatur *Mare morto*.

4. Dum utitur sæpe Balneis tepidis Bajanis. De Baiis

paulò ante dictum. Epigr. 51.

5. *Flammās*. Amoris inhonesti. Flammās aquis opponit.

6. *Penelope venit*. Tam casta , quàm Penelope Ulyssis uxor , quæ , cùm ejus vir longo errore jactatus , domum non rediret, licet à sexcentis procis sollicitata , fidem tamen marito , pudiciamque servavit.

Helene. Impudica , similis Helenæ , quæ Menelaum regem Laconum , maritum suum reliquit , ut Paridem filium Priami regis Trojæ , qui tum fortè à Menelao susceptus hospitio fuerat , sequeretur : quæ causa Trojani belli fuit.

LV.

Auditor improbus.

1. Ut recitē tibi nostra rogas epigrammata , nolo:
2. Non audire , Celer , sed recitare cupis.

VERS. 2. *Sed recitare*. Vis illa idcirco audire , ut retineas memoria , tum aliis ,

quasi tua essent , recites: vel , non mea vis audire , sed habere causam recitandi tua.

LVI.

Laus suspiciosa.

1. Bella es ; novimus : & puella ; verum est :

2. Et dives; quis enim potest negare?
3. Sed dum te nimum, Fabulla, laudas,
4. Nec dives, neque bella, nec puella es.

V. 1. *Bella*. Venuſta: bellus quiddam minus eſt pulchro. Vide Epigr. 10.

4. *Nec dives*, &c. Facis nimum te laudando & tuas divitias, formam, caſtita-

tem prædicando, ut eas in te dotes inefſe non credamus. Qui ſe nimum laudat ac venditat, videtur ſibi defenſionem parare, ac ſuis rebus diffidere.

LVII.

In Cæcilianum ficofum.

1. Cùm dixi ficus, rides quaſi barbara verba,
2. Et dici ficos, Cæciliane, jubes.
3. Dicemus ficus, quas ſcimus in arbore naſci,
4. Dicemus ficos, Cæciliane, tuos.

V. 1. Cùm ego vocem hanc *ficus* pluralis numeri poſui in quarta declinatione, me rides quaſi loquar barbarè & parum latinè, viſque dici ficos quaſi vox ficus eſſet tantum ſecundæ declinationis. Ego verò tibi reſpondeo vocem illam, ficus, cùm ſignificat fructum qui ex ficu arbore naſcitur, eſſe rectè ac dici in quarta declinatione: at cùm ſignificat morbum turpem qui tuus eſt, quò tu laboras, eſſe ordinis ſecundi. Dicimus igitur ficus arboreas: & tuos ficos.

Ficus. Significat ea vox

notam arborem, ejuſque fructum; item morbum ſeu vitium corporis ex intemperantia ortum, quando intumefcit caro & inſtar ficus excreſcit; quo morbo qui laborant, ficofi appellantur. Cùm arborem & fructum ejuſdem arboris ſignificat, eſt promiſcuè quartæ aut ſecundæ declinationis; cùm verò morbum, eſt tantum ſecundæ ac generis etiam maſculini, ut liquet ex hoc loco Martialis, qui aliter explicari ſatis commodè & latinè non poteſt.

LVIII.

In furem librorum.

1. Erras, meorum fur avare librorum,
2. Fieri poëtam poſſe qui putas tanti,
3. Scriptura quanti conſtat, & tomus vilis.

4. Non sex paratur aut decem sophos nummis ;
5. Secreta quære carmina , & rudes curas ,
6. Quas novit unus , scriniòque signatas
7. Custodit ipse virginis pater chartæ :
8. Quæ trita duro non inhorruit mento .
9. Mutare dominum non potest liber notus :
10. Sed pumicatâ fronte si quis est nondum ,
11. Nec umbilicis cultus atque membranâ ;
12. Mercare : tales habeo , nec sciet quisquam .
13. Aliena quisquis recitat , & petit famam ;
14. Non emere librum , sed silentium debet .

V E R S 2. Ordo est . Er-
ras si putas posse fieri aliquē
poëtam tanti , id est , tanto
pretio ; non majore sumptu
artem poëticam comparari
posse , quàm quo liber constat ,
ac tomus , *vilis* , hoc est , exigui
pretii : *avarum* vocat furem
illum , quia rem tantam ,
quanta est poëtæ fama , eme-
re contendebat vili pretio .

3. *Scriptura* . Scripta in li-
bro carmina : vel , labor de-
scribendi aliena carmina .

Tomus . Pars libri : liber ,
τόμος , à *τέμνω* , scindo ,
divido . Opus aliquod , in-
gens liber , in multos tomos ,
in multas partes secatur .

4. *Sex nummis* . Sestertiis
sex . Sestertius nummus va-
let asses gallicæ monetæ
duos : ita fuit appellatus qua-
si semistertius , quia valebat
asses tres dempto semisse , si-
ve duos & semis . Exprimi
solebat ac notari duabus L.
L. cum S. nempe , duæ libræ
five asses duo , & semis : po-
stea duæ L. L. junctæ sunt ,
& facta est littera H , unde

obtinuit usus ut illa nota H
S, sestertium significaret . Por-
ro sestertium in neutro gene-
re valet mille sestertios .

Sophos . Plausus , fama bo-
ni poëtæ . Propriè *Sophos* est
vox acclamantium & plau-
dentium ; à Græco *σοφός* ,
id est , sapienter , præclare ,
bellè , &c. Ponitur autem
hoc in loco quasi nomen neu-
trius generis .

5. *Secreta* . Nondum vul-
gata , in scrinio poëtæ recon-
dita .

Rudes . Nondum editas ,
libros quasi recens cufos Me-
taphora ducitur à nummis
qui recens cusi , apparent ru-
des & asperi ; usur , deterun-
tur ac lævigantur .

6 7. Quas chartas seu cu-
ras eruditæ , solus earum au-
ctor & quasi pater , custodit
in suo pluteo & scrinio clau-
sas & obsignatas clavi , aut
annulo , solas & intactas ; ut
virgines abduntur à parenti-
bus , & custodiuntur domi .
Virgo charta , quæ nondum
lectorem experta est , quam

nullius adhuc manus attigit
 Aliàs significat chartam in
 qua nihil scriptum sit, quæ
 pura dici quoque solet.

8. Quæ nondum barbam
 contraxit. Cùm libri sinu
 vel manibus diu tenentur ac
 teruntur, solent sordidâ quâ-
 dam lanugine inhorreere, in
 iisque villi quidam & pili, ut
 in virili mento, subnascuntur.

9. Alteri auctori ascribi
 nequit liber ille, qui jam est
 vulgatus, sed is tantum qui
 nondum est fronte pumica-
 ta, &c.

10. *Pumicata*. Libri olim
 obtegebantur aliquando pel-
 libus, & constabant distin-
 ctis foliis, ut nunc ferè fit:
 ea folia interdum erant mē-
 branea, vulgò tamen lignea
 & cerâ obducta, in qua cera
 scribebatur graphio, ac folia
 illa tabulæ dicebantur. Pelles
 extimæ poliri pumice & levi-
 gari solebant. Est autem pu-
 mex, lapis aridus, levis, spon-
 giosus & erosus. Aliquando
 libri constabant ex uno lon-
 giori & perpetuo membranæ
 folio, ex una pagina in cuius
 ima parte affuebatur bacillus
 tenuis, seu radius è buxo, ce-
 dro, ebore, &c. Circa hunc
 bacillum volvebatur illa in-
 gens & perpetua pagina, ita
 ut extra oras membranæ cir-
 ca bacillum involutæ, exta-
 rent bacilli capita duo torna-
 ta, & buxo, ebore, &c. orna-
 ta, quæ vocabantur libri cor-
 nua. In ima pagina aut ad
 marginem angulosve libro-
 rum addebantur, ornamentis
 causâ, bullæ, clavi ex ære aut

argento, emblemata umbo-
 nis aut umbilici speciem re-
 ferentia, quæ omnia umbilici
 dicebantur.

Fronte. Frons libri, qui
 è foliis multis compactis con-
 stet, dici potest plana facies
 defecti marginis, Gallicè,
la tranche, Italicè *la testa
 del libro*, quia exterior ille
 margo primus in oculos in-
 currit, ut frons & vultus as-
 picitur ab eo qui nos alloqui-
 tur adversos: in volumini-
 bus autem seu libris circa ba-
 cillum involutis, frontes erāt
 oræ & margines chartæ com-
 plicatæ in orbem circa bacil-
 lum, quibus in mediis exta-
 bant cornua: itaque geminæ
 in singulis libris erant; sole-
 bant æquari & poliri pumice.
 Potest etiam gemina frons li-
 bri vocari paginæ initium, &
 pars prima tum interior, tum
 exterior.

11. *Membrana*. Vel pellis
 est, quâ obducebantur libri,
 vel ipsa illa membrana in
 qua scribebatur, quæ bicolor
 à Persio dicitur Sat. 3. quia
 introrsum, (quâ videlicet
 parte scribebatur) candida
 erat; extrorsum croceo, vel
 purpureo colore imbuta.

12. *Tales habeo, &c.* Hunc
 versiculum sic aliqui repo-
 nunt non pravè: *Mercare ta-
 les adeo, &c.* Mendosè verò,
 qui legunt, *Mercare tales ab
 eo*, nempe custode chartæ vir-
 ginis. Peccaret enim versus
 contra prosodizæ leges.

13. *Et petit famam*. Et lau-
 dari, tanquā si sua essent, cu-
 pit: auctor illorū haberi optat.

14. Is non tam debet pretium dare pro libro, quam pro silentio: hoc est, dare pe-

cuniam auctori ut fileat, permittatque te illa recitare pro tuis.

LIX.

Poëta liber.

1. Liber homo es nimirum, dicis mihi, Cherile, sæper.

2. In te qui dicit, Chœrile, liber homo est.

VERS. 1. 2. Dicis mihi semper, ô Chœrile, me esse dicaciorē & liberiorē: sanè hunc esse liberum admodum & otiosum oportet, qui habeat satis otii ut in te hominem nauci & nihili, ac de te scribat; non is ego sum: jocarer in te libenter & liberè, si liber ab aliis occupationibus forem.

Liber. Ea vox aliquando dicacem & maledicum sonat, aliquando otiosum, & va-

cuum, cui nihil est quod agat: ludit in gemina ista significatione. Vel: liber homo est, quia à te nihil timet, nihil expectat. Vel: Liber est quicumque in te dicit, quia in te dici liberè omnia & verè possunt. Legi potest eadem extrema Versiculi pars cum interrogationis nota: liber homo est? an est liber, & dicax qui te insectatur? imò justus, & sincerus est.

LX.

Focus in Canium.

1. Cœpit, Maxime, Pana quæ solebat,

2. Nunc ostendere Canium Terentos.

VERS. 1. 2. O maxime, convenire antea solebant homines ad Terentum, ut ibi simulachrum Panos viserent, jam convenient, concurrentque, ut Canium visant: & Terentos (est in recto casu ea vox, græco flexu) pro simulachro Panos ridentis, ipsum Canium cœpit ostendere.

Pana Pan Deus erat agrorum; Faunorum & Satyrorum ductor, vino, somno, choreis indulgere solitus: ejus simulachrum visebatur in Terento, quæ Terentus erat locus in campo Martio, sic

dictus quod esset prope ripam Tiberis, & ejus aquis tereretur, seu allueretur, vel, quod in eo ara Ditis terra occultaretur. Porro statua Panos habitu ridentis pingebatur: Canius autem erat Poëta lepidissimus ac ridere semper solitus, qui non ita pridem habitare in campo Martio prope Terentum cœperat. Ait igitur Martialis Canium deinceps loco Panos ostentum iri, neque repertum iri dissimilem, si quidem eum semper homines videbunt ridentem, festivum & lepidum.

LXI.

Librum suum Proculo mittit.

1. Vade salutatum pro me liber : ire juberis
2. Ad proculi nitidos , officiose , Lares .
3. Quæris iter ? dicam : vicinum Castora canæ
4. Transibis Vestæ , virgineamque domum .
5. Inde sacro veneranda petes palatia clivo ,
6. Plurima quæ summi fulget imago ducis .
7. Necte detineat miri radiata colossi
8. Quæ Rhodium moles vincere gaudet opus .
9. Flecte vias hæc quæ madidi sunt tecta Lyæi ,
10. Et Cybeles picto stat Corybante tholus .
11. Protinus à læva clari tibi fronte Penates ,
12. Atriæque excelsæ sunt adeunda domus .
13. Hanc pete : ne metuas fastus , limenq ; superbū :
14. Nulla magis toto janua poste patet :
15. Nec propior quàm Phœbus amet , doctæq ; sorores .
16. Si dicet : quare non tamen ipse venit ?
17. Sic licet excuses : Quia , qualiacumque leguntur .
18. Ista saluator scribere non potuit .

VERS. 3. *Iter* Habitabat Martialis ad pilam Tiburtinam in septima urbis regione : C. Julius Proculus in Palatio , regione decimâ .

Castora . Templum Castoris & Pollucis , quod in foro erat . De Castore dictum supra Epigr. 32.

Vestæ . In æde Victoriæ erat simulacrum Vestæ allatum Pessinunte , & juxta videbatur virginum Vestalium domus . Canam vocat Vestam , quia Saturni Deorum antiquissimi filia .

5. A Romano foro ibis in montem Palatinum & regiâ Domitiani , per sacrum cli-

vum , id est , sacram viam , eâ parte quâ Domitiani statua equestris spectatur *Plurima* , alta , eminens , conspicua .

7. Ne moram trahas in spectanda ingenti statua solis , cujus moles Rhodi Colossus superat : id est , statuâ ingentem Solis in portu insule Rhodi positam .

Colossi . De illo vide Epigr. 2. libri Spectaculorum . Sunt qui hunc , & libri Spectaculorum versum interpretentur de statua Domitiani , quam egregiis versibus descripsit Statius .

9. Pete hinc templum Bacchi , & Cybeles .

Lyæi . Ita vocatur Bacchus

ἀ λύω solvo, quia curas solvit Cybele Deorum erat mater.

10. *T holus*. Est testudo tēpli, sive pars in quam lapides aut trabes fornicis coeunt & conveniunt: ex qua suspendi dona votiva consueverant. Sumitur eadem vox aliquando pro ædificiis omnibus, quorum fastigium est rotundum.

Corybante. Erant Corybantes sacerdotes Cybeles: eorum multæ imagines pictæ cernebantur in ejus templo.

Dicti sunt à voce græca κορυπτείν, quæ significat caput saltando jactare, quod illi sacerdotes velut insano furore correpti saltitarent; vel, à voce κόρυς, galea, quod galero quodam instar galeæ facto, uterentur.

11. *A læva fronte*. Ad læ-

vam partem templi Cybeles, Proculi domum invenies.

Penates. Propriè Penates erant Dii domestici, ita dicti, quia in penitiori domo colebantur: pro tota domo sumuntur.

14. Nulla domus est apertior & patientior adeuntibus, ob domini scilicet humanitatem.

15. Nec ulli domus est Phæbo, Musisque gratior. Propior. Præsentior, benignior.

16. *Ipse* Martialis: cur mittit librum, cur non venit ipse?

17. Ita poteris Martialem excusare. Quali acumque, quantulacumque sint ista Epigrammata, requirunt otii tamen aliquid ac temporis, quod iis non suppetit, qui salutatores esse volunt: qui salutandis amicis tempus terunt.

LXII.

In plagiarium.

1. Nostris versibus esse te poëtam,
2. Fidentine, putas, cupisque credi.
3. Sic dentata sibi videtur Ægle,
4. Emptis ossibus, Indicoque cornu:
5. Sic, quæ nigrior est cadente moro,
6. Cerussata sibi placet Lycoris.
9. Hæc & tu ratione, quæ poëta es,
8. Calvus cum fueris, eris comatus.

VERS. 1. *Nostris*. Quos mihi surripuisti, &c.

4. *Ossibus*. Eburneis dentibus. Ebur est ipse dens elephantis, quæ bellua nasci-

tur maximè in India: quidam elephantis dentes vocant cornua, quia cornuum bubulorum magnitudinem & vim habent.

5. *Cadente*. Maturo : tunc enim nigrescit.

6. *Ceruffat a* Fucō infecta. Cerussa est pigmentum candidum quod genis allinitur ad conciliandam venustatē.

7. Sic tu comatum te dices quando emptos crines & af-

cititios appones calvo capiti; sed quemadmodum ascita coma non impedit quominus aliquis revera sic calvus, ita tua furta & carmina mea, quæ pro tuis recitas, non impediunt quominus poëta sis pessimus.

LXIII.

Malum nomen.

1. Dimidium donare Lino, quàm credere totum

2. Qui mavult: mavult perdere dimidium.

VERS. 1. 2. Qui Lino poscenti summam pecuniæ mutuo accipiendam, donat gratis dimidiam summæ illius partem, sapienter facit, quia perdet tantum dimidiam il-

lam partem: si enim totam summam daret illi mutuan, & ab eo speraret esse reddendam, totam perderet, quia Linus nunquam solvit mutuū, creditum nunquam reddit.

LXIV.

Forum dives, Parnassus inops.

1. O mihi curarum pretium non vile mearum,

2. Flacce Antenorei spes & alumne Laris,

3. Pierios differ cantusque, chorosque sororum:

4. Æs dabit ex istis nulla puella tibi.

5. Quid petis à Phœbo? nūmos habet arca Minervæ,

6. Hæc sapit, hæc omnes fœnerat una Deos.

7. Quid possēt hedere Bacchi dare? Palladis arbor

8. Inclinat varias pondere nigra comas.

9. Præter aquas Helicon, & ferta, lyrasque Dearū

10. Nil habet, & magnum, sed perinane, sophos.

11. Quid tibi cum Cyrrha? quid cum Permesside
lympa?

12. Romanum propius, divitiisque forum est.

13. Illic æra sonant: at circum pulpita nostra,

14. Et steriles cathedras, basia sola crepant.

VERS. 1. 2. O Flacce oriunde Patavio, qui dignus es

cui consulam, cujus res curam, cujus res & commoda

mihi & Reip. magno habenda sunt in pretio.

Flacce. Val. Flaccus poeta nobilis, Argonautica scripsit: Vespasiani tempore floruit. Vide Epigr. 53.

Antenorei laris. Urbis Patavinæ, in qua habitavit, & quam condidit Antenor Trojanus. Virg. 1. Æneid. Patavium sive Padua, Padova, quasi Padavium dictum est, quia est ad Padum.

3. 4. *Differ.* Omitte poeticam & carmina, aut in aliud tempus rejice: nulla è Musis te divitem faciet.

5. Frustra opes à Phæbo petis; eget.

Minervæ. Templum Minervæ, vicinum erat Romano foro: ubi causæ agebantur, magno causidicorum lucro. De foro Palladio vide infra versu 12.

6. Tantum habet pecuniæ Minerva, ut mutuos dare Diis reliquis nummos possit: itaque sapit, ac meritò Dea sapientiæ præses dicitur.

7. Quem fructum affert hedera? certè nullum: at olea baccas profert, earumque pondere ramos depressos habet: hoc est, friget poësis, fervet ac ditescit forum. Poëtæ coronabantur hedera. Virg. *Pastores hedera crescētem ornate poëtam.* Ecloga VII. Poëtæ enim sunt in tutela Bacchi, cui sacra hedera.

Varias. Qui virides unâ parte, alterâ cãdidiores sunt.

Helicon. Mons Græciæ in Bœotia, nunc *Heliconæ*, Musis sacer.

10. *Perinane.* Admodum inane, nullius planè utilitatis. De voce *Sophos*, lege Ep. 58. in hoc libro.

11. *Cyrtha.* Unus est è verticibus Parnassi: alter Nisa dicitur.

Permesside. Aqua fluvii Permessi, qui ex Helicone fluit. Legitur etiam: *Permesside nuda.*

12. *Romanum.* Forum Latium & Latinum, sive Romanum, idemque Vetus dictum, erat omnium antiquissimum: additum aliud deinde à Cæsare fuit, Julium nuncupatum, ac deinde Palladium, cum Domitianus illud instaurasset: tertium ab Augusto. Accessit quartum Nervæ, quod Transitorium dicebatur. Additum denique Trajani forum, sive Ulpium.

Propius. Quàm Cyrtha & Helicon, qui sunt procul hinc, in Græcia.

Divitius. Divitior & ditior, à dives; rectè ambo dicuntur & latinè; illud antiquius & obsoletius.

13. *Æra.* Nummi qui olim ex ære sunt cū *Sonant.* Dū solvuntur à clientibus.

Pulpita. Pulpitum, suggestus est, & locus editior, unde ad populum verba fiunt: aliàs significat locum in theatro altiore, ubi pueri symphoniaci.

14. *Cathedras.* Unde magistri discipulos docent, & poëtæ carmina sua recitant.

Basia. Oscula: hoc est, inanes plausus. Solebant deosculari quos laudaret, probarentque.

LXV.

Romana Mors.

1. Indignas premeret pestis cū tabida fauces,
2. Inque suos vultus serperet atra lues:
3. Siccis ipse genis flentes hortatus amicos
4. Decrevit Stygios Festus adire lacus:
5. Nec tamen obscuro pia polluit ora veneno,
6. Aut torfit lentā tristia fata fame.
7. Sanctam Romanā vitam sed morte peregit,
8. Dimisitque animam nobiliore viā.
9. Hanc mortem fati magni præferre Catonis
10. Fama potest: hujus Cæsar amicus erat.

VERS. 1. *Indignas*. Affectus morbo qui erat indignus homine probo, quem sua nimirum virtus ab eo vindicare debere videbatur; qui tale supplicium minimè merebatur.

Pestis &c. Morbus iste, de quo hic agitur, scabies quædam est: à mento in collum, pectusque serpit, & Menta-gra vocatur; aliter, Lichen.

4. *Stygios adire lacus*. Inferos petere, ubi Styx, palus inferorum: decrevit mori.

5. Noluit se tamen veneno interficere.

Obscuro. Quod arcanā vi

nocet, imisque in præcordiis clam sævit. *Polluit*. Veneno extincti colorem ferè lividum referunt.

6. Vitam, fame tristi sensim se macerando, non absumpsit.

7. *Romanā*. Romanis heroibus usitata, forti & generosa gladio se confecit.

9. *Catonis*. De Catone Uticensi vide Epig. 9. hujus lib.

10. *Hujus*. Festi. Præferendus Catoni Festus, quod Cato sibi necem conscivit metu & odio Cæsaris; Festus Imperatoris amicus erat.

LXVI.

In Attalum ardelionem.

1. Semper agis causas, & res agis, Attale, semper:
2. Est, non est, quod agas, Attale, semper agis.
3. Si res, & causæ defunt, agis, Attale, mulas:
4. Attale, ne quod agas desit, agas animam.

VERS. 1. *Res*. Negotia varia: tales homines à Græcis vocantur πολυπράγμονες,

qui semper occupati sunt & inquieti, qui apta inepta, aliena & sua agunt. De il-

lis vide lib. II. Epigr. 6.

3. *Agis mulas*. Oleribus scilicet, aut aliâ quâpiam mercè onustas: quod vilissima mancipia factitabant.

4. *Agas animam*. Opto ut moriaris: ne otiosus sis, ne nihil agas. Ludit in verbo, *agas*; agere animam est eam expellere, exhalare; mori.

LXVII.

In sportulæ petitozem.

1. Sportula, Cane, tibi supremâ nocte petita est.
2. Occidit, puto, te, Cane, quod una fuit.

VERS. I. O Cane, (fictum est nomen) tu eâ nocte quæ tibi suprema fuit, quâ mortuus es, petieras à patronis sportulam; sed cum unam tantum accepisses, ac videres tibi cum ista sportula

moriendum esse fame, puto te hoc dolore exanimatum fuisse. Vel, qui soleres multas sportulas à multis patronis corrogare, cum unam duntaxat tibi datam vidisti, periisti.

LXVIII.

In servum.

1. E servo scis te genitum, blandèque fateris;
2. Cum dicis dominum, Sosibiane, patrem.

VERS. I. 2. Sosibianus ex adulterio nobilis matronæ cum servo, natus erat, & illius matronæ virum, cujus filius putabatur, dominum

blandiendo vocitabat Rectè, inquit vates, facis, ô Sosibiane, tuus ille dominus non pater est, tu servus & furto natus.

LXIX.

Homo probus, superum est cura.

1. Hæc quæ pulvere dissipata multo
2. Longas porticus explicat ruinas,
3. En quanto jacet absoluta casu!
4. Tectis nam modò Regulus sub illis
5. Gestatus fuerat, recesseratque:
6. Victa est pondere cum suo repente,
7. Est postquam domino nihil timebat,
8. Securo ruit incruenta damno.
9. Tantæ, Regule, post metum querelæ,

10. Quis curam neget esse te Deorum,
11. Propter quem fuit innocens ruina?

VERS. I. *Hæc*. Idem argumentum tractat Epig. 13.

Dissipata. Cum ingenti pulvere dissoluta & collapsa.

3. Quàm bene isto suo casu & prolapsione liberata est ab hominum invidia, & à gravi crimine quo laborasset, si virum probum oppressisset! vel, quàm felici eventui & casu, soluta est veluti scelere, cujus fuisset rea, si, &c.

8. *Securo*. Nihil domino nocens, sed sibi; suo damno

& periculo tantum cadens, non alieno. *Incruenta*. Innocentia.

9. 10. Postquam soluti & liberati sumus metu damni & exitii tui, quod profecto ingentes hominum querelas excitasset, qui divinam accusassent aut negassent providentiam; quis non intelligit te superis curæ esse, cujus virtuti datum sit, ut impunè, ac te illæso, porticus rueret?

LXX.

In præconem stolidè facetum.

1. Venderet excultos colles cum præco facetus,
2. Atque suburbani jugera pulcra soli:
3. Errat, ait, si quis Mario putat esse necesse
4. Vendere: nil debet; fœnerat imo magis.
5. Quæ ratio est igitur? servos ubi perdidit omnes,
6. Et pecus, & fructus, non amat inde locum.
7. Quis faceret pretium, nisi qui sua perdere vellet
8. Omnia? sic Mario noxius hæret ager.

V. I. *Venderet*. Marius quidam prædium prope urbem habebat lautum & cultum: illud, ut æs alienum dissolveret, vendere cupiens, præconi & hastæ subjecit; id est, adhibuit præconem à quo venale prædium proclamaretur: auctionem constituit: (auctionis signum erat hasta in certo loco publicè sublata & fixa.) Præco malè facetus cum vellet Marium excusare, ne quis eum inopiâ & æris alie

ni gravitate id facere putaret, attulit fictam causam, nempe quod in eo prædio Marius servos & pecora amisisset, sed non intellexit homo stupidus fore ut inde omnes colligerent continuo, agrum esse pestilentem, atque ita nemo vellet ejus facere pretium, hoc est, illum emere, quod revera contigit.

4. *Fœnerat*. Non modò nihil aliis debet, ut contra mortuam ipsi det pecuniam.

5. *Ubi*. Ordo est : obeam causam non amat hunc fundum, ubi servos perdidit.

8. *Noxius*. Damnosus Mario, qui vendere illum cupie-

bat, ut haberet unde alienum es dissolveret; vel, ubi servos perdiderat. *Heret*, manet, non emitur ab aliis.

LXXI.

Vicinus non vicinus.

1. Vicinus meus est, manuque tangi
2. De nostris Novius potest fenestris.
3. Quis non invideat mihi, putetque
4. Horis omnibus esse me beatum,
5. Juncto cui liceat frui sodale?
6. Tam longè est mihi, quàm Terentianus,
7. Qui nunc Niliacam regit Syenen.
8. Non convivere, nec videre saltem,
9. Non audire licet: nec urbe totâ
10. Quisquam est tam prope, tam proculq; nobis.
11. Migrandum est mihi longiùs, vel illi.
12. Vicinus Novio, vel inquilinus
13. Sit, si quis Novium videre non vult.

VERS. 5. *Juncto*. In junctis ædibus habitante.

Terentianus. Eques Rom. qui Ægyptum administra-
bat. *Syene*. Est urbs in Æthio-
piæ finibus & Ægypti: nunc
appellatur *Asna*. Sub tropico
Cancris posita est, ad Nilum;
olim Romani Imperii, ut
nunc Turcici, terminus.

12. *Inquilinus sit*. Habitet
in ipsius Novii domo. Voca-
tur inquilinus, qui habitat

in domo alterius conductâ,
non sua. Lemma vulgò huic
epigrammati præfixum legi-
tur, *De Novio Mycropsycho*
seu *Mycrospico* (quæ vox ea-
dem est ac prior, translatis
paulisper ac vitiatis elemen-
tis.) Est autem *Μικρόψυχος*
homo pusilli animi & meti-
culosi, qui sub rustico pudore
impeditur, ne homines con-
veniat, accipiat, alloquatur.

LXXII.

In mulierem ebriosam.

1. Ne gravis hesterno fragres, Fescennia, vino,
2. Passillos Cosmi luxuriosa voras.
3. Ista linunt dentes jentacula: sed nihil obstat,

4. Extremo ructus cūm venit à barathro.
5. Quidquòd olet graviùs mistū diapasmate virus,
6. Atque duplex animæ longiùs exit odor.
7. Notas ergo nimis fraudes, deprensæque furta
8. Jam tollas, & sis ebria simpliciter.

VERS. I. Ne oleas vinum
à te haustum heri.

Vino. Vini usus Romanis
fœminis severè admodum in-
terdictus erat.

2. *Pastillos.* Pastillus à pa-
ne dictus est, quod parvi pa-
nis formam referat, cūm sit
rotundus & planus ad rotæ
similitudinem: hinc τροχίσ-
κος *rotula*, vocatur à Græcis.
Est rotunda massa ex cinna-
mo^{no}, pipere, & aromatibus
conflata, quam ore contine-
bant, ut halitus esset suavis
& bene olens.

Luxuriosa. Delicata, in-
temperans. Cosmus autem
erat unguentarius & phar-
macopola celebris.

3. Isti pastilli nihil aliud a-
gunt nisi dentes, & os extre-
mum linunt, non depellunt
aut odorem tetrum, qui ab
ructante stomacho tanquam
à barathro fœtente venit.

Jentacula. Quia isti pastil-
li manè ut plurimūm sume-
bantur à jejunis.

5. 6. Imo virus & vini o-
dor gravis, fœdius olet cūm
est mixtus odori pastillorum;
& anima, sive halitus ex u-
troque isto odore mixtus, lon-
giùs propagatur, durat diu-
tiùs.

Diapasmate. Diapasmata
propriè dicuntur ea quæ siccis
odoribus constant, sine oleo,
aut alio liquore, ut pulvis
quem Cyprium vocant, qui
crinibus inspergitur, à voce
διασπάσσω, inspergo. Su-
mitur hic pro pastillo seu
trochischo & odorato orbicu-
lo.

8. Abstine igitur deinceps
à vorandis pastillis, omitte
istas fraudes & furtiva jen-
tacula, quæ tuam ebrietatem
magis produnt, & fœtorem
augent: minùs graviter ole-
bis cūm eris tantūm ebria,
cūm simplici fœtore vini la-
borabis, & non duplici, nempe
vini & diapasmatum. Vel; e-
sto apertè & candidè ebria,
non dissimulanter & molestè.

LXXIII.

Epitaphium Alcimi.

1. Alcime, quæ raptum domino crescentibus annis
2. Lavicana levi cespite velat humus:
3. Accipe non Pario nutantia pondera saxo,
4. Quæ cineri vanus dat ruitura labor;

5. Sed fragiles buxos, & opacas palmitis umbras,
 Quæque virent lachrymis roscida prata meis.
 7. Accipe, care puer, nostri monumenta doloris:
 8. Hic tibi perpetuo tempore vivet honor.
 9. Cū mihi supremos Lachesis perneverit annos,
 10. Non aliter cineres mando jacere meos.

V E R S. 2. *Lavicana*. Qui in via Lavicana sepultus es. Sepulcra juxta vias publicas poni moris erat, ut prætereuntes admonerentur mortalitatis. Labicum autem seu Lavicum est vicus Latii. Hinc via Lavicana, quæ Roma Lavicum ducebat; vulgò nunc *Strada di Valmontone*.

Levi cespite. Non magnifico tumulo, nempe cespititio. *Velat*. Tegit, tumulat.

3. 4. Non extruimus tibi sepulcrum è marmore, cujus moles immensa & in altum educta sit, qualem Principes mortuis ponunt, inani labore, quia istæ moles aliquando corruent.

Pario. Parus insula est Ægæi maris, *Pario*, ubi marmor insigne: legitur etiam *Phario*. Est Pharos, *Farion*, exigua insula Ægypti, prope Alexandriam. In ea insula erat ingens turris, Pharos quoque dicta, quæ navigantibus iter commonstraret ac portum. Si legas, *Phario*, Pyramides intellige, quæ erant sepulcra regum Ægypti. De illis vide lib. Spect. Epig. 1.

Nutantia. Ædificia altissi-

ma videntur nutare.

5. *Buxos*. Sepulcri locum solebant obumbrare arboribus, iisque ut plurimum quæ perpetuam viriditatem retinent, rati hoc felicibus umbris convenire: flores etiam ferebant eos, qui diutius durarent.

Palmitis. Est propriè palmes, ramus viteus: hic pro qualibet arbore ponitur.

6. *Prata*. Cespitem quem meis lacrymis irrigavi, unde herba viridior.

7. 8. *Monumenta*. Nempe buxetum, pratum, atque adeo hæc mea carmina, quæ durabunt & vivent diu in tuum honorem.

9. *Lachesis*. Una de Parcis. Tres vulgo numerantur: Clotho, Atropos, & Lachesis. Lege lib. I V. Ep. 42.

Perneverit. Nendo absolverit, ubi fatale pensum absolverit, finemque meis annis imposuerit, non cupio alio sepulcri honore frui atque tu: carmina mihi dari, & cespititium tumulum amicorum lacrymis rigatum volo, præterea nihil.

LXXIV.

Garrire in aurem.

1. Garris in aurem semper omnibus, Cinna:

2. Garris & illud, teste quod licet turbâ:
3. Rides in aurem; quereris; arguis; ploras:
4. Cantas in aurem; judicas; taces; clamas.
5. Adeone penitus sedit hic tibi morbus,
6. Ut sæpe in aurem, Cinna, Cæsarem laudes?

VERS. 1. *In aurem*. Omnes alloqueris clanculum & secretò, quasi diceret mysterii quidpiam.

2. Et illud clam dicis quod omnes sciunt, quod licet publicè coram omnibus dicere.

5. Adeone placet tibi, & inolita est ista taciturnitas,

atque arcani religio vitiosa? ut etiam Imperatorem non nisi clam laudes? Fortasse obrectatorem carpit, qui Cæsari detrahebat clam, cum in aurem de eo loqueretur. Si verè laudas, luce, palam, & clarè lauda.

LXXV.

Obrectator.

1. Cùm tua non edas, carpis mea carmina, Læli:

2. Carpere vel noli nostra, vel ede tua.

V. 2. *Ede tua*. Si enim tua edideris carmina, plura in iis erunt reprehendenda quàm

in meis, quæ tamen malignè carpis, quasi poëta optimus.

LXXVI.

Amicorum Epitaphium.

1. Fabricio junctus fido requiescit Aquinus,

2. Qui prior Elyfias gaudet adisse domos.

3. Ara duplex primi testatur munera pili:

4. Inscriptum est, titulo quod brevioris legis.

5. Junctus uterque sacro laudatæ fœdere vitæ,

6. Famaque quod rarò novit, amicus erat.

12. VERS. 1. *Junctus*. In vicino tumulo conditus.

2. *Gaudet*. Lætus nimirum quod reliquerit amicum superstitem, quod prior obiit.

3. *Ara*. Excitari solebant prope tumulos arulæ: duobus illis gemina posita est: &

in aëre basi sculptum fuit vexillum, ex quo intelligatur eos fuisse primi pili honore donatos. Primipili centuriones vocabantur, qui custodiebant legionis vexillum, quod aliud nihil erat quàm arula inaurata imposita summae perticæ, infra quam aram

imago Imperatoris pende-
bat: supra autem, aquile ef-
figies visebatur, aræ immi-
nens. Ordo & sensus est: Ara
duplex (vel excitata prope
tumulum, vel incisa & in-
sculpta cippo) testatur eos
fuisse primi pili dignitate or-
natos: ad eorum tamen lau-
dem est insignius id quod le-
gis inscriptum brevior titu-
lo, nempe paucioribus ver-
bis scriptum in titulis & elo-
gii morem, (scriptum, in-
quam, in aræ ipsius basi, vel
cippo aliquo) scilicet illud di-
stichum quod sequitur *Iun-*
ctus uterque &c. Cujus ge-
mini versiculi est hæc senten-
tia. Uterque vitam iisdem
in armis & arte militari, in
eadem honorum & munerū
societate, vixit; & uterque
amicus alteri vixit, quod ra-

rd prædicatur inter pares, at-
que æmulos.

Primipili. Pilum erat ha-
sta brevior, telum Romanis
usitatum. Centurio primi pi-
li, sive Primipilus, erat in
prima cohorte centurio tria-
riorum: Triarii vocabantur
milites, qui tertium & præ-
cipuum in cohorte ordinem
seu lineam, ut vocant, tene-
bant, militum omnium natu-
maximi: secundum locum &
ordinem habebant ii qui Prin-
cipes dicebantur, primum seu
anteriorum Hastati. In sin-
gulis legionibus erant decem
cohortes, & centuriones se-
xaginta, sex in unaquaque
cohorte. Centurio Primipila-
lus aliis omnibus centurioni-
bus præstabat, aquilam le-
gionis tenebat, aderat consi-
lio cum tribunis, &c.

LXXVII.

In pessimum causidicum.

1. Quod clamas semper, quod agentibus obstrepis,
Heli,
2. Non facis hoc gratis: accipis, ut taceas.

VERS. I. *Agentibus obstre-*
pis. Alios, qui causas agunt,
patronos, obtundis & inter-
pellas clamando, vociferando.

2. *Gratis.* Sine causa: sine
spe lucri: speras hanc tuam
loquacitatem tibi lucro fore:

& est sanè tibi quæstuosa:
cogis enim iudices & bonos
patronos tibi os obturare mu-
neribus, & silentium tuum
emere. Alii accipiunt mune-
ra ut loquantur, tu ut taceas:
adeo improbus es rabula.

LXXVIII.

In hominem mollem ac effæminatum.

1. Si non molestum est, teque non piget, Scazon,
2. Nostro (rogamus) pauca verba Materno
3. Dicas in aurem, sic, ut audiat solus:

D vj

4. Amator ille tristium lacernarum,
5. Et bæticatedus atque leucophæatus,
6. Qui coccinatos non putat viros esse,
7. Amethystinâsque mulierum vocat vestes;
8. Nativa laudet, habeat & licet semper
9. Fuscus colores; galbanos habet mores.
10. Quæris, quis hic sit? excidit mihi nomen.

VERS. I. *Scazon*. Versus est iambico cetera similis, hoc uno dispar quod in sexta sede spondæum habeat, iambum in quinta. Hunc alloquitur Martialis, mittitque ad Maternum: modò tamen, inquit, ire commodè possis; claudicat enim *Scazon*, & ita vocatur à verbo *σκάλλω*, claudico; scholiambus etiam dicitur, quasi claudus iambus: à *σκολιός*, tortuosus: & *ἰαμβικός*, iambus.

3. *In aurem*. Vide Epig. 74. & lepidè hoc dicit: jubet clam à versu narrari, quod ipse palam litteris mandat ac vulgat.

4. Ille quem nōsti, qui amat uti lacernis vilibus, & obscuri coloris.

Ille. Aliquis Materno notus, quidam Cinnam, alii Galbam, nonnulli Fuscum vocant.

Lacernarum. Erat lacerna vestis crassior, quæ ceteris imponebatur, vulgò pulli coloris; à militibus primùm usurpata in castris, & armis superinjecta; post in urbem inducta.

5. *Bæticatedus*. Qui utitur vestibus nativo colore tin-

ctis, qualem habent lanæ ovium Hispanarum prope fluvium Bætum, nunc dictum *Guadalquivir*. Nativus ille Bæticarum ovium & lanarum color erat rutilus: in cetera Hispania vulgò nativus ovium color fuscus erat ac ferrugineus, quem fortè Martialis hoc in loco intelligit, Bætiam accipiendo pro tota Hispania, cujus est pars Bætica, nunc Andalusia & pars regni Granatensis.

Leucophæatus. Qui vestes gerere leucophæas solet: color leucophæus, est mixtus ex albo & nigro, cinereus, à *λευκός* albus, & *φαιός* niger: *λευκόφαιος* leucophæus: & albo & nigro conflatus.

6. Qui non putat temperantes & pudicos esse illos, qui coccineis vestibus induuntur. Coccum est granum sumptum ex arbuscula quadam, quo rubeus color admodum vividus conficitur.

7. *Amethystinas*. Violacei coloris. Amethystus est gemma referens colore vinum pallidum, aut sanguinem dilutum. Vide lib. X. Ep. 45. Erant in pretio vestes istius coloris, apud Romanos. Sen-

fus est: qui vestes amethystinas mulierum proprias, mulieribus relinquendas esse clamat.

8. Quamvis nativas, id est, naturâ, non arte tinctas vestes laudet, Bæticatas nimirum, coloresque vestium habeat fuscus & viles: mores habet tamen minimè vestibus similes seu fuscus, sed Galbanos, seu tinctos galbano, quo colore maximè gaudent fœminæ, id est, molles habet mores ac effœminatos.

Galbanos. Galbanus sive Galbeus aut Galbinus, & Galbaneus, est color subal-

bus & pallidus, qualis apparet in galbano, quod est visci aut resinæ genus, in Syria frequens: eo vestium colore, maximè fœminæ utebantur. *Galbus* exponitur *χλωρός*, id est, viridis, flavescent, pallidus. Volunt aliqui notatum his verbis clam Imperatorem Galbam, qui erat in primis effœminatus, aut aliquem aliū, quem carpit, & cuius nomen sibi excidisse argutissimo joco dicit, licet illud satis indicaverit, dum fuscus colores dixit (si Fuscus appellabatur:) Galbanos mores (si Galba:) coccinatos (si Cinna.)

LXXIX.

In clamosum causidicum.

1. Cùm clamât omnes, loqueris tu, Nævole, tantū;
2. Et te patronum, causidicumque putas.
3. Hac ratione potest nemo non esse disertus:
4. Ecce, tacent omnes, Nævole, dic aliquid.

VERS. 2. *Patronum.* Nempe eloquentem, & eximium.

3. *Hæc ratione.* Si clamet omnibus clamantibus: quis enim illum audiat, aut qualis orator sit, judicet? sed si

tacentibus aliis loquatur solus, & dicat aliquid, tunc num verè sit eloquens poterit judicari. Hoc tu facito, Nævole.

LXXX.

Litigatoris chiragra.

1. Litigat, & Podagrâ Diodorus, Flacce, laborat;
2. Sed nil patrono porrigit: hæc chiragra est.

VERS. 2. *Chiragra.* Non tantum podagra laborat, sed etiam chiragra, quæ manus ipsi constringit ne quid largiatur. Legitur & *Cheragra*, quia *χειράγρα* primam pro-

ducit: potest tamen eximie, & sic *χειράγρα* primam corripit, quæ raro producta reperitur.

LXXI.

Dives avarus è paupere liberali.

1. Non plenum modò viciēs habebas ;
2. Sed tam prodigus, atque liberalis,
3. Et tam lautus eras, Calene ut omnes
4. Optarent tibi centies amici.
5. Audīt vota Deus, precesque nostras ;
6. Atque intra, puto, septimas Kalendas
7. Mortes hoc tibi quatuor dederunt.
8. At tu, sic quasi non foret relictum,
9. Sed raptum tibi centies, abisti
10. In tantam miser esuritionem,
11. Ut convivia sumptuosiora
12. Toto quæ semel apparas in anno,
13. Nigræ sordibus explices monetæ :
14. Et septem veteres tui sodales
15. Constemus tibi plumbeâ selibra.
16. Quid dignum meritis precemur istis?
17. Optamus tibi millies, Calene :
18. Hoc si contigerit, fame peribis.

VERS. 1. Non ita pridem habebas in loculis fermè viciēs centena millia festerium. Redit hæc summa ad libras Francicas 100000.

Viciēs. Sumitur hic quasi neutro genere, & subauditur, centena millia: viciēs cētena festertiorum millia. *Non plenum*, est, non integrum: pauci desiderabantur nummi, quoniam plena & tota hæc summa foret, quod ~~non~~ totum omnino viciēs haberes.

4. *Centies.* Subaudi, centena millia. H. S. id est, Francicos nummos 1000000.

6. Intra septem menses adiisti hereditates quatuor hominum mortuorum, quarum

ope hanc summam es consecutus. Kalendæ sunt prima dies cujusque mensis. Cur ita dictæ, vide lib. I.

8. *Relictum.* Testamento.

9. *Raptum.* Furto sublatum.

10. In tam sordidam & famelicā avaritiam lapsus es, ut in convivia vel maximè sumptuosa, quæ die natali tuo semel in anno præbes, non insumas nisi nigram & sordidā monetam, ex ~~ore~~ & plumbo constantem, nimirum aliquot teruncios, quadrantēve, quibus accipis septem convivas, eosque amicos veteres. Explicare convivia, est instruere mensam explicatis

& appositis cibis.

15. *Selibra*. Est dimidia libra, seu semilibra; *plumbea*, nummo æreo, valente selibram, quem ironicè plumbeum vocat: quod enim in quoque genere deterius erat, plumbeum vocabant, quia in metallis plumbum est deterrimum. Libra porro idem est quod as, si pretium spe-

ctes: itaque selibra est dimidia pars assis, seu duo quadrantes. Quod hyperbolicè, ut vides, accipiendum est.

17. *Millies*. Libras Francicas 10000000.

18. Si enim tam parcus, & sordidè avarus es, cùm superi tibi dedere centies centena milia H. S. quid fiet si dederint millies.

LXXXII.

In vetulam.

1. Māmas atque tatas habet Afra, sed ipsa tatarū
2. Dici & manimarū maxima mamma potest.

VERS. 1. *Mammas*. Pueri matrem vocabāt mammam; & patrem, tatam: Afra vetula cū ætatem cupidè celare vellet, suos parentes, blandiendo sic vocitabat, & infantium more delicias facie-

bat, cū tamen omnium manimarum maxima propter senectutē dici posset. Turnebus ait hoc in loco maximā māmā dici eo modo ac sensu, quo latinè dicitur maximus avunculus, maximus focer.

LXXXIII.

Servus moriens libertate donatus.

1. Illa manus quondam studiorum fida meorum,
2. Et felix domino, notaque Cæsaribus,
3. Destituit primos viridis Demetrius annos:
4. Quarta tribus lustris addita messis erat.
5. Ne tamē ad Stygias famulus descēderet ūbras,
6. Ureret implicitum cū scelerata lues,
7. Cavimus; & domini jus omne remisimus ægro:
8. Munere dignus erat convaluisse meo.
9. Sensit deficiens sua præmia, meque patronum
10. Dixit, ad infernas liber iturus aquas.

VERS. 1. &c. Ordo est: Demetrius viridis, hoc est, juvenis, illa manus, (per appositionem) nempe, ille meus servus amanuensis, li-

brarius meus, qui fidus erat, seu mihi fidelis, & conscius studiorum & carminū meorum, quæ, scilicet, describebat cū ea mitterem ad Cæsa-

res, quibus idcirco notus erat.
Felix, utilis.

3. *Destituit*, &c. Vitam
vix inchoatam reliquit.

4. Natus erat annos unde-
viginti, seu 19.

Lustris. Lustrum est spa-
tium annorum quinque, quo
finito censores lustrabant ur-
bem, & recenscebant civium
nomina, fortunas, &c.

5. *Famulus*. Non donatus
libertate: ordo est; nos tamen
cavimus, id est prohibuimus,
providimus, ne servi nomen
& conditionem retineret ex-
tremo in morbo.

7. Eum volui solutum esse

ab omni jure quod habebam
in eum, ut dominus in servū.

Jus omne. Domini jus ha-
bebant vitæ & necis in suos
servos, omnia bona servi, do-
mini erant, &c.

8. Debebat profectò con-
valescere isto munere; liber-
tate per me donatus; id me-
rebatur, nisi fata invida ob-
titissent. Quàm vellem, ut
sanitatem recipere, perinde
ac libertatem, potuisset!

9. Moriturus præmium sibi
à me pro fideli opera navata
persolutum libens & lætus a-
gnovit, mēque patroni nomi-
ne salutavit extremum.

LXXXIV.

Venus invenustè picta.

1. Qui pinxit Venerem tuam, Lycori,

2. Blanditus, puto, pictor est Minervæ.

VERS. 2. *Blanditus*. Cer-
tavit olim Venus de forma
cum Pallade, arbitro Paride,
qui palmam Veneri adjudi-
cavit, unde grave odium Pal-
ladis in Venerem exarsit. Pi-
ctor imperitus imaginem Ve-

neris Lycoridi puellæ, infei-
tam & inelegantem pinxe-
rat; ait Martialis illum hoc
fecisse ut gratiam iniret à
Pallade, (eadem est ac Mi-
nerva,) Venerem nempe de-
formem pingendo.

LXXXV.

In avarum repente divitem factum.

1. Si dederint Superi decies mihi millia centum,

2. Dicebas nondum Scævola justus eques:

3. Qualiter, ô, vivam, quam largè, quàmque beatè!

4. Riserunt, faciles & tribuere Dei.

5. Sordidior multò post hoc toga, pænula peior;

6. Calceus est fartâ tērque, quaterque cute.

7. Dèque decem plures semper servantur olivæ;

8. Explicat & cœnas unica mensa duas.

9. Et Vejentani bibitur fæx crassa rubelli,

10. Asse cicer tepidum constat, & asse faba.
 11. In jus, ô fallax atque inficiator, eamus:
 12. Aut vive, aut decies, Scævola, redde Deis.

VERS. 1. *Decies centum millia*. Efficit hæc summa libras Francicas 100000. Romanæ verò monetæ circiter viginti duo millia, & quingentos, nummos, quos scutatos vocant. & pro immani ac prægrandi summa poni vulgò solebat.

2. *Iustus eques*. Nondum habens censum equestrem, nempe 400 sestertia.

4. *Riserunt*. Norant quippe Scævola m non esse mutaturum avaros mores & fordidos. *Faciles*. Largi, boni. *Tribuere* quod petebas, nempe decies centena millia sestertiū.

5. *Toga*. Imponebatur tunicæ, idque ferè in urbe; ut pænula ruri, aut per imbrem: erat enim pænula villosa vestis & crassa.

7. De olivis decem, quas convivis apponis in cœna, servas plurimas in cœnam & diem sequentem.

8. Et apponis in una men-

sa, in uno convivio fercula rancida, quæ asservaveras & seposueras è priori mensa: ita ut eadem fercula duabus cœnis ministrantur vel tota, vel partim. Potest aliter explicari: Partiris pauca fercula, quæ vix uni mensæ sufficerent, in cœnas duas.

9. *Vejentani rubelli*. Vini rubri pessimi, apud Vejentes (Italiæ populi sunt) nati: urbs primaria Vejentium dicebatur Veii, nunc *Isola*, estque castrum quoddam, in Hetruria.

18. *Cicer & fabas*, vilia legumina, emis, & parvo. De cicere supra Ep. 36.

11. *Fallax*. Qui te lautius victurum spondebas, si dicesceres.

Inficiator. Negator: qui non itas promissis, qui negas te debere quod promissisti, nempe, te lautius victurum.

12. *Vive*. Genialiter nimirum, ac opiparè.

LXXXVI.

Leonum & leporum lusus.

1. Picto quòd juga delicata collo
2. Pardus sustinet; improbæque tigres.
3. Indulgent patientiam flagello;
4. Mordent aurea quòd lupata cervi;
5. Quòd freno Lybici domantur urfi;
6. Et quantum Calydon tulisse fertur,
7. Paret purpureis aper capistris;
8. Turpes effeda quòd trahunt bisontes;

9. Et molles dare iussa quòd choreas
10. Nigro bellua nil negat magistro;
11. Quis spectacula non putet Deorum?
12. Hæc transit tamen, ut minora, quisquis
13. Venatus humiles videt leonum,
14. Quos velox leporum timor fatigat.
15. Dimittunt, repetunt, amantque captos,
16. Et securior est in ore præda;
17. Laxos cui dare, perviosque rictus
18. Gaudent, & timidos tenere dentes,
19. Mollem frangere dùm pudet rapinam,
20. Stratis cùm modò venerint juvencis.
21. Hæc clementia non paratur arte,
22. Sed norunt cui serviant leones.

VERS. 1. &c. Ordo est. Quis non putet spectacula Deorum esse, hoc est, divina, admirabilia, qualibus ipsi Dii capiantur, quòd pardi juga collo sustinent: quod tigres & cervi frænis & flagello, ut equi, regantur, &c.

Pictus. Maculoso, varii coloris.

Delicata. Mollia, elegantia, modica; fericis & aureis ornamentis ad delicias compacta & ornata.

2. *Pardus*. Animal ferum, insigni crudelitate, velocitate summa, maculosa pelle. *Leopardo*.

Improbæ. Atroces, feræ: vel, cicuratae, ita ut feritate suâ nihil noceant, sed blandiantur potius & alludent. Ita improbum leporem antea vocavit, lepidum scilicet, protervum, petulcum.

3. Verberari se ultrò patiuntur, adeo sunt indulgentes Cæsari, & magistris ob-

sequentes, quamvis possent illis resistere.

4. *Lupata*. Fræna sunt aspera & inæqualia, quorum morsus acerrimus: à dentibus lupinis, qui acutissimi sunt, nomen illis factum.

6. *Calydon*. De illo apro vide Ep. 14. libri spectac. Vocatur ea nunc urbs *Ayton*. Aper tantus, quantus erat ille *Calydonius*.

7. *Capistris*. Capistrum est lignum quod inseritur equorum collo, dum aratro junguntur: aut vinculum quo illorum os, collumve obstringitur.

8. *Effeda* Sunt currus Britannici, aut etiam Gallici. *Chariots*. i. *Carri*.

Bifontes. Vide Ep. 22. libri Spectac.

10. *Nigro*. Alicui nimirum Indo vel Æthiopi.

Bellua. Elephas: ita propriè dicitur ob molem corporis immanem.

12. Hæc tamen spectacula,
licet admirabilia, contemnit
præ leonum venatione lepores
magno quasi labore & defatigatione caprantium, humiles feras & timidas.

13. *Humiles*. Velut indignos leonibus.

14. *Timor leporum*. Timidi lepores.

19. *Frangere Occidere*. Ra-

pinam. Prædâ: captos lepores.

20. Pudet leones interimere lepores, cum paulò ante tauros interemerint. *Venerint*. In arenam.

22. Cæsaris numen sentiunt leones, & clementiam scilicet imitantur: norunt eum abhorre à feritate Eadem est ferè clausula Ep. 16. lib. Spectac. & 15. hujus lib.

LXXXVII.

Vinum Nomentanum vetus.

1. In nomentanis, Ovidi, quod nascitur agris.
2. Accepit quoties tempora longa merum;
3. Exuit annosâ mores, nomènque senectâ,
4. Et, quidquid voluit, testa vocatur anus.

VERS. 1. 2. &c. Vinum Nomentanum ubi diu servatum fuit, deponit ingenitam asperitatem, neque jam Nomentanum vocatur, sed quodcumque libuerit nomen adsciscit, Cæcubumque aut Falernum appellari potest, quia tunc de bonitate & palma

certat cum vinis generosissimis.

Nomentanis. Nomentum est oppidum Italiæ in Latio: vulgò nunc *Lamentana*.

Testa anus. Vetus amphora: vinum vetus in amphoras diffusum. Doliis etiam fistilibus utebantur.

LXXXVIII.

Poëtas quid acuat ad laborem.

1. Sæpè mihi dicis, Luci clarissime Juli,
2. Scribe aliquid magnum: desidiosus homo es.
3. Otia da nobis; sed qualia fecerat olim
4. Mæcenas Flacco, Virgiliòque suo:
5. Condere victuras tentem per sæcula curas,
6. Et nomen flammis eripuisse meum.
7. In steriles campos nolunt juga ferre juvenci:
8. Pingue solum lassat, sed juvat ipse labor.

VERS. 3. *Otia*, &c. Respondet Martialis.

Flacco. Horatio, qui Mæcenati carissimus; uti & Vir-

gilius ad cuius versum respexisse Martialis videtur: *O Melibee Deus nobis hæc otia ferit*: otium hic porro pingue & pecuniosum intelligit. Mæcenas summa fuit apud Augustum in gratia, idemque omnium eruditorum patronus.

5. Tunc ego tentabo ejusmodi carmina scribere cum cura, quæ immortalitatem consequantur: nempe si mi-

hi otia dederis, &c.

6. *Flammis*. Rogo, morti, oblivioni.

7. 8. Nolunt arare littus, agros steriles exercere, tauri. Fatigantur quidem agricolæ dum pingue & opimum solum proscindunt, sed ille ipse labor eos delectat, spe nimirum amplæ messis & mercedis: est illis magno quæstui. Ita scribendi laborem spes mercedis levat.

LXXXIX.

Liber saluator.

1. Est tibi (sitque, precor, multos crescatque per annos)
2. Pulchra quidē, verūm Transtiberina domus.
3. At mea Vipsanas spectant cœnacula laurus:
4. Factus in hac ego sum jam regione senex:
5. Migrandum est, ut manē domi te, Galle, salutē:
6. Est tanti, vel si longiūs illa foret.
7. Sed tibi non multum est, unum si præsto togatū:
8. Multum est, hunc unum si mihi, Galle, nego.
9. Ipse salutabo decimā, vel feriūs, horā:
10. Manē tibi pro me dicat avere liber.

VERS. 3. At ego habito propè porticum M. Vipsanii Agrippæ Is Augusti fuit gener; ædificavit templum in honorem omnium Deorum, quod appellavit Pantheon, addiditque porticum lauris opacatam.

Cœnacula. Pars ædium ubi cœnabatur, cœnaculum dicta est: erat ferè in superiori domo, quæ pars superior cum pauperibus inquilinis vulgò locaretur, cœnaculum sumi-

tur pro vili domuncula.

5. Si velim te manē salutare, demigrandum est mihi ex hac mea domuncula, conducenda mihi alia domus est trans-Tiberim, tuæ vicina: tanta enim est intercapedo inter hanc meam propè Pantheon positam, & tuam domum, ut si manē egrediar te salutaturus, viam emetiri antè non possim quàm idonea salutandi hora effluerit; & tardiùs ad te sim venturus.

6. Equidem scio te tanti faciendum esse, ut mihi non recusandum sit tantum suscipere itineris & laboris, etsi domus mea longius abesset à tua.

7. Sed tua dignitas non multum augebitur, si me tibi togâ vestitum (ut clientes salutaturi solebant) manè sistam, unum inter tot clientes: sine incommodo tuo, abesse unus possum: at non possum adesse, tibi præsto esse, sine meo magno incommodo: si enim hunc, hoc est, me, unum

mihi nego, mihi eripio & meis litteris, si otium ac tempus tero dum salutandi officio fungor, multum mihi perit, magnam jacturam facio.

9. *Decimâ horâ.* Tertia antè noctem hora. Diem enim semper in horas 12. dividebant, & prima illa erat, quâ sol oriebatur; duodecima, quâ occidebat. Horâ nonâ ferè cœnabant. Itaque post cenam se venturum dicit, cum litterulis operam navare minus commodè poterat.

XC.

Catella scitè picta.

1. Issa est passere nequior Catulli,
2. Issa est purior osculo columbæ,
3. Issa est carior Indicis lapillis,
4. Issa est deliciæ catella Publî:
5. Hanc tu, si queritur, loqui putabis.
6. Sentit tristitiàmque, gaudiùmque.
7. Collo nixa cubat, capítque somnos
8. Ut suspiria nulla sentiantur:
9. Et desiderio coacta ventris,
10. Guttâ pallia non fefellit ullâ;
11. Sed blando pede suscitât, toròque
12. Deponi monet, & rogat levâri:
13. Castæ tantus inest pudor catellæ.
14. Hanc ne lux rapiat suprema totam,
15. Pictâ Publius exprimit tabellâ.
16. In qua tam similem videbis Issam,
17. Ut sit tam similis sibi nec Issa.
18. Issam denique pone cum tabella,
19. Aut utramque putabis esse veram,
20. Aut utramque putabis esse pictam.

V. 1. *Issa*. Nomen est canicule Publii, amici Martialis.

Passere. Vide Epig. 8. hujus libri.

Nequior. Blanditiis vincit
passerem à Catullo laudatū.

2. *Osculo*. Solent columbæ
inter se, quasi mutuæ amici-
tiæ significandæ causâ, rostellis
admotis osculari. Sensus
est, puriorem esse caniculam
ipsis columbis.

6. *Tristitiam*. Domini sui
Publii tristitiam novit, ut cum
eo dolere videatur, &c.

8. *Suspiria*. Gravior anhe-
litus & respiratio; ronchi.

9. *Ventris*. Exonerandi.

10. *Non fefellit*. Quasi cū
palliis pacta esset catella, ne
illa inquinaret, servat datam
fidem, lotio pallia non fēdat.

11. *Suscitat*. Herum, aut
famulum aliquem.

Levari. Se deponi è lecto,
onere ventris levare.

XCI.

Brevia epigrammata.

1. Scribere me quereris, Velox, epigrammata longa:
2. Ipse nihil scribis: tu breviora facis.

V. 2. *Breviora*. Neque enim
breviora scribi possunt, quàm
si nulla scribantur: sic homi-

nem, dum laudare simulat,
falsè ridet.

XCII.

Munera convenientia.

1. Cū tibi sit Sophiæ par fama & cura Deorum,
2. Ingenio pietas nec minor ipsa tuo.
3. Ignorat meritis dare munera, qui tibi librum,
4. Et qui miratur, Regule, thura dari.

V. 1. Cū non mino-
rem famam collegeris prop-
ter tuam sapientiam, quàm
propter religionem & Deorū
colendorum curam *Sophie*.
sophia, sapientia.

3. Nemo mirabitur tibi à
me mitti muneri librum &
thura (thuris fortè libram

pro xeniis miserat,) nisi qui
nesciat cōveniētia meritis &
virtutibus munera dāda esse.
Merita hic pro egregiis Re-
guli dotibus & virtutibus ac-
cipit. Librum mitto viro sa-
pientiæ studioso: thus, viro
pio, & sæpè sacrificanti, idē-
que thure multo indigenti.

XCIII.

In eumentum nobilem.

1. Cū te non nossem, dominū, regemq; vocabā:
2. Cū bene te novi, jam mihi Priscus eris.

VERS. 1. Antequam te nossem, te salutabam nomine domini, regis, &c. ratus te scilicet virum esse divitem ac nobilem: postquam quis esses intellexi, tuo te jam nomine & Priscum, qui Priscus es, sine ulla dignitatis nota, compellabo. Fortasse jam antea norat illum Priscum, sed aliquid ab eo sperans pecuniæ, aut beneficii, palpat homini avaro: ubi nihil se blanditiis suis extorquere vidit, eum cœpit contemnere, & hoc Epigrammate laessere.

XCIV.

Ubi libri sui sint venales, docet.

1. Quæcumque lusi juvenis & puer quondam,
2. Apinasque nostras, quas nec ipse jam novi:
3. Malè collocare si bonas voles horas,
4. Et invidebis otio tuo, lector,
5. A Valeriano Pollio petes Quinto,
6. Per quem perire non licet meis nugis.

VERS. 1. Lusi Scriptitavi paulò licentiùs fortasse.

2. Apinas. Nugas: ludicros versus. Ait Plin. lib. 3 c. 11. Apinas & Tricas fuisse urbiculas duas in Latio, quas Diomedes evertit tanta cum ignominia & pernicie, ut earum nomen abierit in proverbium usurpari solitum de rebus nullius pretii & momenti.

Jam novi. Aded multæ sunt; à tempore tam longo scriptæ.

4. Invidebis otio tuo. Cum otii te tui pœnitebit, cum odisse illud incipies, ac malè occupatum voles.

6. Non licet. Quia ipse illas collegit, & in lucem edidit. Bibliopola, credo, celebris & vulgò notus erat iste Pollius.

XCV.

Epitaphium Antullæ.

1. Hos tibi vicinos, Faustine, Telefphorus hortos
2. Fænius, & breverus, udàque prata tenet:
3. Condidit hîc natæ cineres, nomenque sacravit,
4. Quod legis Antullæ, dignior ipse legi;
5. Et Stygias æquū fuerat patrem îsse sub umbras:
6. Quod quia non licuit; vivat, ut ossa colat.

VERS. 1. O Faustine, in Telephorus Fænius habitat. hortis tibi vicinis & villa, Cineres. Vide Ep. 2.

Nomen sacravit. Filiae Antullae, quod legitur, quod adscriptum est, nomen addidit tumulo, & Diis Manibus tumulum totum consecravit. Solebant Romani tumulo praefigere hunc titulum, *Diis Manibus sacrum*: idque istis notis significare & litteris, D. M. S. Deindè paulò inferiùs addebant nomen sepulci cum aliquo elogio seu epigrammate, iisque ferè verbis utebantur: Hic situs est ... H. S. E.

4. *Dignor ipse legi.* Dignū,

id est, æquum, & par fuisse ut Telesphori Fæni nomen priùs, quam Antullae filiae, legeretur in tumulo: æquum erat patrem priùs obire quàm filiam. Itaque legit Heraldus: *Et Stygias æquum fuerat prior isset ad umbras.*

6. *Offa colat.* Sacri erant priscis tumuli, & mortuos, animasq; defunctorum, quas Manes vocabant, colere soliti erant ac venerari. Vivat igitur diu, ut Manes caros diu colat. Ita patri adulatur, dum filiam prædicat.

XCVI.

Ager in familiae sepulchrum sepositus.

1. Hoc nemus æterno cinerum sacravit honori
2. Fænius, & culti jugera pauca soli.
3. Hoc tegitur citò rapta suis Antulla sepulcro:
4. Hoc erit Antullae mistus uterque parens.
6. Si cupit hunc aliquis, moneo, ne speret agellum:
6. Perpetuò dominis serviet iste suis.

VERS. 1. *Nemus.* Lucum solebant addere tumulis, religionis causâ.

Sacravit. Sacrum esse, & ut sacrum coli jussit, ob suae filiae cineres ibi jam conditos, & suos, uxorisq; cineres olim in eodem tumulo condendos.

3. *Suis.* Parentibus, propinquis.

4. Hoc sepulchro mixti erunt cineres, utriusque parentis Antullae.

5. *Ne speret.* Solebant agri portionem ad sepulchrum familiae servare, cavebantque ne cum ceteris bonis ad heredes transfiret, istis compendiaris litteris cippo, seu columellae, insculptis, H. M. N. S. *Heredes monumentum ne sequatur.*

6. *Serviet.* Ager hic erit perpetuum familiae & unum sepulchrum.

XCVII.

Ad Lupercum gratis libellum epigrammatum petentem.

1. Occurris quoties, Luperce, nobis,

2. Vis

2. Vis mittam puerum, subinde dicis,
3. Cui tradas Epigrammatôn libellum,
4. Lectum quem tibi protinus remittam?
5. Non est quod puerum, Luperce, vexes:
6. Longum est si velit ad Pyrum venire,
7. Et scalis habito tribus, sed altis.
8. Quod quæris, propius petas licebit.
9. Argi nempe soles subire letum:
10. Contra Cæsar's est forum taberna
11. Scriptis postibus hinc & inde totis,
12. Omnes ut citò perlegas poëtas:
13. Illinc me pete; nec roges Atrectum,
14. (Hoc nomen dominus gerit tabernæ:)
15. De primo dabit alteròve nido
16. Rasum pumice, purpuràque cultum
17. Denariis tibi quinque Martialem.
18. Tanti non es, ais? sapias, Luperce.

VERS. 2. Dicis mihi, visne, ô Martialis, mittam meum tibi servulum?

6. *Longum est, &c.* Longum erit illi faciendum iter, si meam usque veniat domum

Ad Pyrum Usque ad domum notam, tabernam fortasse cujus insigne erat Pyrus, in qua, aut propè quam habitabat Martialis.

7. In tertia contignatione habito, propè tegulas. Scalæ, sive gradus per quos ascendebatur multiplices erant, pro numero contignationum.

Quod quæris &c. Potes propius invenire libellum, quem petis.

9. Soles Argiletum aliquândo subire, venire in hanc urbis partem.

Argi subire letum. Argiletum una vox est, quæ hîc se-

paratur in duas per tmesim, sive separationem & quasi sectionem. De Argileto vide 4. Epig. supra. Nosti ubi sit Argiletum, & eò ventitare soles.

10. E regione fori Iulii est officina libraria, illinc meum librum pete.

Cæsar's. Julius Cæsar arcam ingentem emit in urbe in qua forum extruxit. Vide lib. III. Ep. 29. & supra, 64.

11. *Scriptis.* In tabernæ hujus librariæ foribus videre est scripta nomina librorum & auctorum, à quibus fuere compositi.

12. Adeo ut omnium poëtarum libri uno quasi intuitu legi possint.

13. Non erit opus quærere ab Atrecto (nam hoc bibliopolæ nomen est,) & operosè

ab eo petere , rogare illum pluribus , ut meum tibi librum det . Videtur Lipsio legendum esse , *me roges Atre-*
ctum , id est , me , meum librum , ab Atrecto postula . Rogare aliquid aliquem .

15. *Nido* . Forulo , armario , ubi reconduntur libri .

16. *Rasum Pumice* . . . Vi-

de Ep. 58.

17. *Denariis quinque* . Re-
pondent illi duabus libris Te-
ronensibus Francicę monetę
id est , assibus , 40. quatuor
circiter Juliis cum dimidio ,
Romanę .

18. Tanti non vales . *Sapis* .
Rectę dicis , nimia est illa
summa pro hisce nugis .

XCVIII.

Magnus liber .

1. Cui legisse satis non est epigrammata centum ,

2. Nil illi satis est , Cęciliane , mali .

VERS. 2. *Mali* . Callima-
chus poęta dictitabat ma-
gnum librum esse magnum
malum .





M. VAL. MARTIALIS
EPIGRAMMATUM
LIBER II.

PRÆFATIO.

*Epigrammatum libros epistolâ & præfatione
neutiquam indigere docet.*



UID nobis, inquis, cum epistola? parùmne tibi præstamus, si legimus epigrammata? Quid hic porro dicturus es, quod non possis versibus dicere? Video quare tragœdi epistolam accipiant, quibus pro se loqui non licet: epigrammata curione non egent, & contenta sunt sua, id est, mala lingua: in quacunque pagina visum est, epistolam faciunt. Noli ergo, si tibi videtur, rem facere ridiculam, & togam saltanti inducere personæ. Denique videas ante te delectet contra retiarium ferula. Ego inter illos sedeo, qui protinus reclamant. Puto, mehercule, Deciane, verum dicis. Quid, si scias cum qua, & quàm longa epistola negotium fueras habiturus? Itaque quod exigis fiat. Debebunt tibi si qui in hunc librum inciderint, quod ad primam paginam non lassī pervenient.

Quid nobis, &c. Cur epistolam libro præponere meditaris, ô Martialis? (inducitur Decianus Stoicus Philosophus, & amicus Martialis loquens:) nonne fatis molestiæ, laborisque tuâ causâ sumimus, si legimus tua epigrammata?

Video, &c. Intelligo cur actores tragædiarum utantur epistolâ, nempe quia ipsi pro se, & per se loqui non possunt: possunt epigrammata; immo singula possunt esse instar epistolæ.

Accipiant, &c. Tragædi & comædi aliquid à populo petitori, aut monituri quidpiam, utebantur epistolâ, quam curio, id est, præco, è theatro recitabat. Id autem faciebant, quia inter tragædiæ leges hæc est vel sanctissima, ut ne actores loquantur quidpiam quod ad tragædiam ipsam & actionem scenicam non spectet, in quo sæpè Plautus peccat.

Curione. Curio propriè est dux Curia: interdum, ut hoc in loco, significat præconem Romulus populum Romanum divisit in tres partes, quas Tribus appellavit. Tribus singulas in Curias decem, Curiasque in decem Decurias tribuit. Singulis singulos præfecit duces: Tribubus Tribunos, Curiis Curiones, Decuriones Decuriis. Sacra sibi propria singulæ Curia habebant, accensos & præcones suos, qui vocabantur etiam curiones, quia sacrificia Curia indicebant, festos dies

publicè denunciabant, & *Mala.* Maligna, dicaci. *Epistolam faciunt.* Admonet versibus lectorem, quocumque loco voluerint.

Togam, &c. Induere tantem histrionem & minime honestâ & liberali veste, qualis est toga: id est, præponere seriâ epistolam ludicri versiculis. Toga honoris causâ sumebatur, & in rebus, actionibusque seriis; exuebatur in ludicris, v. g. in Saturnalibus. Eandem ob causam clientes cum salutabant patronos, apparebât togati, &c.

Contra retiarium ferula. Vide ne utendo epistolâ, quâ te contra obtrectatores epigrammatum tuorum defendas, idem facias ac mirmillo, qui contra retiarium bene armatum uteretur ligneo bacillo & imbecillâ ferulâ; omitte epistolam, meliùs & validiùs epigrammate ipso pugnabis. Porro hîc ferulæ meminit, quia gladiatores recens auctoritati, sive mercede ut depugnarent conducti, antequam ferro & solitis armis accingerentur, vapulare solebant ferulis per jocum, ab aliis gladiatoribus, quasi pro auspicio, & ut plagis assuescerent.

Retiarium. Inter gladiatores, duo maximè genera erant insignia: alteri retiarii vocabantur, quia rete gerebant, quo involverent caput adversarii; & fuscina seu tridentem, quo illum reticulo involutum perimerent: alteri, mirmillones dicebantur; quo-

rum arma erant ensis lōgior ,
&c. Vide Juvenalem Sat. 8. &
nostras in eum notas .

Ego &c. Sicut spectatores
confidentiam illius mirmil-
lonis ac temeritatem statim
reclamando condemnarent ,
ita ego te cōdemno, &c. Cū
videro te vinci ab tuis obtre-
datoribus tenui duntaxat e-
pistolio munitum , non te tu-
tabor, imò illis me adjungam

& favebo. Cū uterlibet gla-
diatorum ab adversario malè
mulābatur , exclamabat
populus , urgebatque victum
ac inferiorem ; & his verbis
victorem accendebat, *occide,
ure, verbera .*

Puto . Respondet Martia-
lis: verè narras; habebam in-
gentem epistolam in promp-
tu , sed omittetur , siquidem
jubes .

EPIGRAMMA I.

Libri brevioris commoda .

1. Ter centena quidem poteras epigrāmata ferre,
2. Sed quis te ferret, perlegeretve, liber?
3. At nunc succincti quæ sint bona disce libelli:
4. Hoc primum est, brevior quod mihi charta
perit.
5. Deinde, quòd hæc unâ peragit librarius horâ,
6. Nec tantum nugis serviet iste meis.
7. Tertia res hæc est, quod si cui fortè legēris,
8. Sis licet usque malus, non odiosus eris.
9. Te conviva leget misto quicunque; sed ante
10. Incipiat positus quam tepuisse calix.
11. Esse tibi tantâ cautus brevitate videris?
12. Hei mihi! quā multis sic quoque lōgus eris!

V. 3 Succincti libelli. Bre-
vioris. Propriè succinctus ille
dicitur, cujus vestes sunt al-
tiùs præcinctæ.

5. Hoc alterum est com-
modum, quòd pauca hæc epi-
grammata describit librarius
unâ horâ, brevi tempore.

Librarius. Qui exscribit li-
bros; interdum qui vendit.

6. Nec tantum occupabitur
se librarius describendis lu-
dicris versiculis, sed vacare

poterit melioribus libris exa-
randis.

9. *Mixto quincunce.* Dum
poculum ipsi ministrabitur,
id est, in mensa & vino te le-
get, idque antequam scyphus
à ministro super mensam de-
positus, refrixerit. Poculum
miscere, est poculum mini-
strare, implere vino, aquâ
temperare.

Quincunce. Diximus lib. I.
Epig 26. esse mensuram quin-

que cyathos continentem.

Tepuisse. Aquâ enim calidâ vinum temperabant. Vel, si libeat explicare de vino, quod frigidum, aut aquâ frigidâ temperatum sit; expone: Antequam illud frigidum vi-

num tepuerit morâ ipsâ bibendi. Solet enim liquor frigidus ipso tempore plurimum de illo suo frigore perdere, præsertim calidiori loco & tempestate.

II.

Domitiani triumphus de Germanis.

1. Creta dedit magnū, majus dedit Africa nomen
2. Scipio quod victor, quodque Metellus habet.
3. Nobilius domito tribuit Germania Rheno,
4. Et puer hoc dignus nomine, Cæsar, eras:
5. Frater idumæos meruit cum patre triumphos;
6. Quæ datur ex Cattis laurea, tota tua est.

161 *V E R S. 1. 2. Creta.* Insula est posita è regione maris Ægæi, hodie *Candia*. Hæc dedit magnum nomen L. Metello: is enim vocatus fuit Creticus, quia Cretenses Mithridati faventes debellavit, anno ab U. C. 687. insulamque igni & ferro populatus per triennium, eam in provinciæ formam redegit.

Majus. . . Scipioni Africano minori, qui Carthaginem delevit, nec unam tantum insulam, ut Metellus, sed Africam, tertiam orbis partem, Romano Imperio subjecit. Creta igitur magnum dedit nomen, quod habet Metellus victor; at majus dedit Africa, quod habet Scipio. Primum bellum Punicum exarsit anno Urbis 489. & à Q. Lutatius Catulo confectum est. Secundum anno 536. quod post annos 17. P. Scipio Africanus major peregit. Tertium anno

605. cæptum, annis quatuor P. Scipio Africanus minor dictus, sive Æmilianus, absolvit.

3. *Nobilius.* Quia Germani sunt bellicosi: Cretenses verò & Afri, molles discinctique.

4. *Et puer.* Ratio altera propter quam prædicat vates appellationem Germanici; nempe quia Domitianus illam non ætate proVectior, ut Metellus & Scipio, sed pæne puer, est promeritus. Lege Sveton. in Domitiani Vita.

5. Licet frater tuus de Judæis triumphum egerit, non solus tamen, sed cum Vespasiano patre tuo triumphavit: hæc ultima ratio & potissima.

Frater. Titus: Hierosolyma evertit anno Christ. 70. At hoc bellum Vespasianus inchoaverat, & valde promoverat. *Idumæos.* Reportatos è

Judea victa cui vicina est Idumæa, regio palmis frequens.

9. *Cattis*. Populi Germaniæ ad Rhenum, quos bello quidem laceffivit Domitianus, at nec admodum felici, nec ita necessario. Lege Svet. c. 2. & 6. Legunt aliqui, *Dasis*. Illi eas incolebant regio-

nes ad Istrum, quas nunc Valachi & Moldavi obtinēt: verum absunt à Rheno longius, de quo tamen solo hic loquitur Martialis. Rectius igitur legendum, *Cattis*.

Laurea. Laurea corona; laurus erat signum victoriæ & præmium.

III.

Debitor nihil debens.

1. Sexte, nihil debes; nil debes, Sexte; fatemur:
2. Debet enim, si quis solvere, Sexte, potest.

VERS. 2. *Potest*. Debitoris enim inopia excludit omnem actionem, ut ajunt jurisconsulti, quia nihil auferri

potest ab eo, qui nihil habeat, & qui solvere non possit: suum quodammodo fecit id, quod, mutuo accepit.

IV.

Cur amicum frequentius non inviset.

1. Ne valeam, si non totis, Deciane, diebus.
2. Et tecum totis noctibus esse velim:
3. Sed duo sunt, quæ nos distinguunt, millia passuum: / *uam*
4. Quatuor hæc fiunt, cum rediturus eam.
5. Sepe domi non es; cum sis quoque, sepe negaris:
6. Vel tantum causis, vel tibi sæpe vacas.
7. Te tamē ut videam, duo millia non piget ire;
8. Ut te non videam, quatuor ire piget.

VERS. 1. *Ne valeam*. Jurandi formula; uti, dispaream, moriar, si, &c.

3. *Distinguunt*. Alterum ab altero separant. *Duo millia passuum*. Pro, passuum. Est ferme spatium leucæ Galliæ.

4. Fiunt 4000. passuum, quando te inviso, & domum

meam redeo.

5. *Negaris*. Diceris domi non esse: servus abesse te dicitur.

6. *Causis*. Agendis & parandis; audiendis consultoribus.

Tibi. Valetudini curanda & corpori tuis negotiis.

Infastidiosum lectorem.

1. I nunc, edere me jube libellos:
2. Lectis vix tibi paginis duabus,
3. Spectas ἑξατοκῶλιον, Severe,
4. Et longas trahis oscitationes.
5. Hæc sunt, quæ relegente me solebas
6. Raptim scribere, sed Vitellianis:
7. Hæc sunt singula quæ sinu ferebas
8. Per convivia cuncta, per theatra:
9. Hæc sunt, aut meliora, si qua nescis.
10. Quid prodest mihi tam macer libellus,
11. Nullo crassior ut sit umbilico,
12. Si totus tibi triduo legatur?
13. Numquam deliciæ supiniore.
14. Lassus tam citò deficiis viator,
14. Et cū currere debeas Bovillas,
16. Interjungere quæris ad Camænas!
17. I nunc, edere me jube libellos.

VERS. 3. ἑξατοκῶλιον.

Ultimā libri partē. ἕχαιτος, ultimus; κῶλον, membrum, pars.

Oscitationes. Signa hominis fastidiosi & somniculosi.

5. Atqui hæc illa tamen sunt epigrammata eadem, quæ cū à me semel, iterumque, te audiente, legebantur, antequam essent edita, à te exscribebantur raptim in elegantibus pugillaribus: cur nūc ea fastidis.

6. *Vitellianis.* Pugillares elegantes, auro, minioque picti, in quibus ea scribebantur quæ maximo, habentur in pretio, dicebantur Vitelliani;

opinor, quod aut inventi, aut usurpati à Vitellio Imper. homine omnium deliciarum & ineptiarum amantissimo.

7. *Singula.* Singula hæc epigrammata & separata, magni faciebas, cur collecta in unum librum, abjicis?

Sinu ferebas. In sinu ferre aliquid, est carum habere. Adde quod libellos elegantes in sinu gerimus, unde promi facilius possint.

9. *Si qua nescis.* Si qua sunt epigrammata, quæ ignores, quæ tibi non recitaverim, ea continentur in hoc libro, & quidem iis quæ jam audisti, meliora.

10. Quid ergo me juvat,

quod curavi ut hic meus liber esset minimæ molis & ponderis? quod ei nullos addidi umbilicos, qui si esse appositi; foret crassior & ponderosior: si totum triduum ponis in eo legendo, quem horâ unâ posses perlegere? Erant in libris umbilici, clavi quidam ærei aut argentei, bullæ, ornamenta in modum umbilici facta, quibus extremæ libri paginæ ornabantur. De illis mentio incidit libro I. Ep. 58.

13. Numquam vidi hominem delicatioris palati, ac fastidii, quàm te. Delicias pro homine delicato & contemptore, hic ponit.

15. *Bovillas*. Bovillæ, quasi boum villa, (ibi enim boves colligebantur, ducendi postea

in urbem,) viculus fuit in Latio, non procul Roma.

16. Equos dejungere pararas, iter interrompis vix urbe egressus. *Interjungo*, est, equos, ut vescantur, solvo; eos interquiescere jubeo. Brevem librum uno decursu non legis, hæres quasi in itinere & subsistis: eos imitaris, qui cum possint Româ Bovillas usque ire uno cursu & non interrupto, propter itineris brevitate & facilitatem; interstare tamen ad templum Camænarum, quasi essent fessi, volunt.

Camænas. Ad templum Camænarum, id est, Musarum. Erat illud ad portam Trigeminam, & propius ab erat Româ quàm Bovillæ.

VI.

In Ardelionem.

1. Declamas bellè, causas agis, Attale, bellè;
2. Historias bellas, carmina bella facis:
3. Componis bellè mimos, epigrammata bellè,
4. Bellus grammaticus, bellus es Astr ologus.
5. Et bellè cantas, & saltas, Attale, bellè:
6. Bellus es arte lyræ, bellus es arte pilæ:
7. Nil bene cum facias, facis attamè omnia bellè.
8. Vis dicam quid sis? magnus es ardelio.

VERS. I. *Declamas*. Orator veras causas agit: declamator fictas, exercitationis causâ.

3. *Mimos*. Poëmata turpícula, comœdias ridiculas, in quibus histriones hominum gestus maximè imitantur; à

verbo græco μιμῶμαι, imitor.

8. *Ardelio*. Significat hoc in loco hominem, qui omnia se facere, & quidem bellè atque eleganter profiteatur, qui verò nihil agat, aut certè

nihil benè & perfectè : qui in omnia se interponat & intermisceat. Vide lib. I. Ep. 66. Propriè ardelio, sive ardeola. inquit Ramiresius, est avis altissimè volitans, & in eodem aëris loco diu consistens, ubi

alas operosè quassat, seque multum movendo, nihil promovet : metaphoricè significat homines in otio negotiosos, & cùm nihil agant, occupatissimos. Eos scite Phædrus describit fabellâ quintâ lib. 2.

VII.

Ad lectorem parum candidum.

1. Si qua videbuntur chartis tibi, lector, in istis
2. Sive obscura nimis, sive Latina parum;
3. Non meus est error; nocuit librarius illis,
4. Dum properat versus annumerare tibi.
5. Quod si non illum, sed me peccasse putabis;
6. Tunc ego te credam cordis habere nihil.
7. Ista tamen mala sunt; quasi nos manifesta negemus.
8. Hæc mala sunt; sed tu non meliora facis.

VERS. 3. *Librarius.* Is dicebatur qui libros manu scribebat, & multa eorum exarabat exempla: omnia enim, ante invētam typographiam, scribebantur manu. Illi autem librarii inscitia vel festinatione nimia sæpe libris nocebant, omittendo, v. g. voces aliquas, alias aliis præponendo, &c.

4. *Annumerare.* Augere numerum versuum, quos tibi

det legendos.

5. 6. Si meum esse potius, quàm librarii vitium dicas, næ tu parum candidus & cordatus eris, atque adeo vel me peccante peior.

7. At enim, (inquit lector) mala sunt tua carmina? Quasi verò id negem, (respondet Martialis) quod adeo manifestum est? Sed ô bone, an facis meliora?

VIII.

Malè officiosus.

1. Basia dimidio, quod das mihi, Posthume, labro,
2. Laudo; licet demas hinc quoque dimidium.
3. Vis dare majus adhuc, & inenarrabile munus?
4. Hoc tibi habe totum, Posthume, dimidium.

VERS. 1. *Basia.* Oscula officiosa: sic blandiri solent ho-

mines urbani, adulatores. Rogat illum ut sibi suas saluta-

tiones & blanditias, ac totas
quidem, fervet.

2. *Laudo*... Habeo gra-
tiam: & habebo majorē si ex

dimidio labro dimidiam par-
tem tollas, & me quartā tan-
tūm labri parte osculeris:
imo, si nulla.

IX.

Parasitus cœnare domi coactus.

1. Quòd fronte Selium nubila vides, Ruse,
2. Quòd ambulator porticum terit ferus;
3. Lugubre quiddam quòd tacet piger vultus;
4. Quòd pænè terram tangit indecens nasus;
5. Et dextra pectus pulsat, & comam vellit:
6. Non ille amici fata luget, aut fratris:
7. Uterque natus vivit, & precor vivat;
8. Salva est & uxor, sarcinæque, servique;
9. Nihil colonus, villicusque decoxit.
10. Mœroris igitur causa quæ? domi cœnat.

VERS. I. *Nubila*. Tri-
stitiæ nube velut obductâ.

2. *Porticum*. Variæ erant
Romæ porticus, sub quibus
multi ultrò, citròque com-
meabant. Seliū quærens ali-
quem à quo invitaretur ad
cœnam, sub noctem ibi mo-
rabatur, ac inambulabat.

3. Quod præsefert aliquid
lugubre tacito ac mæsto vul-
tu. Inest etiā in tristi-
tia lentum aliquid & pigrum, hinc
Selii vultus piger dicitur.

4. *Nasus*, &c. Qui præ-
pudore & tristi-
tiâ oculos ac
vultum dejiciunt, illis nasus
demittitur, & apparet lon-
gior; ac fortè isti Selio jam

erat per se bene longus.

8. *Sarcinæ*. Suppellex do-
mestica. Nihil fures illi ab-
stulerunt.

9. *Colonus*. Qui agrum
conductum & alienum colit.
Aliàs eum significat qui è pa-
trio solo alium in locum mit-
titur, ejus incolendi causâ.

Villicus. Qui villæ curam
habet *Decoxit*. Perdidit, nihil
damni dedit. Methaphora du-
citur ab iis liquoribus, qui cū
imponuntur igni, absumun-
tur sensim & minuuntur. De-
coquere est aliquando conva-
sare, *faire banqueroute fal-
lire*.

X.

In bene olentem.

1. Esse quid hoc dicā, quòd olēt tua basia myrrhā,
2. Quòdque tibi est nunquam nō alienus odor?

3. Hoc mihi suspectum est, quòd oles bene, Posthume, seniper;
4. Posthume, non bene olet, qui bene sēper olet.

VERS. I. *Myrrham*. Pa-
stillos myrrheos & diapasma-
ta: V. li. I. Ep. 72.

4. *Non bene olet*. Signum
est, illum olidum & fœtentem
esse, qui tetrum suum hunc
odorem, odore alieno & ex-

quisito celatum velit. Istæ
voces, bene olet, priori loco
positæ per se & propriè signi-
ficant: posteriori, odorem
industriâ quæsitum & adsci-
tum sonant.

XI.

Cuinam solvendum.

1. Et judex petit, & petit patronus:
2. Solvas censeo, Sexte, creditori.

VERS. I. *Creditori*. Quia
huic uni debes, & minore
damno illi solves omittendo
litem, quàm litem persequen-
do, ne illi solvas. Si enim
causam obtines, tunc solven-

dum tibi erit duobus, judici
nempè & patrono; si causâ
cadis; tribus, nempè judici,
patrono & creditori. Satiùs
est igitur uni creditori solve-
re, & litem missam facere.

XII.

In cœnipedam.

1. Nil intentatum Selius, nîl linquit inausum,
2. Cœnandum quoties jam videt esse domi.
3. Currit ad Europen, & te, Paulline, tuosque
4. Laudat Achilleos, sed sine fine, pedes.
5. Si nihil Europe fecit, tum Septa petuntur,
6. Si quid Phyllirides præstet, & Æsonides.
7. Hinc quoque deceptus Memphitica templa fre-
quentat,
8. Affidet & cathedris mœsta juvenca tuis.
9. Inde petit centum pendentia tecta columnis:
10. Illinc Pompeji dona, nemusque duplex.
11. Nec Fortunati spernit, nec balnea Fausti;
12. Nec Grylli tenebras, Æoliamque Lupi:
13. Nam thermis iterùm cūctis, iterūque lavatur:

14. Omnia cū fecit, sed renuente Deo,
 15. Lotus ad Europes tepidæ buxeta recurrit;
 16. Si quis ibi serum carpat amicus iter.
 17. Per te, perque tuam, vector lascive, puellam,
 18. Ad cœnam Selium tu, rogo, taure, voca.

VERS. 3. *Ad Europen.* Ad campum Martium, in quo multæ porticus picturis ornata, inter quas erat una, Europe dicta, quia visebatur in ea imago Europes tauro vectæ. De illa jam incidit mentio, in libro Spectac. Epig. 15.

Paulline. Laudabat Silius Paullinum à celeritate pedū, quā olim Achilles præstabat, nempe ut ab eo invitaretur ad cœnam.

Achilleos. Similes Achillis pedibus.

4. *Sine fine.* Sine modo, laudibus immodicis, ut adulatoribus solent, Pedum velocitate imprimis gloriabantur, qui exercebant sese in Campo Martio, cursu & saltu.

5. 6. Si nihil in porticu profecit, si non reperit apud quē cœnaret, petit septa, si fortē Chiron & Jason, ipsi amiciores futuri sint.

Septa. Erat pars campi Martii, sudibus & cancellis inclusa, instar caularū, quam ob causam *Ovilia* iste locus etiam appellabatur: in eo includebatur centuria quælibet, aut tribus populi Romani cū ferebantur suffragia, ut tumultus vitaretur. Comitibus verò solutis, occupabant eum locum mercatores, ibique proponebant varias merces; adeo ut ibi essent perpetuæ

quasi nundinæ.

Phyllirides. Chiron, è centauris unus, Achillis præceptor, Phyllires & Neptuni filius. Propè septa templum erat Neptuni, juxtāque pulcherrima porticus, in qua picta erat Argonautarum historia, quorum præcipui fuerunt Chiron, & Jason, qui ab Æsone patre vocatur Æsonides.

7. *Mēphitica.* Egyptia. Mēphis urbs Ægypti primaria, de qua dictum Ep. 1. libri Spectac. Intelligitur hīc templum Isidis Deæ Ægyptiorum; erat in Campo Martio propè Ovile.

8. *Cathedris.* Sedet in scānis quæ sunt in templo Isidis.

Juvenca. Isis eadem fuit ac Io, filia Inachi, regis Argivorum, quam poëtæ mutam fuisse in vaccam, fabulantur: humanæ postea formæ reddita nupsit Osiridi regi & Deo Ægyptiorum. Mæsta dicitur, quia virum amissum diu quæsit, nec nisi mortuum invenit.

9. Inde petit porticum fulam multis columnis ex ære Corinthio factis: quæ ob eam rem Corinthia vocabatur.

10. Ex hac porticu confert se in illam quam Pompejus

ædificavit, donavitque populo: tum in ejusdem Pompeji duplices hortos, superiores nempe & inferiores, qui à populo frequenti celebrabantur.

11. *Fortunati*. Balneatoris est nomen, ut alia tria quæ sequuntur.

12. *Tenebras*. Balneas tenebrosas & sordidas adit. *Æoliæ*. Balneas in edito & patente loco positas, velut Æoli ventorum Dei, domum. Opponit eas Grilli balneis in tenebricoso & depresso loco sitis *Thermæ*. Balnea calida sunt. Vide lib. Spect. Epig. 2.

14. Cùm hæc omnia loca lustravit irritò labore: Jove

non favente; vel irato Genio: Genius enim suus cuique Deus erat.

15. *Lotus*, &c. Postquam lotus est otiosè in istis balneis, redit ad primam illam suam porticum, & adjunctum ei nemus è buxo. *Tepidæ*. Sub vesperam, quando sol tepidus, devexusque porticum hanc lustrat.

17. *Vector lascive*. O Jupiter in taurum mutatus, qui Europam vexisti.

18. *Voca*. Mortui dicebantur vulgari parcemiâ, apud Jovem cœnare: itaque his verbis mortem Selio precatur; dum optat ut cum Jove cœnet.

XIII

In convivam malè olentem.

1. Quod nulli calicem tuum propinas,
2. Humanè facis, Herme, non superbè.

VERS. 1. *Propinas*. Propinare propriè est prægustato leviter vino poculum alteri offerre: quasi, præbibere. Id amicis compotantibus erat in more.

2. *Humanè*. Amicè, urbanè. Non vis enim compotatores offendere foetido & spurco, quem attigisti, calice. Eam causam acutè relinquit lecto-

ri colligendam.

Herme. Erat hic Hermus ore spurco & graveolenti, neque ex eodem quo ille scypho bibere quisquam sine nausea potuisset.

Superbè. Quidam enim hoc arrogantiam faciebant, ut nemini propinarent. Ita dum videtur eum laudare, pungit.

XIV.

Morbus divitis.

1. Zoïlus ægrotat, faciunt hanc stragula febrem:
2. Si fuerit sanus, coccina quid facient?
3. Quid torus à Nilo, quid sindone cinctus olenti,

4. Ostendit stultas quid nisi morbus opes?
5. Quid tibi cum medicis? dimitte Machaonas omnes:
6. Vis fieri sanus? stragula sume mea.

VERS. I. *Faciunt* .. Ided ægrotat ut ostentet sua stragula.

Stragula. Stragulum, sive vestis stragula, propriè dicitur ea, quâ lectus operitur, à sternendo.

2. Si esset sanus quid proderent coccina stragula, quæ nemo cerneret; Nunc verò spectantur ab invisentibus illum ægrotantem. Coccû granum quoddam est, ex quo aqua macerato, fit color eximii ruboris.

3. Torus, è lino candidissimo & ab Ægypto ultima petito textus, cinctus & operatus sindone fragranti, nimirum ex odorata bysso, est enim sindon vestis Tyria, à Tyro vel Sidone, unde nomen traxit, advecta & subtili bombyce ac delicato contexta. Legendum putat Scri-

verius: *Quid Sidone tinctus olenti?* Nempè lectus tinctus, seu tectus purpura tincta in urbe Sidone propè Tyrum, quæ olens dicitur, quia recentis purpuræ gravis est odor. Penultimam autem posse corripì in voce *Sidone* docet adjectivum ex ea ductum *Sidonius*, in quo antepenultima modò brevis est, modò longa.

4. Quid significat iste morbus; nempè non ægrotare febri Zoilum, sed stultâ cupiditate ostentandi opes laborare.

5. *Machaonas*. Medicos. Machaon Æsculapii filius, medicus præstantissimus.

6. Vis è lecto surgere, & valere; mea vilia & trita stragula sume, pauper esto; valebis, non fovebis lectulum, quia nihil erit quod ostentare velis.

XV.

Tonstrix imperita.

1. Tonstrix Suburræ faucibus sedet primis,
2. Cruenta pendent qua flagella tortorum,
3. Argique letum multus obsidet futor.
4. Sed ista tonstrix, Animiane, non tondet:
5. Non tondet, inquis? ergo quid facit? radit.

VERS. I. Quædam tonstrix habet officinam in limine & aditu vici Suburrani.

Suburræ. Suburra vicus Romæ fuit frequentissimus,

ita dictus quod sub antiquæ urbis mœnibus esset, quasi Suburba.

2. 3. Ubi est domus tortoris publici, & locus ubi servi

flagitiosi aut malefici loris
plectuntur, non procul Argi-
leto à tutoribus frequentato.
De Argileto dictum li. I. Ep. 4

5. *Radit*. Ita malè ton-
det, ut radere barbam, id
est, vellere potius & laniare,
quàm tondère videatur.

XVI.

In egentem patronum.

1. Cato tuã, pudet heu, sed capto, Maxime, cœnã;
2. Tu captas aliam: jam sumus ergo pares:
3. Mane salutatum venio, tu diceris iſſe
4. Ante salutatum: jam sumus ergo pares.
5. Sum comes ipse tuus, tumidiq; anteãbulo regis;
6. Tu comes alterius: jam sumus ergo pares,
7. Esse sat est servum; jam nolo vicarius esse.
8. Qui rex est, regem, Maxime, non habeat.

V E R S. 2. *Captas*. Animad-
verti te aliorum quoque cap-
tare cœnas. *Pares*. Putabam
te dominum & regem meum
esse, ditior me non es.

5. *Comes*. Clientes sole-
bant affectari per urbem pa-
tronus, & comitari honoris
causã. *Anteambulo*. Is dici-
tur, qui præcedit alium, &

quasi viam illi sternit, quod
erat quoque clientium. *Regis*.
Diximus supra, ita vocatos
fuisse patronos à clientibus.

7. *Vicarius*. Ita propriè di-
cebatur servi servus, nempe
qui erat in potestate servi al-
terius, & ejus vices obibat.

8. Qui ceteris vult impe-
rare, aliis ne serviât.

XVII.

Cœna sordida.

1. Felicem fieri credis me, Zoïle, cœnã:
2. Felicem cœnã, Zoïle, deinde tua?
3. Debet Aricino conviva recumbere clivo,
4. Quem tua felicem, Zoïle, cœna facit.

V E R S. 2. An putas me cœ-
narum esse captatorem, præ-
fertim tuæ? falleris: nullius
cœnam, minimè verò tuam,
capto.

3. *Aricino*. Aricia, vicus

in via Appia, positus in cli-
vo: frequens mendicis, ob
celebritatem viæ, & homi-
num commeantium frequen-
tiam. Deceat, juvet, men-
dicos tua cœna, non me.

XVIII.

Empta carmina.

1. Carmina Paullus emit ; recitat sua carmina
Paullus :

2. Nam quod emas , possis dicere jure tuum .

VERS. I. *Sua*. Illa quæ | essent sua. Non alio jure sua ,
emit , recitat pro suis , ut si | quàm quòd illa emit .

XIX.

Os spurcum.

1. Basia das aliis ; aliis das , Posthume , dextram :

2. Dicis , utrum mavis ? elige : malo manum .

VERS. I. *Dextram*. Oscu- | manum osculari , quia minùs
landam vulgò servis dextrā | foetida est , quàm os. Vide Ep.
dabant , amicis , os. Ego ta- | 8. istius libri .
men , inquit Martialis , malo

XX.

Urbanitas putida.

1. Quid mihi vobiscū est , ô Phœbe , novēq ; sorores ?

2. Ecce nocet vati Musa jocosa suo .

3. Dimidio nobis dare Posthumus ante solebat

4. Basia ; nunc labro cœpit utroque dare .

VERS. I. O Phœbe , vosque | nūc famā & carminibus meis
Musæ , cur ego vos & vestras | cognitum , quasi honoris & a-
artes colo . Quid malè de vo- | micitiæ causâ , ore toto me
bis commerui ? | osculatur & foetentem mihi
3. *Dimidio* . Subaudi , la- | mephitim inhalat ; ô famam
bro. Ignotum me antea , par- | mihi exitialem !
cè , obiterque osculabatur ;

XXI.

Amicus ultor.

1. Non dicam , licet usque me rogetis ,

2. Quis sit Posthumus in meo libello :

3. Non dicam ; quid enim mihi necesse est

4. Has offendere basiationes ,

5. Quæ se tam bene vindicare possunt ?

V. 1. 2. Offenderat superioribus epigrammatis aliquem sub ficto Posthumi nomine: non dicam, inquit, quis ille sit isto nomine significatus.

3. 4. Cur enim hominem qui me osculatur, velim of-

fendere, & amantem lædere? Ironia.

5. Ille me præclarè ulcisci posset, iterum atque iterum osculando me, ore foetido; itaque illi parco; tacebo nomen.

XXII.

Sibi soli felix

Si det iniqua tibi tristem Fortuna reatum;

2. Squalidus hærebo, pallidiorque reo:

3. Si jubeat patriâ damnatum excedere terrâ;

4. Per freta, per scopulos exulis ibo comes:

5. Dat tibi divitias: ecquid sunt ista duorum?

6. Das partem? multum est, Candide: das aliquid?

7. Mecum eris ergo miser? quod si Deus ore sereno

8. Annuerit, felix, Candide, solus eris?

V. 1. Si te reum fors iniqua fecerit aliquando, ego te prosequar in jus, tibi hærebo comes sordida in veste, & ero te reo pallidior: omnem tuam sortem meam putabo. *Des reatum.* Crimen inferat, poenam irroget.

2. *Squalidus.* Rei nobiles mutabant togam, & immunam aliquam, illotamque sumebant, ac sordidati propriè tunc dicebantur: idem faciebant cum iis nonnulli, ut clientes, amici, &c.

5. 6. Sed, ô Candide, dat tibi fortuna divitias; num illas mecum ita partiris, ut nostrum duorum sint, ad nos ambos pertineant? Dasne saltem partem dimidiam, saltem aliquam minimam? das nullam.

8. Ergone mecum eris miser, & non mecum felix? si tecum sum miser, debeo tecum ego quoque felix esse: divide mecum opes & felicitatem, ut tuam ipse calamitatem tecum divido.

XXIII.

In promissorem.

1. Das nunquam, semper promittis, Galle rogati:

2. Si semper fallis; jam rogo, Galle, nega.

XXIV.

In hereditetam.

1. Quod querulum spirat, quod acerbum Nevia tussit,

2. Inque suos mittit sputa subinde sinus:
3. Jam te rem factam, Bithynice, credis habere?
4. Erras: blanditur Nævia, non moritur.

V. 1. quod ducit animam
quiritantis more.

2. Quasi non haberet satis
virium ut longius expueret.

3. Jam credis te illius here-
ditatem tenere, falleris: de
istâ voce, *rem factam*. Vide
lib. I. Epig. 26.

4. Delicias facit. Quidam
tussiendi & screandi ratio-
nem quandam adamant, af-
fectantque, ut delicati &
blandi videantur: ita tussit
Nævia, ô Bithynice, ægrotat
læviùs tua spe: non tam citò
moriatur.

XXV.

In cœnippetam.

1. Laudantem Selium, cœnæ cum retia tendit,
2. Accipe, sive legas, sive patronus agas.
3. Effectè! graviter! citò! nequiter! euge! beate!
4. Hoc volui: facta est jam tibi cœna, tace.

V. 1. 2. Audi quomodo lau-
det te Selius cum cœnam
tuam aucupatur, sive legas
tuos versus & recites, sive
causas agas. Accipe quemad-
modum tibi plaudat.

Effectè. *Perfectè* (subaudi,
scribis, peroras) inquit Selius.
Legit Lipsius, *Effatè*.

Nequiter. Argutè, vafre,
sagaciter. De voce, *nequam*,
improbis, vide l. I. Ep. 86. 90.

8. Bene est intelligo quid

petas, hoc tantum à te vo-
lebam: scilicet placent mihi
tuæ laudes, tace: mecum cœ-
nabis. Hunc versum si dicat
homo captator laudis & avi-
dus, seriò dictum accipe: si
contemptor; ironicè. Grute-
rus malit has adhuc voces
Hoc volui, esse adulantis: hoc
à te expectabam, non aliter
à te perorari volebam, &c.
Facta est. Certa, rata, consti-
tuta.

XXVI.

In ignobilem & superbum senatorem.

1. Rufe, vides illum subsellia prima terentem,
2. Cujus & hinc lucet sardonychata manus;
3. Quæque Tyron toties epotavêre lacernæ,
4. Et toga non tactas vincere iussa nives:
5. Cujus olet toto pinguis coma Marceliano,
6. Et splendent vulso brachia trita pilo.

7. Non extrema sedet lunatâ lingula plantâ;
 8. Coccina non læsum cingit aluta pedem;
 9. Et numerosa linunt stellantem splenia frōtem:
 10. Ignoras quis sit? splenia tolle, leges.

V. 12. Qui sedet in primis subselliis; qui gerit annulum gemma sardoniche insignē, cujus fulgor vel hinc usque, id est, ex eo, ubi sedet, loco, ad nos pervenit, cujus lucent vestes Tyrio murice sæpius potæ & tinctę; cujus toga est nive caudidior.

Prima subsellia. Senatores sedebant in primis theatri & curiæ ordinibus. Lege lib. I. Ep. 25. & lib. V. Ep. 8. 14.

3. *Lacernæ.* Lacerna, itemque toga, vestis erat exterior & crassior, instar pallii: utraque imponebatur tunicæ, sed toga comptior, longior ac decentior erat quàm lacerna, imò & usitator fuit, tandiudum stetit respublica & floruit. Vide Ep. 78. lib. 1. & 2. lib. IV.

4. *Non tactas.* Cum nix tangitur, nigrescit.

5. Cujus coma unguentis delibuta & toto Marcelii unguentarii myrothecio quasi perfusa, odorem spargit.

6. *Vulso pilo.* Pilos è brachiis vellebant homines delicati, eaque candida & nitentia ostentantes exerebant.

7. Qui calceos altiores gerit, lunulâ insignitos, alutâ coccineâ tectos, & pedi habiles. *Aluta* est pellis agnina. *Non extrema...* Senatorum calcei erant altiores & ad mediam usque, tibiam revin-

tiloris quibusdam: vulgares, quibus populus utebatur, erant demissores, vixque supra pedem elati. Horat. lib. 1. Sat. 6. de senatore loquens, ait: *Nigris medium impediit crus pellibus.* Lingula igitur, sive lorum calcei non sedet extrema, seu jacens, in planta lunata, sed supra plantam erigitur mediâ tibiâ tenus: Vulgò legitur: *Non hesternæ sedet...* eritque sensus, istum senatorem quotidie calceos murare, ita ut hodiernos & novos semper ferat.

Lunata. Patricii senatores lunæ crescentis notam calceis assuebant, quia senatus olim è centum Patribus à Romulo lectis constabat: littera autem C, nota est numeri centenarii, eademque lunam crescentem imitatur. Patricii porro jactabant se oriundos è primis illis centum senatoribus. Erat ista lunula talare quoddam eburneum, teste Philostrato de vitis Sophistarum, in vita Herodis Attici, qui ejusmodi homines aiebat habere nobilitatem in malleolis pedum.

Lingula. Lorum; quasi lingula, à ligando.

Non læsum. Quando calceus est minor seu strictior, pedum oblædit. Vocem *Coccina* explicui superius Ep. 14. ille color, quem mulleum.

Cato vocat apud Festum, proprius erat calceorum quibus illi Senatores utebantur, qui dicebantur curules, quia curulem aliquem gessissent magistratum; alii, qui pedarii vocabantur, nigro utebantur colore, ut supra laudatus Horatius testatur.

9. Gerit plurimas è panno serico maculas in fronte, stellarum instar nitentes.

Splenia. Erant frustula quædam panni serici, similitudinem splenis vulgò referentia, nempe oblonga, quæ aliquo imbuta medicamento, fronti vel temporibus apponebantur, ad capitis & dentium dolorem leniendum, sæpe ad venustatem & elegantiam. Fortè emplastra quædam tenuia, iis similia quæ Galli vocant *des mouches*. Itali *de i nei*.

Ea verò frusta serica unguento pingui & odorato delibuta erant & fiebant interdum è panno in varias pinnas & radios secto instar stellarum; aut, quamvis essent rotunda, tamen frontem ita descriminabant ut stellæ cælum. Undè stellantem frontem appellat vates: legunt alii *stillantem*, id est, madefactam unguento odorato.

Linunt. Ob unguetum emplastrorum.

10. *Leges*. Nempè scæda stigmata & servitii notasprehendes, quas spleniis tegit. Servis, præsertim fugitivis, inuri solebant in fronte, notæ quædam, puncta, & litteræ ut agnoscerentur: ita Plautus servum istis litteris malè notatum, vocat facetè litteratum.

XXVII. *Nummos petit.*

1. Mutua viginti sestertia fortè rogabam;
2. Quæ vel donanti non grave munus erat.
3. Quippe rogabatur felixque vetusque fodalis,
4. Et cujus laxas arca flagellat opes.
5. Is mihi; dives eris, si causas egeris, inquit:
6. Quod peto da, Cai, non peto consilium.

VERS. 1. *Viginti H. S.* sunt libræ Turonicæ, sive nummi Francici, 2000. Romani quadringenti quinquaginta scutati.

2. Quæ Caius nullo suo incommodo, non tantum mutua dare & commodare; sed omnino dare, & gratis largiri poterat.

4. *Flagellat*. Continet invitas & veluti flagellis ac verberibus coërcet, ne exeant, ne foras erumpant.

5. At Caius mihi respondit: ceseo causas in fore agas, ita enim opes multas parabis.

6. *Quod peto*. Nummos scilicet. *Consilium*. Non peto, quâ possim arte ditescere.

XXVIII.

Patronus inutilis.

1. Lis mihi cū Balbo est; tu Balbū offēdere nō vis,
2. Pontice: cum Licino est; hic quoq; magnus homo est.
3. Vexat sæpe meum Patrobas confinis agellum;
4. Contra libertum Cæsaris ire times:
5. Abnegat, & retinet nostrum Laronia servum;
6. Respondes: orba est, dives, anus, vidua.
7. Non bene, crede mihi, servo servitur amico:
8. Sit liber, dominus qui volet esse meus.

V E R S. I. *Lis.* O Pontice, quem ut Patronum cliens colo, cū rogo ut ad sis mihi in lite, quam habeo cum Balbo, tu te excusas, aīque te nolle Balbum offendere.

2 *Magnus.* Nobilis, tibi carus, idēdque nō offendēdus.

3. *Vexat.* Terminos emo-

vet, revellere vult limites.

4. *Contra ire.* In jus vocare. *Libertum.* Quia Patrobas est servus Cæsaris, ab eo donatus libertate.

5. *Abnegat.* Negat se mihi reddituram: meū esse negat.

7. *Servo.* Vide simile Epig. hoc libro: est XVI.

XXIX.

In valgum.

1. Cū sint crura tibi simulent quæ cornua lunæ,
2. In rhytio poteras, Phœbe, lavare pedes.

V E R S. I. Cū crura geras similia lunæ crescenti & cornutæ.

Crura, &c. Nempē extrorsum obtorta sic, ut pedum talos coeūtes sibi & vicinos geras: pedum verò digitos ductos & à se invicem recedentes. Qui sic pedibus extrorsum versis ambulat, valgus appellatur.

Rhytio. Est rhytium, seu rythus, vas factum instar lunæ crescentis. Solis heroibus illo vase uti fas erat, teste Theophrasto: itaque ridet Martialis Phēbum iilum, ignobilem, ut apparet, ac plebejum, & præterea valgum. Legunt nonnulli *Imbricio*: est imbricium seu imbrex, tegulacurva.

XXX.

Virilis elegantia.

1. Flectere te nolim, sed nec turbare capillos:

2. Splendida sit nolo, sordida nolo cutis.
3. Nec tibi mitrarum, nec sit tibi barba reorum,
4. Nolo virum nimium, Pannice, nolo parum.
5. Sunt tibi crura pilis, & sunt tibi pectora fetis
6. Horrida; sed mens est, Pannice, vulsa tibi.

VERS. 1. Non equidem auctor sum tibi, ut capillos accuratius & elegantiùs componas, sed neque turbatos, ac sordidos esse tibi velim. Capillos *flectere* est calamistris & cadenti ferro vibrare.

2. *Splendida*. Unguentis delibuta.

3. Nolo tibi promissam esse barbam & hirsutam, ut reorum est: nolo politulam ac semper rasam, qualem habent homines mitrati ac delicatuli. Mitra est capitis tegmen: eâ Phryges solebant uti, & Romani quidam elegantiae ac deliciarum causâ. *Mitrarum* igitur, in hoc loco,

est, hominum mitras gestantium.

4. *Virum nimium*. Nolo te esse nimis austerum, gravem, terricum. *Nolo parum*. Nolo esse effeminatum.

5. At nunc hispidum quidem corpus habes & incultum; sed animum mollem & libidinosum geris.

Setis. Pilis grandioribus.

6. *Vulsa*. Diximus supra Epig. 26. Romanos molles & deditos voluptatibus, & solitos esse vellere pilos oris, brachiorum, &c. Est mens tibi vulsa, id est, effeminata, deliciis fracta, enervata, &c.

XXXI.

In convivam raptorem.

1. Quidquid ponitur hinc & inde verris,
2. Mammas suminis, imbricemque porci.
3. Communemque duobus attagenam,
4. Mulum dimidium, lupumque totum,
5. Murenæque latus, femurque pulli,
6. Stillantemque alicâ suâ palumbum.
7. Hæc cum condita sunt madente mappâ,
8. Traduntur puero domum ferenda:
9. Nos accumbimus otiosa turba.
10. Ullus si pudor est, repone cœnam:
11. Cras te, Cæciliane, non vocavi.

VERS. 1. *Ponitur*. Mensæ apponitur. *Verris*. Rapis,

aufers, corradis.

2. *Suminis*. Sumen est ven-

ter suillus cum papillis: delicatum apud Romanos olim ferculum.

Imbricem. Vertebram tergi suilli, costis demptis, *l'echine*, *la schiena*: est enim imbrex propriè tegula curva, quam formam imitatur vertebra in summo tergo pecudis. Brodæus vult esse imum ventrem curvum, & repandum: illa verò ipsum fumen.

3. *Communem*. Tibi & vicino convivæ tuo appositam, hanc tibi abripis soli.

Attagenam. Avis est exquisiti saporis: nobis nunc ignota. *Mullus*. Piscis nobilis, *un barbeau*, *un barbone*, *una triglia*. Muræna iti-

dem piscis, *une lamproye*, *una lampreda*.

6. *Alica*. Pulte ex alicâ, condimento quodam: propriè alica est genus frumenti subtilioris ac delicatioris, ex quo pultem ejusdem nominis conficiebant.

8. *Puero*. Servulo.

9. *Otiosa*. Sine ferculis, quæ videlicet abstulisti: jejuni sedemus & impasti.

11. *Cras*. Vocavi te hodie, tu meam cænam abstulisti, ut cras cænes: non vocavi te in crastinum diem, sed in hodiernum tantum: cænam igitur hodie sume de meo, & domi meæ; non cras, & domui tuæ.

XXXII.

Homo invisus.

1. Quid mihi reddat ager quæris, Line, Nomentanus?

2. Hoc mihi reddit ager, te, Line, non video.

VERS. 1. Quæris à me quid commodi, fructusque referat mihi meum prædium Nomentanum? hoc quod fa-

cit ut à te absim, te non videam. Est Nomentum urbs Latii, vulgò *Lamentana*.

XXXIII.

Mulier togata.

1. Coccina famosæ donas & janthina mœchæ.

2. Vis dare quæ meruit munera? mitte togam.

VERS. 1. *Coccina*. Vestes cocco infectas. Coccum est granum quo utuntur ad purpuram ardenti & roseo colore, quem Galli vocant *écarlatte*, tingendam.

Janthina. Vestimenta purpurea violacei coloris, de

quibus dictum lib. I. Epig 47. *Mæchæ*. Adulteræ.

2. *Togam*. Matrona convicta adulterii, & damnata jubebatur prodire in publicum togatâ: mulieres vulgò stolâ utebantur; viri, togâ.

XXXIV.

XXXIV.

Helluo morbum simulans.

1. Uri Tongilius malè dicitur hemitritæo :
2. Novi hominis mores , esurit atque fitit.
3. Subdola tenduntur crassis modò retia turdis.
4. Hamus & in mullum mittitur, atque lupū. / t
5. Cæcuba siccentur, quæque annus coxit Opimî,
6. Condantur parco fusca Falerna vitro.
7. Omnes Tongilium medici jussêre lavari:
8. O stulti, febrem creditis esse? gula est.

VERS. 1. *Hemitritæo*. Fe-
bri semitertiana, πυρετῶ ἡ-
μιτρίτῳ.

3. Morbi simulatione cap-
tat turdos pingues, mullos
& lupos ab amicis mittendos
venatur, eosque, velut hamo
injeçto, ad se trahere tentat.

5. Dentur illi Cæcuba vi-
na haurienda & siccanda, cõ-
valescet. Legitur etiam *sac-
centur*, id est, per saccum
seu colum vinarium trans-
mittantur ad expurgandas
fæces. De colo vinario con-
sule lib. XIV. Ep. 95. 96.

Cæcuba. Cæcubum vel Cæ-
cubus, mons & ager est in
Latio, vini optimi fertilis,
propè Fundos & Amyclas ur-

bes, ad sinum Cajetanum.
Mons ille vocatur nunc *Mon-
te di Gajeta*. Hinc vinum
Cæcubum. De vino Opimia-
no dictum Ep. 25. lib. I. / T

6. Mittantur condita mo-
dico poculo vitreo Falerna
vina. Falernus mons & ager
Campaniæ inter Calenum &
Sinuessam, vini generosi fe-
rax.

Parco. Quia Falernum vi-
num erat austerum & indo-
mitum, itaque parcè daba-
tur, maximè ægrotis.

7. *Lavari*. Quasi balneo
& aquâ indigeret: quo tunc
remedio contra febrem ute-
bantur. Eget potius vino &
cibo: febris simulatione gu-
lam tegit.

XXXV.

Vetula ridere ac placere gestiens.

1. Ride, si sapis, ô puella ride,
2. Pelignus, puto, dixerat Poëta:
3. Sed non dixerat omnibus puellis.
4. Verùm ut dixerit omnibus puellis,
5. Non dixit tibi; tu puella non es:
6. Et tres sunt tibi, Maximina, dentes, F

7. Sed planè, piceique, buxeique.
 8. Quare si speculo, mihi que credis,
 9. Debes non aliter timere risum,
 10. Quàm ventum Spanius, manumve Priscus:
 11. Quam cretata timet Fabulla nimbum;
 12. Ceruffata timet Sabella solem.
 13. Vultus inde tu magis severos,
 14. Quàm conjux Priami, nurusque major;
 15. Mimos ridiculi Philistionis,
 16. Et convivia nequiora vita;
 17. Et quidquid lepida procacitate
 18. Laxat perspicuo labella risu.
 19. Te mœstæ decet assidere matri,
 20. Lugentique virum, piumque fratrem:
 21. Et tantùm tragicis vacare Musis.
 22. At tu, judicium secuta nostrum,
 23. Plora, si sapias, ô puella, plora.

VERS. I. Ordo verborum est. Pelignus vates (Ovidius nimirum, natus Sulmone, quæ est urbs Pelignorum in Italia,) dixerat, opinor, alicubi, & monuerat puellas, ut, si placere vellent, modesto se risu commendarent, vultum hilarem, ridentemque præ se ferrent: At primò nō hoc dixerat omnibus puellis, sed iis tantùm quæ placere possent ob mores & formam, tu talis non es: deinde ut, id est, quamvis hoc dixerit puellis omnibus, tu puella non es, at vetula.

6. *Tres*. Vetulis dentes excidunt.

7. *Buxei*. Flavi. putridi.

10. *Spanius*. Hunc obiter carpit, hominem delicatum, qui comam ita diligenter petebat, flectebatque, ut vix

in publicum prodire auderet, ne ventus eam turbaret, cirrosque disjiceret. Quid si Spanius iste fuerit calvus, qui calvam, rejectis in frontem capillis, tegeret, metueretque ne illa flante vento, diductisque crinibus, appareret. Et verò Σπείριος græcè rarum significat, calvorum autem caput raris crinibus est sparsum: hinc nomen istud videtur fictum. Ita tu debes risum timere, ne tui dentes pice nigriores, labris ridendo diductis, appareant.

Priscus. Illæ tam curiosè & putidè vestem componebat & complicabat, ut metueret ne quis eam contrectaret, ac malè confunderet; talem Hortensium oratorem fuisse narrant, adeò ut nesc-

cio quem, à quo ipsius vestis durius fuerat attrectata, in jus vocaverit.

11. 12. *Cretata*. Insectum habens vultum terrâ albâ, ad candorem ori conciliandum: hoc pigmentum, si aqua tangatur, defluit: ut liquescit cerussa, si soli exponatur. Cerussa, est fuci candidi genus.

14. *Conjux Priami*. Hecuba, quæ ad summam senectutem pervenit.

Nurus. Andromache, nurus Priami, quia uxor Hectoris Major dicitur ut ab Helena distinguatur, quæ minor nurus Priami dici potuit, quia Paridis erat uxor, filii Priami, sed nati minoris quàm Hector. Hæc autem Andromache gravibus ærumnis vexata in perpetuo luctu vitam traxit. Vide Virg. Æneid lib. III.

15. *Mimos*. Fabulas scenicas ridiculas & subturpes. Supra Epig. 6. Philistio erat histrio celebris.

16. *Vita*. Fuge: abstine à conviviis solutioribus & liberioribus.

17. Fuge etiam ea omnia

quæ risum movent ob jocos procaces.

Perpicuo. Cum effusè ridemus, apparent ac perspicuntur dentes.

19. Potest hic versus exponi simpliciter. Te decet cum vetula matre domi te continere, & in eorum versari tantum cœtibus, qui lugent ereptos sibi fratrem, virum, &c. Explicari etiam de theatro ac tragœdiis potest, hoc pacto: decet te illis tantum tragœdiis interesse, in quibus exhibetur mœsta mater lugens amissum filium, aut uxor virum, eique flenti adflere & velut affidere. Lugentes vulgò sedent. Matris nomine, virum lugentis, intelligi potest Hecuba lugens Priamum cœsum; vel Andromache, Hectorem interfectum: sororis fratrem lugentis, Electra, Orestem fratrem carissimum, quem periisse credebat, mœrentis.

Opuella. Ridiculè anum vocat puellam, & primum epigrammatis versum lepidè invertit, eam plorare jubens, quæ ridere vellet.

XXXVI.

In amicum sibi soli amicum.

1. Κοινὰ φίλων hæc sunt, hæc sunt tua, Candide πάντα,

2. Quæ tu magniloquus nocte, dieque sonas.

3. Te Lacedæmonio velat toga lota Galæso,

4. Vel quam seposito de grege Parma dedit:

5. At me, quæ passa est furias & cornua tauri,

6. Noluerit dici quàm pila prima suam.

7. Misit Agenoreas Cadmi tibi terra lacernas:
 8. Non vendes nummis coccina nostra tribus.
 9. Tu Libycos Indis suspendis dentibus orbes,
 10. Fulcitur testâ fagina mensa mihi.
 11. Immodici tibi flava tegūt chrysendeta mulli;
 12. Concolor in nostra, cammare, lance rubes.
 13. Ex opibus tantis veteri, fidoque sodali
 14. Das nihil, & dicis, Candide, κοινὰ φίλων.

VERS. 1. O candide, hæc tua illa sunt verba, πάντα φίλων κοινὰ. Omnia amicorum communia. Siccinꝰ illam sententiam pravè ac falsò usurpas?

3. *Galæso*. Galæsus est fluvius in agro Tarentino, cuius aqua plurimùm valere dicitur ad ovium lanam tingendam: *Galaso*. Porro Lacedæmonii hunc olim tractum incoluerunt, in eoque Tarentum condidêre.

4. *Parmâ Seposito*. Eximio. Civitas Italię ad Padum, suis velleribus inclÿta: *Parme*.

5. At ego tegor vili togâ & lacerâ, quales es sunt quibus induuntur pilæ, id est, hominum simulacra tomento facta, quæ tauris & aliis feris in amphitheatro objiciuntur, & ab iis lacerantur. Vide lib. Spectac. Epig. 8. & 18. Librum X. Ep. 75. Juvenalem etiam nostrum adi, Sat. 6.

6. Vilior est mea toga illis quibus induuntur pilæ primę. Prima pila ea vocabatur, quæ primo inter ceteras loco erat posita, & prima objiciebatur belluæ à qua ferocius proinde lacerabatur; ideoque vilissi-

mis pannis induta erat.

7. *Cadmi terra*. Tyrus. Cadmus enim Agenoris filius fuit; Agenor Rex Tyri, ubi purpura inventa.

8. *Coccina nostra*. Vestem meam pannosam. Hanc ironicè coccinā, seu coccineam vocat. De colore coccineo lege supra Ep. 26. & 33.

Nummis tribus Nempe sestertiis minoribus, qui respondent singuli duobus assibus monetæ Francicę & paulò ampliùs duobus bajocis, Romanis.

9. Tu mensas ingentes & rotundas, è citro, quæ advehi solet ex Africa, factas & eburneis pedibus fultas, habes.

11. *Chrysendeta*. Vasa, insertis & illigatis affabrè aureis ornamentis, prætiosa.

χρυσός, aurum; ἐνδέω, illigo. Tu igitur cœnas mullos lancibus auro ornatis impositos: ego cammarum in lance ejusdem atque cammarus coloris, id est, rubrâ & fictili. Cammarus est cancri genus: cancri elixi rubescunt.

Immodici. Mulli, pisces exquisiti, ingentis erant pretii, si essent grandiores.

XXXVII.

Amicus avarus.

1. Emi seu puerum, togamve pexam,
2. Seu tres, ut puto, quatuorve libros;
3. Sextus protinus ille fœnerator,
4. Quem nostis veterem meum sodalem.
5. Ne quid fortè petam, timet, cavetque;
6. Et secum, sed ut audiam, susurrat:
7. Septem millia debeo Secundo;
8. Phœbo quatuor, undecim Phileto;
9. Et quadrans mihi nullus est in arca.
10. O grande ingenium mei sodalis!
11. Durum est, Sexte, negare, cùm rogaris:
12. Quantò durius, ante quàm rogeris!

VERS. 1. *Puerum*. Mancipium *Pexam*. Villosam, quales sunt panni recentes. De toga vide Ep. 26.

7. *Septem millia*. Subaudi sestertiorum, seu 7. sestertia: libræ sunt Turon. 700. Scutati Romani centam quinquaginta septem, cum quinquaginta circiter bajocis. *Phæbo, Phileto*. Nomina sunt creditorum ficta.

9. *Quadrans*. Quarta pars assis. Vide Epigr. 26. lib. 2.

10. *O grande Ironia*; ò astutiam hominis! ipsi certè duram & gravem: si enim homo ingenuus ægrè negat, rogatus aliquid: quantò se torquet magis, si antequam rogetur, excogitat molestè modum quo neget: si providet operosè, ne rogetur.

XXXVIII.

In eundem.

1. Florida per varios ut pingitur Hybla colores,
2. Cùm breve Sicania ver populantur apes;
3. Sic tua suppositis pellucet præla lacernis,
4. Sic micat innumeris arcula fynthesibus:
5. Atque unam vestire tribum tua vellera possunt,
6. Apula non uno quæ grege terra tulit;
7. Tu spectas hyemem succincti lentus amici,
8. (Pro scelus!) & lateris frigora trita mei.
9. Quantum erat, infelix, pannis fraudare duobus,

10. Non metuas , non te, Nævole , sed tineas.

V E R S. 1. *Hybla* . Siciliae mons , floribus frequens & apibus .

2. *Breve* . Quia flores non sunt diuturni. *Sicanie*. Sicule. *Ver*. Flores vernos . *Populantur* . Depascunt , exsugunt .

3. Sic tuis prælis suppositæ lacernæ lucent : sub prælis tuis tot apparent colores vestium , quot sunt colores florum in *Hybla* . De lacernis consule superius Epig. 26.

Præla. Trabes sunt propriè, quibus vulgò uvæ calcatæ premuntur. Iis etiam Romani utebantur, ut vestes suppositas premerent ac rugas earum emendarent, ut nitorem illis afferrent. Hinc Seneca de tranquillitate vitæ lib. 1. c. 1. Vestem ait coctam splendere ponderibus ac mille terminibus . Tale est illud sericum quod Galli , & Itali vocant. *Taby*, in quo apparent undulatæ quædam striæ, & colores *arbitrâ nitentes luce*, ut loquitur Ammianus Marcellinus lib. 28. Porro videtur esse hypallage in ordine verborum: non enim pellucunt propriè præla , sed lacernæ suppositæ prælis, ut exposui .

4. *Synthesibus* . Erat synthesis vestis cœnatoria, sive , quàm cœnaturi induebant, pallii formam referens , & à lautioribus tantum , ditioribusque usurpari solita, semper purpurea vel coccinea. Vide Lips. 1. Satur. c. 2.

5. *Tribum* . Populus Rom. in tribus 35. divisus erat, hoc

est, partes quasdam : aliæ urbanæ erant , aliæ rusticæ &c. Romulus tres principio tribus fecerat, quarum in prima numerabantur Albani pastores, qui cum illo Romam condiderant: in secunda Sabini : in tertia Etrusci , Ardeates, Latini , &c. Tribus singulas divisit in Curias decem , curiasque in decem Decurias . Auctæ sunt postea tribus, crescente civum numero .

Tua velleræ . Tot illæ tuæ vestes . Legunt aliqui : *Tua candida* . Id est , tuæ togæ candidæ .

6. *Apula*. Apulia regio Italia est ovibus abundans, nunc in Regno Neapol. Duplex est; altera Apulia Daunia , nunc *Puglia Piana*, sive, Capitana: ubi modò Sipontum , &c. Altera Apulia Peucetia, *Terra di Barri* , ubi Barium .

7. *Hyemem*. Tene esse tam sordidum & avarum, ut cum tot vestibus abundes , me amicum tuum eneatum frigore, & succinctum, id est, brevi, laceraque indutum veste, spectes quietus, quasi mederi nostræ inopiæ nec posses, nec deberes ?

8. *Lateris frigora trita* . Id est, lacernas, quæ mihi tegunt latus sive corpus , frigidæ, quia valde trite sunt, & obsoletæ. Legitur vulgò, *Lateris frigora tute times* . Quod sic exponi potest, ut latus appellet sodalem. Ita lib. 6 . *Entychus ille, tuum, Castrice, dulce latus* , id est , dulcis comes,

amicus. Tu igitur cohorrescis ipse, ac non sine metu sodalem aspicias frigore horrescētē.

9. Eratne adeo difficile & magnificum duos pannos, vestes duas suffurari, & eripere? palles jam & times cūm audis hanc vocem, suffurari, fraudare, eripere, &c. ne ti-

meas, eripere dico, non tibi, ne hoc metue, sed tineis, quæ illas arrodent & consumunt Pro: *Non metuas*, aliqui optimi codices habent, *Quid renuis?* prior lectio acutior est, ob sustentationem, & ἀποσδόντων.

XXXIX.

Vita quænam & ubi felix.

1. Cauponem, laniūmque, balneūmque;
2. Tonforem, tabulāmque, calculōsque;
3. Et paucos, sed ut eligam, libellos;
4. Unum non nimium rudem sodalem;
5. Hæc præsta mihi, Rufe, vel Bitonti;
6. Et thermas tibi habe Neronianas.

VERS. 1. Ordo est: ô Rufe, da mihi cauponem, à quo vinum; lanium, à quo carnes habeam, &c. Tabulam lusoriam cum calculis ad animum relaxandum, libellos paucos quidem, at bene selectos; unum amicum non insulsum, & jocandi non rudem: hæc mihi da, vel in obscurissimo Italiæ oppidulo, quale est Bitontum, carebo facilē vitā urbanā & luxu, relinquam tibi superbas Neronis thermas.

2. *Calculos*. Nempe luforios, seu latrunculos, de quibus vide Lib. XIV. Ep. 17.

5. *Bitontis*. Est Bitontum vile & obscurum Apuliæ Peucetiae de qua in superiori Epigrammate, oppidum: *Bitonto*.

6. *Thermas*. Vide lib. Spectac. Epigr. 2. Erant porro thermæ à Nerone ædificate, ceteris amæniores. Fruere ceteris vitæ deliciis, Romæ; ego ubivis vivere me & regnare, si ea suppetant pauca quæ dixi, puta vero.

XL.

Libertas.

1. Vis fieri liber? mentiris, Maxime, non vis;
2. Sed fieri si vis, hâc ratione potes.
3. Liber eris, cœnare foris si, Maxime, nolis;
4. Vejentina tuam si domat uva sitim.
5. Si ridere potes miseri chrysendeta Cinnæ;

6. Contentus nostrâ si potes esse togâ.
 7. Hæc tibi si vis est, si mentis tantâ potestas,
 8. Liberior Partho vivere rege potes.

V. 1. Aisne te velle esse liberum, ô Maxime?

4. Si potes contentus esse vino vili, quale est Vejentanum; de illo dictum supra. Veii olim urbs antiqua Hetruriæ, nunc diruta: in ejus loco nunc est castrum quod incolæ appellât Insulâ, *Isola*.

5. *Chrysendeta*. Vide Ep.

36.

6. *Nostra*. Trita & plebeja.

8. *Partho*. Imperium Medorum & Persarum veterum, tunc Parthi obtinebant, eorumque rex se magnum regem vocitabat, ac regem regum. Regibus autem nihil vulgò est liberius, quibus quod lubet, licet.

XL I.

Amicorum æqualitas.

1. Vis te, Sexte, coli: volebam amare:
 2. Parendum est tibi; quod jubes, colêris:
 3. Sed si te colo, Sexte, non amabo.

V. 1. *Coli*. Observari, honorari. Est in cultu & observantiâ timor prohibens familiaritatem, quæ esse inter amicos debet. Ajunt Augu-

stum parca & tenui cœnâ exceptum aliquando ab amico, dixisse, *Non putabam me tibi tam familiarem esse.*

XL II.

In fictum divitem.

1. Hic, quem videtis gressibus vagis lentum,
 2. Amethystinatus media qui secat septa;
 3. Quem non lacernis Publius meus vincit,
 4. Non ipse Codrus alpha pænulatorum;
 5. Quem grex togatus sequitur, & capillatus,
 6. Recensque sella linteisque lorisque:
 7. Oppigneravit Claudii modò ad mensam
 8. Vix octo nummis annulum, undâ cœnaret.

V. 1. *Vagis*. Magnis passibus & incertis ambulantiem, ut ostentatores isti solent.

2. *Amethystinatus*. Vide

Epig. 78. lib. 1. *Septa*. Epig. 12. hujus libri.

3. Qui lacernarum elegantia Publium amicum meum

superat ; & Codrum pænula-
torum principem, hoc est, ele-
gantissima semper indutum
pænula. De lacerna & pænula
dictum. Ep. 26. & alibi multis
locis.

4. *Codrus*. Erat pauperri-
mus poëta, qui pænulas ta-
men pretiosas, ut multi, con-
ducebat.

Alpha. Prima est alpha-
beti græci littera: sæpe id quod
in quaque re primum est, si-
gnificat, ut ω , significat quod
est ultimum.

5. *Grex*. Clientes induti
togâ, & pulchrè comati pue-
ri. Comam ferè nutriebant
ingenui pueri, usque ad pu-
bertatem.

6. *Sella*. Lēctica nova &
elegans cum suis linteis, quæ
fenestras sellæ velabant, &
loris quibus lēctica pende-
bat & ligabatur.

7. Deposuit modò apud
Claudium (feneratorē, aut
argentarium) suum annu-
lum pignoris loco, ut num-
mos octo mutuos acciperet,
quibus compararet cœnam:
adeo in speciem dives, re pau-
per est.

Mensam. Pluteum, taber-
nam, *contoir*, *bureau*, *blanca*.

8. *Octo nummis*. Sestertii
octo duos denarios Romanos
conficiebant: asses monetæ
Gallicæ 16. Romanæ verò
bajocos octodecim.

XLIII.

Pauper in suo.

1. Pexatus pulchrè rides mea, Zoïle, trita.

2. Sunt hæc trita quidem, Zoïle; sed mea sunt.

VERS. 1. *Pexatus*. To-
gam indutus recentem, vil-
losam, bene pexam. Vestes
pexæ sunt, in quibus nec sta-
men, nec subtemen apparet,

eminente, & luxuriante villo.

Mea. Vestimenta. Tua
verò, tua non sunt, sed con-
ducta.

XLIV.

Mica aurea Domitiani.

1. Mica vocor; quid sim cernis: cœnatio parva;

2. Ex me Cæsareum prospicis, ecce, tholum.

3. Frāge toros; pete vina; rosas cape; tingere nardo,

4. Ipse jubet mortis te meminisse Deus.

VERS. 1. Domum haud
magnam quidem sed venu-
stam inprimis & elegantem
Domitianus extruxerat, ubi

cum amicis cœnitaret: eam,
ab exiguitate, Micam voca-
ri iussit, & auream ab ele-
gantia. Ex ea prospiciebatur

templum extructum in honorem D. Augusti demortui; sive mausoleum, quo viso convivæ admonebantur mortis, hic autem excitantur à Martiale, ut genio propere indulgeant, nempè brevi morituri.

Cænatio. Locus ubi cœnatur, cœnaculum.

2. *Ex me &c.* Ex eo loco ubi sum, ex hac cœnatione, prospectas templum Cæsaris. Per tholum intelligitur ædificium quodlibet rotundo tecto. Interdum tholus fornicem interiorē & cameram ædificiī significat. Vide Epig 61 Libri I.

3. Lectos in quibus ad

mensam accumbitur, disturbata & perprime: epulis & genio indulge.

Frangere. Lectus compositus, solet turbari cum in eo sedetur, aut cubatur.

Rosas. Coronas è rosis.

Tingere. Unge caput unguento nardino. Imperativus est modus, vocis passive.

4. *Deus*. Cæsar, cujus mausoleum prospicis. Ille enim, vir tantus, imò, qui à nobis ut Deus colitur, si mortuus est, multò minùs tu mortem effugies. Augustus, etiam vivens, inter Deos relatus fuerat. Vide Epig. 59. libri V.

XLV.

Cunctator.

1. Dū modò causidicū, dū te modò rhetora fingis,
2. Et non decernis, Taure, quid esse velis;
3. Peleos, & Priami transit, & Nestoris ætas,
4. Et fuerat seruni jam tibi desinere.
5. Incipe, tres uno perierunt rhetores anno,
6. Si quid habes animi, si quid in arte vales.
7. Si schola damnatur; fora litibus omnia fervent;
8. Ipse potest fieri Marfya causidicus.
9. Eja age, rumpe moras; quò te spectabimus usq;
10. Dum, quid sis, dubitas, jam potes esse nihil.

V E R S . I . Dum te paras & instruis ad artem oratoriam vel docendam, vel exercendam, & diu deliberas, Rhetorne sis futurus, an causidicus. *Causidicum*. Rhetor propriè vocatur, qui artem dicendi tradit: causidicus, qui causas agit in foro, & ar-

tem dicendi exercet.

3. *Peleos*. Genitivus græcus à Πηλεὺς Peleus, Πηλέος Achillis pater fuit, diu vixit, ut Priamus, Trojæ rex. Nestor dux Græcorum senio & sapientiâ inclytus.

Transis. Syncope, pro,

transiit: itaque ultimam producit.

4. Si utramlibet artem exercuisses, ab eo tempore, quo de alterutra capeffenda deliberas, posses jam, & quidem sero, illam deponere.

5. *Incipe.* Rhetoricam profiteri. Tres extincti sunt Rhetores, atque locus tibi vacat. Quinam illi sint, non commemorat.

7. Si vituperas & condemnas scholam, id est, professionem rhetoricæ, en fora omnia plena sunt litibus, esto causidicus, fervet opus.

8. Ipsa Marfyæ statua in foro stans, tam crebris causidicorum clamoribus tunditur, ut, quamvis saxeæ, dicendi artem callere posset.

Marsya. Marsyas fuit pastor quidā, seu tibicen Phryx, bardus, & hebes: qui cum esset ausus Phæbum cantando provocare, ab eo victus & cute spoliatus est. Ejus statua visebatur in foro, funem gerens manu, quasi litigatoribus improbis suspendium minaretur.

9. Quousque te spectabimus, nempè otiosum & cessantem?

10. *Potes esse nihil.* Abit tempus artis cujuslibet profitendæ: ineptus fies ad quâlibet exercendam, decrescen- te per tempus, ingenio, vitâ, valetudine. Vel, mors instat, quæ nos facit nullos, multi enim totum hominem extingui morte arbitrabantur.

XLVI.

Salejanum de uxoris morte consolatur.

1. Cur tristiore cernimus Salejanum?
2. An causa levis est? extuli, inquis, uxorem.
3. O grande fati crimen! ô gravem casum!
4. Illa, illa dives mortua est Secundilla,
5. Centena decies quæ tibi dedit dotis?
6. Nollem accidisset hoc tibi, Salejane.

VERS. 2. *Extuli.* Proprium funeris verbum, id est, ad rogam deportari jussi, sepelivi.

5. *Centena decies.* Subaudi, millia sestert. nempè libras Turon. 1000000. nummos scutatos Rom. triginti duo millia, & quingentos. Porro ut rectè notat Ramiresius, hæc summa pro maxima do-

te vulgò ponebatur; imo, quoties magnam pecuniæ vim significabant, certo isto numero utebantur, pro incerto.

6. *Hoc.* Jocus est in ambigua sententiâ: significat enim versus; nollem ut uxorem amisisses: sed hoc sibi vult Martialis; nollem homini indigno & improbo tantam pecuniæ summam obtigisse.

XLVII.

Muliebris iracundia.

1. Unus de toto peccaverat orbe comarum
2. Annulus, incertâ non benè fixus acu.
3. Hoc facinus Lalage speculo, quo viderat, ulta est;
4. Et cecidit sectis icta Plecusa comis.
5. Define jam, Lalage, tristes ornare capillos,
6. Tangat & insanum nulla puella caput:
7. Hoc salamâdra notet, vel seva novacula nudet,
8. Ut digna speculo fiat imago tuo.

VERS. 1. *Peccaverat*. Non erat bene compositus, extra locum suum aberrabat.

2. *Annulus*. Cincinnus. *Acu*. Crinali, quâ commun-
tur mulieres.

3. *Quo viderat*. In quo speculo viderat abnormem capillum. *Lalage*. Mulieris nomen.

4. Eodem speculo caput ancillæ suæ Plecusæ diffidit, ejusque comas cum capite disseccuit.

7. Tuum hoc caput unga-
tor succo salamandræ, vel
condeatur ad cutem novacu-

lâ, ut fiat calvum, ac tale evadat quale meretur in tuo illo speculo à te videri. Tam crudele speculum non meretur nisi deformes repræsentare imagines. Porro in voce *digna* syllaba ultima produ-
citur propter duas consonantes sequentes in voce *speculo*.

Salamandra. Genus est lacertæ, quod ignem ipsum extinguit, imò in eo vivit innoxium, adeo frigida naturæ est. Ejus virus, sive faliva, hanc vim habet, ut omnes corporis pilos evellat.

XLVIII.

Homo importunè officiosus.

1. Occurris quocumq; loco mihi, Posthume, clamas
2. Protinus, & prima est hæc tua vox, Quid agis?
3. Hoc, si me decies unâ conveneris horâ,
4. Dicis: habes, puto, tu, Posthume, nil quod agas.

VERS. 1. *Quid agis*. His oculis occurrentes salutabant.

XLIX.

Quis carere domino possit.

1. Quòd te nomine jam tuo saluto,

2. Quem regem & dominum prius vocabam,
3. Ne me dixeris esse contumacem:
4. Totis pilea farcinis redemi.
5. Reges & dominos habere debet,
6. Qui se non habet, atque concupiscit
7. Quod reges dominique concupiscunt.
8. Servum, si potes, Ole, non habere;
9. Et regem potes, Ole, non habere:

V E R S. 3. *Contumacem*.
Superbum, insolentem.

4. Sportulæ, cænarum, &c.
jacturâ libertatem compara-
vi: hanc omnibus servitutis
præmiis, potiore duco.

Pilea. Servi libertate à do-
minis donati caput radebāt,
ac pileum sumebant: pileus
igitur, seu pileum, est insi-
gnè libertatis.

Sarcinis. Sarcinæ signifi-

cant domesticam supellesti-
lem, fortunas & bona.

6. Qui sui non est domi-
nus & compos, qui concupi-
scit opes & honores, quos
ambiunt nobiles & principes
viri.

8. Qui potest carere servo,
potest & domino carere: qui
potest animo æquo pati pau-
pertatem, non servire divi-
tibus potest.

L.

Cænipeta.

1. Invitum cænare foris te, Classice, dicis:
2. Si non mentiris, Classice, dispeream.
3. Ipse quoque ad cænam gaudebat Apicius ire;
4. Cùm cænaret, erat tristior ille, domi.
5. Si tamen invitus vadis, cur Classice, vadis?
6. Cogor, ais: verum est; cogitur & Selius.
7. En rogat ad cænam Melior te, Classice, rectam:
8. Grandia verba ubi sunt? si vir es, ecce nega.

V E R S. 3. *Apicius*. Hel-
luc apud Romanos famosus.
Sensus est: si ille gaudebat
cænare foris, cur tu illo pau-
perior & miserior, non gau-
deas?

4. Ita ordina voces. Erat
ille tristior, cùm cænaret domi.

6. *Cogitur & Selius*. Iro-

nicè. Tam parum cogoris,
quàm parum cogitur Selius,
cænipeta ille insignis de quo
Ep. 9. 12. & 25. aut si ille co-
gitur, cogitur fame, gulâ,
cupiditate.

7. *Melior*. Nomen divitis.

Rectam. Civilem, hone-
stam, quâ cum patronis cli-

entes accumbebant olim, an-
requam daretur sportula, quæ
in locum cœnæ rectæ fuit

substituta.

Si vixes. Si generosus es,
si cœnarum auceps non es.

LI.

Laudator invidus.

1. Candidius nihil est te, Cæciliane, (notavi;)
2. Si quando ex nostris disticha pauca legis,
3. Protinus aut Marfi recitas, aut scripta Catulli;
4. Hæc mihi das, tanquam deteriora legas.
5. Ut collata magis placeant mea? credimus illud:
6. Malo tamen recites, Cæciliane, tua.

VERS. 1. Omnino es le-
tor amicus & benevolus, ô
Cæciliane, id sæpè observavi.

3. *Marfi.* Fuere Marfus &
Catullus poëtæ egregii: Mar-
fus tamen plus epigramma-
te poterat, quàm Epico car-
mine. De Catullo mentio fit
in Epig. 8. & 53. libri I.

4. Hæc Marfi & Catulli
carmina mihi das, laudas,
tanquam videlicet meis de-

teriora essent; ita mihi adu-
laris: vel, tanquam meis me-
liora, innuens mea istis dete-
riora esse.

5. 6. Imò, inquis, ut tua
epigrammata illis compara-
ta plus placeant: credo equi-
dem id eâ mente à te fieri;
verùm malo tua recites; ut
si saltē præfertur mihi Mar-
sus & Catullus tibi ego præ-
ferar.

LII.

Fastus inops.

1. Cinctum togatis post & ante Saufeium
2. Quantâ reduci Regulus solet turbâ,
3. Ad alta tonsum templa cùm reum misit,
4. Materne, cernis? invidere nolito;
5. Comitatus iste sit, precor, tuus nunquam,
6. Hos illi amicos, & greges togatorum,
7. Fusciculus præstat, & Faventinus.

VERS. 1. *Togatis.* Clie-
tibus, anteambulonibus. Su-
pra, Ep. 42 & Lib. I. Ep 89.

2. *Regular.* Causidicus
insignis. Solebāt autem cau-
sidici post causam peroratam

feliciter, & reos absolutos,
magno comitatu deduci do-
mum à foro.

3. *Tonsum.* Rei sordidati
erant, intonsi & impexi, pen-
dente causâ: periculo soluti,

tondebant barbam, togam mutabant, & ad templa gratias acturi superis, ibant. Vide Ep. 22. hujus lib.

4. *Materne*. Maternus iste amicus Martialis fuit, & orator bonus.

5. Faxint superi ut nunquam simili comitatu dedu-

caris.

6. *Fusciculus*. Erat fenerator, ut & Faventinus, cui omnia sua bona Saufejus, vel, ut alii legunt, Saufellius, oppigneraverat, ut mutuum sumeret pecuniam, quâ istos comites pretio emptos haberet.

LIII.

Duo pueri à leone interfecti.

1. Verbera securi solitus leo ferre magistri,
2. Infertamque pati blandus in ora manum;
3. Dedidicit pacem subito feritate reversâ,
4. Quanta nec in Libycis debuit esse jugis.
5. Nam duo de tenerâ puerilia corpora turbâ,
6. Sanguineam rastris quæ renovabat humum,
7. Sævus & infelix furiali dente peremit,
8. Martia non vidit majus arena nefas.
9. Exclamare libet: crudelis, perfide, prædo,
10. A nostrâ pueris parcere disce lupâ.

VERS. 6. *Sanguineam* &c. Qui arenâ amphitheatri gladiatorum & ferarum sanguine tinctam, & concretam, invertabant sarculis, ac inarabant.

8. *Martia*. Quæ Marti sa-

cra, quia in ea gladiatores pugnabant: vel, Romana: quia Mars Romuli pater.

10. *Lupa*. Quæ Remum & Romulum non modò non læsit, sed aluit: hanc tu imitari debueras.

LIV.

Heredipeta delusus.

1. Argenti libras Marius tibi quinque reliquit.
2. Cui nihil ipse dabas, is tibi verba dedit.

VERS. 1. Marius, cui nihil unquam dederas, moriens tibi quinque libras duntaxat argenti, reliquit, quod perindè est ac si tibi nihil reliquisset, adeo exigua erat ista summa, præsertim pro

ejus opibus, & tua spe. Vel: reliquit ille quidem testamento, sed nunquam à te habendas. Tu illi nihil dederas, ille tibi verba dedit.

Libras 5. Nummi sunt Tarronici, ut Galli vocant, fer-

mè 168. Romani verò nummi scutati circiter triginta novem. Argenti libra Romana denarios continebat 84. id est Francicos nummos 33. cum 12. assibus ~~Ad~~: Romanos scutatos septem, ac Julios admodum quinque ~~libra~~ libra æquiparatur Francicis seu Turonicis 576. scuta-

tis Romanis centam viginti novem, cum sex circiter Juliis Itaque argenti libra Romana multò minor erat nostrate Gallica, quæ Francicos admodum 56. valet. Romanos scutatos duodecim, cum sex Juliis.

2. *Verba dedit.* Dare verba alicui, est eum decipere.

scuturi verò

L V.

De brevi & longo epigrammate.

1. Cosconi, qui longa putas epigrammata nostra,
2. Utilis ungendis axibus esse potes.
3. Hac tu credideris longum ratione colossum,
4. Et puerum Bruti dixeris esse brevem.
5. Disce, quod ignoras: Marfi, doctique Pedonis
6. Sæpe duplex unum pagina tractat opus.
7. Non sunt longa, quibus nihil est quod demere possis:
8. Sed tu, Cosconi, disticha longa facis.

VERS. 2. Cùm tantopere celeritatem ames, melior esses auriga quam poëta, & currum, ungendo illius rotas, facilius incitares, quàm versum duceres: vel; homo es ita pinguis & obesus, id est, ita stolidus & ineptus, ut adhiberi posses loco unguinis, & adipis vice, ad ungendas rotas.

3. Eadem ratione qua de epigrammatis, ex eorū mensura judicas, diceres colossum esse nimis longum, & effigiem illam pueri, quam Brutus, licet valdè exiguum, tantopere laudavit, amavit-

que, esse nimis brevem, licet, utrumque sit perfectissimum opus. Strongylio statuaris statuam pueri fecit insignem, quam summo in pretio habuit Brutus Cæsaris percussor, qui se, post Philippensem pugnam, in qua ab Antonio & Octavio victus est, interemit. De hac statua vide Lib. IX. Ep. 37. De colosso Lib. Spectac. Ep. 2.

6. Sæpè unum epigramma duas paginas implet.

8. *Facis.* Tua disticha, id est, duo tantum tui versus, longa sunt & fastidiosa, quia sunt illepida & insulsa.

LVI.

Thermæ frigidaë.

1. Æstivo ferves ubi piscem tempore, quæris?
2. In thermis serva, Cæciliane, tuis.

VERS. 2. *Thermis*. Thermæ, balnea sunt: à calidis aquis ita dicuntur. *Θερμός* calidus. Vide Ep. 2. lib. Spect.

Cæciliani autem thermæ erant gelidæ, ita ut pisces ab æstivo calore possent defendere.

LVII.

Invitatus ad cœnam.

1. Invitas tunc me, cùm scis, Nasica, vocatum;
2. Excusatum habeas me, rogo: cœno domi.

VERS. 1. 2. Me invitas ad cœnam, cum nosti me ab aliis vocatum, ac nihil porro esse periculi ne apud te cœnem: at hodie domi cœno, ac vereor ne me invites, neve rem tibi molestam faciam si à te vocatus, veniam: non veniam, certum est mihi domi cœnare, parce metu, excusatum habeto me. Legunt aliqui

primum versum hoc pacto. *Invitas me tunc, cùm scis, Nasica, vocasse*: nempè cum vides me vocasse amicos ad cœnam, tunc me invitas, ut nimirum ego te cum illis invitarem & vocem ad cœnam. Neutrum fiet, nec ibo domum tuam, nec te meam vocabo.

LVIII.

Mors festinata.

1. Hostem cùm fugeret, se Fannius ipse peremit.
2. Hic (rogo) non furor est, ne moriari, mori?

VERS. 1. *Fannius*. Fannius Cæpio, proscriptus quòd in Augustum conjurasset, cùm

fugeret percussores, se ipse interemit. Seneca Epist. 58. *sic mori, vinci est.*

LIX.

Lectica sandapila.

1. Laxior hexaphoris tua sit lectica licebit;
2. Dum tamen hæc tua sit, Zoïle, sandapila.

VERS. 1. Per me licebit, ô Zoïle, ut tua lectica sit la-

xior & amplior quàm illæ, quæ à sex bajulis portantur:

& ita te divitem fingas ; non invidebo: modò eadem in lectica mortuusefferaris in qua gestaris vivus. Hoc est, modò te brevi mortuum videam.

Haxaporis. Lectica ἐξάπορος, quæ gestatur à sex fa-

mulis: ἑξ, sex; φέρω, porto.

Lectica. In ea gestabantur vivi; & efferebantur mortui, maximè nobiles ac divites; pauperes verò in sandapila, quæ est plebejū feretrum.

LX.

Lingua populi.

1. Abscissà servum quid fingis, Pontice, linguâ?
2. Nescis tu populum, quòd tacet ille, loqui?

V. 1. 2. Ponticus absciderat servo suo linguam, ne scelus admissum à domino proderet: aut jubebat eum silere, quasi si murus foret, & abscissa foret ipsi lingua. Frustra es, inquit poëta, omnes id sciunt jam & loquuntur. Latère diu scelera non pos-

sunt: imò erumpunt eò magis aliquando quò magis teguntur. Est autem verborum hic ordo: Quid fingis servum tuum esse abscissà linguâ? illi præcisam esse linguam. Legit Gruterus è libro antiquo *figis*, id est, cruci affigis. Alii, *sedas*.

LXI.

Togam ab amico petit.

1. Vimine clausa levi niveæ custodia coctæ,
2. Hæc tibi Saturni tempore munus erit.
3. Dona quòd æstatis misi tibi mense Decembri
4. Si quereris, rasam tu mihi mitte togam.

V E R S. 1. 2. Mitto tibi his Saturnalibus custodiam, hoc est lagenam vitream aquæ coctæ & nivibus refrigeratæ, clausam & munitam viminibus mollibus supertextis. *Custodia.* Carcerem vulgò significat: rectè autem lagena dicitur aquæ vel vini carcer. Adde quod vimen inductum lagenæ fictili aut vitreæ, illam tuetur & custodit, ut ip-

sa vinum aut aquam servat.

Coctæ. Solebant aquam decoquere, tum nivibus refrigerare, eaque uti per æstatem.

2. Si ægrè fers quod mitto tibi hiberno tempore munera æstiva, tu æstivam mihi & levem togam mitte, atque ita me ulciscere. Rasa toga opponitur pexæ, seu villosæ & crassiori.

Decembri. Saturni festa, si. | lebrabantur, tunc ad amicos
ve Saturnalia, hoc mense ce. | munera. missitare moris erat.

LXII.

Carmina laboriosa & inepta.

1. Quod nec carmine gloriator supino,
2. Nec retrò lego Sotaden poëtam;
3. Nusquam Græcula quod recantat Echo;
4. Nec dictat mihi luculentus Attis
5. Mollem debilitate Galliambon:
6. Non sum, Classice, tam malus poëta.
7. Quid si per graciles vias petauri
8. Invitum jubeas subire Ladam?
9. Turpe est difficiles habere nugas,
10. Et stultus labor est ineptiarum.
11. Scribat carmine circulis Palæmon:
12. Me raris juvat auribus placere.

VERS. I. *Supino.* Antistropho, quod eadem manente sententiâ retrò legi possit; retrogrado. Supinum enim est idem atque inversum. Talis est ille versus medici cujusdam ad hydropicum: *Mittis ero, retine leniter ore sitim.* Recurre enim ab ultima littera, invenies idem omnino carmen. Aliquando retrò legitur versus alio carminis genere, ut; *Micant nitore tecta sublimi aurea. Aurea sublimi tecta nitore micant.* Ejusmodi carmina Sotadica vocantur à quodam Sotade poëta Cretenfi, qui librum lascivis ejusmodi versibus plenum edidit. Aliud genus carminis Sotadici vide libro III. Epigr. 23.

2. Nec versus compono qui retro, & in versi legi possint,

quales sunt in Sotadæ libro.

3. Quod non scribo Græcorum more carmina, quorum extremæ voces, sive syllabæ gementur, ut Echo voces repetit & recinit.

Echo. De versibus Echicis vide Scalig. poët. lib. 2. c. 29. Politianum Miscel. c. 22. In illis ultima, vel duæ ultimæ versus syllabæ ita repetuntur, ut aliquem sensum efficiant; v. g. si diceret: *Cur ita clamat? amat.*

4. Nec argumentum præclarum & operosum carminis mihi dat Atys, quem canam versu Galliambo, seu Galliambico debili ac fracto, id est, lascivo.

Atys, seu Attis, Lydus quidem seu Phrygius puer fuit, Cybelæ imprimis carus, qui ejus Deæ sacra in Phry-

giam invexit. Cybeles autem sacra impuditiæ famâ laborarunt, & ejus sacerdotes, qui Galli à fluvio Phrygiæ Gallo, dicebantur, erant evirati, ac effeminati. De Aty carmen Galliambicum scripsit Catullus, de quo fortè hic loquitur Martialis.

5. *Galliambum*. Ita vocatur ille versus, nempe à Gallis Cybeles sacerdotibus & Jambo pede: est senarius: ejus pedes vide apud Scaligerum lib. 2. & apud Muretum comment. in Catullum. Habes exemplum ejus generis in Catullo; *Super alta vectus Aty's celeritate maria, &c.*

6. Ordo est. Quòd ejusmodi laboriosos versus non facio, Sotadicos, Echicos, Galliambicos, non sum idcirco poëta contemnendus, & tam malus, quàm quidam, illorum versuum amatores, putant. Capitur ingenio lector sapiens, non laboriosis nugis.

7. An, si juberet Ladas transmittere petaurum, putas eum id facturum? Non faceret certè, aut faceret admodum invitatus; quia, etsi posset, nollet tamen hunc magnum, ac vilem & inutilem laborem sumere, cum ipse mira pedum velocitate gloriam longè nobiliorem colligat. Possum itidem ego ut ceteri, Sotadica Echica, Galliambica scribere, at nihil est tanti.

Petauri. Petaurum erat rota quædam, vel machina sublimis, ad quam attollebant se petauristæ, sic dicti à vocibus græcis, *αὔρα*, *aura*, & *πέτομαι*, volo, quasi per aërem volantes, & per cujus angustos meatus ac circulos corpus arte mira transmittabant. Nonnulli volunt fuisse funes, per quos extentos irent, è quibus penduli se librarent, &c.

8. *Ladam*. Ladas ea tempestate propter incredibilem pedum velocitatem insignis fuit.

Difficiles &c. Operam difficilem sumere in scribendis nugis.

11. Patior Palæmonem jactare turbæ imperitæ in circulum circumstanti, aut mulierculis venditare istas nugas, & sua id genus carmina: ego eruditos lectores quæro, qui de ingeniosis & veris carminibus existimare possint: sed illi rari.

Palæmon. Q. Rhemmius Palæmon grammaticam Romæ docuit: homo insulsus & imperitus, sed qui caperet homines felicitatem memoriæ, & facilitate sermonis, v. g. versibus ex tempore faciendis, &c. Ceterum ita erat arrogans, ut secum natas, & morituras secum litteras diceret.

LXIII.

In malum poëtam.

1. Nil recitas, & vis, Mamerce, poëta videri:

2. Quidquid vis esto, dummodo nil recites.

VERS. 1. Nihil à te compositum recitas, cur ergo te poëtam dicis? Prome & profer tua carmina. Sed quid ajo? Esto quidquid volueris, Catullus alter, Virgilius, &c.

Malo te poëtam eximiū credi, quàm recitare quidpiam, ita enim malè recitares, tam inepta diceres, ut nos ista tua recitatione enecares.

LXIV.

In Improbum sua vitia magnis exemplis excusantem.

1. Quod nimio gaudes noctem producere vino,
2. Ignosco: vitium, Gaure, Catonis habes:
3. Carmina quod scribis Musis & Apolline nullo;
4. Laudari debes: hoc Ciceronis habes.
5. Quod vomis, Antoni; quod luxuriaris, Apici:
6. Quod fures, vitium dic mihi cujus habes?

VERS. 2. *Catonis.* Uticensis, quem sæpe mero incaluisse testis est Horatius lib. 3. Od. De illo facta mentio est Ep. 1. lib. 1. & Ep. 9.

3. *Musis & Apol. nullo.* Nullâ gratiâ, nulla facultate poëtica instructus: invitis Musis, & Phœbo.

4. *Ciceronis.* Qui poëta non optimus fuit.

5. *Antoni.* Qui tantum vini in convivio quodam hauserat, ut postridie manè in concione vomens, frustis violentis gremium suum & totum tribunal impleret. Tullius Philip. 2.

Apici. Apicius fuit Helio celeberrimus, de quo supra, Ep. 50. & Lib. III. Ep. 18.

LXV.

Vitam beatam quid efficiat.

1. Quintiliane, vagæ moderator summe juventæ,
2. Gloria Romanæ, Quintiliane, togæ:
3. Vivere quòd propero pauper, nec inutilis annis,
4. Da veniam: properat vivere nemo satis.
5. Differat hoc, patrios optat qui vincere census;
6. Atriâque immodicis arctat imaginibus.
7. Me focus, & nigros non indignantia fumos
8. Tecta juvant, & fons vivus, & herba rudis.

9. Sit mihi verna satur; sit non doctissima conjux;
10. Sit nox cum somno; sit sine lite dies.

VERS. I. *Quintiliane*.
Erat orator summus: annis
23. Rhetoricam docuit Ro-
mæ; ejus extant libri de ar-
te Rhetorica ornatissimè
scripti. Floruit sub Domi-
tiano.

2. *Togæ*. Toga sæpe pro pa-
cificis artibus & litteris bo-
nis sumitur, quæ vigent in
pace, cujus insignè toga; ut
sagum, belli.

4. Ignosce mihi, si quam-
vis pauper, quamvis ætate
adhuc integra, & annis flo-
rentibus, atque ad laborem
utilibus, propero vivere, hoc
est, vitæ gaudia carpere, ge-
nio indulgere. Id enim vi-
detur decêre divites, qui sum-
ptum facere commodius &
feriari possunt: aut senes,
qui labori sunt impares, ac
inutiles ad opus faciendum.

5. 6. Differat vivere, ge-
nium defraudet, qui ditior pa-

tre fieri conatur, & replet
atria, stipandis imaginibus
ingētibus majorum suorum,
ad nobilitatis ostentationem.

Atria. In prima ædium
parte Romani nobiles suo-
rum imagines majorum col-
locatas in armariis serva-
bant, unde illas educerent
ad pompam triumphorum, fu-
nerum, &c.

7. *Non indignantia fumos
tecta*. Domū minimè sump-
tuosam, quæ auro picta non
sit, ac pretiosis coloribus,
qui fumo sedarentur.

8. *Vivus*. Nativus: non
arcessitus arte, &c.

Rudis. Ut in ipso nasci-
tur cespite; non topiario mo-
re tonsa, secta, descripta.

9. *Vernæ*. Servus propriè
domi ex ancilla natus. Fa-
muli satiri libētius serviunt,
ut indoctæ uxores viris faci-
lius parent.

LXVI.

Petit à Domitiano jus trium liberorum.

1. Rerum certa salus, terrarum gloria, Cæsar;
2. Sospite quo magnos credimus esse Deos:
3. Si festinatis toties tibi lecta libellis.
4. Detinuere oculos carmina nostra tuos:
5. Quod fortuna vetat fieri, permitte videri,
6. Natorum genitor credar ut esse trium.
7. Hæc, si displicui, fuerint solatia nobis:
8. Hæc fuerint nobis præmia, si placui.

VERS. I. *Rerum*. Reipu-
blicæ: orbis terrarum.

2. *Credimus esse Deos*. Qui

nulli crederentur esse, si tuæ
salutis curam non gererent.

3. *Festinatis libellis*. In

meis libellis deproperatis, ac
pæne factis ex tempore.

5. 6. Concede mihi, ut vi-
dear parēs trium liberorum,
ut fruor privilegiis, quibus
gaudēt trium liberorum pa-
tres, quamvis nullos Fortu-
na mihi dederit.

Trium. Magna illis præ-
mia erant constituta, qui
tres aut plures haberent li-
beros: v. g. in spectaculis
sedebant honoratiore loco,
facilius & citiùs honores af-
sequebantur, &c.

LXVII.

De jure trium liberorum impetrato.

1. Natorum mihi jus trium roganti,
2. Musarum pretium dedit mearum
3. Solus qui poterat: valebis uxor;
4. Non debet domini perire munus.

V E R S. 3. *Valebis uxor.*
His verbis *vale, vale*, mor-
tuos extremum compellabāt:
itaque suam uxorem facesse-
re Martialis jubet mori optat.

4. Non debet mihi perire
Cæsaris munus; periret au-

tem si susceperem liberos, qui
mihi magnis alendi sumpti-
bus forent: nunc eo sum one-
re, atque adeo te quoque,
uxor molesta, liberatus. *Do-
mini.* Imperatoris.

LXVIII.

Quod librum primum Regulo non miserit.

1. Primus ubi est, inquis, cum sit liber iste secundus?
2. Quid faciam, si plus ille pudoris habet?
3. Tu tamen hunc fieri si mavis, Regule, primum:
4. Unum de titulo tollere jota potes.

V E R S. 2. *Quid faciam?*
Quid me excusam, aut cur
dissimulem? fateor, missus
tibi liber primus nō est, quia
ille plus habuit pudoris, quā
secundus. Erubuit scilicet

nostras ad te nugas perferre,
quas tibi mittere secundum
hunc non puduit.

4. Pro II. pone I. erit, fiet-
que tibi primus liber.



M. VAL. MARTIALIS
EPIGRAMMATUM
LIBER III.

EPIGRAMMA I.

De hoc tertio epigrammatum libro.

1. **H**OC tibi, quidquid id est, longinquis
mittit ab oris
2. Gallia Romanæ nomine dicta togæ.
3. Hunc legis, & laudas librum fortasse priorem:
4. Illa, vel hæc, mea sunt; quæ meliora putas?
5. Plus sanè placeat, dominâ qui natus in Urbe est;
6. Debet enim Gallum vincere verna liber.

VERS. 1. 2. Hunc librū, qualiscumque ille sit, mitto tibi, ô Romane lector, è Gallia Cisalpina, quæ Togata dicitur.

Gallia. Secefferat Martialis in urbem Longobardiæ, quam vocant nunc *Imolam*, olim Forum Cornelii, in via Æmilia.

Togæ. Pars Galliæ cis Alpes, ac versùs Romam sitæ, dicebatur Togata, quia in

colæ togis, ut Romani, quibus erant viciniore, utebantur. Transalpina verò, quæ nunc propriè Gallia dicitur, Braccata & Comata vocabatur, quia braccis utebantur, seu laxioribus femoralibus, & comam alebat.

3. Legis hunc tertium librum, & priorem fortè librum, id est, secundum, huic tertio anteponis: ut ut est, illa (prioris nempe, sive

secundi libri epigrammata)
vel hæc (epigrammata hujus
tertii) à me sunt scripta, quæ-
nam judicas meliora? statue.

5. Esto tamen, non recusò
quin secundus liber plus pla-
cere tertio debeat, quia fa-

ctus est à me in urbe Roma,
gentium Domina; iste autem
tertius in Gallia: atque adeo
est veluti peregrinus, præ alio
verna & domestico. *Verna*,
propriè est servus domi natus.

II.

Suum librum Faustino mittit, commendatque.

1. Cujus vis fieri, libelle, munus?
2. Festina tibi vindicem parare,
3. Ne nigram citò raptus in culinam
4. Cordillas madidâ tegas papyro,
5. Vel thuris, piperisque sis cucullus.
6. Faustini fugis in sinum? sapisti.
7. Cedro nunc licet ambules perunctus,
8. Et frontis gemino decens honore
9. Pictis luxurieris umbilicis,
10. Et te purpura delicata velet,
11. Et cocco rubeat superbus index.
12. Illo vindice nec Probum timeto.

VERS. 2. *Vindicem*. De-
fensorem, patronum.

4. *Cordyllas*. Sunt minu-
ti, vilesque pisciculi, qui pa-
pyro detrita involvuntur.

5. *Cucullus*. Papyraceum
involucrum, ore lato & ro-
tundo, in fundum acutum
definens.

7. *Cedro*. Oleum cedrinum
libros & alias res à tineis &
carie vindicat. De umbilicis
& fronte librorum fusè dixi

lib. I. Ep 58.

9. *Luxurieris*. Ornatus &
comptus sis, glorieris & su-
perbias.

11. *Cocco*. Indicem libro-
rum seu titulum minio scri-
bebant: est autem coccus gra-
num quoddam, ex quo fit co-
lor ruber admodum splen-
didus.

12. *Probum*. Acerrimum
eo tempore grammaticum &
criticum.

III.

Musas Romæ neglectas queritur.

1. Romam vade liber: si, veneris unde, requirer;
2. Æmiliæ dices de regione viæ.

3. Si, quibus in terris, quâ simus in urbe, rogabit;
4. Cornelî referas me licet esse Foro.
5. Cur absim, quæret: breviter tu multa fatere;
6. Non poterat vanæ tædia ferre togæ.
7. Si, quando veniet? dicet: responde, poëta
8. Exierat: veniet, cùm citharædus erit.

VERS. 1. Si petet Roma, si Romani à te requirēt, unde veneris, dices te venire ab eo tractu Italię, qui est circa viā Æmiliam. Ea est pars magna Longobardiæ cis Padum, & Romandiola nunc dicitur. Nomen illi factum ab Æmilio Consule, qui eam viam straverat.

4. *Corneli foro*. Vide primum epigr. Ordo est, licet referas, id est, poteris dicere, me versari in urbe quæ vocatur Forum Cornelii. Nunc est *Imola*.

6. *Vanæ tædia togæ*. Romanorum fastidia, & con-

temptum litterarum.

7. Si Roma dicet, si petet, quandònam redibit Martialis ex Æmilia?

Responde. Ultima syllaba imperativi modi secundæ declinationis amat interdū corripī, ut doce, vide, &c. Adde quod olim dicebatur respon-do, respondis, ut fervo, fervis, lavo, lavis. Manilius testis est Lib. V.

8. *Citharædus*. Nunc enim florent & ditescunt citharædi, jacent poëte. Vide Libr. I. Ep. 64. Lib. V. Ep. 52. Juvenalem etiam, Sat. 3.

IV.

Epistolæ commendatitiæ.

1. Vis commendari sine me cursurus in urbem,
2. Parve liber, multis? an satis unus erit?
3. Unus erit (mihi crede) satis, cui non eris hospes,
4. Julius, assiduum nomen in ore meo.
5. Protinus hunc primi quæres in limine tecti.
6. Quos tenuit Daphnis, nunc tenet ille lares.
7. Est illi conjux, quæ te manibusque, sinuque
8. Excipiet, vel si pulverulentus eas.
9. Hos tu, seu pariter, sive hunc, illumve priorem
10. Videris; hoc dices; Marcus avêre jubet.
11. Hoc satis est: alios commendet epistola; peccat
12. Qui commendandum se putat esse suis.

VERS. 2. *Multis?* An vis commendari multis, an unitantum?

3. *Hospes*. Ignotus: ignoti enim ferè sunt hospites & peregrini.

5. Recta Iulium adi, & eam saluta in anteriori parte ædium quas nuper Daphnis habuit. Illæ verò omnium primæ occurrunt ingredientibus Romam ab Æmilia via: hanc domum vates appellat primum tectum, & in ejus

limine, atrio, seu vestibulo. Iulium adiri jubet.

6. *Daphnis*. Fortè dives aliquis libertus, aut alius quispiam vulgò notus.

9. *Pariter*. Ambos simul.

10. *Avère*. Hac voce, cum salutarent quempiam, utebantur.

11. *Alios*. Qui sunt ignoti. Tu epistolâ commendatitiâ non eges, quippè familiaris & cognitus.

V.

Marcellino gratulatur.

1. Lux tibi post Idus numeratur tertia Maias,
2. Marcelline, tuis bis celebranda sacris:
3. Imputat æthereos ortus hæc prima parenti;
4. Libat florentes hæc tibi prima genas.
5. Magna licet dederit jucundæ munera vitæ,
6. Plus nunquam patri præstitit illa dies.

VERS. 1. 2. *Lux &c.* Dies decima sexta ante Kalendas Junias agitur, bino sacrificio à te celebranda.

Idus. Incidebant in medium ferè mensem, nempe in diem 13. præterquam mensibus Majo, Octobri, Julio & Martio, quibus incurrebant in diem 15.

3. Hæc dies tuo patri datam vitam, & auram ætheriam primum haustam recollit: natalis est tui parentis. *Imputat*. Exponi potest; beneficii recolendi onus velut imponit.

4. Hac eadem die virilem ætatem affecutus, primam

barbæ lanuginem deposuisti.

Libat. Tondet, resecat: vel, Diis offert, instar primitiarum ætatis robustioris: *libare* enim in sacrificiis usurpari solet. Ejus diei, quo primum barbam radebant insignis apud Romanos erat memoria & lætitia: hæc festa vocabantur Juvenalia: ludos, sacrificia, munera, tunc frequentabant, barbam resectam Diis consecrabant.

5. 6. Licet illa dies munus ingens, nempe vitam, patri tuo dederit; majus est tamen quod eadem illi filium in ætatem virilem feliciter provectum dedit.

VI.

De sportula sublata.

1. Centum miselli jam valet quadrantes,
2. Anteambulonis congiarium lassum,
3. Quos dividebat balneator elixus.
4. Quid cogitatis, ô fames amicorum?
5. Regis superbi sportulæ recesserunt,
6. Nil stropharum est, jam salarium dandum est.

VERS. 1. 2. *Valete...* Olim dabatur clientibus cœna recta, ut Lib. II. Epist. 50. diximus: eam Nero in sportulam mutaverat, hoc est, in cibos, qui è patroni mensa mittebantur in sporta, sive calathotho, ad clientes in atrio expectantes: denique pro sportula & cibis, data est pecunia, nempe centum quadrantes. Domitianus, antiquato Neronis edicto, revocavit cœnas rectas, & sportulam sustulit.

Centum quadrantes. Summa est assium Gallicorum ferrè 25. Bajoci Rom. 28.

2. *Anteambulonis.* Vide Ep. 16. Libri II. Ita vocabantur qui honoris causâ divitum patronum præcedentes deducebant per urbem, ante illum quasi ambulantes.

Congiarium. Est vulgò munus & certa pecuniæ summa, quâ Imperatores donabant populum. Hic pro stipendio & salario sumitur. Congius, mensuræ liquidorum genus est, continens sextarios sex.

3. *Balneator.* Clientes unâ cum patrono lavabant, & tunc iis per balneatorem di-

vidi solebat pecunia.

3. *Elixus.* Quasi coctus calore aquarum, & vapore balnei.

4. Quid vobis jam animi est, ô patroni, qui eratis antea fames clientium vestrorum, qui eos fame enecabatis. *Regis.* Neronis.

5. Non potestis amplius miseros clientes fraudare & ludificari, adhibendi jam erunt ad cœnam rectam.

Stropharum. Strophæ, στροφή, à verbo στρέφειν vertere, fraudem interdum & fallaciam significat. Delusi erant clientes cum primum iis negata est cœna recta: deinde cum pro cibis data pecunia: denique ipsa pecunia differebatur, accidebatur, &c.

Salarium. Ea voce significatur certa portio ciborum; maximè salis, qui viritim dividi olim solebat militibus, ac Imperatorum comitibus. Interdum sumitur pro annona, stipendio & mercede: in hoc loco significat cœnam rectam & liberalem, clientibus pro mercede dandam.

VII.

Amator cæcus.

1. Thaïda Quinctus amat, quam Thaïda? Thaïda
luscam:

2. Unum oculum Thaïs non habet, ille duos.

V. 2. *Ille duos.* Non habet | non videt. Cæcus est animo,
duos oculos, planè cæcus est, | ut Thaïs lusca est corpore.
qui vitia ejus quam amat, | Eleganter dictum & acutè.

VIII.

Poëta imperitus, & obtrektor.

1. Verficulos in me narratur scribere Cinna:

2. Non scribit, cujus carmina nemo legit.

IX.

Decoctor à patre exheredatus.

1. Constituit, Philomuse, pater tibi millia bina

2. Menstrua, perque omnes præstitit illa dies,

3. Luxuriã premeret cùm crastina sēper egestas,

4. Et vitiis essent danda diurna tuis.

5. Idem te moriens heredem ex asse reliquit;

6. Exheredavit te, Philomuse, pater.

VERS. 1. 2. Pater tuus tibi assignaverat, dum viveret, summam duorum millium H.S. id est, libras Gallicas 200. in singulos menses, & ut ne plus impenderes, vetuerat: hanc summam in dies singulos divisam, ne totam uno, vel paucis diebus absumeres, tibi magna cum fide singulis diebus dedit, quoad vixit.

Millia bina. Subaudi, sestertiorum. Mille sestertii sunt libræ Francicæ 100.

3. Scilicet videbat te quo-

libet die per luxum & gulam omnia ligurire ac dilapidare, adeo ut nihil tibi pecuniæ restaret in crastinum, intelligebatque tibi dandum esse demensum diurnum, & non tantum menstruum.

Diur̃sa. Sic vocabantur cibaria in singulos dies servis assignari solita: dicebantur etiam diaria & demensa.

5. *Ex asse.* Omnium suorum bonorum heredem: nullâ re exceptâ. Totam hereditatem dividebant in partes duodecim, ut assem: & is he-

res ex asse vocabatur ad quē veniebat integra. De asse, illiusque partibus alibi dictū.

6. Idem fecit ac si te exheredasset, quia brevi omne patrimonium pessumdabis, &

ad egestatem redigēris. Licet in te liberalior videatur fuisse moriens, quā vivens, revera tamen in te crudelis fuit, qui te heredem ex asse fecerit.

X.

Cæna uncta & pinguis.

1. Unguentum (fateor) bonum dedisti
2. Convivis herē, sed nihil scidisti.
3. Res falsa est bene olere, & esurire.
4. Qui non cenat & ungitur, Fabulle,
5. Hic verē mihi mortuus videtur.

V. 1. *Unguentum, &c.* Ungebant corpus oleo, post balneum & ante cœnam, admixtis succis odoratis.

2. *Herē.* Pro, heri, antiqua vox. *Scidisti.* Nullum secuisti cibum, quem convivis dares: appposuisti fercula, sed ea nemo attigit.

5. *Falsa.* Inepta, ridicula, lepida.

6. *Mortuus.* Non solum, enim ungebantur mortui, sed iis etiam apponebatur cœna, Silicernium dicta, quā utique mortui non vessebantur: hæc postea cum iis cremabatur in rogo.

XI.

Cæna cruda.

1. Dum non vis leporē, dū non vis carpere mullū,
2. Et plus quā patri, Nævia, parcis apro;
3. Accusas, rumpisq; coquū, tanquā omnia cruda
4. Attulerit: nunquam sic ego crudus ero.

V. 2. *Parcis.* Nolens eum dissecare, & convivis imperiri.

3. *Rumpis.* Cædis, multas.

4. *Crudus ero.* Dum sic epulabor, id est, dum ero jejunus, ut apud te fui, cruditate

nunquam laborabo; hæc enim oritur ferē ex epularum copia, & nimio cibo, qui cōcoqui & digeri nequit. Lusus est in vocibus *cruda*, & *crudus*.

XII.

De sportula.

1. Romam petebat esuritor Tuccius,

2. Profectus ex Hispania:
3. Occurrit illi sportularum fabula;
4. A ponte rediit Milvio.

V. 1. *Efuritor*. Famelicus; parasitus quidā & cœnipeta.

3. In ipso Romæ ingressu didicit ex aliquo fortasse obvio, quomodo patroni miseros clientes acciperent, dando illis sportulam. Vide supra, Epig 6.

Fabula. Sæpe accipitur pro narratione ridicula: sæpe pro actione misera & tragica: sic tragoediæ appellantur fabulæ. Hic, pro re jocularia si-

mul & acerba.

4. Tuccius in Hispaniam suam redire maluit à ponte Milvio, ibique paupertatem & famem perpeti, quàm Romæ sportulam accipere: ac probè fecit.

4. *Ponte Milvio*. Impositus est ille pons fluvio Tiberi, & abest ab urbe mille passuum. Nunc *Ponte mole* dicitur.

XIII.

Cerdo munerarius.

1. Das gladiatores, sutorum regule, cerdo;
2. Quodque tibi tribuit subula, sica rapit.
3. Ebrius es: nec enim faceres id sobrius unquam,
4. Ut velles corio ludere, cerdo, tuo:
5. Lufisti, satis est: sed te, mihi crede, memento
6. Nunc in pellicula, cerdo, tenere tuâ.

VERS. 1. Edis munera gladiatoria, ô cerdo, vilissime opifex.

Cerdo. Sutor & cerdo hoc differunt, quodd sutor faciat calceos, cerdo reficiat, ac veteres farciat: hinc veteramentarius etiam appellatur. Itaque cerdonem ironicè vocat Martialis, sutorum regulum & principem. Gladiatores dare non erat nisi nobilium & procerum, iste autem cerdo patria Bononiensis (ut ex Epigr. 46. infra, constat,) cum esset ditissimus, id ausus

est, turpi exemplo.

2. Quod lucri facis utendo subula, hoc perdis gladiatores dando. Sica est brevis gladius, incurvus instar falculæ, à secando dictus. Thrax seu retiarius contra Mirmillonem sicâ pugnabat. Vide Librum V Ep. 24. item Librum Spectaculorum, & epistolam Libri II.

4. Ut velles ludos dare populo tuis impensis, & tanto sumptu: sumit facetè proverbium ab ipsa cerdonis arte. *Corio tuo*. Suo corio ludere, est

suo damno & periculo aliquid facere. Hic, ludere, est ludos edere, spectacula publica exhibere.

6. Intra tuæ fortunæ & conditionis limites te cõtine. Ne ultra crepidam tuam & pelli-
culam seu corium vagare. *Se in pelle sua tenere; In propria pelle quiescere: Proverbium*

est ductum aut ab Æsopica rana quæ cum inflasset pelli-
culam, ut bovem æquaret, rupto corpore periit: aut ab asino quem idem Æsopus fabulatur leonis aliquando pellem induisse, at, re cognitâ, pœnas temeritatis & stultitiæ dedisse.

XIV.

Recitator odiosus.

1. Perfrixisse tuas quæstæ est præfatio fauces.
2. Cùm te excusaris, Maxime; quid recitas?

VERS. 1. Dixisti in tua præfatione te raucum esse, ob frigus collectum: accipimus excusationem, abstine à recitando.

Præfatio. Antequam recitarent præfabantur aliquid quo monerent auditores ea, quæ in rem judicabant esse.

XV.

Puer ab ursa lapidea interfectus.

1. Proxima centenis ostenditur ursa columnis;
2. Exornant fictæ quæ platanona feræ:
3. Hujus dum patulos alludens tentat hiatus
4. Pulcher Hylas, teneram merfit in ora manû:
5. Vipera sed cæco scelerata latebat in ore,
6. Vivebatque animâ deteriore fera.
7. Non sensit puer esse dolos, nisi dente recepto
8. Dum perit: ô facinus, falsa quod ursa fuit!

VERS. 1. 2. Prope Vipsanam porticum (de qua libro I. Ep. 89.) quæ centum columnis fulta est, in loco platanis confito, ubi visuntur statuæ multæ ferarum, est ursa quædam lapidea. Scaliger interpretatur hunc locum de stadio quod erat prope theatrum

Pompeii, regione nonâ, & tēporibus Martialis sub Domitiano extructum fuit, quod Eusebius in Chronico vocat Hecatostylon. *Platanona*. Πλατανών est locus platanis confitus.

Fictæ. Non veræ & animâ
præditæ: factæ ex argilla, aut
lapide.

3. 4. Dum puer inserta in
os ursæ manu, explorat ejus
faucium altitudinem, & fe-
ram, quasi sentientem, irri-
tat, illuditque.

Hylas. Herculis filius fuit,
vel puer ipsi carus: pro quoli-
bet puero eleganti ponitur.
Hercules Hylam diu quæsi-
vit, & flevit amissum in Ar-
gonautica expeditione.

6. Et ursa, licet saxea, vi-
vebat alienâ animâ, nempe

viperam vivam celabat, om-
ni ursâ crudeliorem.

7. *Dente recepto.* Venenum
viperæ in dentibus est, aut in
vesica tenui, ad guttur inser-
ta, quæ cum viperæ dentibus
comprimitur, emittitur vi-
rus.

8. O factum malè, quodd
non vera fuerit ursa! tunc
enim non inservisset illi puer
manum in os: aut ipsa puero
pepercisset, ac minus habuif-
set feritatis quàm vipera, mi-
nus nocuisset, quam ursa
hæc ficta.

XIV.

In hominem lepidum & festivum.

1. Dic, Musa, quid agat Canius meus Rufus?
2. Utrumne chartis tradit ille victuris
3. Legenda temporum acta Claudianorum?
4. An quæ Neroni falsus adstruit scriptor?
5. An æmulatur improbi jocos Phædri?
6. Lascivus elegis, an severus heroïs?
7. An in cothurnis horridus Sophocleis?
8. An otiosus in schola Poëtarum
9. Lepore tinctos Attico sales narrat?
10. Hinc si recessit, porticum terit templi?
11. An spatia carpit lentus Argonautarum?
12. An delicatæ sole rursus Europæ
13. Inter tepentes post meridiem buxos
14. Sedet, ambulatve liber acribus curis?
15. Titine thermis, an lavatur Agrippæ,
16. An impudici balneo Tigillini?
17. An rure Tulli fruitur, atque Lucani?
18. An Pollionis dulce currit ad quartum?
19. An æstuentes jam profectus ad Bajas,
20. Piger Lucrino nauculatur in stagno?
21. Vis scire quid agat Canius tuus? ridet.

V E R S. 1. Canius. Gadi-
tanus fuit poëta, facundiæ
lenis & jucundæ, risu & jocis
præcipuè deditus.

2. An scribit historiam re-
rum Romanarum sub Clau-
dio Imp. gestarum. *Victuris.*
In omnem posteritatem le-
gendis. *Claudianorum.* Clau-
dius Imperat. fuit quintus ab
Julio Cæsare; Nero sextus.

4. An ea scribit & narrat
ex fide & veritate, quæ falsò
scriptores à Nerone gesta di-
xerunt? De Nerone vivo mul-
ta per adulationem aut me-
tum falsò fuisse scripta testa-
tur Tacitus.

5. An aliquid componit ad
imitationem Phædri, & ejus
jocorum? *Phædri.* Fuit is Ti-
berii libertus, qui Æsopi fa-
bularum tersissimis senariis red-
didit. Improbus vocatur, hoc
est, lepidus & festivus. Fuit
& alius Phædrus, Epicureus,
de quo sæpe Cicero meminit.

6. Utrum res amatorias
elegiaco carmine prosequitur,
an heroicas gravi & tragico?

Elegis. Elegia est carmen
versibus imparibus constans.
usurpata vulgò ad res tristes
canendas, sæpe ad ludicras.

Herois. Subaudi, versibus:
ab herous, heroa, heroum;
pro, heroicus.

7. *Cothurnis.* Sunt cothur-
ni calceamenta grandiora,
quibus tragici actores utebā-
tur ad majestatem & proceri-
tatem. Sophocles Athenien-
sis, poëta græcus tragicus in-
signis fuit, cujus extant tra-
gædiæ. Floruit circa annum
mundi 3574 Cum Æschylo,

poëta item tragico certavit,
eumque sæpe vicit, ac duode-
viginti palmis clarus, ultima
demum siselatus est ut gau-
dio victus obierit. *Horridus.*
Acer, vehemens, qualis So-
phocles.

8. An otiosus in poëtarum
corona recitat versus festi-
vos? Ep. 60. Lib. I.

9. *Attico.* Atheniensium
laudatur elegantia, & urba-
nitas.

10. *Templi.* Vel Iſidis, vel
alterius, de quo Libro II.
Epig. 12.

11. An ambulat in porticu
Argonautarum lentus? Lege
idem epigramma 12. Lib. II.
ubi actum etiam de voce, *Spa-
tio*, de *Europa*, &c.

12. Ordo est. An sedet in-
ter Europæ delicatæ buxos so-
le tepentes. Erat propè porti-
cum Europæ, silvula è buxo.

Thermis. Vide Lib. II. Ep.
39. De Agrippa dictum Lib. I.
Ep. 89. & alibi.

17. An rusticatur in villa
duorum fratrum Tulli & Lu-
cani? De utroque meminit
vates Lib. I. Ep. 32.

18. An currit ad amœ-
nam villam Pollionis positam
quarto ab urbe lapide?

Ad quartum Subaudi, mil-
liare, vel lapidem: singula
passuum ab urbe millia ~~notabant~~,
notabant in lapidibus positis
in via publica.

Bajas. Vide Lib. I. Ep. 51.
de Lucrino lacu dictum eo-
dem libro, Ep. 54.

20. *Nauculatur.* Vel, na-
viclatur, pro naviculatur, id
est, navigat.

XVII.

Servus crudelis domini ultor pius.

1. Proscriptum famulus servavit fronte notatus:
2. Non fuit hæc domini vita, sed invidia.

VERS. 1. *Proscriptum.* Dicebantur proscripti, quorum vita & caput venale proponebatur in tabula, certo ascripto pretio, si quis eos interemisset. Talis fuit is de quo agitur in hoc epigrammate, cui nomen, Antius Restio. Ille à Triumviris proscriptus anno U. C. 710. fugit, uno servo fugæ comite & conscio, quem paulò ante per summam crudelitatem litteris in fronte inustis notaverat: quam ignominia notam & pœnam imponebant vulgò domini servis nequam & fugitivis Supervenientibus militibus cum diutius occultari. Antius non posset, servus rogam extruxit, & hominem quemdam ignotum, à se comprehensum, occisumque, in rogam injecit, quærentibusque percussoribus ubi esset

Antius; rogam ostentans, ibi, inquit, pœnas suæ in me crudelitatis luit. Præsens spectaculum & præterita heri culpa fidem fecit, ita servatus est Antius. Val. Max. Lib. 6. c. 8. Macrobius. 1. Satur. cap. 11.

Notatus. Vide L. II Ep 26.

2. Non tam censendus est servus vitam domino reddidisse, quàm invidiam illi conflavisse: non tam servatus est à servo ad vitam, quàm ad invidiam & odium omnium, qui meritò indignati sunt quod Antius tam indignè tractasset servum, à quo postea servatus tam amanter fuisset. Ita illum gravius est ultus vitâ servandâ, quàm ulcisci potuisset eripiendâ. *Invidia* Sumitur ea sæpe vox pro aliorum offensione & indignatione.

XVIII.

Helluo in desperationem adductus.

1. Dederas, Apici, bis trecenties ventri,
2. Et adhuc supererat centies tibi laxum.
3. Hoc tu gravatus ut famem & sitim ferre,
4. Summa venenum potione duxisti.
5. Nihil est, Apici, tibi gulosius factum.

VERS. 1. *Dederas, &c.* Apicius cōsumpserat comestationibus bis trecenties, sive sexcenties centena sestertio-

rum millia: sunt Francisci nummi seu libræ 6000000. supererat adhuc illi centies, nempe libræ 1000000. scutatorum

Roman. vicies centena mil-
lia; cum ducentis quinqua-
ginta millibus. *Laxum*. Id
est, integrum, plenum. Le-
gendum putat Meursius, *Ter-
trecenties*, quia Seneca testa-
tur Apicium hausisse sester-
tium nongenties comessatio-
nibus.

3. Tu gravatus hoc ferre,
ut famem & sitim: id est non
minus grave onus id putans,
quàm famem & sitim, vene-
num hausisti. Legitur etiam:
*Hoc tu gravatus, ne famem
& sitim ferres.*

Apici. Apicius, alpha hel-
vonum; vixit Tiberio Impe-
ratore. Abiit nomen ejus in
proverbium: ab eo enim gu-

losi dicti sunt Apicii, aut Api-
ciani.

4 *Summa*. Ultima, post il-
lam enim moriturus erat.

Duxisti. Hausisti: legitur
etiam, *Perduxisti*, pro, perdu-
xisti, hoc est, ebibisti, ex-
hausisti.

5. Numquam ullo tuo fa-
cto clariùs ostendisti, quàm
esses gulosus. Præclare Se-
neca Consolatione ad Hel-
viam n. 10. *Superfuturum si-
bi sestertium centies compu-
tavit, & velut in ultima fa-
me victurus, si sestertio centies
vixisset, veneno vitam fini-
vit. Quanta luxuria est, cui
sestertium centies egestas fuit!*

XIX.

Mensa à pedibus posita.

1. Omnia cùm retrò pueris opsonia tradas,
2. Cur non mensa tibi ponitur à pedibus?

VERS. 1. Cùm tradas
servis tuis, qui post tergum
sunt, & ad tuos pedes retrò
stant, omnes cibos, ut eos
servent scilicet, ac nihil re-
linquas convivis; cur nō men-
sam à tergo accumbentium
ponis? Licet à fronte eam po-
nas, non tamen magis utilis
nunc est, quàm si à tergo sit:

commodiùs etiam ex ea au-
ferrent cibos tui servi. Servi
quidam vocabantur. Ad pe-
des, qui ad dominorum cœ-
nantium pedes stabant, eo-
rumque soleas servabant.

Opsonia. Cibi omnes, præ-
ter panem, ita vocantur, ab
ὀψώνιος, coquo.

XX.

In rhetorem frigidum.

1. Si temperari balneum cupis fervens,
2. Faustine, quod vix Julianus intraret;
3. Roga, lavetur, rhetorem Sabinejum:
4. Neronianas hic refrigerat thermas.

VERS. 2. *Julianus*. Aliquis Faustino notus, qui calentibus aquis lavari consueverat. Si cupis igitur balneum calidissimum temperare, roga Sabinejum ut in eo lavetur, est rhetor adeo fri-

gidus, ut quascumque Thermas refrigerare queat, etiam Neronianas. Erant istæ percalidæ. *Leges* Lib. II. Ep. 39. De Thermis, vide Lib. *Speculac.* Epig. 2.

XXI.

Amicus sæpe ad cœnam vocatus.

1. Numquã me revocas, venias cùm sæpe vocatus:
2. Ignosco, nullum si modò, Galle, vocas.
3. Invitas alios: vitium est utriusque; quod? inquis:
4. Et mihi cor non est; nec tibi, Galle, pudor:

V. 1. *Revocas*. Vicissim ad cœnam vocas, à me sæpius invitatus.

3. *Utriusque*; Et meum, & tuum.

4. Nec deberem te, si fa-

perem, vocare; & pudere te deberet toties venire. Facio stultè, qui te vocem tam facile: facis impudenter, qui me non revoces.

XXII.

Obscena colloquia.

1. Auriculam Mario graviter miraris olere:
2. Tu facis hoc; garris, Nestor, in auriculam:

VERS. 2. *Facis hoc*. In causa es, cur oleat illi: graviter auricula: quia dum illi in aurem garris, (quid sit in aurem garrere, vide Lib. I. Ep.

24.) afflas hanc illi ab impura tua anima graveolentiam. Vel: turpia clam verba insurras: hinc ille fœtor.

XXIII.

In servum equitem factum.

1. Has cum gemina compede dedicat catenas,
2. Saturne, tibi Zoïlus, annulos priores.

VERS. 1. *Dedicat*. Solebāt servi libertate donati suas catenas consecrare Saturno, eò quòd Saturnus olim à Jo-

ve in carcerem detrusus, ut narrant fabulæ, fuisset. Eam ob rem Saturnalibus festis, servi dominabantur, servie-

} u

bant heri. Fingit igitur Zoilum, qui eques erat factus, & nobilem se credi cupiebat, catenas suas Saturno dedicare.

2. *Annulos priores*. Olim ferreos gerebat in pedibus: (annuli sunt catenarum partes) nunc aureos in digitis gerit eques lautus.

Est autem carmen è Sotadico genere, de quo Lib. II. Ep. 62. à Phaleucio carmine, seu Hendecasyllabo in eo tantum discrepans, quodd ante dactylum, qui mediam versiculi partem obtinet, habeat anapæstum: ita constat 14. syllabis, quæ sex pedes efficiunt.

XXIV.

In clientem egenum.

1. Sportula nulla datur; gratis conviva recumbis,
2. Dic mihi, quid Romæ, Gargiliane, facis?
3. Unde tibi togula est, & fuscæ pensio cellæ?
4. Unde datur quadrans? unde vir es Chiones?
5. Cum ratione licet dicas te vivere summâ:
6. Quodd vivis, nulla cum ratione facis.

VERS. 1. Domitianus re-das cœnas restituit, (supra Epig. 6. & Lib II. Ep. 50.) nihil datur jam pecuniæ clientibus: quomodo poteris jam Romæ vivere? quippe nullam artem calles, unde tibi compares togam, solvas pensionem domûs tenebricosæ, & tugurioli tui, aliquid des uxori tuæ. Ad hæc omnia præstanda utebantur clientes centum illis quadrantibus, de quibus Ep. 6.

Gratis. Quia non accipis centum quadrantes. Adde quod nonnihil præterea pecuniæ dabatur clientibus ad

patroni mensam sæpe honoris causâ sic accumbentibus, ut ex ea nihil attingerent.

4. *Quadrans*. Quartam assis partem solvebant, qui balneo utebantur: eratque statum & vulgare pretium.

Chiones. Aut uxor Gargiliani erat, aut meretrix.

5. Licet dicas te summâ cum rarione, sapientia, parsimonia & moderatione vivere; tamen nulla est ratio & causa cur vivas: imò sunt multæ rationes cur optes mori, & vitam insuavem relinquere: cur possis ac velis fame & egestate perire.

XXV.

In divitem arrogantem.

1. Sunt tibi (confiteor) diffusi jugera campi,
2. Urbanique tenent prædia multa Lares:

3. Et servit dominæ numerosus debitor arcæ,
4. Sustainatque tuas aurea mensa dapes:
5. Fastidire tamen noli, Rufine, minores;
6. Plus habuit Didymus, plus Philomelus habet.

VERS. 2. Et domus tua urbana occupat multa ædificia: possides amplissimas ædes, quarum spatium par est multis latifundiis. Lares sunt Dii domestici, cujusque domus proprii, accipiuntur pro ipsa domo.

Prædia. Prædium urbanum, est ædificium quodlibet in urbe: prædium rusticum, continet agrum ædificio adjunctum.

3. Multis credidisti nummos, multos habes qui tibi

debeant. Dominam vocat arcam, id est, plenam & locupletem; vel debitoribus quasi imperitantem: nihil est enim misero debitote subjectius, nihil magis servile.

5. *Minores fastidire.* Egentiores contemnere.

6. *Didymus.* Homo turpis & nequam, qui ad magnas opes evasit, ut Philomelus, quem citharædum aut cantorem fuisse ajunt. Non est magnum ea possidere, quibus isti abundarunt.

XXVI.

Pisces affabrè sculpti.

1. Artis Phidiacæ toreuma clarum.
2. Pisces adspicis: adde aquam, natabunt.

VERS. 1. En pisces è ligno facti; ita sunt bene sculpti, ut si addas aquam, nataturi videantur. *Phidiacæ* Phidias Atheniensis pictor & fictor egregius vixit anno U.C. 300.

Insignis etiam fuit toreuticâ, id est, cælâdi arte. *Toréuew*, torno, sculpo: hinc toreuma, opus cælatum.

XXVII.

Amicus emeritus.

1. Quod novus & nuper factus tibi præstat amicus:
2. Hoc præstare jubes me, Fabiane, tibi.
3. Horridus ut primo semper te manè salutem;
4. Per mediúmque trahat me tua sella lutum:
5. Lassus ut in thermas decimâ, vel ferius, horâ
6. Te sequar Agrippæ, cùm laver ipse Titi.
7. Hoc per triginta merui, Fabiane, Decembres,

8. Ut sim tiro tuæ semper amicitiaë?
 9. Hoc merui, Fabiane, togâ, tritâque, meâque,
 10. Ut nondum credas me meruisse rudem?

V E R S. 1. 2. Petis à me officia eadem quæ ab recentibus & tironibus amicis præstari solent.

3. *Horridus*. Rigens frigore.

4. *Sella*. Lætica, cathedra gestatoria. Isti anteambulones & comites divitum, eos in læticis gestatos per medium lutum sequi cgebantur. De thermis, supra Ep. 29.

5. *Decima*. Altera ante solis occasum: nempe cum est cœnandum. Vide Libro I. Ep. 89. & lib. IV. Ep. 7.

6. Cùm ipse in Titi balneis longo intervallo disitis laver; quia scilicet non pateris, præ arrogantia, ut Agrippæ balneis tecum utar. De Tito & Thermis, diximus Libro Spectac. Ep. 2. de Agrippa,

Lib. I. Ep. 89.

9. *Trita*. Quam det rivi & consumpsi, dum utor illâ in honorem tuum.

Mea. Quippe qui nullam à te acceperim.

10. *Rudem*. Me esse emeritum, me missionem ab his laboribus esse promeritum: id est, dignum esse qui à te ut amicus, solvar tot oneribus; non iis, ut servus, aut primum amicitiam tuam captans, obruar.

Rudis. Erat virga scabra & impolita, quæ gladiatoribus emeritis, aut laudem aliquâ insignem præclaro quopiam facinore adeptis dabatur, honoris insigne, & testis datæ vacationis, missionisque ab arena. Consule Lib. Spectac. Ep. 27.

XXVIII.

Ira quæstuosa.

1. Irasci tantum felices nostis amici.
 2. Non bellè facitis: sed juvat hoc facere.

V E R S. 1. *Felices*. Divites: quo sensu vox ea, ut *beatus*, sæpiissimè usurpatur.

2. *Sed juvat*. Id est, utile hoc vobis est: quæstum ex ira facitis ad lucrum. Quia dum fingitis vos esse iratos, amici nihil à vobis petunt, & in lu-

cro ponunt quodd vos habeant placatos, nihil audent à vobis aliud petere. *Odisse quàm donare viliùs constat*, lib. XII. Ep. 13. simulatis iram, ne largiri aliquid amicis pauperibus cogamini.

XXIX.

Virtus & litteræ neglectæ.

1. Quæ te causa trahit, vel quæ fiducia Romam.

2. Sexte? quid aut speras, aut petis inde? refer
3. Causas, inquis, agam Cicerone disertius ipso,
4. Atque erit in triplici par mihi nemo foro.
5. Egit Atestinus causas, & Cajus; utrumque
6. Noras: sed neutri pensio tota fuit.
7. Si nihil hinc veniet, pangentur carmina nobis;
8. Audieris, dices esse Maronis opus.
9. Infanis: omnes gelidis quicunque lacernis
10. Sunt ibi; Nasones, Virgiliòsque vides.
11. Atria magna colam: vix tres, aut quatuor ista
12. Res aluit; pallet cetera turba fame.
13. Quid faciã? suade: nam certũ est vivere Romę.
14. Si bonus es, casu vivere, Sexte, potes.

VERS. 1. *Trahit*. Fingit aliquem eruditum, magna spe rei faciendæ, Romam venire.

Refer. Doce.

4. *In triplici foro*. De tribus illis præcipuis foris diximus Lib. I. Ep. 64.

5. *Atestinus, Cajus*. Duo celebres causidici, at egentes; ita ut totam domunculæ suæ pensionem solvere nequiverint.

7. Si nihil faciam lucri orandis causis, condam carmina.

8. *Audieris*. Ubi mea carmina semel audieris.

9. 10. *Desipis*; en isti omnes poëtæ quos horrere frigore in detritis vestibulis vides, totidem sunt Ovidii & Virgilii.

11. *Colam*. Cliens ero divitum patronorum.

14. *Casu*. Si vir es probus, fortè reperiēs unde vivas Romæ: fortè etiam fame peribis, idque certius & verosimilius est. Vide Juvenalem à nobis illustratum. Sat. 3.

XXX.

Dives malè liberalis.

1. Mutua quòd nobis ter quinquagena dedisti
2. Ex opibus tantis, quas gravis arca premit:
3. Esse tibi magnus, Thelesine, videris amicus;
4. Tu magnus, quòd das? imò ego, quod recipis.

VERS. 1. *Ter quinquagena*. Sestertia 150, id est, libras Franc. 10000.

2. *Premitt*. Stipatas vix capit.

4. *Tunc es liberalis & ma-*

gnificus quod mutuam hanc | dare non erubescas, cui par
mihi summam dones? Imò | erat te donare gratis. Ego
pusillus & parcus es, qui, cùm | magni animi sum, qui, licet
dives sis, pauperi mutuum | pauper, mutuum tibi solvo.

XXXI.

Lacerta cælata.

1. Inserta phialæ Mentoris manu ducta
2. Lacerta vivit, & timetur argentum.

VERS. 1. Cælata in superfi- | licet argentea, & expers ani-
cie ampullæ argenteæ lacer- | mæ sit.
ra ita est affabrè expressa, ut | *Mentoris. Cælatoris Græci*
vivere videatur & timeatur, | laudatissimi.

XXXII.

In mulierem fucatam.

1. Cerussa rugas oris quod condere tentas,
2. Polla, tibi frontem, non mihi labra linis.
3. Simpliciter pateat vitium fortasse pusillum;
4. Quod tegitur, majus creditur esse malum.

VERS. 2. *Non mihi, &c.* La- | fuci candidi genus. Satiùs est
bra linere, os sublinere ali- | ut candide ac sine tergiversa-
cui, est eum decipere: ducta | tione vitium & deformitas,
locutio à ridiculo quodam | quæ fortasse parva est, pa-
ludi genere, in quo dormien- | teat.
tibus ora pinguntur colore | 4. *Majus.* Suspicionem fa-
aliquo, vel fuligine. | cis te esse deformiorem, ma-
3. Cerussam diximus esse | gis anum, quàm sis reipsa.

XXXIII.

Senex fucatus.

1. Mentiris juvenem tinctis, Lentine, capillis;
2. Tam subitò corvus, qui modò cycnus eras.
3. Non omnes fallis, scit te Proserpina canum:
4. Personam capiti detrahet illa tuo.

V. 1. 2. *Tinctis.* Nigro | 3. *Proserpina.* Cui debentur omnes mortui, quæ illorū
pigmento infectis: unde ap- | annos probè novit. *Per-*
pareas tam niger quàm est | *sonam.* Larvam: fictam juve-
corvus: licet, præ senio, tam | nis imaginem, pigmenta, &c.

XXXIV.

Nimis poëta.

1. Occurrit tibi nemo quòd libenter,
2. Quòd quacunque venis, fuga est, & ingens
3. Circa te, Ligurine, solitudo;
4. Quid sit scire cupis? nimis poëta es:
5. Hoc valde vitium periculosum est.
6. Non tigris catulis citata raptis,
7. Non dipsas medio perusta sole,
8. Nec sic scorpius improbus timetur.
9. Nam tantos, rogo, quis ferat labores?
10. Et stanti legis, & legis sedenti:
11. In thermas fugio, sonas ad aurem,
12. Piscinam peto, non licet natare;
13. Ad cœnam propero, tenes euntem;
14. Ad cœnam venio, fugas sedentem;
15. Lassus dormio, suscitās jacentem.
16. Vis, quantum facias mali, videre?
17. Vir justus, probus, innocens timeris.

VERB. 7. *Dipsas*. Genus est serpentis pestiferi, quo qui percussus est, siti gravissimā vexatur, ac tandem enecatur. Nomen habet à græco *δίψα*, sitis. Frequens est in Africa. *Perusta sole*. Cum apricatur ad meridianum solem.

lestiam & laborem audiendi te recitantem ubique tua carmina?

12. *Piscinam*. In piscinis natabant aliquando, & corpus lavabant.

14. *Sedentem*. Mensæ accumbentem: nam ad mensam interdum sedebant. Legunt aliqui, *edentem*.

9. Quis possit perferre mo-

XXXV.

Recitator odiosus.

1. Fugerit an mensas Phœbus, cœnamq; Thyestæ,
2. Ignoro: fugimus nos, Ligurine, tuam:
3. Illa quidē lauta est, dapibúsque instructa superbis;
4. Sed nihil omnino, te recitante, placet.
5. Nolo mihi ponas rhombū, nullūmve bilibrem;
6. Nec volo boletos, ostrea nolo: tace.

VERS. I. *Thyestæ*. Thyestes & Atreus Pelopis erant filii: ille fratris uxorem temeravit: hic filios Thyestæ fratris cæcos apposuit patri epulandos, quo spectaculo territum solem ajunt fugisse.

5. *Rhombum, mullum*. Pi-

sces exquisitos. *Bilibrem*. Cujus pondus sit librarum duarum.

6. *Boletos*. Fungos delictos. Lib. I. Ep. 21.

Tace. Hoc tantum volo, ut taceas, ut nihil recites.

XXXVI.

Quid ab amicis exigendum.

1. Exigis à nobis operam sine fine togatam:
2. Non eo; libertum sed tibi mitto meum.
3. Non est, inquis, idem: multò plus esse probabo;
4. Vix ego lecticam subsequar, ille feret.
5. In turbam incideris, cunctos umbone repellet;
6. Invalidum est nobis, ingenuumque latus.
7. Quidlibet in causis narraveris; ipse tacebo:
8. At tibi tegerminum mugiet ille sophos.
9. Lis erit: ingenti faciet convicia voce:
10. Esse pudor vetuit fortia verba mihi.
11. Ergo nihil nobis, inquis, præstabis amicus?
12. Quidquid libertus; Candide, non poterit.

VERS. I. Exigis à me officia omnia quæ à clientibus toga uti solitis, exhibentur, v.g. ut te comiter per urbem, veniam salutatum manè, &c.

2. Non possum ire ipse, sed mitto tibi libertum meum.

5. *Umbone*. Cubito. Propriè umbo est pars eminens in medio clypeo, sæpe rotunda, interdum acutior, quale est os cubiti.

6. *Ingenuum*. Homines ingenui & mollius educati, non sunt ita robusti, non ita impudentes ut pulsare obvios audeant.

7. *In causis*. In agendis

causis in foro.

8. *Mugiet*. Applaudet tibi & acclamabit voce tanta, ut mugitus dici possit.

Tergeminum. Triplex, id est, magnum: qua in significatione numerus ternarius sæpe usurpatur: de voce, Sophos, vide Lib. I. Ep. 4.

9. Ingeret affatim adversariis tuis convicia & opprobria.

10. *Fortia*. Acerba, atrocia, contumeliosa.

12. *Quidquid*, &c. Præstabo liberalis amici officia & ingenui; non servilia, & liberti.

XXXVII.

Villa inops.

1. Capena grandi porta qua pluit guttâ,
2. Phrygiùmque matris Almo quâ lavat ferrum,
3. Horationum quâ viret sacer campus,
4. Et quâ pusilli fervet Herculis fanum,
5. Faustine, plenâ Bassus ibat in rheda,
6. Omnes beati copias trahens ruris.
7. Illic videres frutice nobili caules,
8. Et utrumque porrum, sessilesque lactucas,
9. Pigròque ventri non inutiles betas:
10. Illic coronam pinguibus gravem turdis,
11. Leporémque læsum Gallici canis dente,
12. Nondumque victâ lacteum fabâ porcum.
13. Nec feriatus ibat ante carrucam,
14. Sed tuta fœno cursor ova portabat.
15. Urbem petebat Bassus? imò rus ibat.

VERS. I. *Capena*. Quâ itur Capuam urbem nobilissimam Campaniæ in Italia, *Capua*. Erant prope illam portam aquæductus unde guttæ grandes depluebant.

2. *Almo*. Fluvius Thuscie nunc vulgò dictus *Aquatacio*, per Appiam viam, quæ à porta Capena incipiebat, fluens: in eo Galli, sacerdotes Cybeles, quæ Mater, seu mater Deorû vulgò appellabatur, cultros & alia sacrorum instrumenta solebant abluere. Sententia igitur est: In ea parte viæ Appiæ, quam Almo alluit, in quo sacerdotes Cybeles lavant cultros in sacrificiis Matris Deûm adhiberi solitos.

3. *Horationum*. Extra portam Capenam erat ager, ubi ab Horatiis pugnatum olim

fuisse ajebant: ibi visebantur eorum sepulcra: agros autem sepulcris addictos, sacros fuisse diximus Lib. I. Ep. 96. Horationum longa historia: Florum consule, Libro I cap. 3.

4. *Herculis*. In eadem Appia via erat ædícula Herculi sacra. Pusillum Herculem fortasse adulatoriè vocat, in gratiam Domitiani, qui se Herculi comparabat, & quæ vates noster majorem Herculem sæpe appellat.

Fervet. Celebratur adeuntium multitudine.

6. Omnes fructus, quibus abundare villa fertilis ac dives solet.

7. *Illic*. In rheda Bassi. *Frutice*. Caudice, stolone.

8. *Utrumque*. Sectivum & capitatum. *Sessiles*. Humiles, capitatas.

9. *Pigro*. Duro, stricto, quem cident nimirum ac solvunt.

10. *Coronam*. Vimen in orbem nexum, ex quo pendebant turdi.

11. *Gallici*. Velociiores erant ceteris Gallici canes, & leporibus captandis idonei.

12. Et porcum lactentem, qui nondum vicit, sive fregit dente fabas, utpote duriores.

13. Nec famulus vacuus & sine onere, currebat antehedam, sed ova portabat in sceno posita.

15. Quis non arbitraretur Bassum è villa in urbem venire, his onustum rebus? atqui ibat in villam, ita videlicet inopem, ut in eam omnia essent importanda, quæ in urbem ex illa deferri debuissent.

XXXVIII.

In edificatorem.

1. Pauperis extruxit cellam, sed vendidit Ollus

2. Prædia: nunc cellam pauperis Ollus habet.

Solebant divites in ampla & ornata domo, tenues aliquas cellulas, conclavia angusta ædificare, ubi parcè ac sobriè vescebantur, & amicos tenuiores excipiebant: hunc locum vocabant Diætā, sive Cellam pauperis.

Talem cellam iste Ollus extruxit cum domo lautissima: sed absumptis edificando fortunis, prædia & fortè splendidam illam domum vendere coactus est, ac solam sibi pauperis cellam reservare.

XXXIX.

Pocula optima.

1. Vejentina mihi misces, ut Massica potas.

2. Olfacere hæc malo pocula, quàm bibere.

V E R S. 2. *Olfacere*. Pocula odorata è ligno beneolenti, sæpe floribus ornata, in mensis ponebant: ait igitur Martialis malle se odorari hæc pocula, quàm bibere vi-

num pessimum in his contentum: & nasum pascere, quàm lædere stomachum. De Vejentino vino & Massico sæpe facta mentio, præsertim Ep. 25. Lib. I.

XL.

Molestus recitator.

1. Hæc tibi, non alia, est ad cœnam causa vocandi,

2. Verficulos recites ut, Ligurine, tuos.
3. Deposui soleas; affertur protinus ingens
4. Inter lactucas oxygarumque liber.
5. Alter perlegitur, dum fercula prima morantur:
6. Tertius est, nec adhuc mensa secunda venit.
7. Et quartum recitas, & quintum denique librum.
8. Putidus est, toties si mihi ponis aprum.
9. Quòd si non scombris scelerata poemata donas;
10. Cœnabis solus jam, Ligurine, domi.

VERS 3. *Soleas*. Ne vestem stragulam, lectosque inquinarent convivæ, soleas & calceos deponebant. Vide Ep. 26. Lib. II.

4. *Oxygarum*. Condimenti genus è garo & aceto confectum: Est garum succus quidam, seu muria, è pisciculorum intestinis. Glossæ veteres *ὀξύγαρον* acetarium, vocant. Inchoabant porro cœnam à lactucis & heluel-

lis, quæ lubricant ventrem.

6. *Mensa secunda*. Pars cœnæ postrema, in qua bellaria apponebantur & fructus.

8. Putidus mihi & ingratus foret aper, licet exquisitissimum sit ferculum, si toties mihi apponeretur, quoties tu pessimum librum recitas.

9. *Scombris*. Pisciculi sunt qui chartis ineptis involvuntur. Vide 2. Epigr. hujus Libri.

XL I.

Incendium utile.

1. Empta domus fuerat tibi, Tongiliane, ducentis:
2. Abstulit hanc nimirum casus in urbe frequens.
3. Collatum est decies: rogo, non pòtes ipse videri
4. Incendisse tuam, Tongiliane, domum?

VERS. 1. *Ducentis*. Milli- bus sestertiùm, hoc est, libris Francicis 20000.

2. *Casus*. Incendium.

3. *Collatum*. Collectum & contributum tibi ab amicis vicem tuam dolentibus, ut

reparares incensam domum.

Decies. Subaudi, ut antea monuimus, centena millia sestertiùm, nempè libræ Turon. 1000000. & Rom. scutorum ducenta vigintiquinque millia.

XL II.

Odor adscitus.

1. Quod quacūq; venis; Cosmū migrare putamus,

2. Et fluere excusso cinnama fusa vitro.
3. Nolo peregrinis placeas tibi, Gellia, nugis;
4. Scis, puto, posse meum sic bene olere canem.

VERS. 1. 2. Quod quacumque iter facis, tam suavem odorem spargis, ut videatur Cosmus ille celebris unguentarius incedere cum sua tota officina & è phialis vitreis effusa fluere aromata videantur. *Cinnama*. Cinnamum,

seu cinnamomum frutex odoratus, ex Asia devehebatur: eo condiebatur aqua odoris suavissimi.

3. *Peregrinis nugis*. Odoribus alienis, & longè petitis.

XLIII.

Ravennæ cisterna.

1. Sit cisterna mihi, quàm vinea, malo Ravennæ:
2. Cùm possim multò vendere pluris aquam.

VERS. 1. *Cisterna*. Locus est ubi aqua pluvialis collecta servatur. *Ravennæ*. Ravenna, *Ravenna*, alias Æmiliæ, nunc Romandiolæ caput, oppidum est Italiæ ma-

ritimum, in intimo sinu Adriatico. Ibi magna est dulcis aquæ penuria, magna vini copia. Lege sequens epigramma.

XLIV.

Caupo liberalis.

1. Callidus imposuit nuper mihi caupo Ravennæ:
2. Cùm peterem mixtum, vendidit ille merum.

VERS. 1. *Imposuit*. Me decepit.

2. *Mixtum*. Temperatum aquâ vinum. *Merum*. Aquâ non mixtum: carior enim

est aquâ Ravennæ, quàm vinum; propter aquæ dulcis penuriam: itaque vinum merum vilius est, quàm aquâ dilutum. Ludit in paradoxo.

XLV.

Villa dives.

1. Baïana nostri villa, Basse, Faustini
2. Non otiosis ordinata myrtetis,
3. Viduaque platano, tonsilique buxeto
4. Ingrata lati spatia detinet campi:

5. Sed

5. Sed rure vero , barbaroque lætatur.
6. Hic farta premitur angulo Ceres omni,
7. Et multa fragrat testa senibus autumnis:
8. Hic post Novembres , imminente jam brumâ
9. Seras putator horridus refert uvas.
10. Truces in alta valle mugiunt tauri,
11. Vitulusque inermi fronte prurit in pugnam.
12. Vagatur omnis turba sordidæ cortis,
13. Argutus anser , gemmeique pavones,
14. Noménque debet quæ rubentibus pennis;
15. Et picta perdix , Numidicæque guttatæ,
16. Et impiorum Phasiana Colchorum;
17. Sonântque turres plausibus columbarum.
18. Gemit hinc palumbus , inde cereus turtur:
19. Avidi sequuntur villicæ sinum porci,
20. Matrémque plenam mollis agnus expectat,
21. Cingunt serenum lactei focum vernæ,
22. Et larga festos lucet ad Lares silva.
23. Non segnis albo pallet otio caupo,
24. Nec perdit oleum lubricus palæstrita;
25. Sed tendit avidis rete subdolum turdis,
26. Tremulâve captum lineâ trahit piscem,
27. Aut impeditam cassibus refert damam.
28. Exercet hilares facilis hortus urbanos,
29. Et pædagogo non jubente lascivi
30. Parère gaudent villico capillati:
31. Et delicatus opere fiuitur eunuchus.
32. Nec venit inanis rusticus salutator ,
33. Fert ille ceris cana cum suis mella,
34. Metâmque lactis Saffinate de silva:
35. Somniculosos ille porrigit glires;
36. Hic vagientem matris hispidæ fœtum,
37. Alius coactos non amare capones:
38. Et dona matrum vimineo ferunt texto
39. Grandes proborum virgines colonorum.
40. Facto vocatur lætus opere vicinus;

41. Nec avara servat crastinas dapes mensa:
 42. Vescuntur omnes, ebriòque non novit
 43. Satur minister invidere convivæ.
 44. At tu sub urbe possides famem mundam,
 45. Et turre ab alta prospicis meras laurus,
 46. Furem Priapo non timente securus:
 47. Et vinitorem farre pascis urbano,
 48. Pictàmque portas otiosus ad villam
 49. Olus, ova, pullos, poma, caseum, mustum.
 50. Rus hoc vocari debet, an domus longè?

VERS. 1. *Baïana*. De Baïis vide Lib. I. Ep. 51. 54. & aliàs passim.

2. *Otiosus*. Sterilibus. Non est plena myrtis ordine certo digestis: v. g. in quincuncem. *Myrtetum*, locus est myrtis confitus.

3. *Vidua*. Sterili; hoc est, quæ vitibus non maritatur, ut ulmus, populus, &c.

Tonsili. Romani tondabant ita buxum ut varias animalium figuras referret.

4. *Ingrata*. Infœcunda, quæ nihil domino reddunt, more ingratorum hominum.

5. *Vero*. Rus verum illud est, quod ad fructus percipiendos colitur, ubi non sunt hortenses tantùm deliciæ, &c. *Barbaro*. Rustico, inculto, at frugifero.

6. 7. In hac villa frumentum omnibus in angulis stipatur, & conditum vinum vetus à multis autumnis ac in testis servatum, fragrat.

9. *Putator*. Vinitor, qui vitem amputat, reportat domum uvas quæ post factam vindemiam relictæ fuerant in

palmitibus, vel negligentia colligentium, vel ut maturerent. *Horridus*. Pannosus, frigans.

11. Nondum cornibus armata fronte prælia destinat.

12. *Turba cortis*. Gallinæ, anseres, &c.

13. *Argutus*. Semper strepitans & clangens.

Gemmei. Gemmantibus caudis nitentes.

14. Et avis phœnicopterus: sic dicta nimirum à pennis purpureis: *φοινίξ* purpura, *πτέρον* ala.

15. *Picta*. Ob pennas maculosas & varias. *Numidica*. Subaudi, Gallinæ. Numidia pars est Africæ: hinc illæ deportabantur. *Guttatæ*. Maculis versicoloribus: ut guttis, pictæ.

16. Et avis phasianæ frequens apud Colchos impios & veneficos, qui malè audiunt propter Medæ suæ veneficia & scelera. De illis dictum pag. 24. *Phasianæ*. Avis ita dicta à Phaside Colchorum flumine.

17. *Plausibus*. Alis plaudentibus columbaria perstre-punt.

18. *Cereus*. Obesus, pin-guis: nam ex pinguedine exi-stit ille color pallidus; hinc libro IX. *Pallere* posuit pro pinguescere. *Palumbus*. Co-lumba silvestris.

19. *Villicæ*. Ferentis sci-licet glandes, filiquas, &c.

20. *Plenam*. Lacte disten-ta ubera gerentem. *Expectat*. Domi conclusus in ovili.

21. *Lactei*. Renidentes, lauti, pingues. De *Verna*, vide supra Epigr. 1. & Lib. I. Ep. 36. *Serenum*. Igne claro collucentem.

22. *Ad Lares*. Ad focum, circa quem erant Larium si-mulacra, quibus erat sacer focus. *Festos*. Lætos, & ni-tentes, ollis & cacabis quasi coronatos. Vel, Deorum sta-tuis ornatos.

23. Caupo, qui prætereun-tibus viatoribus vinum è vil-la collectum vendit, non fe-riatur, nec palæstra inutili occupatur, sed, &c. In villis rusticanis vulgò erat caupo. na, ubi vinum & opsonia præ-bebantur hospitibus. Cumque istæ cauponæ non adeo fre-quentarentur, ut in oppidis, caupo villæ Faustini fuisset otiosus, nisi aucupio, vena-tui, &c. operam dedisset. *Al-bo*. Pallido: nam otiosi flac-cido & luteo sunt colore.

24. *Palæstrita*. Is est, qui in palæstra exercetur. Est au-tem palæstra locus destinatus luctationi, quæ *πάλη* græ-cè dicitur. Luctaturi autem

oleo corpus ungebant, ne fa-cilè prensari ab adversario aut dejici possent, hinc vocem illam explica *lubricus*, sive etiam ut essent valentiores. Iste igitur caupo non perdit oleum, quia oleo non utitur, nec, ut palæstritæ, luctatur. Allusit ad proverbium *oleum perdere*, id est, frustra aliquid facere. Non inutili palæstrâ exercetur, sed utili aucupio.

28. *Urbanos*. Cives qui ru-stificandi causâ in villam con-veniunt, suaviter in horto exercentur, cursitant, spa-tiantur.

29. Et pueri heriles, qui ru-stificantur in villa, licet eos pædagogus suus patiatur fe-riari, neque illis quidquam tunc laboris imponat, tamen ultrò gerunt morem villico, præcipienti operis aliquid. Vel; malunt villico obedire, quàm pædago.

Lascivi. Petulantes, pro-tervi.

30. *Capillati*. Pueri inge-nui & honestius culti, quibus longior & decentius pexa co-ma: vel, impuberes; comas enim vulgò alebant usque ad pubertatem.

31. Ipsi Eunuchi, otiosi in urbe, amant hîc laborem: opus, ut ceteri, faciunt.

32. Non veniunt vicini ru-stici ad Faustinum visendum honoris ergo, & salutandum ex alia villa, aut oppidulo, inanes & vacui, sed afferunt mella flava cum ipsis favis, aut caseos, &c.

34. *Metam*. Caseos in me-tæ formam coactos & coagu-

latos. Meta est figuræ rotundæ, oblongæ, & fundo lato in acutum aut obtusum definit. *Saffinate*. Sarsina aut Saffina est oppidum Roman-diolæ sive, ut olim vocabant, Æmilie, nunc in ditione est Pontificia, ad caput Sapis fluvii, vocaturque etiam nunc *Sarsina*.

36. *Fætum*. Hædulum, capellæ fætum.

37. *Coactos*, &c. Exsecutos.

38. *Dona Matrum*. Ova.

40. *Facto opere* Labore & opere rustico absoluto.

43. *Satur*, &c. Quia saturatus est dapum reliquiis, quæ non fervantur in crastinum.

44. At tu, in tuo prædio suburbano esuris cum tuis munditiis. Est quidem elegans tuum illud prædium, sed nihil in eo nascitur quo placari fames possit.

45. *Meras*. Solas, non committatas arboribus frugiferis.

46. *Priapo*. Erat Deus hor-torum custos: securus ille à furibus erat in Bassi rure & prædio, quia nihil erat quod auferretur.

47. *Urbano*. Quia nihil est in sterili villa unde vinitor alatur: itaque in eam ab urbe far apportandum. *Farre*. Frumento, cibo.

48. *Pictam*. Elegantem.

50. Villa tua, ô Basse, an debet vocari prædium? an potius urbana domus, sed longè ab urbe posita, in quam omnia ex urbe magno incommodo sint advehenda? Domus longè, ὁ πόρρω οἶκος, domus procul sita: urbana domus, ab urbe distans; nihil ab urbanis ædibus discrepans, nisi quod procul ab urbe sit.

XLVI.

Cerdones & fullones munerarii.

1. Sutor cerdo dedit tibi, culta Bononia, munus:

2. Fullo dedit Mutinæ: nunc ubi caupo dabit?

VARS. 1. *Bononia & Mutina*, civitates Italiae, *Bologna, Modena*. Utraque in Æmilia, Gallie Togatae parte. *Culta*. Elegans, ornata moribus, litteris, &c. *Munus*.

Vide Ep. 13. hujus Libri.

2. *Fullo*. Qui lavat vestes, tingit, purgat, &c.

Dabit? An etiam dabit Romæ? ut nihil ad ignominiam nostram desit.

LXVII.

Cæna non æqua.

1. Cum vocer ad cœnam non jam venalis, ut ante,

2. Cur mihi non eadem, quæ tibi, cœna datur?
3. Ostrea tu fumis stagno saturata Lucino,
4. Sugitur inciso mytilus ore mihi:
5. Sunt tibi boleti; fungos ego fumo suillos:
6. Res tibi cū rhombo est; at mihi cum sparulo:
7. Aureus immodicis turtur te clunibus implet;
8. Ponitur in cavea mortua pica mihi.
9. Cur sine te cœno, cū tecum, Pontice, cœnem?
10. Sportula quod non est, profit; edamus idem.

VERS. 1. *Non jam venalis*. Non jam mercede conductus, ut olim sub Nerone. Vide Ep. 24. hujus libri. De lacu Lucrino dixi Ep. 55. Lib. I.

4. *Mytilus*. Est vilis pisceiculus, *la tellina*, testâ inclusus, quâ sibi os incidi & secari queritur Martialis, dum mytilus fugitur.

5. *Suillos*. Fungorum alii boleti dicuntur, qui optimi: alios deteriores, per contemptum, suillos vocat, id est, qui suis immundis comedendi relinquuntur.

6. *Sparulo*. Vili pisciculo:

qui fortasse nomen habet à sparo, telo quodam agresti, cuius formam imitatur. Rhombus, est piscis exquisitus.

Aureus. Flavus, pallidus, qui color ex pinguedine nascitur, ut dictum est Ep. 45. Vel; eximius, qui auro contra vaneat. *Immodicis*. Pinguibus, obesis.

9. *Sine te*. Siquidem non iisdem cibis utor: *Tecum*, quia eidem accumbo mensæ.

10. Fac ut profit mihi quod sublata est sportula: eosdem cibos edamus, siquidem cœnâ jam rectâ utimur. Vide Ep. 6. hujus Libri.

XLVIII.

Petitor improbus.

1. Esse nihil dicis, quidquid petis, improbe Cinna:
2. Si nil, Cinna, petis; nil tibi, Cinna, nego.

VERS. 1. *Nihil*. Rem esse nullius momenti, rem nihili esse.

XLIX.

In emacem.

1. Centenis quod emis pueros, & sæpe ducenis;
2. Quod sub rege Numa condita vina bibis:
3. Quod constat decies tibi non spatiosa supellex,

4. Libra quòd argenti millia quinque rapit:
5. Aurea quòd fundi pretio carruca paratur,
6. Quòd pluris mula est, quàm donius, empti tibi:
7. Hæc animo credis magno te, Quincte, parare?
8. Falleris: hæc animus, Quincte, pusillus emit.

VERS. I. *Pueros*. Servos. Centena sestertia valent libras Francicas 10000.

2. *Numa*. Fuit rex secundus Rom. Significantur vina vetustissima. Hyperbole.

3. *Decies*. Subaudi centenis millibus sestertiūm, id est, libris ~~notraibus~~ 100000. *Non spatiosa*. Quæ non multum occupet loci, quæ artificio carior, quàm materiâ & mole sit.

4. Quòd una libra argenti, nempe cælati, factique; five vas aliquod unius libræ,

millibus quinque sestertiis id est, libris 500. constat.

Rapit. Quia dum appenditur, trahit ad se & rapit pondus oppositum, in trutina, seu statera.

5. 6. Quòd rheda inaurata, aureis ornamentis insignis, tanto pretio tibi constet, quanto integrum prædium: quod mulam pretio majore, quam domum emeris.

8. *Pusillus*. Qui his nugis capiatur. Istis carere posse, magni animi est.

Francicus

L.

Bellus homo.

1. Cotile, bellus homo es; dicunt hoc, Cotile, multi:
2. Audio: sed quid sit, dic mihi, bellus homo.
3. Bellus homo est, flexos qui digerit ordine crines,
4. Balsama qui semper, cinnama semper olet:
5. Cantica qui Nili, qui Gaditana susurrat;
6. Qui movet in varios brachia vulsa modos:
7. Inter femineas totâ qui luce cathedras
8. Desidet, atque aliqua semper in aure sonat:
9. Qui legit hinc illinc missas, scribitque tabellas;
10. Pallia vicini qui refugit cubiti:
11. Qui scit, quæ quis amet; qui per cōvivia currit;
12. Hirpini veteres qui bene novit avos.
13. Quid narras? hoc est, hoc est homo, Cotile, bellus?
14. Res pertriciosa est, Cotile, bellus homo.

VERS. 3. Ista verba sunt Cotili, qui à Martiale interrogatus superiore disticho, explicat quid sit bellus homo. Vide Ep. 30. Lib. II.

5. Qui Ægyptiorum & Gaditanorum lascivas cantilenas semper cantillat; quod factitabant molles & effeminati. De Gadibus, dictum Epig. 36. lib. I.

6. Qui saltat exertis in numerum & jactatis mollibus brachiis. *Vulsa*. Vide Ep. 30. Libri II.

8. Qui semper garrit alicui in aurem, ut gerrones, & rumusculorum aucupes, atque architecti factitant.

6. *Tabellas*. Amatorias fortasse litteras, aut rerum novarum, ut fit, plenas.

10. Qui timet ne quis, prope adstans, ipsum tangat, ac vestem ex arte complica-

tam confundat. Vide Epig. 35. Libri II.

12. *Hirpini*. Erat equus famosus, qui plurima in circo palmas retulerat: cujus genealogiam & stemma nescio qui malè curiosi texebant.

13. *Quid narras?* Decem superiora carmina dixisse fingitur Cotilus & hominem bellum in illis definivisse. Respondet Martialis: Quid ais, hoccine tandem est homo bellus? certè est res prætricrosa, seu pertricrosa, id est, tricarum & nugarum plena: nã, si ita est, homo bellus est merus nugator. Tricæ, apinæ, quid sint, vide Lib. I. Epig. 94. Tricæ dicuntur etiam fila quædam & impedimenta pullorum gallinaceorum pedibus innascentia: unde illa vox pro leviculis negotiis usurpatur.

LI.

Dulcis facundia.

1. Sirenas, hilarem navigantium pœnam,
2. Blandâsque mortes, gaudiûmque crudele,
3. Quas nemo quondam deserebat auditas,
4. Fallax Ulysses dicitur reliquisse:
5. Non miror; illud, Cassiane, mirarer,
6. Si fabulantem Canium reliquisset.

VERS. 1. Erant Sirenes, monstra quædam marina in freto Siculo, virginum specie ac vultu, piscium cauda, luporum voracitate; quæ suavitæ cantus illectos vectores abducebant in scopulos, ac vorabant. Eas effugit pru-

dens Ulysses obturatis cera sociorum auribus, seque ad navis malum alligari jussit.

9. *Fabulantem*. Suaviter ac nequiter garrientem; tam blanda & suavis est ejus facundia! Vide Epig. 16. hujus Libri, & 53-60. Libri I.

LII.

In Antonium Ciceronis interfectorem.

1. Par scelus admisit Phariis Antonius armis;
2. Abscidit heu vultus ensis uterque sacros.
3. Illud, laurigeros ageres cum læta triumphos,
4. Hoc tibi, Roma, caput, cum loquereris, erat.
5. Antonî tamen est peior, quàm causa Pothini;
6. Hic facinus domino præstitit, ille sibi.

VERS. 1. Antonius admisit scelus simile illi, quod Ægyptii admiserunt, qui Pompejum interfecere. Quid sit Pharus, dictum est pag. 83.

2. *Uterque*. Ægyptiorum ensis & Antonii. *Vultus sacros*. Pompeii & Tullii caput.

3. *Illud*. Pompeii caput. Tuum illud, ô Roma, caput erat, cum triumphares. Pompejus de tribus orbis terræ partibus triumphavit.

4. *Hoc*. Ciceronis caput.

Hoc caput, tuum erat caput, ô Roma: Ciceronis ore loquebaris.

5. *Pothini*. Ptolemæi satellites fuit, à quo percussus est Pompejus. Ita legendum hoc nomen Scriverius admonet: quia græcè à Plutarcho scribitur Πτολεμῖος, nō Φωτεινός.

6. Pothinus in gratiam domini scelus hoc admisit: Antonius ut cupiditatem ulciscendi suam expleret.

LIII.

In tardos nautas.

1. Cessatis pueri, nihilque môstis,
2. Vatreno, Rafináque pigriores:
3. Quorum per vada tarda navigantes,
4. Lentos figitis ad celeusma remos.
5. Jam prono Phaëthonte sudat Æthon,
6. Exarsitque dies, & hora lassos
7. Interjungit equos meridiana.
8. At vos tam placidas vagi per undas
9. Tutæ luditis otium carinæ.
10. Non nautas puto vos, sed Argonautas.

VERS. 1. *Môstis*. Pro, movistis: nihil dum promovistis. Legitur &, *nôstis*, id est, imperiti estis in arte remigandi:

remigare non novistis. *Vatreno*. Vatrenus sive Vater-nus *Santerno*, amnis est in Padum influens ex a-

gro Forojuliensi, Plinio teste, Lib. III. cap. 16. Itemque Rasina sive Tefina, ut scribit Bernardinus Scardeonius, Lib. I. Antiquitatum urbis Patavinæ. Porro hic agi de fluentis seu rivulis ad Padum positis, & iis quidem, propter exiguitatem, tardioribus, clare indicat vox *quorum* in versiculo sequenti, quam ab Ramiresio mutatam temerè in *Quorsum* non immeritò queritur P. Sriverius.

4. *Celeusina* Est nautarum clamor, quo se accendunt ad remigandū *κέλευσμα*, hortatio, incitatio.

5. Jam sole (qui etiam Phaëthon dicitur) prono & meridiem prætergresso, dies calidior est, æstus augefcit.

Æthon. Unus è solis equis.

7. Et hora meridiana jubet equos interjungi, abduci

ab curribus & aratris ad pastum. Quid sit *interjungere* explicui jam lib. II. Ep. 5.

9. Abutimini otio in carina tuta: vel otium ac tempus malè perditis, cum festinare citra periculum ac tuto possitis: ludere otium dicitur, ut ludere operam; pro, perdere.

10. *Argonautas*. Videtur laudare istos nautas, cum heroicum illis Argonautarum nomen imponit: verum ut ignavos eadem voce carpit. Quamvis enim prisca Argonautæ sic appellari sint ab Argo, navi decantata, quam conscenderunt rapturi aureum vellus; eadem vox tamen, si componi fingatur ex *ἀργός* piger? & *ναύτης*, nauta, significabit pigros nautas. De Argonautis vide Ep. 12 Libri II. versu 6.

LIV.

Paulinus, Palinurus.

1. Minxisti corrente semel, Pauline, carinâ:

2. Mejere vis iterum? jam Palinurus eris.

VERS. 1. *Carinâ*. Cymbâ vel navi corrente minxerat Paulinus, ne iterum id faciat Martialis morret, ne in aquam decidat, & ex Paulino fiat Palinurus. Significat Palinurus, si verba græca sumas unde vox ea componitur, eum qui rursus meit, *πάλιν* rursus *ἀπὸ τοῦ* mejo. Dicit Mar-

tialis eum fore Palinurum, alio sensu quàm illo quem istæ voces græcæ habent, videlicet non ideo tantum quia iterum mejet, sed quia Palinurum imitabitur, & in mare decidet, ut Palinurus Æneïæ navis gubernator, qui oppressus somno in aquas cecidit, quemadmodum narrat Virgil. V. Æneid. versu 850.

LV.

Ira ficta.

1. Esse negas coctum leporem, poscisque flagella:
2. Mavis, Rufe, coquum scindere, quam leporē.

VERS. 1. *Flagella.* Ut coquum malè mulctes. Vide Epig. undecimum.

2. *Leporem.* Quem convivis divides. Non est, inquis, satis coctus & edulis.

LVI.

In arrogantem & ineptum.

1. Numquā dicis ave, sed reddis, Nævole, semper,
2. Quod prior & corvus dicere sæpè solet.
3. Cur hoc expectes à me, rogo, Nævole, dicas:
4. Nam, puto, nec melior, Nævole, nec prior es.
5. Præmia laudato tribuit mihi Cæsar uterque,
6. Natorumque dedit jura paterna trium.
7. Ore legor multo, notumque per oppida nomen
8. Non expectato dat mihi fama rogo.
9. Est & in hoc aliquid; vidit me Roma tribunum;
10. Et sedeo quā te suscitāt Oceanus.
11. Quot mihi Cæsareo facti sunt munere cives,
12. Nec famulos totidem suspicor esse tibi.
13. Sed pulchrè garris, sed cantas, Nævole, bellè:
14. Jam, jam tu prior es, Nævole, vincis; Ave.

VERS. 1. Expectas dum te prior salutem, quasi esset alienū à tua dignitate prius compellare alios, & salutare.

2. Licet corvi ipsi voces humanas, docti salutem dicant. Legunt aliqui, *Curius*. Licet Curius, vir nempe priscā & insigni nobilitate, prior alios salutet.

3. *Hoc expectes.* Nempe ut te prior salvere jubeam.

4. *Prior* Nobilior, insignior.

5. *Uterque.* Titus & Domitianus.

6. *Natorum.* Lege postrema Epigrammata Libri II.

8. Ante mortē: mihi viventi, nomen celebre, & clarum est. Epig. 1. Lib. I.

9. *Tribunum.* Tribuni militares inter primos militiæ ductores censebantur; ita vocati sunt, quia è primis tribubus olim lecti fuerunt. Præerant toti legioni per vices; erant vulgò seni in unaquaque legione: jus dicebant militibus, signum dabant excubiis, &c. Præter illos veros &

legitimos tribunos, alii erant tribuni nomine tenus & honoris ergo, qui licet nunquam vidissent castra, iisdem tamen atque veri tribuni, juribus ac privilegiis gaudebant, Principis beneficio. Talis Martialis noster fuit.

10. Et sum eques, seded- que in sedilibus theatro prioribus, in ea parte, in qua si sedere audeas, jubebit te abire Oceanus & loco cedere. Habuit Martialis equitis honorem & nomen, ut alibi diximus, non censum & genus. Equitum autem jus erat ut sederent in primis ac thea-

tro proximis subselliorum ordinibus, qui erant illis attributi. Adi Librum V. Epig. 19. & 27. *Oceanus*. Nomen est viri, cujus tunc erat munus designare suum cuique locum in theatro, & ne quis alienum occuparet, providere.

11. Non puto tibi tot esse famulos quot sunt homines, quibus ab Imperatore jus civitatis impetravi: qui mihi debent hoc beneficium.

14. *Ave*. Salutare debeo te prior, istis præclaris artibus me superas: saluto igitur, & ave dico.

LVII.

Cerdonise excusat.

1. Iraisci nostro non debes, cerdo, libello:
2. Ars tua, non vita est carmine læsa meo.
3. Innocuos permitte sales: cur ludere nobis
4. Non liceat, licuit si jugulare tibi?

VERS. 1. *Carmine*. Supra, Epig. 13. & 46.

4. *Jugulare*. Gladiatores

dando, qui se, tuo jussu, interemerint; edere munera, in quibus homines jugulentur.

LVIII.

Carmina delenda.

1. Cursorem sextam tibi, Rufe, remisimus horam,
2. Carmina quem madidum nostra tulisse refers;
3. Imbribus immodicis coelum nam forte ruebat:
4. Non aliter mitti debuit iste liber.

VERS. 1. *Cursorem*. Tabellarium *Sextam horam*. Meridianam: sexta post ortum solis.

2. *Madidum*. Pluviam.

3. *Ruebat*. Tantus erat imber, ut coelum ruere velle

videretur.

4. *Non aliter*. Dignus scilicet qui aquam totus deleretur: sic modestè suum librum deprimit.



M. VAL. MARTIALIS
EPIGRAMMATUM
LIBER IV.

EPIGRAMMA I.

De natali die Domitiani.

1. **C**ÆSARIS alma dies, & luce sacratior illâ
2. Conscia Dictæum quâ tulit Ida Jovem,
3. Longa precor, Pyliôque veni numerosior ævo,
4. Semper & hoc vultu, vel meliore, nite.
5. Hic colat Albano Tritonida multus in auro,
6. Pérque manus tantas plurima quercus eat:
7. Hic colat ingenti redeuntia sæcula lustro,
8. Et quæ Romuleus sacra Terentus habet.
9. Magna quidē, Superi, petimus; sed debita terris:
10. Pro tanto quæ sunt improba vota Deo?

le VERS. 1. *Dies*. Natalis Domitiani, qui incidebat in 9 Kal. Novembres.

2. Quâ luce Ida mons Cretæ natum excepit Jovem.

Conscia Tegebatur Jupiter in Ida monte, & celabatur, ne Saturnus eum, ut reliquos liberos suos voraret; adeo ut sola Ida hujus arcani esse conscia videretur.

Dictæum. Cretensem, in

Creta editum. Dictæ est mōs Cretæ, insulæ in mari mediterraneo, contra Ægæum mare, *Candia*.

3. *Longa*. Numerosa. Uti-
nam sæpe redeas, & sæpius
quàm suus Nestori natalis
dies.

4. Semper æquè fausta, aut
etiam felicior præsentē, redi.
Pylio. Nestoreo. Nestor Pyli
in Græcia, rex tres hominum

ætates vixisse fertur.

5. Pergat Domitianus, ut hætenus fecit, colere Minervam in Albano, aureâ coronâ redimitus Albanum aurum vocat coronam, vestes, aurea insignia quibus Domitianus indutus præsidebat ludis qui edebantur in Albano. Erat autem Albanum, *Albano*, villa, sive arx quædam, in Latio, ubi sæpe Domitianus versabatur.

Tritonida. Minervam, quâ superstitiosè Domitianus coluit. Tritonia, vel Tritonis dicitur à Tritone fluviolo Boëtiæ, apud urbem Alalcomenas, ubi Minervam natam, educatamque ferunt. Hinc Homerus eam Alalcomenidem appellat. Festa Minervæ vocabantur Quinquatria: ea Domitianus celebrabat variis ludis scenicis, & certaminibus oratorum & poetarum.

Multus. Frequens, crebrò: vel, occupatus & assiduus in illa re. Legitur in quibusdam codicibus *cultus*, id est, ornatus.

6. Et per manus tanti Imperatoris quernæ coronæ plurimæ victoribus distribuuntur. Domitianus instituit Jovi Capitolino quinquennale certamen triplex, musicum, equestre, gymnicum. Victores donabatur coronâ è quercu, hæc enim arbor Jovi sacra.

7. *Hic*. Idem Domitianus ludos sæculares iterum edat, & iis annos novo sæculo redeuntes ornet. Post evolutum

sæculum Romæ solennes fiebant ludi, qui sæculares vocabantur. Illi centesimo decimo quolibet anno celebrari solebant. Eos Augustus celebraverat anno ab U.C. 737. Claudius Imp. ab illo tertius, eosdem annis post 64. ediderat præter consuetudinem: quocirca illos irritos, ac nullos censeret Domitianus iussit, & ipse alios, numeratis post Augusti sæculares ludos annis ferè 110. celebravit.

Lustro. Erat lustrum spatium annorum quinque: quo spatio ad putandos annos Romani utebantur, ut Græci Olympiade. Porro lustrum illud in quod incidebant ludi sæculares, magnum lustrum vocabatur. Vide Horatium in carmine sæculari, Censorinum, cap. 5.

8. Et colat Ditis ac Proserpinæ sacra celebrari solita in Terento, & à Romulo pridem instituta. *Terentus*. Erat locus in Campo Martio, de quo facta mentio Libr. I. Ep. 60. in eo ara subterranea Ditis & Proserpinæ, olim à Romanis in bello Albano constituta fuerat, & altâ humo sic occultata, ut paucis nota esset. Terentus autem est appellatus, quia terebat, seu occultabat istam aram, vel quia Tiberinis aquis, ad cujus ripam erat, terebatur & alluebatur.

10. *Improba*. Iniqua, nimia. *Deo*. Domitiano, qui se Deum appellari jubebat.

II.

Spectator candidus.

1. Spectabat modò solus inter omnes
2. Nigris munus Horatius lacernis,
3. Cùm plebs, & minor ordo, maximusque
4. Sancto eum Duce candidus federet.
5. Toto nix cecidit repentè cœlo:
6. Albis spectat Horatius lacernis.

VERS. I. *Spectabat.* Ededat ludos Domitianus, spectabant omnes, pro more induti candidis lacernis; solus nescio quis Horatius, pullatus aderat: nix crebra decidit, adeo ut alba quoque Horatii lacerna appareret: ita coactus & ipse est, quasi divinitus, adesse albus.

3. Cùm plebs, equites, & Senatores cum Imperatore essent candidati. *Minor ordo.* In tres ordines populus Ro-

manus dividebatur, senatum, equestrem ordinem, & populum.

4. *Sancto.* Vel quia regum & Imperatorum nomen, majestasque sancta est; vel quia, ut modò dixi, jubebat se Domitianus Deum vocari.

6. *Lacernis.* Lacernæ vestes erant crassiores, contra frigus aut pluviam comparatæ, & imponi togis solitæ, primum quidem in castris; post, etiam in urbe.

III.

De nivibus inter spectacula demissis.

1. Aspice quàm densum tacitarum vellus aquarum
2. Defluat in vultus Cæsaris, inque sinus:
3. Indulget tamen ille Jovi, nec vertice moto
4. Concretas pigro frigore ridet aquas,
5. Sidus Hyperborei solitus lassare Bootæ,
6. Et madidis Helicen dissimulare comis.
7. Quis ficcis lascivit aquis, & ab æthere ludit?
8. Suspikor has pueri Cæsaris esse nives.

VERS. I. Aspice quanta sit nivis copia, quæ sine strepitu delabitur, lanæ simillima. Cùm ludos Domitianus ederet, repente plurima nix

demissa est, coortâ ingenti tempestate: neminem permisit è spectaculo abire, aut operire caput, aut quidquam in veste mutare, quæ ex re magna pars

ſpectatorum in graves morbos incidit, imo extincta eſt.

3. Sub dio tamen perſtat, & non diſcedit. Jovem nungentem placidè fert; ſic libro I. Ep. 86. dixit: *Indulgent patientiam flagello*. Vel: indulget ſpectaculo in Jovis honorem edito.

4. Nives ridet. Nix eſt aqua frigore concreta, multo aëre admixto: unde calidior eſt, ac minùs denſa.

5. Nec mirum: ſiquidem à teneris annis aſſuevit omnem cœli inclementiam perferre, & ſuâ patientiâ etiam fatigare frigidum Bootæ ſidus, ac vincere.

Bootæ. Bootes, ſidus eſt ſeptentrionale, proximè poſitum poſt illud, quod Plauſtrū vocant, quaſi ſi plauſtrum & boves agitare, unde illi nomen. *Βοώτης*; *Bubulcus*. Hyperboreus porro dicitur tractus ille, qui Boreæ ſubjectus eſt, à voce græca ὑπὲρ ſub, ſuper & Βορέας, Boreas.

6. Et frigora, nivèſque plagæ ſeptentrionalis, quæ Helicæ, ſive Urfæ, eſt ſubjecta, nudo capite ac madido exci-

pere ſolitus, perinde ac ſi ſenſus expers foret.

Helicen. Fabulantur fuiſſe Helicen Jovis nutricem, quæ idcirco fuerit ab illo in cælum aſcita, & ſideribus aſcripta. Urfæ major Helice vulgò appellatur, & nomen habet à verbo græco ἐλίσσω volvo, quia circa polum arcticū volvitur. Urfæ minor vocatur Cynofura. De utraque jam diximus in Lib. Spect. Ep. 14.

7. Quis ille eſt, qui nives iſtas in Imperatorem, ſatis utique familiariter & jocose, demittit? Omnino filius tuus eſt, &c. *Siccis aquis*. Ita nix appellari poteſt. *Lascivit*. Petulanter & protervè ludit.

8. *Pueri*. Filius Domitiani paulò ante mortuus erat ac in Divos relatus. Extat hujus filii teſtis nummus, in cujus adverſa parte, puer globo cœleſti, ſtellis cinctus, inſidet, cū hac inſcriptione. D. Cæſar Imp. Domitiani F. hoc eſt. *Divus Cæſar Imperatoris Domitiani filius*: in averſa parte, ejus mater Domitia Augusta, uxor Domitiani, conſpicitur.

IV.

In hominem foetidum & cimicem.

1. Quod ficcæ redolet palus lacunæ,
2. Crudarum nebulæ quod Albularum,
3. Piſcinæ vetus aura quod marinæ,
4. Laſſi Bardiacus quod evocati,
5. Quod bis murice vellus inquinatum,
6. Quod jejunia Sabbatariorum,
7. Mœſtorum quod anhelitus reorum,

8. Quod spurcæ moriens lucerna Ledæ,
 9. Quod ceromata fæce de Sabina,
 10. Quod vulpis fuga, viperæ cubile,
 11. Mallem, quàm quod oles, olere Bassa.

VERS. I. Ordo est: mallem olere quod paludes sicce, & sctentes lacunę olent, quod olent Albulæ, &c. quàm olere quod oles, ô Bassa sedissime.

Lacuna. Lacuna est fossa, five cavus, aquâ stagnante plenus: palus verò est ferè plena luto & cœno, unde gravis odor.

2. Quod olent vapores ex albulis crudis & frigidis, educti. *Albularum.* Vide Ep. 13. Libri I. Est Albula, five Albulæ, fons calidus & salutaris non procul Tibure, sulphureis aquis graveolens. Crudæ vocantur, eò quod aquæ ejusmodi referant gravitatem ac veluti duritiem, metallorum & fossilium, æris, ferri, sulphuris, à quibus vim suam habent, & per quæ, veluti per colum, transmittuntur.

3. Quod redolet vetus piscina, non fontana vel fluvialis, sed marina. Aqua marina gravioris est odoris.

4. Quod Bardocucullus veterani & seniculi militis.

Bardiaceus. Hanc vocem explicui Libro I Ep. 47.

Evocati. Sic dicebantur milites emeriti, qui difficillimis temporibus rogabantur iterum militare, & per litteras vel nuncios evocabantur. Illi vulgò incompti & hirsuti, olidique erant, malo nempe & labori assueti. Hinc lass

vocantur in hoc versiculo, nempe diuturna militia defatigati. Legit Turnebus *Lassi Bardaci* (five Bardiaci) os quod evocati, tam olidus es quàm sctet os & anhelitus Bardiaci militis evocati. Erāt Bardi (de quibus incidit mentio in memorato Ep. 47. Lib. I.) seu Bardæi aut Bardiaci, Galli quidam; Galli autem ut plurimum militabant.

5. Sæpius imbutæ purpuræ vestes olent graviter Et purpura lotio etiam admixto inficiebatur.

6. Quod jejunantes Judæi. Eos *Sabbatarios* appellat quia illorum festa, sabbata dicebantur. Jejunantium autem halitus est gravior. Huc accedit, quod Judæi sæpe à scriptoribus sctentes appellantur, quasi proprio gentis vitio.

7. *Reorum.* Cura & angore animi, avocatur alio stomachi calor, unde minus coquuntur cibi; ex ea autem cruditate anima putris oritur: nihil autem homine reo tristius.

8. *Lede.* Anicula quædam indicatur putida & retorrida. *Moriens*, recens extincta.

9. *Ceromata.* Ceroma, genus unguinis & adipis erat, quo utebantur athletæ, ex oleo & cera confectum: crassum & graveolens, præfertim

si oleum esset deterius, ac faculentum, quale Sabinum. Sabini Italiae populi *κηρός*, cera: *κηρώμα*, ceroma.

10. Quod vulpes fugiens canes sequentes. Tunc enim lotium pestilens dicitur emittere; cuius odore canes saepe perculsi abstant.

V.

Neglecta virtus.

1. Vir bonus & pauper, linguâque & pectore verus,
2. Quid tibi vis, urbem qui, Fabiane, petis?
3. Qui nec leno potes, nec comissator haberi,
4. Nec pavidos tristi voce citare reos:
5. Vendere nec vanos circum pallatia fumos;
6. Plaudere nec Cano, plaudere nec Glaphyro.
7. Unde miser vives, homo fidus, certus amicus?
8. Hoc nihil est. Nunquam sic Philomelus eris.

VERS. 3. *Comissator*. Popino, helluo. *Haberi*. Esse, adhiberi.

4. Nec fungi præconis officio, ad reos citandos, vocandosque in jus.

5. Nec tuam apud Principem gratiam vendere: vel; elegantes, versiculos, fictasque fabulas narrando pecuniam ab aulicis colligere. Vel; quæstum ex adulatione facere. *Fumos*. Alexander Severus Romanus Imperator, cum audisset aulicum adulatorem magnas opes collegisse, homines Principi, ut aulici faci-

tant, commendando: eum lignis humidis & fumo necari iussit; pereat, inquit, fumo, qui fumos vendidit.

6. *Cano*. Canus erat insignis tunc tibicen; Glaphyrus verò, citharædus: uti Philomelus, sive Philomusus. Illæ autem artes hac tempestate magno erant in pretio.

8. Fides, amicitia, probitas, viliores alga sunt, nihil ad rem faciendam juvant: iis artibus nunquam evades ad eas opes quas Philomelus sua sibi cithara peperit.

VI.

In dissimulatorem nequitiae.

1. Credi virgine castior pudicâ,
2. Et frontis teneræ cupis videri,
3. Cum sis improbior, Malisiane,
4. Quàm qui compositos metro Tibulli
5. In Stellæ recitat domo libellos.

V E R S. 2. *Teneræ*. Impudentes, improbi, duræ frontis vulgò esse dicuntur. Modesti verò & casti, teneræ; quia facile erubescunt.

4. *Metro*. Carmine, stilo. *Tibulli*. Tibullus molli & sæpe obsceno carmine usus est: eodem, quo Ovidius, an-

no, nempe 711. ab urbe condita, est natus.

5. *Stellæ*. Erat ille poëta bonus ac dives, qui recitantibus domum suam pro more divitum, commodabat. Quis autem foret ille recitator, tacet; fortasse quia satis notus erat.

VII.

Quo tempore suos Cæsari libros offerri velit.

1. Prima salutantes atque altera continet hora;
2. Exercet raucos tertia caufidicos;
3. In quintam varios extendit Roma labores;
4. Sexta quies lassis, septima finis erit;
5. Sufficit in nonam nitidis octava palæstris;
6. Imperat excelsos frangere nona toros.
7. Hora libellorum decima est, Eupheme, meorū,
8. Temperat ambrosias cū tua cura dapes;
9. Et bonus ætherio laxatur nectare Cæsar,
10. Ingentique tenet pocula parca manu.
11. Tunc admitte jocos: gressu timet ire licenti
12. Ad matutinum nostra Thalia Jovem.

V E R S. 1. Hora diei prima (post solis nempe ortum) & secunda, destinatae sunt saluatoribus.

2. Hora tertia (id est, nona matutina, ut numeramus Galli) causæ aguntur in Foro.

3. Usque in sextam, hoc est, duodecimam, laborant opifices, ita ut hora meridiana intermittant laborem minus robusti, & opere jam fatigati; hora verò post meridiem prima, omnes ab eo quiescant.

5. Ab octava ad nonam, nempe à secunda serotina ad tertiam, spatii temporisque

satis est ad varias exercitationes, & palæstram. Dictum de palæstra libro III. Ep. 5. & alibi passim.

6. Hora nona mensæ accumbitur, & lecti, sive tori disturbantur. Hæc apud nos est tertia serotina.

7. 8. Cū Cæsar, quasi Deus, nectare, & ambrosia vescitur, tunc opportunum est tempus illi meos libros offerendi. *Temperat*. Erat ille Euphemus pincerna Domitiani, aut mensæ structor, aut ciborum sector. *Ambrosias*. Ambrosia Deorum cibus est, ut nectar illorum

potio ἀμβρόσιος, immortalis, divinus: quia mortalibus nefas eo cibo vesci.

9. *Laxatur*. Recreatur, curis negotiorum solvitur.

10. *Parca*. Nempe sobrius ac temperans.

11. Tunc intromitte meos libellos; nam mihi religio

esset eos, ut sunt liberiores & jocosiores, matutino tempore offerre Domitiano legendos, quippe tunc seriis rebus occupato. Jovem illum hic, ut alias sæpius, appellat. *Thalia*. Una è Musis, jocosa & ludicra. Θάλλω, *floreo, lætor*.

VIII.

Suos amico libros mittit.

1. Dum novus est neque adhuc rasâ mihi fronte libellus,

2. Pagina dum tangi non bene sicca timet;

3. I puer, & caro perfer leve munus amico,

4. Qui meruit nugâs primus habere meas.

5. Curre, sed instructus; comitetur Punica librum

6. Spongia: muneribus convenit illa meis.

7. Non possunt nostros multæ, Faustine, lituræ

8. Emendare jocos: una litura potest.

V. 1. *Rasa*. Vide lib. 1. Ep. 38. ibi de fronte libri, pumice, &c. fusè differuimus.

2. *Sicca*. Ob recens miniû & pigmenta, quibus orna-
bant libros.

5. *Instructus*. Noli omitte-
re egregium instrumentum,
rem valde necessariam, nem-
pe spongiam. Punicam vocat,
quia spongiæ præstantes af-
ferebantur ex Africa.

7. Opus esse lituris nimiti
multis ut emendarentur mea
epigrammata: deleri penitus
cuncta præstat.

8. *Una*. Si uno ductu totus
liber deleatur. Aliquando in
membranis ita scribebant a-
liquo pigmento & liquido co-
lore, ut deletiles essent cha-
racteres, quos udâ spongiâ
delebant. Vulgò tabulis cera
obductis utebantur ad scri-
bendum, in quibus, graphio,
feu stilo fereò, cujus pars i-
ma erat acuta, summa verò,
plana & lata, quasi incidebât
literulas, & imprimebant
molli ceræ: easdem verò de-
lebant, ceram complanando
supremâ graphii parte.

IX.

In Antonium Saturninum.

1. Dum nimiti vano tumefactus nomine gaudes,

2. Et Saturninum te miser esse pudet:

3. Impia Pharrhasiâ movisti bella sub ursâ ,
4. Qualia qui Phariæ conjugis arma tulit .
5. Exciderátne adeo fatum tibi nominis hujus ,
6. Obruit Actiaci quod gravis ira freti .
7. Antibi permisit Rhenus , quod non dedit illi
8. Nilus , & Arctoïs plus licuisset aquis ?
9. Ille etiam nostris Antonius occidit armis ,
10. Qui tibi collatus perfide , Cæsar erat .

VERSUS. Dum Antonii nomine , quod geris , elatus , speras te M. Antonio Trium. viro similem fore , teque pudet nihil nisi Saturninum esse . Saturninus quidam , de quo agit in 2. versu , & cujus nomen gerebat cum Antonii nomine is quem hoc epigrammate insectatur vates , fuerat obscurus homo & perduellis : nolebat igitur illi similis esse iste L. Antonius Saturninus sed magis Antonii nomen & fortunam ambiebat .

2. *Saturninum*. L. Apulejus Saturninus , tribunus plebis , rerum novarum cupidus , seditione concitatus , interfectus est circa annum ab U.C. 645 .

3. *Impia , &c.* L. Antonius Saturninus , cum esset superioris Germaniæ præses ; bellum civile movit in Domitianum , pertractis in suas partes barbaris : qui cum per constrictum glacie Rhenum in ejus castra transire jam pararent , seque illius copiis adungere , solutis repente nivibus & glacie Rhenus transitum illis interclusit : ipse Saturninus captus , & interfectus est . *Sub ursâ* . In Germania quæ est plaga Sep-

tentrionalis . Ursa signum Septentrionale , de quo supra Epig. 3. Pharrhasia dicitur , quia poëtæ fabulantur Callistonem Lycaonis Arcadis filiam in ursam minorem fuisse mutata : Arcadia autem , Græciæ pars in media Peloponneso , dicta quoque est Pharrhasia , à Pharraso Lycaonis filio .

4. Quomodo Antonius in gratiam Cleopatram Ægyptiæ , bellum civile movit . De voce Pharius dictum Libro I. Epig. 73 .

5. 6. An oblitus eras , quam tristi fato is , qui gerebat hoc nomen , nempe Antonius Triumvir , perierit ? Quem Augustus hostis Actiaco bello victum fugere compulit in Ægyptum , & sibi necem consciscere . *Actiaci* Actium . Epiri urbs & promontorium , *Capo Figalo* , ad os sinus Ambra-cii . Ibi Cæsar Augustus Antonium & Cleopatram vicit . Hinc Actius , Actiacus , nomina gentilia .

7. Si Ægyptus ditissima provincia non potuit Antonii tutari , quo pacto Germania tibi contra Domitianum pugnanti auxilio esse potuit ?

8. *Arctois*. Septentrionalibus, incultis, barbaris; quæ *Ἀρκτος* græcè dicitur, subjectis. *Aquis*. Nilo, qui cum freto Aëtiaco comparan-

du non est.

10. Qui tecum comparatus Cæsar dici poterat: qui tantum te superavit, quantum Augustus ipse Antonium.

X.

Epithalamium.

1. Claudia, Rufe, meo nubit Peregrina Pudenti,
2. Maeste esto tædis, ô Hymenæe, tuis.
3. Tam bene rara suo miscentur cinnama nardo;
4. Massica Theseis tam bene vina favis.
5. Nec melius teneris jungantur vitibus ulmi;
6. Nec plus lotos aquas, littora myrtus amat.
7. Candida perpetuo reside Concordia lecto,
8. Tâni que pari semper sit Venus æqua jugo.
9. Diligat illa senem quondam: sed & ipsa marito,
10. Tunc quoque cùm fuerit, non videatur anus.

V R R S. 1. *Peregrina*. Est hic nomen proprium. Claudia Peregrina vocabatur.

2. Felix & bonus adsis, ô Hymenæe, cum tuis tædis: gratulor tibi, ob istas nuptias, à te conciliatas.

Maeste. Ea vox nihil aliud quàm felicem apprecationem & hortationem sonat. Olim dicebatur maestus, maesta, maestum, per syncopen, pro magis auctus, id est, nova cuiusdam rei accessione, præsertim honoris, cumulatus: unde quando superis donis quidpiâ offerebant, conceptis utebantur his voculis: *Maeste esto, his v. g. floribus, ô Apollo*: id est, colo te & veneror his floribus qua in locutione vocativus *maeste* pro nominativo usurpatur, ut sæpe faciunt Latini. Interdum adverbii more ponitur Liv. lib. II,

Suberè maestè virtute esse. Tædis. Cum illis pingitur Hymenæus.

3. *Tam bene*. Quàm Rufus & Claudia. *Cinnama*. Cinnamum est odoratus frutex, sive unguentum ex ejus succo factum. Arbuscula est eadem atque cinnamomum: nascitur in Æthiopia: quidam id esse putant quod vocamus Galli, *de la canelle*. Nardus quoque frutex odoratus.

4. *Theseis*. Atticis: Theseus rex Atheniensium fuit. Mel in Attica excellens erat: de Massico vino dictum Lib. I. Epig. 25. *Vina*. Vinum admixtum melli, mulsum appellatur, *οἶνόμελι*. *Favis*. Lege Lib I. Ep. 38.

6. *Lotos*. Lotus arbor est, aquis gaudens: ejus fructus dulcissimus, adeo ut Homerus

dicat socios Ulyssis, eo gustato noluisse in patriam redire; hinc proverbium, *lotū gustavit*.

8. Et saveat Venus, propitia fit, illi iugo, id est, conubio, quod tam æquales sociat Ubi par pari jungitur, fe-

lix & stabile conjugium est.

10. *Non videatur anus*. Formā per senium amissā, non amittat viri amorem: viro, vel anus, placeat; non spernatur ut deformis, & vetula.

XI.

Silio Italico suos libros mittit.

1. Sili Castalidum decus sororum,
2. Qui perjuria barbari furoris
3. Ingenti premis ore, perfidosque
4. Astus Hannibalis, levésque Pœno's
5. Magnis cedere cogis Africanis:
6. Paullum sepositā severitate,
7. Dum blanda vagus alea December
8. Incertis sonat hinc & hinc fritillis,
9. Et ludit popa nequiore talo;
10. Nostri's otia commoda Camœnis:
11. Nec torvā lege fronte, sed remissa
12. Lascivis madidos jocis libellos.
13. Sic forsan tener ausus est Catullus
14. Magno mittere passerem Maroni.

VER S. 1. *Sili*. Silius Italianus poëta, stilum Virgilii adamavit, & quantum fas est, expressit: scripsit metro bellum Punicum secundum: fuit idem Consul postremo Neronis anno, ac subinde Asiæ proconsul. Ejus patria fuit Corfinium, Pelignorum in Italia, civitas, quæ etiam Italica dicta est: vel, ut malunt alii, Italica, urbs Beticæ. Hinc illi cognomen Italici. Lege Plinii epist. 7. lib. 3. in qua Silius bellè describitur. *Castalidum*. Musarum. Castalius fons est ad radices Parnassi montis.

2. Qui Hannibalem & Pœ-

nos perjuros ac barbaros ingenti ore, id est, heroico carmine, canis & exagitas.

Perjuria. Pœni perfidi vulgò habitati sunt, ac tœdifragi.

5. *Africanis*. Scipionibus, quorum alter, major Africanus dictus, Annibalem ex Italia pulsum in Africam redire compulit, & Pœnos victos tributo multavit: alter, minor Africanus dictus, sive Æmilianus, quia Pauli Æmilii filius cū esset, adoptatus fuerat à filio majoris Africani, Carthaginē delevit. Vide l. 2. ep. 2.

7. Dum cives Saturnalibus licentiores & vagi discurs-

runt, aleaque ludunt. *Decem-ber*. Quo mense Saturnalia celebrabantur.

Fritillis. Sunt turriculæ corneæ aut eburneæ, in quas tesserae conjiciuntur, ne quis eas componat ac fraudem faciat: incertos appellat, quia jactum incertum reddunt. Nefas autem erat aleam ludere præterquam Saturnalibus. Est alea propriè ludus omnis, in quo plus est loci fortunæ, quam prudentiæ: usurpatur sæpe pro talorum ludo, seu tesserarum.

9. *Et ludit popa &c.* Popæ erant sacrificuli, seu sacrorum in cædendis victimis administri, vulgò vafri homines & nequam. Illi igitur per eos dies talis ludunt, sed compositis per dolum. Ea lectio est Scriverii, Gruteri, &c. ex Palatino Codice. Miror placere Raderi & multis aliis alteram lectionem: *Et ludit rota*

nequiore talo. Eam tamen explicabo: Per rotam intelligit Ramiresius circulum & coronam aleatorum in orbem affidentium & ludentium: Raderus verò ipsum fritillum in quo rotatim & circulatim tali convolvuntur. Brodæus legendum esse, *tropa* non *rota*, conjectat è loco Pollucis Lib. IX. Ludi genus, inquit Pollux, quæ Tropa dicitur, vulgò fit, talis immixtis in scrobem ad eos commodè excipiendos comparatam.

Nequiore. Doloso, composito.

10. Aliquid otii tui tribue legendis meis versiculis.

12. *Madidos*. Tinctos jocis liberioribus & salibus.

13. Sic carmen suum de passere (vide Lib. I. Ep. 8.) Catullus fortasse misit Virgilio, ut ego meos tibi, (qui alter Virgilius es) libellos.

XII.

In stolidum petitozem.

1. Mille tibi nummos hesternâ nocte roganti
2. In sex aut septem, Cæciliane, dies;
3. Non habeo, dixi: sed tu causatus amici
4. Adventum, lancem, paucaque vasa rogas.
5. Stultus es? an stultum me credis, amice? negavi
6. Mille tibi nummos, millia quinque dabo?

V. 1. *Mille nummos*. Mille nummi sestertii respondent libris Turionensibus centum.

3. *Causatus*. Causam petendi vasa & lances afferens eam quod amicus ad te venisset.

5. An desipis, an me de-

sipere putas?

6. *Millia* 5. Subaudi, sestertiorum minorum: libræ sunt Francicæ 500. Sententia est, num tibi commodabo vasa quæ valent 5000. sestertios, cum tibi mille sestertios dare mutuos noluerim?

XIII.

Puer stillicidio peremptus.

1. Quà vicina pluit Vipfanis porta columnis,
2. Et madet assiduo lubricus imbre lapis :
3. In jugulum pueri , qui roscida tecta subibat.
4. Decidit hiberno prægravis unda gelu.
5. Cùmque peregisset miseri crudelia fata,
6. Tabuit in calido vulnere mucro tener,
7. Quid non sæva sibi voluit Fortuna licere ?
8. Aut ubi mors non est , si jugulatis aquæ ?

VERS. 1. *Vipfanis*. Consule
Lib. I. Ep. 89. Item pag. 19.

3. *Tecta*. Portam & forniciem. Legunt quidam *templa*, quo etiam nomine majora quælibet ædificia vocantur.

5. Cùm glacies acuta puerum occidisset.

6. Stillicidium acutum instar mucronis, & glacies, in

pueri vulnere & calido sanguine intepuit, ac soluta est.

7. An mortis ullum genus est, quod Fortuna hominibus interre pro arbitrio non possit ?

8. *Si jugulantis aquæ*. Nam aquæ vulgò mergunt ac suffocant ; non, instar ferri, fodiunt ac jugulant.

XIV.

Laus endromidis.

1. Hanc tibi Sequanice pingue textricis alumna,
2. Quæ Lacedæmonium barbara nomen habet,
3. Sordida, sed gelido non aspernanda Decembri
4. Dona, peregrinam mittimus endromida.
5. Seu lentum ceroma teris, tepidumve trigona,
6. Sive harpasta manu pulverulenta rapis ;
7. Plumea seu laxi partiris pondera follis ;
8. Sive levem cursu vincere quæris Atham :
9. Ne madidos intret penetrabile frigus in artus,
10. Nève gravis subitâ te premat Iris aqua :
11. Ridebis ventos hoc munere tectus & imbres ;
12. Nec sic in Tyria sindone tutus eris.

VERS. 1. 2. 3. Mittimus tibi muneri hæc endromidem, quæ est alumna, id est,

opus contextum à muliere Sequanica, & quæ græcum habet nomen ac barbara vestis

istis est ac peregrina, nempe à Græcis inventa: sordidum quidem & parum lautum munus, sed hyeme non contemnendum. *Sequanica*. Sequani populi sunt Galliæ ad Sequanæ fluvii fontes, nunc Burgundiæ Comitatus, *la Franche Comté*.

2. *Lacedæmonium*. Lacedæmon, seu Sparta, urbs olim Peloponnesi celeberrima, nunc oppidulum est, *Mistira* nuncupatum *Barbara*. Vide Lib. Spectac. Ep. 1.

4. *Endromida*. Pro, endromidem, græcâ inflexione. Endromis autem dicitur à voce *ῥόμος*, cursus, curriculum, quia utebantur Græci eâ veste *ἐν ῥόμῳ*, in cursu & stadio. Sordida dicitur, quia erat hirsuta, & longioris, crassiorisque villi.

5. Seu te lucta & palæstra exercet, terisque & conficis ex oleo, cerâ, & pulvere ceroma, quo te ungas; seu pilâ trigonali ludis, aut harpastis. *Ceroma*. Vide Ep. 4 hujus Libri. Lentum vocatur, id est, pingue, viscosum. *Teris*: corpori affricas terendo, & linendo.

Trigona. Pila trigon, vel trigonalis, à trigono, id est, triangulo, nomen invenit, non quòd esset figurâ triangulari, sed quòd hanc haberet figuram quidâ locus in thermis, ad hujusmodi pilæ lusus ædificatus, qui Trigon etiam dicebatur, & ut per hyemem calore modico tepidus esset, curabatur: ne exuti ad ludendum homines facile

post ludum perfrigerescerent: hinc tepidum trigonem vates appellat. Erat hæc pila omnium minima & durissima, stipato & denso pilo, (unde pilæ nomen) farta; utriusque manu impellebatur & excipiebatur; prima & summa cautio erat, ne terram contingeret, sed ut adhuc volans geminaretur.

6. *Harpasta*. Erat harpastum, pila major paulò quàm trigon: panno conciso, lanâ vel tomento implebatur, nec reperiiebatur, sed eam alii aliis conabantur eripere, & ad suas trāsferre partes: tum, sicubi decideret, accurrentes catervatim humi se invicem prosternebant, pulvere & sudore infecti: nomen habet ab *ἁρπάζω*, rapio. Terti generis pila, vocabatur paganica quòd ea ferè in pagis uterentur. Erat major trigone, mollior harpasto, nam pluma farciebatur. Quartum genus erat follis: pila videlicet corio tecta, & vento distenta: follis enim apud veteres idem erat ac pellis. Hæc porro pila ceteris erat levior, eamque ob causam plumea vocatur septimo in versu; eadem lentius fertur, magis resilit, ac tardius descēdit, unde senibus & pueris commodior: pugno redditur, non palmâ, unde pugillatoria interdum appellatur.

7. Seu follem non ponderosum dividis inter te & colutores, eum impellendo per vices.

38. *Atham*. Cursor erat
egregius. *Iris*. Cælestis arcus;
pluviae omen ac nuncius.

12. *Sindone*. Linteo, veste
linea: primum facta ejus
modi vestis fuit Sidone, in

urbe Phœnicię, prope Tyrum,
unde nomen invenit. Quam-
vis findon sit endromide
pretiosior & elegantior; uti-
lior tamen non erit.

XV.

Anus & puella.

1. Dicit se vetulam cum sit Cærelia pupa:
2. Pupam se dicit Gellia, cum sit anus.
3. Ferre nec hanc possis; possis, Coline, nec illam;
4. Altera ridicula est, altera putidula.

V. 1. *Pupa*. Puella, adole-
scentula: Cærelia igitur anile
gravitatem affectabat, præ-
ter mores & ætatem: Gellia
contra, puella videri volebat

ac tenera. Ridicula est Cære-
lia cum sua illa gravitate;
Gellia ineptè delicata, cum
ista sua concinnitate.

XVI.

Improbi cur felices.

1. Nullos esse Deos, inane cælum,
2. Affirmat Selius, probátque; quod se
3. Factum, dum negat hæc, videt beatum.

V. 3. *Hæc*. Dum Deos esse,
& providentiam negat: dum
se, licet impium, felicem videt
esse factum. Atqui hæc im-
proborum beatitas, aut exi-
gua est, ac mercedis loco nõ-
nullis ipsorum bene factis à

justo Deo, ut exponit Augu-
stinus, rependitur: aut falsa
est, quia ipsorum exitii sem-
piterni occasio est certissima;
atque adeo miseria potius &
pœna dicenda, quam felici-
tas.

XVII.

Laus Brutiani poëtæ.

1. Dum tu lenta nimis, diúque quæris,
2. Quis primus tibi, quisve sit secundus;
3. Graïum quisve epigramma comparabit,
4. Palmam Callimachus, Thalia, de se
5. Facundo dedit ipse Brutiano.
6. Qui si Cecropio satur lepore,
7. Romanæ sale luserit Minervæ,

8. Illi me facias, precor, secundum.

V E R S. 1. Ordo versuum est. O Thalia (Musarum una, de qua Ep. 7.) Dum tu deliberas, & quæris poëtam aliquem, cui primas tribuere, vel saltem secundas possis in epigrammate condendo; interim Callimachus poëta græcus Brutiano primas ipse ultro concessit, eumque sibi ipsi prætulit. Qui Brutianus si ab epigrammatis græcis, ad latina condenda se contulerit, etiam in illis primus erit, nec ego invidebo; rogabo tantum hoc, ut ab illo secundus sim.

3. Quisve optimè componet Græca epigrammata. Vel; quis sua epigrammata comparare poterit cum Epigrammatis Græcorum vatū: quis par erit Callimacho Græci epigrammatis principi. Fuit ille patria Cyrenæus in Ægypto: floruit Olympiade cxxv.

Brutiano. Lustricus Brutianus, ingenio, probitate, & rerum gestarum gloriâ clarus fuit *Cecropio*. Attico, græco. Cecrops fuit rex Atheniensium primus.

XVIII.

Mortem uxori imprecatur.

1. Omnes, quas habuit, Fabiane, Lycoris amicas
2. Extulit: uxori fiat amica meæ.

V E R S. 2. *Extulit*. Nem- lit; aut fato mortuas ha-
pe ad rogum: veneno sustu- buit.

XIX.

Laus Altini soli.

1. Æmula Bajanis Altini littora villis,
2. Et Phaëthontei conscia silva rogi,
3. Quæq; Antenoreo Dryadū pulcherrima Fauno
4. Nupsit ad Euganeos sola puella lacus;
5. Et tu Ledæo felix Aquileja Timavo,
6. Hic ubi septenas Cyllarus hausit aquas;
7. Vos eritis nostræ portus, requiesque senectæ,
8. Si juris fuerint otia nostra sui.

V. 1. O vos Altini littora, quæ nihil ceditis Bajanis littoribus villarum amœnarum pleris *Altini*. Est Altinum, *Altino*, Italiæ oppi-

dum, ab Hunnis & Attila eversum atque incensum, nunc in ditione Veneta, inter Patavium & Concordiam.

2. Et silva, quæ Phaëthonem è cælo ruentem & fulmine combustum excepit.

3. Et Dryas pulcherrima, (id est, silva; nam Dæ silvarum præsides, Dryades dicuntur à voce græca *δρῦς*, quercus,) quæ prope lacus Euganeos una nupsit Fauno Antenoreo, id est, Patavino. Sententia est: & silva juncta agro Patavino. Faunus Deus agrorum, pro ipsis agris ponitur. *Antenoreo*. Antenor Trojanus Patavium condidit Virg. 1. *Æneid*.

4. *Euganeos*. Euganei, populi fuere Galliæ Transpadanæ, in Italia, in Veneta nunc ditione, quorum regio dicitur *Marcha Trevisana*, vel, *Trevigiana*. Quidam eos collocant inter lacus Larium & Benacum: alii versus Atheſim & Vicentiam.

5. Et tu, ô Aquileja, urbs olim clarissima, nunc viculus,

Aquileja, ab Hunnis vastata anno 452.) felix & dives, ob viciniam Timavi fluvii, qui septeniis ostiis in mare devolvitur, & cujus aquas hausit Cyllarus equus Castoris, cum eo Castor venisset una cum ceteris Argonautis.

Timavo. Timavus, *Timavo*, fluvius est Carnorum, in Italia novem fontibus erumpens è monte, quibus prope mare confluentibus, ipse in sinum Hadriaticum devolvitur: ejus ostia scindunt aliquot exiguæ insulæ; hinc per ora septem aut novem in mare fluere dicitur. Ledæus in hoc loco appellatur propter Castorem Ledæ filium, qui ea loca nobilitavit: de quo lege plura Epig. 24. lib. Spect. & Ep. lib. I.

8. Si meo arbitrio curas, & vitam potero componere: si pones me erit optio loci, in quo senectutē otiosā degam.

XX.

In avarum patronum.

1. Quòd te manè domi toto non vidimus anno,
2. Vis dicam, quantum, Posthume, perdiderim?
3. Tricenos, puto, bis: vicenos ter, puto, nummos
4. Ignoscas; togulam, Posthume, pluris emo.

V. 1. Quod te per annum totum non salutavi manè, ut alii clientes.

3. *Tricenos nummos*. Triginta sestertios. Tres libræ sunt Francicæ, ut loquimur.

4. *Pluris emo*. Atque adeo plus damni facio, tuam domum ventitando, & deterendo consumendoque meam togulam; quàm lucri, te conveniendo.

XXI.

Invidi supplicium.

1. Sæpe meos laudare soles, Auguste, libellos:

2. Invidus, ecce, negat; num minùs ergo soles?
3. Quid quod honorato non solâ voce dedisti
4. Non alius poterat quæ dare dona mihi.
5. Ecce iterùm nigros corrodit lividus unguis:
6. Da, Cæsar, tantò tu magis, ut doleat.

V. 1. *Auguste*. Domitiane.
 2. *Negat*. Meos videlicet libellos tantopere laudandos esse. *Num minùs*, &c. An ideo quod meos libellos deprimit invidus, tu eos parciùs laudas?

3. 4. Adde quod mihi tua augusta voce laudato & honorato, præter laudes & ver-

ba, munera etiam dedisti quæ lia præter Cæsarem dare nemo poterat. *Dona*. Tribunatum, equestrem locum, jus trium liberorum, &c. *Lege* Lib. II. Epig. 66. 67. & Lib. III. Epig. 56.

6. Auge tua, Cæsar, in me beneficia, ut dolorem quod dignus est, augeas.

XXII.

Multitudinem epigrammatum excusat.

1. Obstat, care Pudens, nostris sua turba libellis;
2. Lectorémque frequens lassat & implet opus.
3. Rara juvant, primis sic major gratia pomis;
4. Hibernæ pretium sic meruère rosæ.
5. Sæpius in libro memoratur Persius uno,
6. Quàm levis in tota Marsus Amazonide.
7. Tu quoque de nostris releges quæcûque libellis,
8. Esse puta solum: sic tibi pluris erit.

V. 1. 2. Multitudo & turba meorum librorum ipsis nocet, quia fastidium affert: nimis crebra carmina lassant, ac satiant lectorem.

3. In pretio & amore sunt res raræ.

5. *Persius*. Sex tantùm satyras at elegantissimè scripsit: adeo ut inter Satyricos

poëtas primus à nonnullis, nec immeritò fortasse censeatur. Hunc interpretatione perpetua, notisque brevissimis illustravimus. *Marsus*. Hunc alibi laudat: Poëma heroïcum de Amazonibus scripserat non optimum.

8. Sic eum majori habebis in pretio: pluris à te fiet.

XXIII.

Piscina Cæsaris.

1. Bajano procul à lacu monemus

2. Piscator fuge , ne nocens recedas.
3. Sacris piscibus hæ natantur undæ ,
4. Qui norunt dominum , manúmque lambunt
5. Illam , quâ nihil est in orbe majus.
6. Quid quod nomen habent , & ad Magistri
7. Vocem quisque sui venit citatus .
8. Hoc quondam Libys improbus profundo ,
9. Dum prædam calamo tremente ducit ,
10. Raptis luminibus repentè cæcus
11. Captum non potuit videre piscem :
12. Et nunc sacrilegos perosus hamos ,
13. Bajanos sedet ad lacus rogator .
14. At tu , dum potes , innocens recede
15. Jactis simplicibus cibus in undas ,
16. Et pisces venerare dedicatos .

VERS. I. *Bajano* De Balis
dictum Epig 51. Lib. I.

2. *Nocens*. Impius, sacrile-
gus , violatis nempe sacris pi-
scibus .

5. *Illam quâ, &c.* Impera-
toris Domitiano .

6. *Magistri*. Sic eum appel-
lat, qui piscinæ curâ habebat,
vel ipsum Domitianum.

8. *Libys*. Afer: piscator ex
Africa. *Hoc profundo* . Hoc
mari , Bajano lacu .

9. *Calamo*. Linea piscato-
ria . *Perosus* . Detestans .

13. *Rogator* . Mendiculus .

15. *Simplicibus*. Non dolo-
sis, qualibus hami instruuntur .

16. *Dedicatos* . Dicatos
Imperatori & sacros .

XXIV.

In Hippodami nomen .

1. Quòd cupis in nostris dicique , legique libellis ,
2. Et nonnullus honos creditur esse tibi :
3. Ne valeam , si non res est gratissima nobis ,
4. Et volo te chartis inferuisse meis :
5. Sed tu nomen habes a verso fonte sororum
6. Impositum , mater quod tibi dura dedit :
7. Quod nec Melpomene , quod nec Polyhymnia
possit ,
8. Nec pia cum Phœbo dicere Calliope .
9. Ergo aliquod gratum Musis tibi nomen adopta ,
10. Non semper bellè dicitur Hippodamus .

V. 5. Habes nomen iratis,
 averſisque Muſis tibi datum
 Fons Muſis ſacer (aut Helicō
 de quo vide p. 77. aut Permeſ-
 ſus, de quo ibid. dictum:) pro
 ipſiſ Muſis & arte poëtica
 ponitur.

7. *Melpomene*. Una è Mu-
 ſis : elegiaco præeſt carmini :

Polyhymnia , lyrico ; Callio-
 pe , heroïco ,

9. *Adopta* Assume, adſciſſe.

10. *Hyppodamus*. Auri-
 gam ſonat , & agitatoreſ
 equorum: quod munus man-
 cipiorum eſt ; atque adeo no-
 men hoc parum bellum &
 honeſtum eſt.

XXV.

Apis electro incluſa.

1. Et latet & lucet Phaëthontide condita guttâ,
2. Ut videatur apis neſtare clauſa ſuo :
3. Dignum tantorum pretium tulit illa laborum.
4. Credibile eſt ipſam ſic voluiſſe mori.

V. 1. *Phaëthontide guttâ*.
 Electro. Phaëthontides, id eſt,
 ſorores Phaëthontis , cū eū
 lugerent extinctum, mutatae
 ſunt in arbores , è quibus de-
 ſcendit electrum , quod earum
 lacrima vocatur à poëtis ,
 Ovid. 2. Met. eſt autem ele-
 ctum viſci genus, pretioſum,

pellucidum, flavū, & ſpiſſum.

2. Adeo ut ſuo melle in-
 cluſa videatur : eſt enim ele-
 ctri flavus color.

3. *Laborum*. Quos ponit in
 melle condendo. Pretiū autē
 illud, eſt ſepulcrum tā nobile.

4. *Voluiſſe*. Ut nempe in
 electro ſepeliretur.

XXVI.

Ad poëtam ut libros ſuos edat.

1. Plena laboratis habeas cū ſcrinia libris,
2. Emmittis quare , Soſibiane , nihil ?
3. Edent heredes, inquis , mea carmina : quando ?
4. Tempus erat jam te , Soſibiane , legi.

V E R S. I. *ſcrinia*. Sunt
 armaria & plutei , ubi libri
 aſſervantur.

4. Non poſſunt tam bona
 carmina ſat citò in lucem

edi. Noli rogam expeſtare.
 Videtur ipſius mortem op-
 tare. Legi non viſ niſi mor-
 tuus , tempus eſt te legi ; er-
 go , te mori.

XXVII.

Toga nivea.

1. Sordida cū tibi ſit, verum tamen, Attale, dicit
2. Quiſquis te niveam dicit habere togam.

V. 2. *Niveam*. Detritam, bigua : nivea enim toga, ut
cujus nuda fila albicant: vel; hic sumitur, detritam signi-
tenuitate sua frigidam, instar ficat : aliàs puram, nitidam
nivis. Jocus est in voce am. & recentem à fullone.

XXVIII.

Damæ pugnantes in arena.

1. Frontibus adversis molles concurrere damas
2. Vidimus, & fati sorte jacere pari.
3. Spectavêre canes prædam : stupuitque superbus
4. Venator cultro nil superesse suo.
5. Unde leves animi tanto calvêre furore ?
6. Sic pugnant tauri, sic cecidêre viri.

VERS. 2. Et mutuâ peri-
re morte.

3. 4. Canes constitere ve-
lut otiosi spectatores oblata
ultro prædæ : & venatores
cultris ac venabulis suis ni-
hil agendum superesse mirati
sunt. *Superbus*. Quia glo-
riâtur venatores feris à se in-

terfectis. *Cultro*. Dejectas ve-
nabulo feras venator cultro
solet interimere & conficere.

5. *Leves animi*. Feræ im-
belles ; damæ. *Furore*. Pug-
nandi & moriendi.

6. *Cecidere*. Non aliter vi-
ri fortissimi mutuis sæpe vul-
neribus perierunt.

XXIX.

Senis fucati barba.

1. Cana est barba tibi, nigra est coma: tingere barbã
2. Nō potes, hæc causa est; sed potes, Ole, comã.

VERS. 1. *Tingere*. Pigmentis
quibusdam capillos fucabant;
iste, ne senex videretur, ni-
gros sibi appingebat Barbam
ita commodè inficere non po-

terat. Cùm enim barbam vix
promitterent Romani, fucus
non poterat hære in cute
nuda aut brevioribus barbæ
pilis. Vide Ep. 33. Lib. III.

XXX.

Avarus ostentator.

1. Centum Coracinus, & ducenta Mancinns,
2. Trecenta debet Titius, hoc bis Albinus,
3. Decies Sabinus, alterúmque Serranus:
4. Ex insulis, fundisque tricies soldum,

5. Ex pecore redeunt ter ducena Parmensi,
6. Totis diebus, Afer, hoc mihi narras;
7. Et teneo melius ista, quàm meum nomen.
8. Numeres oportet aliquid, ut pati possim:
9. Quotidianam refice nauseam nummis.
10. Audire gratis, Afer, ista non possum.

V E R S. I. *Centum*. Subaudi sestertia. Summam efficiunt librarum Turonicarum, ut Galli loquuntur, 10000.

2. *Hoc bis*. Eadem hæc trecenta bis mihi debet Albinus: id est, sexcenta sestertia.

3. *Decies*. Libras 100000. Vide Ep. 81. lib. I. *Alterū*. Id est, bis decies, alterum decies, nempe vicies, libras 200000.

4. *Ex insulis*. Insulæ in urbe dicuntur eæ domus, quæ ita sunt, ab aliis sejunctæ, ut aliquo vico undecunque ambiantur: quemadmodum

veræ insulæ cinguntur mari.

Tricies solidum. Tricies solidum, id est, plenum, integrum: tricies centena millia sestert. hoc est, nummos Francicos 300000.

5. Ex vectigali pecuario. Parmensi quotannis colligo sexcenta millia sestertiū, hoc est, libras Gallicas 60000. *Parmensi*, Epig. 36. lib. II.

8. *Gratis*. Nisi videlicet numeres mihi pecuniam, pretium patientiæ, quâ ostentationis tuæ molestiam & fastidium quotidie perfero.

XXXI.

Argentum purum.

1. Argenti genus omne comparasti,
2. Et solus veteres Myronis artes,
3. Solus Praxitelis manus, Scopæque
4. Solus Phidiaci toreuma cæli,
5. Solus Mentoreos habes labores.
6. Nec desunt tibi vera Glauiana,
7. Nec quæ Callaïco linuntur auro,
8. Nec mensis anaglypta de paternis.
9. Argentum tamen inter omne, miror
10. Quare non habeas, Charine, purum.

V E R S. I. *Argenti*. Hac voce intelligitur ibi omne argentum factum: omne vasorum argenteorum genus.

2. Vetera signa & opera,

Myronis, statuarii insignis, arte ac manu elaborata.

3. *Praxitelis*. Praxiteles, Scopas, Phidias, Statuarius principes extitere. De

Mentore, de toreumate, vide Ep 26. & 31. l. 3. cælum, hoc in loco idem est ac scalprum.

6. *Vera Glaniana*. Vasa & signa facta verè ab Glanio sculptore vel celatore peritissimo, non e mentita & adulterina. Legunt aliqui *Gentiana*, aut, *Grantiana*, ab artifice Gentio, vel Grantio, tunc celebri, elaborata.

7. Nec vasa ornata auro Callaico, addito, seu allito ipsis vasis, putà æreis, argenteis.

Callaico. Hispano. Callaici, five Gallaici, aut Gallæci, populi sunt etiamnum Hispaniæ Tarraconensis ad occasum & Boream: attingunt à meridie Lusitaniam; ab oriente, Astu-

rias: nūc *la Ga lice*. Apud eos aurum ervebatur, quod phialis adlini solebat, eleganti artificio, fortasse ab illis invento.

8. Nec cælata pocula, five vasa signis aspera: ἀνάγλυπτα, à verbo γλύφω, sculpto, quibus tuus pater & majores in mensa usi sunt.

10. *Purum*. Jocus est in hac voce. Nam aliquando purum dicitur argētum, quod elaboratum, cælatum, sculptum, nō est: hic alio sensu sumitur pro mundo, & non sordido: tua ista omnia impura sūt & immūda: tu ipse homo impurus, quidquid tangis, inquinās.

XXXII.

Amicus deceptus.

1. Atria Pisonum stabant cum stemmate toto,
2. Et docti Senecæ ter numeranda domus.
3. Prætulimus tantis solum te, Posthume, regnis;
4. Pauper eras, & eques, sed mihi consul eras.
5. Tecum ter denas numeravi, Posthume, brumas;
6. Communis nobis lectus & unus erat.
7. Jam donare potes, jam perdere, plenus honorū,
8. Largus opū: exspecto, Posthume, quid facias.
9. Nil facis: & serum est aliū mihi quærere regē.
10. Hoc, Fortuna, placet? Posthumus imposuit.

V. 1. Pisonum domus florebat longa virorum nobilissimorum serie: ex ea mihi patronos & amicos facile poteram deligere; patebat mihi etiam Senecarum domus; hos tibi nuper pauperi, postposui Stēma, est ordo genealogiæ, in picta arbore ejusque

ramis descriptus. *Stēma* propriè coronam significat; nempe ex arboris illius genealogicæ ramis fiebant circuli in modum coronæ, in quibus, vel imago, vel nomen aliquis è majoribus poneretur.

2. *Ter numeranda domus.*

Divisa in tres familias. Tres fuere illo ævo Senecæ viri clarissimi. Primus philosophus, idemque poëta tragicus, & Neronis præceptor. Secundus Seneca Gallio, seu Novatus. Tertius Seneca Mella, seu Mella, Lucani pater. Omnes filii Senecæ rhetoris, qui Cordubâ Rōmam venit. Quidam explicant hunc versum de Seneca parte, qui rhetor dictus est; de Seneca filio, qui appellatus est philosophus, & de Lucano, nepote rhetoris.

3. *Regnis Familiis nobilissimis.* Patronos reges appellabant.

4. *Mihi consul eras.* Non aliter te colebam, atque si fuisses consul.

6. *Communis lectus.* In quo

ad mensam accumbebamus.

7. 8. Iam largiri amicis munera facile potes, imò multa impunè perdere, ac sine magno detrimento: ita honoribus & opibus largè abundas.

9. *Nil facis.* Nihil mihi largiris, cùm tamen maxime nunc indigeam tuâ liberalitate, quippe qui ægrè inventurus sim jam senex, novos reges, sive patronos.

10. Cur, ô Fortuna, Posthumum beasti, quem ingratum & avarum fore noras? An hoc tibi placet? nempe istis perfidis benefacere. Neutiquam (respondet Fortuna,) sed Posthumum liberaliorem fore putabam: ille mihi imposuit; id est, me fefellit.

XXXIII.

In molestum recitatorem.

1. Quid recitaturus circumdas vellera collo?

2. Conveniunt nostris auribus illa magis.

V. 1. *Vellera.* Ad arcendam ravim scilicet. Foculia dicebantur, à faucibus quas muniebant, quasi faucalia.

2. *Auribus nostris.* Obturandis videlicet, ne te recitantem audiamus.

XXXIV.

Vesuvius incendio deformatus.

1. Hic est pāpineis viridis modò Vesvius umbris,

2. Presserat hîc madidos nobilis uva lacus.

3. Hęc juga quā Nyse colles plus Bacchus amavit;

4. Hoc nuper Satyri monte dedere choros:

5. Hęc Veneris sedes, Lacedæmone gratior il li;

6. Hic locus Herculeo nomine clarus erat.

7. Cuncta jacent flammis, & tristi merfa favillâ:

8. Nec Superi vellent hoc licuisse sibi.

V E R S. I. *Vesuvius*. Pro, Vesuvius; mons est Campaniæ Italiæ, ignes, ut Ætna, vomens. Nunc dicitur *Summa*, & abundat vino, quod Græcum vocant.

2. Hic uva nobilis opplevrat, oneraverat, torcularia.

3. *Nysæ*. Nyfa urbs est Indiæ ad fluvium Indum, vel Bacchi patria, vel ab eo condita. Est etiam mons illi urbi vicinus & cognominis. Hinc Bacchus appellatur Dionysos: à patre Jove, Ζεύς, (Διὸς) & Νύσα.

Satyri. Dii silvarum & montium.

5. 6. Erant in Vesuvio monte duo fana, Veneris alterum, alterum Herculis. Lacedæmon urbs Peloponnesi, olim Sparta, nunc *Misitra*: ibi Venus colebatur.

7. *Facent*, &c. Contigit hoc incendium sub Tito Imperatore, oppressus eo fuit ille naturæ interpret Plinius, urbes totæ cineribus obrutæ. Vide Epistolas Plinii secundi 16. & 20. Lib. VI.

8. Ipsi superi dolent istâ clade, vellentque sibi ablatam facultatem nocendi hominibus, & eos puniendi. Deus invitus punit, amat parcere.

XXXV.

Votum pro pueri incolumitate.

1. Hæc tibi pro nato plenâ dat lætus acerrâ,
2. Phœbe, Palatinus munera Parthenius;
3. Ut qui prima novo signat quinquennia lustris,
4. Impleat innumeras Burrus Olympiadas.
5. Fac rata vota patris: sic te tua diligat uxor,
6. Gaudeat & certâ virginitate soror.
7. Perpetuo sic flore mices; sic denique non sint
8. Tam lōgæ Bromio, quàm tibi, Phœbe, comæ.

V. 1. 2. *Hæc munera*. Thus. *Acerra*. Thuris est vasculum. *Palatinus*. Qui Domitiano erat à cubiculo: qui ei in palatio navabat operam.

3. 4. Ut Burrus Parthenii filius qui quinquennium explevit, & primum lustrum incipit notare ac numerare, diu vivat. De lustris ad Epig. 23. Lib. I.

Olympiadas Olympias erat numerus quatuor annorum: Græcis ad putanda tempora

usitatus. Facta vox à ludis olympiis, sive olympicis, primo hujus quadriennii anno celebrari solitis in honorem Jovis Olympici, ad urbes Græciæ Pisam & Elidem.

5. *Fac*, &c. Da ut pater sit votorum compos, ut exoret quod orat.

Uxor. Daphne, quam cum uxorem expeteret Phœbus, neque ut ab illa diligeretur impetrare posset, eam in laurum arborem mutavit: unde

quidam libri habent *arbor*,
pro *uxor*.

6. *Soror*. Diana. Ita Diana
perpetuò suâ virginitate glo-
rietur.

7. *Flore*. Juventæ.

8. *Bromio*. Baccho: à *βρέμω*

fremo. Is crines, item ut Phœ-
bus, intonsos & juveniliter
fluentes gestabat, quâ laude
certare videbatur cū Phœbo,
quem ne Bacchus vincat, pre-
catur Martialis, optatque ne
sint unquam prolixiores Bac-
cho quàm Phœbo, comæ.

XXXVI.

In caufidicum muneribus divitem.

1. Saturnalia divitem Sabellum
2. Fecerunt: meritò tumet Sabellus.
3. Nec quemquam putat esse, prædicâtque
4. Inter caufidicos beatiorem.
5. Hos fastus, animósque dat Sabello
6. Farris semodius, fabæque fressæ,
7. Et thuris, piperísque tres selibræ,
8. Et Lucanica ventre cum Falisco,
9. Et nigri Syra defruti lagena,
10. Et ficus Libycâ gelata testâ,
11. Cum bulbis, cochleísque, caseóque:
12. Piceno quoque venit à cliente
13. Parcæ cistula non capax olivæ;
14. Et crasso figuli polita cælo
15. Septenaria synthesis Sagunti,
16. Hispanæ luteum rotæ toreuma;
17. Et lato variata mappa clavo.
18. Saturnalia fructuosiora
19. Annis non habuit decem Sabellus.

V. i. *Saturnalia*. De Satur-
nalibus & missis eo tempore
muneribus sæpe antea dixi-
mus. Pag. 146. &c.

6. *Semodius*. Pars dimidia
modii. Modius libras 26. &
uncias 8. capiebat. Est autem
far quodlibet frumēti genus,
vulgò tamē optimū significat.

6. *Fresse*. Fractæ & nudatæ

extima pellicula duriori qua
tegitur. Frēdeo, frendui, fres-
sū, propriè significat frango,
quasso. Unde porcus nefrens,
qui nondum fabas frendet,
seu frangit; porcus lactens.

7. *Selibræ*. Semilibræ.

8. *Lucanica*. Intestinū suillū
carne porcina fartum; à Lu-
canis Italię populis; ejus invē-

139

toribus, dictum *Salsiccia*.

Ventre, &c. Cum ventre porcino certis modis condito & farciminibus turgente: ita vocatum est hoc opsonii genus à Faliscis, Italiae populis ejus credo inventoribus. Eorum urbs primaria Faliscum, sive Falisca, nunc *Galese*.

9. Et vitrea lagena, (quam Syram vocat, quia vitrum in Syria inventum,) multi ad dimidias partes usque decocti: hoc enim significat ea vox, defrutum.

10. Et ficus Africana, inclusa in testa. Gelatâ dixit, quia per hyemem erat missa: vel, quia stipata erat ac densata ficus, in testa ipsa, & adstricta quodâ roscido humore, quem ficus emittunt.

11. Bulbi, cepæ sunt, *ci-polle bulbe*, maximè florum, quorum radices rotundæ & tunicatæ, ut liliorum, tuliparum, &c. Sunt etiam cepæ quædam ascalonię dictæ, *scalogne*. Cochleæ, propriè sunt limaces testa inclusæ.

12. 13. Et arcula brevis, paucarum olivarum vix capax, data est tibi à Picente aliquo, tuo cliente. Ager Picenus est in Umbria, olivarum dives: hodie vocatur, *la Marcha d'Ancona*.

14. Et synthesis septem vasa complectens, rudi & crassa

rota figuli Saguntini, (quam ironicè vocat cælum, *bulino*) polita & tornata: hoc est, septem vascula simul juncta, ficta ex argilla Saguntina. Est autem synthesis vox græca, significans compositionem & collectionem multarum rerum, maximè vestiū, unde ista vox sæpe pro quodam genere vestis sumitur, ut diximus; in hoc loco est vasorum multitudo: septenariam vocat quod septem vasa Saguntina contineret. Sic Papius lib. 4. silvar. dixit synthesis calicum & cacaborum.

Sagunti. Saguntus, sive Saguntum, nunc *Morvedre*, oppidum olim clarissimum Tarraconensis Hispaniæ, unde fætilia Romam advehebantur.

16. *Toreuma*. Propriè est opus torno factum, aut sculptum, à *τορεύω*, torno, sculpo. Vocat ita vile poculum ex argilla confectum, ironicè.

17. Et mappa variata latis è purpura clavis: id est, orbiculis, flosculis, aut stellulis è panno purpureo assutis in mappæ limbo. Porro vestis laticlavia erat senatorum propria, & mappa laticlavia huic amplissimo senatori missa est. De latoclavo consule Epig. 17. Lib. V.

18. 19. Irridet inopem caudicum.

XXXVII.

Phaëthon encaustopictus.

1. Encaustus Phaëthon tabulâ depictus in hac est:

2. Quid tibi vis, dipylon qui Phaëthonta facis?

VERS. 1. 2. Encausto pi-
ctus & inustus hic Phaëthon
exhibetur: ô pictor, quid
tibi vis, quare bis ustum
(σίπυρον) facis Phaëthonta?
Nonne satis illi est quod se-
mel fulmine ustus fuerit?

Encaustus. Encausto pi-
ctus. Encaustum est pictu-
ræ genus, quod candente
stilo ferreo, ex ignita &
liquida materia sit, vulgò
smalto. ἐγκαυστόν, à καίω
uro.

XXXVIII.

Laus epigrammatum.

1. Nescis, crede mihi, quid sint epigrāmata, Flacce,
2. Qui tantum lusus illa, jocōsque putas.
3. Ille magis ludit, qui scribit prandia sævi
4. Tereos, aut cœnam; crude Thyesta, tuam:
5. Aut puero liquidas aptantem Dædalon alas,
6. Pascentem Siculas aut Polyphemon oves.
7. A nostris procul est omnis vesica libellis,
8. Musa nec infano syrmate nostra tumet.
9. Illa tamen laudant omnes, mirantur, adorant:
10. Confiteor; laudant illa, sed ista legunt.

V. 3. Illi magis nugantur,
qui scribunt tragœdias & fa-
bulas, v.g. historiam Terei,
Thyestæ.

4. *Tereos*. Genitivus græ-
cus à Τηρέως, *Tereus*, Τηρέως.
Fuit Tereus Thraciæ, rex Pro-
gnes maritus, in upupam mu-
tatus, ut fabulis proditum
est, quod uxoris suæ sororem
Philomelam temerasset.

Thyesta. Fuit Thyestes fi-
lius Pelopis, Atrei frater, qui
Thyestæ filios ipsi epulandos
apposuit. Ep. 35. lib. III.

5. *Puero*. Icaro filio suo.
Dædalus in carcerem insulæ
Cretæ, qui labyrinthus ap-
pellabatur, conjectus, ex eo
evolavit, aptatis sibi & filio
alis, cerâ compactis.

7. *Polyphemon*. Accusati-
vus græcus, ut Dædalon. Po-
lyphemus fuit Cyclops, de
quo Homerus Lib. IX. Odyss.
& Virgilius, III. Æneid.

7. *Vesica*. Tumor, ampulla-
tum dicendi genus & vento-
sum.

8. *Syrmate*. Syrma, vestis
est tragica, à σύρμα traho,
ampla & verrens humum.

Infano. Magno, vel furio-
sum in morem agitato, & ja-
tato.

6. *Illa, &c.* Fabulosa &
tragica carmina. Facit lo-
quentem Flaccum, & huic re-
spondet sequenti versiculo.
Laudantur tragœdiæ, legun-
tur epigrammata.

XXXIX.

Dives avarus ac miser.

1. Cùm tibi non essent sex millia, Cæciliane,
2. Ingenti latè vectus es hexaphoro:
3. Postquam bis decies tribuit Dea cæca, sinūque
4. Ruperunt nummi, factus es, ecce, pedes.
5. Quid tibi pro meritis, & tantis laudibus optem?
6. Dī reddant sellam, Cæciliane, tibi.

V E R S. I. *Sex millia*.
 Subaudi, sestertiūm; sive
 sex sestertia in neutro gene-
 re; libras Gallicas valent
 600.

Hexaphoro. Vide Lib. II.
 Epig. 59. Erat lectica quam
 sex homines gestabant.

3. *Dea ceca*. Fortuna.

Ruperunt. Ita repleverunt,

ut eos non caperet sinus. *Bis decies*. Subaudi, centena mil-
 lia sestertiūm. Quæ sit summa
 si ad Francicam pecuniam
 redigatur, disces ex Epig. 30.
 hujus Libri.

6. Dii reddant tibi tuam
 priorem lecticam hexapho-
 ron, id est, pristinam fortuna-
 rum mediocritatem.

XL.

Caprificus.

1. Gestari jūctis nisi desinis, Hedyle, capris;
2. Qui modò ficus eras, jam caprificus eris.

V. 1. *Jūctis*. Hedylus qui-
 dam gestabatur parvo curru,
 quem trahebant jūctæ cicu-
 res capræ; erat ille idem, fi-
 cus, seu ficosus, (quid sit ea
 vox vide Lib. I. Ep. 57. Joca-
 tur in eum Martialis, aitque
 brevī fore caprificum, quæ est

arbor sterilis, in parietinis
 nascens, & ad summos muros
 assurgens, affiliensque instar
 caprarum: folio ficum rese-
 rens. Brodeus explicat *jū-
 ctis capris*: hircosis) nempe
 impuris & olentibus) servis.

XLI.

Philosophus Cynicus.

1. Hunc, quem sæpe vides inter penetralia nostræ.
2. Pallados, & templi limina, Cosme, novi,
3. Cum baculo, perâque senem; cui cana, putrîsque
4. Stat coma, & in pectus sordida barba cadit:
5. Cerea quem nudi tegit uxor abolla grabati;
6. Cui dat latratos obvia turba cibos:

7. Esse putas Cynicum deceptus imagine falsâ;
 8. Nō est hic Cynicus, Cosme; quid ergo? canis.

VERS. 1. 2. *Inter penetra-
 ila*, &c. In templo Minervæ
 Flavianæ, quod à Domitiano
 conditum recēns fuerat.

5. *Cerea*. Decolor, flaves-
 cens, ut vestes detritæ solent
 esse.

Abolla. Est militaris vestis
 & imperatoria: sumitur ali-
 quando ironicè pro pallio
 philosophico. Vocat eam u-
 xorem philosophi, quia ille
 cum eo cubabat in grabato,
 id est, vili lectulo.

6. *Latrator*. Latrando &
 mendicanda quæsitos.

7. *Cynicum*. Erat Cynico-
 rum philosophorum secta ce-

lebris. Ita sunt appellati à
 voce græca κύων, κύωνος,
 κύωνος, canis, quia omnes ma-
 ledictis & conviciis allatra-
 bant: & erant, instar canum,
 impudentes. Istum Martialis
 ait solo corporis cultu & ma-
 ledicentia esse Cynicum, om-
 ni verò doctrinâ & sapientiâ
 Cynicorum destitutum. Ideo
 negat Cynicum esse, canem
 tantum esse concedit: hoc est,
 habere duntaxat quod in Cy-
 nico est pessimum, nempe
 impudentiam & obscenita-
 tem.

XLII.

Mortis necessitas.

1. O cui Tarpejas licuit contingere quercus,
 2. Et meritas primâ cingere fronde comas:
 3. Si sapis, utaris totis, Coline, diebus,
 4. Extremumque tibi semper adesse putes.
 5. Lanificas nulli tres exorare puellas
 6. Contigit: observant quem statuere diem.
 7. Divitior Crispo, Thræseâ constantior ipso,
 8. Lautior & nitido sit Meliore licet;
 9. Nil adicit penso Lachesis; fusosque sororum
 20. Explicat, & semper de tribus una fecat.

V. 1. O Coline, qui in capi-
 tolino quinquennali certami-
 ne, coronas quernas à Domi-
 tiano accepisti.

Tarpejas. Capitoli locus,
 ante conditum ibi Jovis tem-
 plum & inventum in ejus
 fundamentis humanum ca-
 put (unde factum illa capi-

tolii nomen) vocabatur mons
 Tarpeius à Tarpeia virgine
 Vestali ibi sepulta. Domitia-
 nus autem instituerat Jovi
 Capitolino quinquennale lu-
 dicrum triplici certamine,
 musico, equestri, & gymni-
 co. Vide primum Epigram-
 ma hujus Libri.

2. Qui primam coronam meruisti.

3. *Utaris, &c.* Nullam de solido die partem demas, quā nō genio tribuas, & voluptati.

5 6. Nemini lieet Parcas flectere. Quem nostræ morti diem constituere, observant, neque illum aut obliviscuntur, aut prætereunt. Fingebant poetæ tres Parcas ita è colu trahere lanam, quæ cujusque vitam metiretur, ut una teneret colum, altera fufum deduceret, tertia filum & cū eo vitā secaret. Earum nomina sūt Atropos, Clotho, Lachesis.

7. *Crispo.* Fuit ille vitricus Neronis: dicitur habuisse in censu bis millies sestertiūm, hoc est, milliones, ut loquatur, viginti. De Thra-

sea vide Epigram. 9. Lib. I.

Meliore. Melior nomen est proprium civis Romani ob lautitias & elegantiam celeberrimi. *Nitido.* Mundo, compto, elegante.

9. Lachesis nunquam quidquam addit ad lanam quā colum instruxit, sed eā demum tota tractā, quātulacūque sit, exhaustaque, pereundum est.

Penso. Est pensum, lana vel cannabis in oblongum glomū convoluta, & circa colum summam illigata, unde fufus trahitur.

Fufos explicat. Parca de tribus, quæ filum secat, ea fufos explicat, id est, jubet quiescere, absoluto penso; vel evolvit ac recognoscit quantum fili tractum fuerit.

XLIII.

Laus quarundam Hispaniæ urbium.

1. Luci, gloria temporum tuorum,
2. Qui Grajum veterem, Tagūmque nostrum
3. Arpis cedere non finis disertis:
4. Argivas generatus inter urbes
5. Thebas carmine cantet, aut Mycenæ,
6. Aut claram Rhodon, aut libidinosa
7. Lædæas Lacedæmonis palestras:
8. Nos Celtis genitos & ex Iberis
9. Nostræ nomina duriora terræ
10. Grato non pudeat referre versu;
11. Sævo Bilbilin optimam metallo,
12. Quæ vincit Chalybāsque, Noricósque;
13. Et ferro Plateam suo sonantem,
14. Quam fluctu tenui, sed inquieto,
15. Armorum Salo temperator ambit;
16. Tutelāmque, chorósque Rixamarum,

17. Et convivia festa Carduarum,
 18. Et textis Peteron rosis rubentem,
 19. Atque antiqua patrum theatra Rigas;
 20. Et certos jaculo levi Silaos:
 21. Turgentisque lacus, Petusiæque,
 22. Et parvæ vada pura Vetonissæ:
 23. Et sanctum Baradonis ilicetum,
 24. Per quod vel piger ambulat viator:
 25. Et quæ fortibus excolit juvencis
 26. Curvæ Manlius arva Matinessæ.
 27. Hæc tam rustica, delicate lector,
 28. Rides nomina? rideas licebit.
 29. Hæc tam rustica malo, quàm Bitontum.

V E R S. 1. 2. 3. O Luci, qui non pateris Hispaniam Apuliæ quidquam concedere, qui Horatio nihil decedis. Pro voce *Tuorum* habent codices aliquot vetusti *Duorum*, nempe præteriti & præsentis.

Luci. Fuit iste Lucius, Hispanus poëta Lyricus, qui Horatium est imitatus: floruit sub Domitiano.

Grajum. Est Grajus fluvius Hispaniæ: veterem vocat, quia à veteribus dictus erat Grajus, à recentioribus Graivius est nuncupatus.

Tagum. Fluvius est Hispaniæ clarissimus, *Tago*.

Nostrium. Martialis fuit Hispanus, nempe Bilbilitanus.

Arpi. Urbs Apuliæ Dauniae, nunc diruta: Horatius autem Apulus fuit, natus Venusii. Hinc Arpos desertos vocat.

4. Vates Græcus, vates aliquis, inter Græcas urbes natus, celebret sanè urbes Græ-

cas, ut Thebas, Mycenæ, &c. nos, qui Celtiberi sumus, decet urbes Hispanas laudare.

5. *Thebæ.* Urbs Bæotiæ, patria Pindari: hodie *Stives*. Mycenæ, sunt in Peloponneso; nunc, *Agios Adrianos*.

6. *Rhodon.* Rhodus, *Rhodo*, insula maris mediterranei è regione Ciliciæ, olim soli sacra.

7. *Ledeas, &c.* Palæstras & certamina instituta ab Castore & Polluce Ledæ filiis, in urbe Lacedæmone, Veneri consecrata, & deliciis dedita. Ep. 49. Lib. 1.

Bilbilin. Vide Epigr. 43. Lib. 1. ubi etiam agitur de Celtiberis, & variis Hispaniæ locis.

11. *Metallo.* Ferro.

12. *Chalybas* Populi sunt ad Pontum Euxinum, apud quos ferri cognominis genus eruitur. *Norici*, sunt populi Germaniæ Grisonibus, seu Rhetis finitimi. *La Baviera, la Suaba*.

13. 14. 15. Et Plateam (urbem Hisp.) cujus in officinis sonantibus, ferrum elaboratur: quam ambit fluvius Salo, qui ad laminas ensium tingendas & temperandas plurimum valet.

16. Et Rixamas gaudentes choreis; Carduanos, sive Carduas, conviviiis.

18. *Textis*. In coronas.

19. Et Rigas, ubi majores nostri sua solebant edere spectacula, propter nobile illius urbis theatrum.

20. *Certos jaculo*. Qui à signo non aberrant, cum jaculantur.

23. *Illicetum*. Locum illicibus confitum; sanctum vo-

cat, fortasse, quia numini alicui consecratum, aut quia incædum & inviolatum ferro.

24. Cujus amenitate captus viator et si fessus & languidus, cum voluptate tamen ambulat. An quia locus hic declivis & pronus erat, ut vult Brodæus?

25. *Manlius*. Nomen populi, ad urbem Matineffam: aut unius ex amicis Martialis.

29. *Bitontum*. Oppidulum Apuliæ, quod asperitate nominis, & suâ tenuitate videtur meritis istis Hispaniæ locis concedere, nunc *Bitonto*. Malo meam Hispaniam, quàm Italianam.

XLIV.

Munera insidiosa.

1. Munera quòd senibus, viduísque ingentia mittis,
2. Vis te munificum, Gargiliane, vocem?
3. Sordidius nihil est, nihil est te spurcius uno,
4. Qui potes insidias dona vocare tuas.
5. Sic avidis fallax indulget piscibus hamus;
6. Callida sic stultas decipit esca feras.
7. Quid sit largiri, quid sit donare docebo:
8. Si nescis; dona, Gargiliane, mihi.

V. 4. *Insidias*. Quia istis muneribus captas hereditates senum & viduarum.

5. *Indulget*. Se offert blandè, ac permittit fruendum:

eos laetatur, fallitque incautos.

8. *Mihi*. Qui tibi nihil remetiri possum & rependere, à quo nihil speras.

XLV.

Tibur Baiis, per æstatem, præstat.

1. Dum nos blanda tenent lascivi stagna Lucrini,
2. Et quæ pumiceis fontibus antra calent:

3. Tu colis Argivi regnum, Faustine, coloni,
4. Quò te bis decimus ducit ab urbe lapis.
5. Horrida sed fervent Nemeæi pectora monstri,
6. Nec satis est Bajæ igne calere suo.
7. Ergo sacri fontes, & littora grata valete,
8. Nympharum pariter, Nereidumque domus:
9. Herculeos colles gelidâ vos vincite brumâ,
10. Nunc Tiburtinis cedite frigoribus.

VERB. 1. *Lasivi*. Ob loci nimirum delicias & amenitatem.

Lucrini. Vide Libro I. Ep. 34.

2. Et Bajæ aquæ, scaturientes è pumicibus sive topis, hoc est, exesis & spongiosis lapidibus ac speluncis. Sunt Bajæ aquæ calidæ De illis actum Lib. I. Ep. 51.

3. Tu degis Tibure quod condidit, & ubi regnavit Argivus colonus, nimirum Catillus è Græcia veniens. Fuit ille Amphiarai filius, tresque filios in Italia suscepit, Tiburtum, à quo nomen Tiburtinæ urbi fecit, Coram, & Catillum. Tibur, nunc *Tivoli*, urbs Latii.

Coloni. Colonus interdum significat agricolam, nempe qui agrum colit: interdum hominem qui ex aliena & remota regione venit ad locum aliquem incolendum & frequentandum: inde Colonæ

loci ejusmodi appellantur.

4. Quæ tua villa Tiburtina distat ab urbe 18. millibus passuum. Vide Ep. 16. lib. 3. Hoc spatium est leucarum Gallicarum admodum sex.

5. 6. Sed ingens fervet æstus, Augusto mense, quo sol ingreditur signum leonis: & calor aquarum Bajæ calorem aëris geminatur.

Nemeæi. Vid. ep. 5. lib. spect. & 48. hujus. Porro in leonis pectore insignis est stella quæ vocant cor leonis, & quam hic appellat pectus leonis.

8. *Nereidum*. Sunt filię Nerei, & Doridis: Bajæ autem in littore Campano. Nymphę, sunt Dę præsides fontium.

10. Sanè patiar vos vincere Tibur sacrum Herculi, quando sæviet bruma; at nunc per æstatem, Tibur vobis præferendum est, propter frigus, & ventos quibus utpote situm in colle, est expositum.

XLVI.

Lacrime suspectæ.

1. In tenebris luges amissum, Galla, maritum:
2. Nam plorare pudet te, puto, Galla, virum.

VERS. 2. Nam putas esse imbellis animi palam & luce plorare: vel; plorare muliebriter virum tam fortem & generosum. Euge! laudo fortitudinem. Latet hinc ironia:

videtur enim eam laudare & excusare, quod non fugeat palam mariti mortem: cum tamen innuat eam ideo non plorare, quia virum v. g. gaudet esse mortuum.

XLVII.

Viperæ sepulcrum.

1. Flentibus Heliadum ramis dum vipera repit,
2. Fluxit in obstantem succina gutta feram:
3. Quæ dum miratur pingui se rore teneri;
4. Concreto riguit vincta repentè gelu.
5. Ne tibi regali placeas, Cleopatra, sepulcro,
6. Vipera si tumulo nobiliore jacet.

VERS. 1. Dum è populi ramis viscosus humor defluit, serpebat vipera per ramos madentes.

Heliadum. Sorores Phaëthontis Heliades vocabantur, quia erant filiae solis, qui à Græcis Ἡλίοις dicitur. Earum lacrimas electrum poetæ vocant. Vide supra Ep. 25.

2. *Obstantem.* Ex adversa parte in ramo prorepentem.

Succina. Succinea. Succinum, idem est atque electrum: *ambra.*

4. *Gelu.* Electri viscoso humore, qui dum ex arbore defluit, est liquidus, mox verò induratur, tanquam gelu, & concrevit.

5. *Cleopatra.* Ægypti regina, uxor M. Antonii, ab Augusto victa ad Actium, quæ tibi admotis colubris necem conscivit, & magnifico sepulchro est condita.

XLVIII.

Mors loco nullo exclusa.

1. Ardea solstitio, Pæstanaque rura petantur,
2. Quique Cleonæo fidere fervet ager:
3. Cum Tiburtinas damnet Curiatius auras,
4. Inter laudatas ad Styga missus aquas.
5. Nullo fata loco possis excludere; cum mors
6. Venerit, in medio Tibure Sardinia est.

VERS. 1. 2. Possumus impunè jam petere Ardeam, æstare cal diffimâ, & Pæstum, & alia loca nimis infesta caloribus.

Ardea. Est urbs antiqua Latii; Pæstum, *Pesto*, *Lucania*: ambæ in Italia. Pro Pæstana, legitur etiam *Castrana*, *Castrum*, *Castro* urbs

eiusdem Italiæ non una fuit eodem appellata nomine. Sūt qui putent hic agi de Castro Inui, quod erat oppidulum Latii, non procul Ardea.

Solstitio. Tempore solstitii. Sic appellatur tempus illud quo sol videtur quasi stare, nempe mense Junio cū attigit tropicum Cancrī; & mense Decembri, cū est in tropico Capricorni: tunc enim dies ita lentē crescunt, aut decrescunt, ut vix sentias. Solstitium, si vox ea sola sit, pro æstivo ferē sumitur, quando calor gravissimus est, sole verticibus propemodum nostris imminente.

2. *Cleonæo.* Cleonæ, urbs est prope Nemeam silvam, ubi Hercules famosum leonem interemit, qui eam ob

rem vocatur etiam Cleonæus. Ille in sidera relatus est, interque 12. Zodiaci signa numeratur quintum: illi subest sol mense Augusto.

3. 4. Siquidem Curiatius Tiburtinum cælum, quod per æstatem ob frigidās auras videbatur saluberrimum, expertus est pestiferum & exitiale, mortuus nimirum cū uteretur frigidis ejus loci aquis & balneis, aliās laudatissimis.

7 *Sardinia.* Insula maris mediterranei, ad latus Siciliae, *Sardegna.* Ibi cælum est gravissimum. Sensus igitur est: locus saluberrimus, quale est Tibur, evadet tibi pestilens, qualis est Sardinia; cū hora fatalis advenit.

XLIX.

In garrulum ostentatorem.

1. Donaſſe amicum tibi ducenta, Mancine,
2. Nuper ſuperbo lætus ore jactaſti.
3. Quartus dies eſt, in ſchola poëtarum
4. Dum fabulamur, millibus decem dixti
5. Emptas lacernas munus eſſe Pompillæ:
6. Sardonycha verum, lineisſque ter cinctum,
7. Duasſque ſimiles fluctibus maris gemmas
8. Dediſſe Baſſam, Cæliamque juraſti:
9. Herè de theatro, Pollione cantante,
10. Cū ſubitò abires, dum fugis, loquebaris
11. Hereditatis tibi trecenta veniſſe,
12. Et manè centum, & poſt meridiem centum.
13. Quid tibi ſodales fecimus mali tantū?
14. Miſerere jam crudelis, & ſile tandem:
15. Aut, ſi tacere lingua non poteſt iſta,
16. Aliquando narra, quod velimus audire.

VERS. 1. *Ducenta* Sestertia nimirum; libras Francicas 20000.

3. *Schola poëtarum*. Locus erat, in quem ad recitandum poëtae conveniebant, aut ad legenda & emendanda carmina, &c. Ibi, dum homines convenirent, commodè, prolixèque garriebatur. Quarto igitur ab hinc die, cum in eo loco essemus, dixisti: &c.

4. Dixisti lacernas tuas quæ emptæ essent decem millibus sestertiūm, tibi esse datas muneri à Pompilla quadam. Mancini fortasse erat clienta, aut vidua dives.

Millibus decem. Sestertiis decem majoribus, sive decem millibus minorum sestertiorum, hoc est, libris Francicis 2000.

Lacernas De his actum Epig. 2. hujus Libri.

6. *Verūm*. Ægrè Sardonyx verus à falso & fucato distinguitur. Est gemma, duarum aliarum colorem refe-

rens, nempe sardi, suberbrum; & onychis, album.

Lineis. In hac gemma sunt lineolæ quædam nigrae, candidæ, & miniatæ.

6. Et duos smaragdos, qui sunt vitrei & marini coloris.

9. 10. Heri cum abires, inò fugeres, è theatro, in quo canebat Poillio ille insignis citharædus, dicebas tibi obvenisse hereditatis nomine trecenta millia (sunt nummi Francici 30000. & eadem die matutinis horis centum millia sestertiūm, (librae sunt Francicae 10000.) ac post meridiem altera centena millia, tibi felici casu obtigisse.

16. *Quod velimus*. Dic te muneris aliquid nobis è tot bonis largiri, hoc alacres accipiemus totis auribus & animis: vel, narra tibi aliquid infortunii accidisse: id nobis erit auditu jucundius.

L.

Formæ studium.

1. Tibur in Herculeum migravit nigra Lycoris,
2. Omnia dum fieri candida credit ibi.

V. 1. 2. *Tibur*. Vide Ep. 45. 48. Ebur candidius fieri, frigidissimâ Tiburis aurâ vulgò dicebatur: hoc audiens Lycoris, mulier deformis ac fusca, Tibur petivit. Sed fru-

stra. Tibur nigra petiit, nigra Tibure discessit.

Herculeum. Ita vocatur ob insigne sanum Herculis ibi extructum. Est simillimum Epigramma 13. Lib. VII.

LI.

Naufragium.

1. Dum petit à Baulis mater Cærelia Bajas,
2. Occidit

2. Occidit insani crimine merfa freti.
3. Gloria quanta perit vobis! hæc mōstra Neroni
4. Nec quondam jussæ præstiteratis aquæ.

VERS. 1. *Baulis*. Bauli, villa erat inter Baias & Misenum promontorium: nunc *Bauli*, vel *Bagola*.

Mater. Vel, matrona; vel, ut à filia ejusdem nominis distinguatur.

3 4. O mare, quantam consequi gloriam potuisses, si foeminam probitatis adeo spectatae servasses! Peperceras olim Agrippinæ Neronis matri, mulieri sceleratae, cum eam Nero mergi jussisset: cur Cæreliam immerentem nunc merfisti?

Hæc monstra, Hæc naufr-

gis, hæc scelera.

Neroni. Olim ad Baulos Nero matrem suam Agrippinā jusserrat mergi, excogitato solutuli & machinoso navigio, quod repente laxatum in mediis fluctibus eam destitueret: ut narrat Svetonius in Nerone cap 34. Agrippina tamen nando evasit. Sic illā jussæ aquæ non oppresserunt, quæ nunc Cæreliam injuste & injustæ mergunt.

Præstiteratis. Præstare aliquid alicui, interdum est aliquid in ejus gratiam facere, eū aliquo beneficio devincire.

LII.

Villa & hortus amœnissimus.

1. Julî jugera pauca Martialis,
2. Hortis Hesperidum beatiora,
3. Longo Janiculi jugo recumbunt.
4. Lati collibus eminent recessus;
5. Et planus modico tumore vertex
6. Cælo perfruitur serenior;
7. Et curvas nebulâ tegente valles
8. Solus luce nitet peculiari:
9. Puris leniter admoventur astris
10. Celsæ culmina delicata villæ,
11. Hinc septem dominos videre montes,
12. Et totam licet æstimare Romam:
13. Albanos quoque Tusculósque colles,
14. Et quodcunque jacet sub urbe frigus;
15. Fidenas veteres, brevésque Rubras;
16. Et quod virgineo cruore gaudet
17. Annæ pomiferum nemus Perannæ.

18. Illic Flaminiae, Salariaeque
 19. Gestator patet, effedo tacente,
 20. Ne blando rota sit molesta somno;
 21. Quem ne rumpere nauticum celeusma,
 22. Nec clamor valet helciariorum:
 23. Cum sit tam prope Milvius, sacrumque
 24. Lapsae per Tiberim volent carinae.
 25. Hoc rus, seu potius domus vocanda est,
 26. Commendat dominus; tuam putabis,
 27. Tam non invida, tamque liberalis,
 28. Tam comi patet hospitalitate.
 29. Credas Alcinoi pios Penates,
 30. Aut facti modò divitis Molorchi.
 31. Vos nunc omnia parva qui putatis,
 32. Centeno gelidum ligone Tibur,
 33. Vel Præneſte domate, pendulamque
 34. Uni dedite Setiam colono:
 35. Dum, me iudice, præferantur istis
 36. Julii jugera pauca Martialis.

VERS 1. *Julii*. Julius iste Martialis, erat amicus M. Val Mart. poetæ nostri.

2. *Hesperidum*. Vide Librum Spectac. Ep. 20.

3. *Janiculi*. Mons Janiculus, nunc *Montorio*, ad pontem usque Milvium extra Romam porrigitur: in eo arx Romæ nascentis posita. Nomen à Jano habuit.

4. In collibus fummis, spatia campi lata & solitaria eminent, ubi est villa Julii Martialis cælo vicinior.

11. *Septem*. Aventinum, Capitolinum, Cælium, Esquilinum, Palatinum, Quirinalem, Viminalem, quibus Roma, rerum Domina, imposita: *Dominos colles*.

12. *Æstimare*. Nempe,

quanta sit, quàm latè pateat, judicare.

13. Ex eodem loco licet oculis lustrare Albanos colles, Tusculanos, & quæcunque loca editiora & frigidiora sunt prope urbem: imo ipsas Fidenas, Romæ antiquiores. Fidene, urbs in Latio fuit, nunc vicus, *Castel Giubileo* dictus. Rubrae, vel Saxa Rubra, locus Etruriæ, in agro Vejentino, nunc *Grotta Rossa*.

16. Et nemus Aricinum, Annæ Perannæ sacrum, ubi victimarum loco immolantur virgines. Testatur enim Strabo, in luco Aricinæ Dianæ, in quo etiam Anna hæc Peranna colebatur, facta fuisse sacrificia, similis illis, quæ

fiabant Tauricæ Dianæ, in quibus immolabantur homines.

17. *Anne Peranne*. Hæc ab Ovidio dicitur fuisse soror Didonis, quæ Æneam secuta sit in Italiam; postea autem Lavinia odio & insidiis vexata, sibi sponte necem consciverit, ac subinde pro Deâ culta fuerit.

18. *Exc.* Ex hac villa proficiuntur qui lecticas gestant, effeda quæ trahuntur per viâ Flaminiam & Salariam: non tamen auditur strepitus rotarum, nec somnum interpellant: uti nec nautæ, se suis clamoribus cohortantes ad remigandum, aut qui navim adverso flumine trahunt in ripa, licet villa non procul distet à Ponte Milvio, & Tiberi.

Flaminia. Ab urbe per Tuscaniam, Umbriam, Ariminum usque hæc via pertinebat. Strata fuerat à C. Flaminio consule, qui ad lacum Trasymenum ab Annibale cæsus fuit.

Salaria. Via Salaria sic dicta est, quia per eam Sabini saltem à mari deferrebant Romanam.

Gestator. Servi lecticas deferentes: *Patet*. Aspicitur totus. *Effedo*. Ep. 83. lib. 1.

21. *Celeusma*, sive celeuma. Lege Ep 53. Libri III.

22. *Helciariorum*. Helciarum dicuntur, qui onus aliquod junctis viribus moluntur, ac trahunt helciis, id est, funibus, aut vectibus, à verbo ἑλκω, aut ἑλκύνω, traho; qui

naves subducunt, &c.

23. *Milvius*. De Ponte illo dictum Ep. 12. Lib. III.

Sacrum. Quia pro Deo colebatur Tiberis, uti alia flumina.

25. 26. *Exc.* Hoc rus, hanc villam, sive potius domum ornatissimam, & nībanæ simillimam, facit ornatiorē ipse dominus, qui in eam hospites omnes admittit sic, ut suam quisque esse putet.

29. *Alcinou*. Fuit ille rex Phæacum in insula Corcyra. *Corfū*, ubi hortos habebat præstantes. Penates, Dii erant domestici, pro ipsa domo ponuntur, quam piam appellat hoc in loco vates, quia Ulyssē naufragio ejectum excepit Alcinous, ut Homerus narrat.

30. *Molorchi*. Fuit pauper pastor in silva Nemea, qui Herculem, leonis debellandi causâ illuc venientem, hospitio excepit. Domitianus juxta Herculis templum à se magnifico luxu extructum in Latia via, sacellum addidit huic Molorcho sacrum, donariisque ornavit; hinc *dives modò factus* dicitur.

31. *Exc.* Ite nunc vos, ô lauti homines, quibus omnes villæ sordent, tanquam exiguae, præ vestris ingentibus latifundiis, arate & colite, per me licet, centum aratris, & centum ligonibus, Tiburtina vestra prædia, & Prænestina; imo totum agrum Setinum obtinete, & uni è vestris villicis tradite: ego istis omnibus parvam [ul. Martialis

1e/2
villam antepono. De Tibure
diximus supra Epig. 45. 50.
Præneste, urbs Latii, nunc
~~Palæstrinam~~. nuncupatur.
34. *Setiam*. Urbem in

extrema Latii parte, pos-
tam in colle, & quasi pen-
dulam, nunc *Sezza*; huius
ager optimo vino abunda-
bat.

LIII.

In luscam.

1. Oculo Philænis semper altero plorat:
2. Quo fiat istud quæritis modo? lusca est.

VERS. 2. *Lusca est*. Ita. I non potest, quia unum tan-
que oculis duobus plorare I tūm habet.

LIV.

Decoctor.

1. Egisti vitam semper, Line, municipalem,
2. Quā nihil omnino vilius esse potest:
3. Idibus, & raris togula est excussa Kalendis,
4. Duxit & æstates synthesis una decem:
5. Saltus aprū, campus leporē tibi misit inēptum;
6. Silva graves turdos exagitata dedit:
7. Raptus flumineo venit de gurgite piscis,
8. Vina rubens fudit non peregrina cadus:
9. Nec tener Argolicā missus de gente minister,
10. Sed stetit inculti rustica turba foci:
11. Nec nocuit tectis ignis, nec Sirius agris;
12. Nec merfa est pelago, nec fluit ulla ratis:
13. Supposita est blādo nunquam tibi tessera talo,
14. Alea sed parcæ sola fuerē nuces.
15. Dic ubi sit decies, mater quod avara reliquit?
16. Nusquam est: fecisti rem, Line, difficilem.

la
li
VERS. 1. *Municipalem*. So-
briū, agrestem, qualis de-
gitur in municipiis. Erant op-
pida donata jure civitatis,
quorum proinde incolis ea-
dem licebat capere munia, &
magistratus gerere, qui Ro-

mæ gerebantur.

2. *Vilius*. Parcius, angu-
stius: minus sumptuosum. Sic
Lib. VII. Ep. 24. scribit: *Vi-
lius esurio*, id est, minore
sumptu.

3. Togulā tantūm usus es

festis Kalendarum & Iduum diebus, idque raro. Kalendæ, prima dies mensis, ita dictæ à verbo *καλῶ*, *voco*, quod Pontifex ubi nascentem primum lunam observasset, (utebantur enim prisci Romani lunari mense, licet imperfecto) vocaret plebem in Capitolium, eique denunciaret quot dies ad Nonas usque superessent, quinque an septem. Idus in medium ferè mensem incidebant, eumque in duas partes quia dividebant, dictæ sunt Idus ab Etrusca voce *idurare*, hoc est, dividere.

Togula. Brevis & arcta toga, qualis pauperes decet.

Excussa. Explicata, educta ex arca; cum educuntur vestes, in arculis diu servatæ, solent excuti ad purgandum pulverem. Porro, prima cujusque mensis die solebant certa fieri sacrificia; populus ad ea togatus conveniebat: raro tamen toga sumebatur in municipiis.

4. Et una synthesis per annos decem te vestivit: duravit.

Synthesis. Vestis genus, de quo sæpe dictum. Vide supra, Ep. 36.

5. *Saltus*. Silva, in qua feræ & venatio.

6. *Graves*. Pingues. *Exagitata*: venatorum, canum, cursu, clamoribus.

8. *Rubens*. Et à vini colore, & à colore testæ igne coctæ, ex argilla enim fiebant vulgò dolia.

9. 10. Non stetit ad men-

sam tibi minister & pincerna elegans, è Græcia petitus, sed agrestes pueri & vernæ, assidere ad focum soliti.

11. *Sirius* Signum cæleste, aliter dictum Canicula. Sensus est: non exustæ sunt domus tuæ incendio fortuito, non agri caloribus æstivis totiti. Agris enim & ædibus caruisti.

12. *Nec fluit*. Ne ulla ratis, quæ tua sit, in pelago est, & in periculo naufragii.

13. Nunquam lucri causâ mutasti talum tesserâ: lusisti duntaxat nucibus, qui puero- rum tali ac tesseræ dici possunt.

Tessera. Est cubus seu ebur ab omni parte quadratum & certis notatum punctis, *un de un dado*. Talus, *osselet*, quatuor tantum facies habet, sic dictus, quia speciem habet ac formam officuli quod in talo est. Talis potissimum ludebant animi causâ: interdum supponebant illis tesseras, id est, relictis talis ludebant tesseris, lucri causâ: quia talorum ludus minoris aleæ, id est, lucri, damni-ve, quàm tesserarum.

15. *Decies*. Libræ Francicæ 100000. Scutati Rom circiter 22500.

16. Amisisti tã lautum patrimonium: certè videbatur difficilius illud amittere, quàm servare. Quo pacto cum ista parsimonia, in hac municipali & frugali vita, tantas opes amittere potuisti, & è ditissimo fieri pauperimus? Multum in eo sanè laborandum

tibi fuit. Aut etiam pauper- | madmodum opes, facultates
tas vocatur res difficilis; que- | dicimus.

L V.

Amicus illiberalis.

1. Prætorem pauper centum sestertia Gaurus
2. Orabat canâ notus amicitia.
3. Dicebatque suis hæc tantum deesse trecentis,
4. Ut posset domino plaudere justus eques.
5. Prætor ait: scis me Scorpo, Thallóque daturum;
6. Atque utinam centum millia sola darem!
7. Ah pudet ingrati, pudet ah malè divitis arcæ:
8. Quod non vis equiti, vis dare, Prætor, equo.

V. 1. *Prætorem*. Prætor, magistratus apud Romanos fuit, à consule secundus. Illius munus erat jus dicere. Cùm enim consules, quibus id principio muneris datum, sæpe ab urbe abesse cogeren-
tur, Prætor unus creatus est anno urbis! 387. Anno verò 510. alter additus, qui peregrinis jus diceret. Crevit ille postea numerus usque ad 14.

Centum sester. Libras 10000.

2. *Canâ*. Veteri.

3. Dicebat hanc tantum summa deesse trecentis, quæ jam habebat, sestertiis, ut eques esset justus, hoc est, ut justum ac legitimum censum haberet, ac sedens inter Equites in theatro, posset Imperatori venienti plaudere. Moris erat plausu læto excipere viros nobiles in theatrum prodeuntes.

Justus. De variis equitum generibus dixi Ep. 57. Lib. 3. Cautum erat ne justus equi-

tes, id est, qui tales essent censu, non tantum honoris ergo, & nomine tenus, minus 400. sestertiis haberent in censu; id est, nummos Francicos 40000.

5. *Scorpo*. Scorpis auriga erat celeberrimus; Thallus etiam: suas illi factiones habebant in circo, &c. Vide Lib. X. Ep. 46. in quo multa de illo Scorpo.

6. Atque utinam darem illis tantum centum millia sestertios, sive centum sestertia! at multò plura mihi danda esse video.

7. Pudet me tui, ô Prætor, qui tam sis ingratus erga veterem amicum; qui tam malè tuas opes expendas; qui equum equiti anteponas.

8. *Equo*. Equis Scorpi, Scorpo ipsi, ut equos alat, ut nitentes ac celeres habeat: ut in equo ereo sedens ponatur: id enim honoris illi aurigæ datum fuit.

LVI.

Cœna invidenda.

1. Invitas centum quadrantibus, & bene cœnas:
2. Ut cœnem invitor, Sexte, an ut invideam?

VERS. 1. Invitas me ad cœnam, promissis mihi centum quadrantibus, (ea vulgò summa sportulæ erat, ut diximus) tu lautè cœnas, ego in eadem tecum mensa spectator otiosus accumbo: an invitas me ut cœnem, an ut te videam, & tibi felici miser invideam? Clientes pauperes quibus dabatur sportula, eam non ante accipiebant quàm interfuissent cœnæ di-

vitis, à quo sportulâ donabantur, erantque convivæ quasi honorarii, & invitabantur certo interdum pretio præter sportulam dato, ut patet ex Ep 24. & 47. Lib. III. Quia in ejusmodi cœna nihil, aut perparum è ferculis attingebant, sed præsentiam tantum suam mensam divitis comestabant. De sportula egimus Epig. 51. Libro I. & Ep. 6. Lib. III.

LVII.

Lagena pestifera.

1. Tu Setina quidem semper, vel Massica ponis,
2. Pamphile: sed rumor tam bona vina negat:
3. Diceris hâc factus cælebs quater esse lagenâ;
4. Nec puto, nec credo, Pamphile, nec sitio.

VERS. 1. *Setina*. De Setina vide Ep. 52. hujus Libri. 2. Sed rumor est nō esse, ut ais, Massica aut Setina, sed toxica & vina veneno infecta. De vino Massico leges Ep 25. Lib. I.

3. Ajunt te isto vino tres

jam tuas uxores necavisse.

Cælebs. Qui caret uxore.

4. Id verum esse non puto, non tamen te mihi & meam vitam credo; malo famæ quàm experientiæ meæ credere: valeas cum vino tuo.

LVIII.

Filius pius.

1. Nihil Ammiano præter aridam restem
2. Moriens reliquit ultimis pater ceris.
3. Fieri putaret posse quis, Maronille,
4. Ut Ammianus mortuum patrem nollet?

V. 1. *Restem*. Quâ se su-
spenderet. Eum exhereda-

vit pater illi malè precatus. Solebant iis verbis impre-

cando uti . *Restem & clavum, quibus collum alliget. Subaudi, relinquo.*

2. *Ceris ultimis.* In testamento suo. Scribebant enim in tabulis cerâ obductis.

3. Sanè dubium nemini est, quin doleat vehementer

Ammianus de morte patris. Videtur poëta ejus laudare pietatem; cujus improbitatem notat, quippe quæ fuerit in causa cur ipsum pater exheredaverit. Vel, simplicius: dolet, non mortuū patrē, sed sibi ademptam hereditatē fuisse.

LIX.

Suos Quinto libros negat.

1. Exigis, ut donem nostros tibi, Quinte, libellos:
2. Non habeo; sed habet bibliopola Tryphon.
3. Æs dabo pro nugis, & emā tua carmina sanus?
4. Non, inquis, faciam tam fatuè; nec ego.

VERS. 3. Fingitur ipse Quintus loqui. Egone ut istas nugas pretio emptas velim? certè insanirem.

4. *Nec ego.* Respondet Martialis; neque ego tam fatuè faciam, ut gratis illos tibi donem.

LX.

Amicus moriens.

1. Cùm gravis extremas Vestinus duceret horas,
2. Et jam per Stygias esset iturus aquas:
3. Ultima volventes oravit pensa sorores,
4. Ut traherent parvâ stamina pulla morâ;
5. Jam sibi defunctus, caris dum vivit amicis:
6. Moverunt tetricas tam pia vota Deas.
7. Tum largas partitus opes, à luce recessit;
8. Sèque mori post hoc credidit ille senem.

VERS. 1. *Gravis. Æger:* gravi morbo affectus.

4. Ut adhuc exiguo temporis spatio lanam è ferali colu trahere pergerent: ut nondum stamen & filum præciderent. Vide supra Ep. 42. ubi de Parcis plura.

Pulla. Nigra. Parcas fingebant albam lanam è colu ducere, si homo victurus

erat: nigram, si moriturus.

5. Mortem nihil suâ causâ timens, nec vivere sibi optans, sed amicis, ut iis bona sua largiretur.

8. *Senem.* Satis se vixisse, hoc factò, credidit: nihil superesse melius quod faceret, etiamsi ad summam usque senectutem perveniret.

LXI.

Damarum pugna.

1. Aspicias, imbelles tentent quàm fortia damæ
2. Prælia? tam timidis quanta sit ira feris?
3. In mortem parvis concurrere frontibus audent:
4. Vis, Cæsar, damis parcere? mitte canes.

VERS. 4. *Mitte canes.* | bus exitio esse vulgò solent.
 Damas enim diriment canes, | Damæ, sunt capræ quædam
 & cogent pugnam omittere, | silvestres, imprimis meticu-
 atque ita fervabunt eas, qui- | losæ.

LXII.

Uxor non sibi tantum, sed viro dives.

1. O felix animo, felix, Nigrina, marito,
2. Atque inter Latias gloria prima nurus!
3. Te patrios miscere juvat cum conjuge census,
4. Gaudentem socio participique viro.
5. Arserit Evadne flammis injecta mariti,
6. Nec minor Alcestin fama sub astra ferat:
7. Tu meliùs certo meruisti pignore vitæ,
8. Ut tibi non esset morte probandus amor.

V. 1. O Nigrina felix, quòd
 hunc maritum habeas, quod
 eo erga illum animo sis.

2. *Nurus.* Propriè est uxor
 filii: hic pro uxoribus qui-
 buslibet accipitur.

3. Tu communicas cum
 marito tuo patrimoniũ tuum,
 & gaudes habere illum so-
 cium & participem tuarum
 opum. Marito non licebat
 per leges participem esse pa-
 trimonii uxoris, ex qua libe-
 ros non suscepisset.

5. Celebretur, per me li-
 cet, amor Evadnes, quæ se
 in rogam viri vivam iniecit,
 ejus desiderium non ferens.

Evadne. Conjux Capa-

nei, Græcorum ducis, in op-
 pugnatione Thebarum cæsi.

6. *Alcestim.* Admeti con-
 jux fuit, quæ cùm audivisset
 denunciata atque indictam
 ab oraculo fuisse mortem Ad-
 meto, nisi locum illius & vi-
 ces aliquis subiret, ipsa se
 morti libens obtulit & mariti
 vitam redemit suã.

7. Dedisti certum amoris
 tui pignus, ac documentum,
 nempe istam tuam liberalita-
 tem, licet vita tibi superstes
 maneret: neque opus tibi,
 ut illis mulieribus, fuit mi-
 sera mortis conditio, quæ
 amorem tuum erga maritum
 probares.

LXIII.

Quomodo sit petendum.

1. Millia misisti mihi sex, bis sena petenti:
2. Ut bis sena feram, bis duodena petam.

VERS. 1. 2. Petebam à te | petrem & auferam à te duo-
 duodecim sestertia (sunt nū- | decim, petam viginti qua-
 mi Francici 1200.) tu sex | tuor; alterum tantum po-
 tantum dedisti: aliàs ut im- | stulabo.

LXIV.

Cur dives esse velit.

1. Nunquam divitias Deos rogavi,
2. Contentus modicis, meoque lætus.
3. Paupertas, veniam dabis, recede:
4. Causa est quæ subiti, novique voti?
5. Pendentem volo Zoilum videre.

VERS. 4. Cur ergo muta- | dolore & invidia se suspen-
 ta nunc voluntate dives esse | dat, cum me divitem as-
 vola? Nempe ut Zoilus præ | piciet.

LXV.

Cæna dives at jejuna.

1. Ad cœnam nuper Varus me fortè vocavit:
2. Ornatus dives, parvula cœna fuit.
3. Auro, non dapibus oneratur mensa; ministri
4. Apponunt oculis plurima, pauca gulæ.
5. Tunc ego; nō oculos, sed ventrem pascere veni,
6. Aut appone dapes, Vare, vel aufer opes.

V. 2. Ornatus Apparatus. | tem vasa aurea, &c. Ludit
 5. Tunc ego. Subaudi, cepi | in gemina voce simili, da-
 dicere. | pes, opes. Lege epigram-
 6. Opes. Ornatum divi- | ma 42. Libri VII.

LXVI.

In Ardelionem.

1. Condita cum tibi sit jam sexagesima messis,
2. Et facies multo splendeat alba pilo:
3. Discurre totâ vagus urbe; nec ulla cathedra est,

4. Cui non manè feras irrequietus ave:
5. Et sine te nulli fas est prodire tribuno,
6. Nec caret officio consul uterque tuo:
7. Et sacro decies repetis pallatia clivo,
8. Sigeriósque meros, Partheniósque sonas.
9. Hæc faciant sanè juvenes: deformius, Afer,
10. Omnino nihil est ardelione sene.

V E R S. I. Cùm annos jam sexaginta sis natus. Messem condere, est, eam in horrea devehere.

3. Per totam urbem circumcurfas patronos potentiores salutaturus, nec ullus est paulò spectatior, aut diti-
tior, nulla orba, aut vidua in cathedra domi sedens, ut sal-
utantes excipiat, quam non invisas.

5. *Tribuno.* Nullum Tribunum pateris prodire domo, quem non affecteris, deducas, &c. Tribunus plebis erat magistratus in gratiam populi creatus, ut ejus utilitatibus, rationibusque consuleret.

Erant alii Tribuni militares, in exercitu, de quibus vide Lib. III. Ep. 56.

6. *Officio.* Officiosus salutationibus, urbanitate multa.

7. Decies per viam sacram redis ad palatium Imperatoris. Clivus, est locus, aut via declivis & prona. Via sacra dicebatur ea, quæ ad Jovis templum in Capitolio positum ducebat.

8. Neque aliud sonas, id est, loqueris opportunè & importunè, quàm te notum esse & familiarè Sigerio & Parthenio, cubiculariis Imperatoris.

10. *Ardelione.* Ardelio quid sit, vide l. 1. ep. 65. & l. 2. ep. 6.

LXVII.

Et emptorem villæ.

1. Hospes eras nostri semper, Matho, Tiburtini:
2. Hoc emis: imposui; rustibi vendo tuum.

V. 1. Tam sæpe ventitabas in meam villam Tiburtinam, ut tua dici posset; itaque decepi te, dum eam tibi ven-

didi, quæ tua jam erat, nempe usu ipso, cùm uteretur illâ gratis. De Tibure antea dictum Ep. 45. 48. 50.

LXVIII.

Res est magna, tacere.

1. Declamas in febre Mathon: hanc esse phrenesin
2. Si nescis, non es sanus, amice Mathon.

K v j

3. Declamas æger, declamas hemitritæus:
4. Si sudare aliter non potes, est ratio.
5. Magna tamen res est, erras; cum viscera febris
6. Exurit, res est magna tacere, Mathon.

VERS. I. *Mathon*. Causidicus celebris, qui tanto ardore dicendi tenebatur, ut etiam tum declamaret, ageretque causas, cum febris laborabat.

Phrenesim. Furorem, insaniam.

3. *Hemitritæus*. Febris semitertiana laborans. ἡμιτρίτατος πυρετός, febris semi tertiana.

4. *Est ratio*. Videtur esse iusta ratio, si declamas ut su-

dorem valetudini utilem provocas.

5. *Magna tamen, &c.* Excusat se Matho: Magnum est, inquit, id est, arduum, laudabile, posse in medio morbo declamare; est hoc ingenii & eloquentiæ magnum argumentum: vehementer falleris, respondet Martialis; longè est difficilius & sanius in media febris tacere posse: pars furoris & morbi est, tunc vociferari.

LXIX.

Suos amico libros mittit.

1. Hos quoque cōmenda Venuleio, Rufe, libellos,
2. Imputet & nobis otia parva, roga:
3. Immemor & paulum curarum, operumq; suorum,
4. Non tetrica nugas exigit aure meas:
5. Sed nec post primū legat hæc, sūmūve trientē;
6. Sed sua cum medius prælia Bacchus amat.
7. Si nimis est legisse duos; tibi charta plicetur
8. Altera: divisum sic breve fiet opus.

V. I. Da Venuleio, & illi lauda.

Hos. Tertium & quartum.

2. Roga, ut aliquid otii tribuat iis legendis, id beneficiū ab eo me putabo accepisse: hoc in beneficii loco ponā; & mihi ab illo imputari patiar.

4. *Tetrica*. Non severa aures & censoria perpendat & examinet: æquus iudex &

candidus legat.

5. 6. Non tamen hæc legat, post primum scyphum, initio mensæ, cum nondum erit hilaris satis, aut post ultimum poculum, cum erit vino madidior; sed in medio convivio, cum se poculis invitant mutuis ac impetunt certantes vino & joci convivæ.

Trients. Poculum quatuor

cyathos continens . Supra , longiores , alterum sepone ,
 pag. 46. & ab altero divide , ut alio
 7. Si duo libri videbuntur tempore ipsi offeras .

LXX.

In felicem arrogantem .

1. Securo nihil est te , Nævole , pejus ; eodem
- 2 Sollicito nihil est , Nævole , te melius .
3. Securus ; nullum resalutas , despicias omnes ,
4. Nec quisquam liber , nec tibi natus homo est :
5. Sollicitus , donas ; dominum , regemque salutas ;
6. Invitas : esto , Nævole , sollicitus .

V. 1. 2. Nihil est te mole-
 stius & arrogantius , cum cu-
 ris & negotiis vacuus es : ni-
 hil demissius & honestius ,
 cum te aliquid urit ac vexat .

4. Omnes ut servos tra-
 ctas , & ut indignos qui na-

scerentur , qui vivant .

6. Invitas ad cenam . Fa-
 xint superi ut semper ærum-
 nosus sis , & negotiosus : si-
 quidem tunc eris modestus &
 humanus .

LXXI.

Diversi calices .

1. Nos bibimus vitro , tu myrrhâ , Pontice : quare ?
2. Prodat perspicuus ne duo vina calix .

V. 1. *Myrrha* . Poculis myr-
 rhinis . Myrrha lapidis quod-
 dam genus erat nitidum &
 odoratum , non tamen pel-

lucens , ut vitrum .

2. *Duo vina* . Vile , quod
 bibimus ; generosum , quod
 potas .

LXXII.

Libri patronus .

1. Si vis auribus Atticis probari .
2. Exhortor , moneoque te , libelle ,
3. Ut docto placeas Apollinari .
4. Nil exactius , eruditiusque est ;
5. Sed nec candidius , benigniusque .
6. Si te pectore , si tenebit ore ;
7. Nec ronchos metues maligniorum ,
8. Nec scombris tunicas dabis molestas :
9. Si damnaverit ; ad salariorum

10. Curras scrinia protinus licebit,
11. Inversâ pueris arande chartâ.

V E R S. 1. Atticis auribus.
Id est, hominibus eruditis,
elegantibus & pulitis. Prisco-
rum Atheniensium lepos &
elegantia imprimis laudatur.

6. Si te complectetur ac
deponet in sinum. Si oculis &
ore toto leget Vide lib. 2. ep. 5.

7. *Ronchos*. Fastidia, te-
dia. Lib I. Ep. 4.

8. *Scombris*. Lib III. Ep. 2.

Tunicas molestas. Involu-
cra, quibus non solum invol-
vuntur isti pisciculi, sed sæpe
friguntur. Tunica molesta
propriè dicebatur vestis sebo,
pice, sulphure oblita, quâ in-
duebantur majorum crimi-
num rei, & in qua crema-
bantur: ad eam videtur hic

respicere poëta. Lege Juvena-
lem Sat. 8. sub finem, & no-
stras eo loci notas.

9. Si te non probaverit
Apollinaris poteris continuò
abire ad tabernas & officinas
falariorum, qui ejusmodi vili-
bus & inutilibus abundant
chartis, quas pueri, pauperum
præsertim, sumunt ut in in-
versa charta, in tergo, scri-
bant magistrorum dictata,
cùm ob egestatem, non pos-
sint uti chartâ purâ.

Salariorum. Lege Ep 36.
Libri I. pag 53.

10. *Scrinia*. Scrinium est,
loculus, pluteus, arma-
rium, capsula ubi aliquid ser-
vatur.

LXXIII.

Mulier infantem semper portans.

1. Infantem secum semper tua Bassa, Fabulle,
2. Collocat, & lusus, deliciâsque vocat.
3. Et, quod mireris magis, infantaria non est:
4. Ergo quid in causa est? perdere Bassa solet.

V E R S. 2. Et id se facere
dicit ad delicias, ut colludat
puero.

3. *Infantaria non est*. Non
delectatur infantum ludis,

non ea est quæ infantibus de-
lectetur: sed pedere interdum
solet, & infantem gestat, ut si
fortè ipsa pedat, in eum cul-
pam rejiciat.

LXXIV.

In amicum dissimulatorem.

1. Nulla remisisti parvo pro munere dona,
2. Et jam Saturni quinque fuere dies.
3. Ergo nec argenti sex scriptula Septitiani,

4. Missa nec à querulo mappa cliente fuit ;
5. Antipolitano nec quæ de sanguine thynni
6. Testa rubet ; nec quæ coctana parva gerit :
7. Nec rugosarum vimen breve Picenarum ,
8. Dicere te posses ut meminisse mei .
9. Decipies alios verbis , vultúque benigno ;
10. Nam mihi jam notus dissimulator eris .

VERS. I. *Pro munere.* Libello epigrammatum .

2. Et jam tamen elapsi sunt dies quinque , per quos durant Saturnalia .

3. *Scriptula.* Unciæ , est pars duodecima libræ : scrupulum verò , seu scripilum , & scriptulum , est vigesima quarta pars unciæ . Argenti libra denariis 84. respondebat : libris nempe Turonen- sibus 33. cum solidis , ut vo- camus , duodecim .

Septitiani. Septitius iste aurifex fortasse fuit , cujus argentum deterioris erat no- tæ Legunt aliqui *Septitiane* , & eum esse volunt , de quo Vates queratur .

4. Nec mihi missa est à te mappa quam accepisses , quæ tibi data fuisset à cliente ali- quo tuo .

Querulo. Qui semper de sua inopia queritur apud patro-

num : vel , molesto & impor- tuno .

5. 6. Nec testa plena mu- riæ , quæ confecta foret è sanguine thynni ex urbe An- tipoli allati : nec alia testa coctanis plena . Antipolis urbs maritima Galliæ Nar- bonensis, *Antibe.*

Thynni. Viles pisciculi sunt marini : capiuntur frequentes in freto Gaditano .

Coctana. Sunt ficus mino- res , in Syria natæ .

7. Nec olivæ Picenæ in brevi cista viminea . Picenus ager est in Umbria , quæ pars Italiæ . Nunc Marchia An- conitana nuncupatur , *la Marcha d' Ancona.* Olivæ con- trahunt rugas vetustate .

10. *Dissimulator.* Qui vi- dearis non accepisse meum libellum ; aut non intellige- re quare illum tibi miserim .

LXXV.

Rusticantis occupationes .

1. Rure morâs quid agâ , respondeo pauca , rogatus :
2. Luce Deos oro , famulos post arva reviso ,
3. Partibus atque meis justos indico labores :
4. Inde lego , Phœbúmque cio , musâmque laceſso ,
5. Hinc oleo , corpúsque frico , mollíque Palæstra :
6. Prandeo , poto , cano , ludo , lavo , cœno , quiesco :

7. Dum parvus lychnus modicum cōsumat olivī:
8. Hæc dat nocturnis nox lucubrata Camœnis.

V E R S. 2. *Luce*. Mane :
famulos reviso, postea agros.

3. *Partibus*. Justus, quas
ipse describo, partibus divido
meis famulis suum opus, la-
bores suos.

4. *Phœbum cio*. Invoco :
id est, versus edo.

5. *Palestra*. Est luctatio,
seu quælibet exercitatio cor-
poris. Ep. 45. Lib. III.

7. Donec lucernula mea
extincta fuerit.

8. Pango ea carmina quæ
vides, quæ nocturnarum Mu-
sarum & vigiliarum præmia
sunt. Lucubrare, est noctu
aliquid ad lucernam elabo-
rare. Videtur hoc epigr. op-
pidò elutum, & Martiale in-
dignum: ab est ab optimis co-
dicibus.

LXXVI.

Libelli clausula.

1. Ohe, jam satis est, ohe, libelle;
2. Jam pervenimus usque ad umbilicos.
3. Tu procedere adhuc, & ire quæris;
4. Nec summâ potes in schedâ teneri:
5. Sic tanquam tibi res peracta non sit,
6. Quæ primâ quoque paginâ peracta est.
7. Jam lector queriturque, deficitque;
8. Jam librarius hoc & ipse dicit:
9. Ohe, jam satis est, ohe, libelle.

V E R S. 1. *Ohe*. Vox satieta-
tem significans & tædium.

2. *Umbilicos*. Finem. Vide
Lib. I. Ep. 58. Lib. II. Ep. 5.

4. *Scheda*. Extrema libri
pagina, aut orâ & margine
paginæ.

5. *Sic &c.* Tanquam rem

non perfeceris, quàm tamen
vel in prima paginæ parte
perfecisti, nempe ut lecto-
rem fatiares ac tædio affice-
res.

Librarius. Qui librum scri-
bit, tæsus scribendo, queri-
tur de libri prolixitate.





M. VAL. MARTIALIS
EPIGRAMMATUM
LIBER V.

EPIGRAMMA I.

Suum Domitiano librum mittit.

1. **H**Oc tibi, Palladię seu collibus uteris Albe,
2. Cæsar & hinc Triviam prospicis, inde
Thetin:
3. Seu tua veridicę discunt responsa sorores,
4. Plana suburbani quā cubat unda freti:
5. Seu placet Æneę nutrix, seu filia Solis,
6. Sive salutiferis candidus Anxur aquis;
7. Mittimus, ô rerum felix tutela, salusque,
8. Sospite quo gratum credimus esse Joveni.
9. Tu tantum accipias; ego te legisse putabo,
10. Et tumidus Gallâ credulitate fruar.

VERS. 1. Hoc tibi munusculum mittimus, ô Cæsar, qui es tutela reipub. & salus; sive degis in collibus positus prope Albam urbem, ubi Palladem colis: (vide Librum IV. Ep. 1.) & unde prospicis ex una parte Aricinę Dianę templum ac nemus; ex altera autem, mare.

2. *Triviam.* Pag. 3.

3. Seu versaris Antii, ubi ge-

minę Fortunę à te responsa & oracula, tanquam à majore Deo accipiunt, quę deinde consulenti populo edant ac renuncient.

Sorores. Antium, *Antio*, erat urbs in Tyrrheno litore, non procul Ostia: Volscorum olim caput. In ea præcipuo colebatur honore Fortunæ sub imagine duarum sororum, fortasse quia duplex

Fortuna, una prospera; altera adversa: & gemina illa simulacra ferebantur edere oracula certissima.

4. Cujus Antii suburbia alluuntur à mari quieto, & quasi molliter cubante.

5. Sive degis Cajetæ; sive in ea urbe, quam Circe solis filia condidit. Hanc Circeios vocabāt, erat in ditione Volscorum, in ora Tyrrheni maris, & ad radices montis Circaeī, *Monte Circello*, in Latio; nunc est diruta, & in ejus ruderibus est pagus, *Santa Felicitas* dictus.

Æneæ nutrix. Urbs condita à Cajeta nutrice Æneæ, vel appellata, quod ibi demortua sit ac sepulta. Vide initium Libri VII. Æneid. Nunc Italici *Gaeta*, Gallis *Gajete*: est in ora maris Tyrrheni, in provincia Terre Laboris, ut vocant.

6. *Anxur*. Oppidum Latii, nunc *Terracina*. Candidus dicitur, ob montes quibus im-

positus est, adverso sole resurgentes: vel quia ex iisdem montibus eruitur calx candidissima & optima. Porro Anxur est etiam neutrius generis: ita vocatur quasi *ἀνεν ξυρᾷ sine novacula*, quia ibi Jupiter imberbis colebatur.

8. *Gratum*. Propitium, benevolum mortalibus; vel, memorem accepti beneficii, quia Domitianus Jovi templum extruxerat, capitolium incensum restituerat pro quibus beneficiis vicissim Jupiter sospitem illum & salvum præstabat.

9. Rogo tantum ut accipias librum hunc meum, hoc mihi sufficiet, seu legas, seu non legas: credam te legisse, idque præ me feram, gloriaabor, & prædicabo.

10. *Galla*. Gallica, quia Galli ferè sunt candidi, aperti, & ingenui, atque adeo ad credendum proni.

II.

Hunc librum commendat.

1. Matronæ, puerique, virginēsque,
2. Vobis pagina nostra dedicatur.
3. Tu, quem nequitiae procaciores
4. Delectant nimium, salēsque nudi,
5. Lascivos lege quatuor libellos,
6. Quinctus cum domino liber jocetur;
7. Quem Germanicus ore non rubenti
8. Coram Cecropiâ legat puellâ.

V. P. R. S. 1. 2. Hic Liber vobis dedicatus est, atque con-

secratus, ô matronæ castæ, pueri & virginēs: at tu, ô

quisquis es quem improbula
epigrammata delectant, alios
superiores quatuor libros le-
ge.

7. Iste Liber quintus debet
esse talis ut salibus suis Do-
mitianum Imperatorem, re-
creare possit, & cum eo quasi
jocari: itaque non debet esse
obscenus.

7. *Germanicus*. Domitia-
nus: qui se ita jussit appella-
ri, quasi Germanos debellaf-
set, cum fœdas tamen ab iis

clades accepisset: Vide 3. Ep.
Sententia est: liber iste adeo
pudicus esse debet ut illum si-
ne rubore Domitianus legere
possit etiam coram Cecropia
puella: sic vocat Minervam,
cujus, utpote virginis, filius
dici Domitianus amabat, ut
eâ re Messias credi posset. Ce-
crops fuit rex primus Athe-
niensium, qui eam ob rem
Cecropii, & Cecropidæ voca-
ti sunt.

III.

Dacorum legatus ad Domitianum missus.

1. Accola jam nostræ Diegis, Germanice, ripe,
2. A famulis Istri qui tibi vênit aquis;
3. Lætus, & attonitus viso modò præside mundi,
4. Affatus comites dicitur esse suos;
5. Sors mea quâ fratris melior: cui tã prope fas est
6. Cernere, tam longè quem colit ille, Deum.

VERS. I. Ordo est, ô Ger-
manice, id est, Domitiane,
(vide superius Epigramma)
Diegis qui jam habitat pro-
pe ripam citeriorem Danu-
bii, quæ nostræ, seu Romanæ,
ditionis est, quique tibi venit
à regione circa Danubium
posita quæ tibi famulatur, &
paret; ille, inquam, Diegis,
ubi te mundi rectorem, præsi-
demque aspexit, lætus & ad-
mirans exclamavit, ac suos
ita comites allocutus est:
quantò ego sum fratre feli-
cior qui coram cerno Deum
præsentem, (nempe Domi-
tianum) quem ille procul po-
situm, absentemq; veneratur!

Diegis. Domitianus à Mar-

comannis Germaniæ populis
victus, ut cladem suam tege-
ret, Decebalum regem Daco-
rum invitavit ad pacem. De-
cebalus misit ad illum Die-
gem, seu Degem, suum fra-
trem (ut hic Martialis innuit)
aut certè fratrem unius è
Dacorum proceribus: is pro-
gressus in citeriorem ripam,
Domitianum adiit, qui mu-
nera, & diadema Decebalo
ferendum illi dedit: quo fa-
cto exultans Domitianus,
quasi pacem & regna Ger-
manis pro arbitrio dedisset,
Roman triumphantis in mo-
rem se recepit. Daci quinam
essent diximus Ep. 23. Lib. I.
& 2. Lib. II.

Ripa. Danubius imperii Romani limes erat in Germania: ita ut pars & ripa citerior, seu Romam versùs posita, esset Romanorum; pars & ripa ulterior, seu versùs Germaniam & Septentrionem, esset Germanorum.

Accola. Qui antea regiones ultra Danubium procul positas incolebat, & erat hostis:

jam pace factâ partem alteram seu ripam citeriorē Danubii pacatam & Romanam accolit vicinus & amicus.

2. *Istri.* Danubius maximus Germaniæ fluvius, *il Danubio*, ut primum Illyricum attingit, Ister incipit appellari. Oritur in Suevia, & in Pontum Euxinum per sex, septemve ostia prorumpit.

IV.

In mulierem ebriosam.

1. Foetere multo Myrtale solet vino;
2. Sed fallat ut nos, folia devorat lauri,
3. Merùmque cauta fronde non aquâ miscet.
4. Hanc tu rubentem prominentibus venis
5. Quoties venire, Paulle, videris contra;
6. Dicas, licebit: Myrtale bibit laurum.

VERS. 1. *Myrtale.* Nomen fictum, primæ declinationis.

2. *Ut nos fallat.* Ut odore lauri, qui gravior est, impediat olentem vino halitum & superet; puteturque laurum edere, non vinum bibisse. Adde quod laurus ebrietatem arcere dicitur. Eadem à poëtis, quasi spiritum poëticum afflaret, edebatur. Phœbo quippe sacra laurus.

3. Et cauta, seu provida mulier, infundit in cyathum

non aquam, ut ceteri, sed lauri folia, quibus odor vini obruatur, & dissimuletur.

4. *Prominentibus venis.* Ebrii enim venas inflatas habent ac tumentes.

5. *Venire contra.* Tibi occurrentem videris, obviā habueris.

6. Vel; non bibit vinum, sed laurum meram edit: Vel; non est ebriosa, sed vult fieri vates & laurum edit. Ita jocatur, & eam carpit.

V.

Sua epigrammata in Imperatoris bibliotheca poni rogat.

1. Sexte, Palatinæ cultor facunde Minervæ;
2. Ingenio fueris qui propiore Dei.
3. Nam tibi nascentes Domini cognoscere curas,

4. Et secreta ducis pectora nosse licet:
5. Sit locus & nostris aliquâ tibi parte libellis,
6. Quâ Pedito, quâ Marso, quâque Catullus erit.
7. Ad Capitolini cœlestia carmina belli
8. Grande cothurnati pone Maronis opus.

VERS. I. O Sexte, qui colis Minervam Imperatoriam, id est, qui custodis libros & bibliothecam Domitiani. Libris præest Minerva & literis.

Palatine. Palatinum vocatur quodcumque ad Palatium, seu Imperatorem pertinet.

3. *Nascentes curas*. Erat idem ille Sextus Domitiano ab epistolis, & à secretis, ac proinde omnium negotiorum & arcanorum conscius.

6. *Pedito, Marso &c.* Poëtæ celebres ob scripta epigrammata.

7. 8. Ad carmina verò de bello Capitolino confecta appone opus Maronis: illa, in eodem cum Æneide loculo, pone; digna sunt quæ prope Æneidem collocentur, quip-

pe illi similima: ego satis habeo si Pedoni, Marso, &c. jungar.

Carmina Capitolini belli, Scripta de bello Vitelliano; Cum Vitellius capessivit imperium, Domitianus graviter periclitatus est, latuitque in domo ædifici Jovis Capitolini Svet. c. 1. Fortasse hic Sextus, carmina illa scripserat, quæ Martialis vocat divina & cœlestia; itaque illi adulatur in hoc epig. Quid si ab ipso Domitiano fuerant condita? nam eum quoque vatem fuisse proditum est.

Cothurnati. Sublimis, divini poëtæ. Cothurnus quid sit explicui libro III. Ep. 16. Cothurnatus stilus pro elato & splendido sumitur, qualis est tragicorum & heroïcorum poëtarum.

VI.

Ad Parthenium, de suis libellis Domitiano offerendis.

1. Si non est grave, nec nimis molestum,
2. Musæ, Parthenium rogare vestrum:
3. Sic te ferior & beata quondam
4. Salvo Cæsare finiat senectus,
5. Et sis invidiâ favente felix;
6. Sic Burrus cito sentiat parentem;
7. Admittas timidam, brevemque chartam
8. Intra limina sanctioris aulæ:

9. Nosti tempora tu Jovis fereni,
 10. Cùm fulget placidus, suóque vultu,
 11. Quo nil supplicibus solet negare.
 12. Non est quod metuas preces iniquas:
 13. Nunquam grandia, nec molesta poscit,
 14. Quæ cedro decorata, purpuráque
 15. Nigris pagina crevit umbilicis.
 16. Nec porrexeris ista, sed teneto
 17. Sic tanquam nihil offeras, agásque.
 18. Si novi dominum novem sororum;
 19. Ultrò purpureum petet libellum.

VERS. 2. *Parthenium*.

Fuit ille admodum eruditus, Domitiano à cubiculis, ac ipsi percarus.

3. *Sic, &c.* Id à Musis Parthenio dici rogat. O Musæ, oro vos, si molestum non est, ut Parthenium rogetis meo nomine, & alloquamini hunc in modum. Sic diu vivas, & beatam senectutem, sospite ac vivo Cæsare, pervenias, &c. Sic istud est optantis; ita faxint superi ut diu vivas &c.

6. *Invidiâ favento*. Ita ut ipsa Invidia cogatur tibi favere, & tuæ famæ ac felicitati parcere; sis major invidia.

Sic Burrus &c. Sic filius tuus citò rationis compos fiat, & sentiat, intelligat, licet puerulus, fortunam ac laudes parentis.

8. *Sanctioris aulæ* Imperatorii cubiculi: intra conclave Cæsaris. Sanctior, in hoc loco, est idem, ac reconditior, quò veluti profanis aspirare non licet. Huc ad-

de quodd Deum se dici Domitianus volebat.

9. *Jovis fereni*. Cæsaris læti.

10. *Suo*. Solito, sibi proprio. Principes decet clementia.

22. Non est quod metuas, ô Partheni, & recuses hunc libellum offerre Cæsari, (inquiunt Musæ) neque enim aliquid majoris muneris petit Martialis, precibus molestis, & improbis, dum libellum cedro decoratum offert.

Cedro umbilicis. Vide Lib. I. Ep. 58. Lib. II. Ep. 5.

16. 17. Noli ultrò librum offerre, sed hunc inter manus sic teneto, quasi aliud ageres: quasi minimè offerre velles.

18. *Dominum novem sororum*. Domitianum; qui poëtas ac musas tueri ac fovere gloriabatur. Videtur hoc dicere ipse Martialis, si enim loqui Musæ pergerent, scribendum esset, *si novimus*. Nisi quis dicat unam è Musis verba pro omnibus facere.

VII.

Roma post incendium instaurata.

1. Qualiter Assyrios renovant incendia nidos ,
2. Una decem quoties sæcula vixit avis :
3. Taliter exuta est veterem nova Roma senectã ,
4. Et sumpsit vultus præsidis ipsa sui .
5. Jam , precor, oblitus nostræ Vulcane, querelæ ,
6. Parce ; funius Martis turba , sed & Veneris .

VERS. 1. 2. Ut Phœnix ,
postquam annos mille vixit ,
se , incenso suo nido , reno-
vat : ita Roma incensa , reno-
vata est ope Domitiani .

Assyrios. Est Assyria regio
Asiæ prope Euphratem , ubi
nasci dicitur phœnix , de quo
vide Ovid. 15. Met.

4. *Præsidis.* Domitiani, qui
placebat sibi in primis ob for-
mam juveniliter florentem .

Jam precor. Parce nobis

Vulcane, & obliviscere nostras
de te querelas, cum questi su-
mus te urbem incendio defor-
masse. Si nobis idcirco es ira-
tus quòd simus proles Martis,
nempe nepotes Romuli , qui
Martis filius : placatus nobis
esse debes, quia sumus soboles
Veneris tuæ uxoris : quia ab
Ænea Veneris filio propaga-
ti. Marti autem infensior Vul-
canus erat quòd à Marte Ve-
nus malè amata olim fuisset .

VIII.

Eques ementitus.

1. Edictum Domini, Deique nostri ,
2. Quo subsellia certiora fiunt ,
3. Et puros eques ordines recepit ,
4. Dum laudat modò Phasis in theatro ,
5. Phasis purpureis ruber lacernis ,
6. Et jactat tumido superbus ore ;
7. Tandem commodiùs licet sedere ,
8. Nunc est reddita dignitas equestris ;
9. Turbâ non premimur, nec inquinamur .
10. Hæc & talia dum refert supinus ,
11. Illas purpureas & arrogantes
12. Jussit surgere Lectius lacernas .

VERS. 1. *Edictum* , &c. | cui liceret sedere | in 14. pri-
Edixerat Domitianus , ne | mis theatri gradibus , nisi

qui reverâ eques esset, ac censum equestrem haberet. Hanc legem antea tulerat anno U. C. 685. L. Roscius Orho, tribunus pl. Eandem consuetudo fermè abrogaverat: nuper à Domitiano revocatam laudabat Phasis quidam, qui se gerebat pro equite, quamvis merus libertus esset; cum subito Lectius designator, is videlicet qui sua singulis loca designabat, hominem agnoscens, ejecit, & inter equites sedere vetuit. Vide Ep. 14 huius Libri.

2. *Certiora*. Non à quolibet promiscuè occupanda, sed equitibus certis ac veris

destinata.

3. *Puros*. Vacuos ab iis qui equites non essent.

5. *Purpureis*. Quibus equites utebantur. De lacernis dict. Ep. 78. Lib. I. 26. Lib. II.

7. *Tandem*, &c. Verba sunt Phasidis.

9. *Inquinamur*. Quasi plebis sordidæ commercio & vicinâ contaminaretur ejus vestis & dignitas.

10. *Supinus*. In cathedra vel subsellio molliter ac otiosè in tegum porrectus, & quasi cubans.

11. *Illas*. Phasidem illis purpureis lacernis superbum.

IX.

In medicum.

1. *Languebam*; sed tu comitatus protinus ad nos
2. Venisti centum, Symmache, discipulis:
3. Centum me tetigère manus Aquilone gelatæ;
4. Non habui febrem, Synnache, nunc habeo.

VERS. 1. *Languebam*. Non ægrotabam omnino, sed minus commodè valebam.

2. *Discipulis*. Celebres medici cum aliquem ægrotantem inviserent, eò secum suos discipulos, quasi in rem presentem, deducebant, ut profice-

rent ex ægroti conspectu, & magistri præceptionibus.

3. *Tetigere*. Ut venæ pulsus explorarent.

4. *Nunc*. Ex quo me tuorum discipulorum frigida manus & imperitæ tetigerunt.

X.

Fama morte venalis.

1. *Esse* quid hoc dicam, vivis quod fama negatur,
2. Et sua quod rarus tempora lector amat?
3. Hi sunt invidiæ nimirum, Regule, mores
4. Præferat antiquos semper ut illa novis.
5. Sic veterem ingrati Pompeji quærimus umbram;
6. Sic

6. Sic laudant Catuli vilia templa senes.
 7. Ennius est lectus salvo tibi Roma Marone;
 8. Et sua riserunt sæcula Mæoniden;
 9. Rara coronato plausere theatra Menandro;
 10. Norat Nasonem sola Corinna suum.
 11. Vos tamen ô nostri ne festinate libelli,
 12. Si post fata venit gloria, non propero.

VERS. 2. Et raro lector amat, laudatque scriptores, qui eodem, atque ille, vivit tempore.

5. Sic requirimus & desideramus veterem Pompeii porticum, ingrati, quia fastidimus tot egregias abulationes à viris clarissimis extructas.

Umbra. Ita vocat Pompeii porticum, variis arboribus confitam.

6. Et senes, nempe laudatores temporis præteriti, prædicant, extolluntque capitolium, quod olim à Catulo perfectum ac dedicatum fuit, licet fuerit à Domitiano magnificentius restructum & ornatum: atque adeo vile sit capitolium Catuli, præ capitolio Domitiani De capit. vide Ep. 42. lib. 4.

Catuli. Capitolium à Servio Tullio ædificari cœptum, à Tarquinio Superbo absolutum, post quadringentos admodum annos deflagavit: instaurare illud cœpit Sylla, perfecit Lutatius Catulus, cujus nomen vestibulo præfixum mansit usque ad ævum Vitellii, sub quo iterum conflagavit; à Domitiano postea restructum fuit Codices nonnulli recentiores præferunt *Julia Tempia*, quasi capitolium vocaretur hoc in lo-

co templum Julium, quia legitur apud Dionem Lib. XLIII. decretum fuisse ut eraso Catuli nomine substitueretur Cæsaris nomen. Sed id factum non fuisse, licet decretum fuerit, constat ex Tacito, qui affirmat Catuli nomen mansisse usque ad ævum Vitellii. Tum, quæ ista latinitas est, *Julia templa Catuli* 12

7. Sic Romani laudastis ac legistis, dum Virgilius adhuc salvus & vivus esset, Ennium, quamvis inferiorem Virgilio: Ennius poëta Latinus antiquissimus, Rudiis, oppidum est Calabriae, natus, Scipionis Africani majoris (de quo fit mentio Epig. 2. lib. 2.) æqualis fuit, ejusque res gestas scripsit, ingenioso versu, at rudi & impolito.

8. *Mæoniden*. Homerum, à Mæone patre, vel à patria Mæonia, minoris Asiae regione, sic dictum.

9. Raro coronatus est in theatro Menander, & plausu spectatorum cohonestatus.

Menandro. Fuit Menander poëta Comicus insignis, cujus comœdias plerasque latinas à Græcis fecit Terentius. Obiit Olimpiadis 121. anno 4. qui est 461. ab U. C.

10. *Nasonem*. Ovidium: fuit

autem Corinna poëtria, Ovidii amica. Ea igitur, inquit, sola Ovidium magni faciebat, ceteri hunc velut ignorabant. Hyperbole.

II. *Ne festinate*. Gloriam scilicet vobis debitam quærere: si morte tantum emitur, nihil me urget, nondum vitæ me poenitet.

XI.

Poëtæ manum eruditam laudat.

1. Sardonychas, smaragdos, adamātas, jaspidas uno
2. Versat in articulo Stella, Severe, meus:
3. Multas in digitis, plures in carmine gemmas
4. Invenies; inde est hæc, puto, culta manus.

VERS. I. *Smaragdos*. Penultima syllaba corripitur in hac voce, Græcorum more, qui syllabam ante duas multas positam aliquando corripunt, ut primam in voce *δακτυλος*: secundam in voce, *Αἴγυπιος*.

2. *Articulo*. Digiti internodio, digito.

4. Sententia est. Ejus manus non tam culta & elegans est propter tot gemmas, quas gestat in annulo, quam propter versuum, quos eadem scribit, elegantiam, in quibus plures sunt gemmæ quam in ipsis digitis, & annulo.

Inde. Ab elegantia & gemmis carminum.

XII.

Annuli gemma.

1. Quod nutantia fronte pertinaci
2. Gestat pondera Masthliion superbus,
3. Aut grandis Linus omnibus lacertis
4. Septem quòd pueros levat, vel octo;
5. Res non difficilis mihi videtur:
6. Uno cum digito, vel hoc, vel illo,
7. Portet Stella meus decem puellas.

VERS. I. Ordo vocum est. Non videtur mihi res difficilis factu aut creditu, quod Masthliion gestet stabili, erecto, & ad ferendum quasi obstinato capite, pondera alta & nutantia: aut quod

Linus ambobus brachiis sæpe attollat octo pueros, &c. Legendum putat ex optimo codice Sriverius, *fronte perticata*, quia solebant isti præstigiatores in media frontis resupinatæ area, perticam vel

contum, quasi arborem radicibus humi defixam, gerere: ut disertis verbis docet Chrysostomus Libro de iurejurando.

2. *Mafhlion, Linus*. Homines hoc tempore valentissimi: aut circulatores, & agyræ circumforanei.

7. *Puellas*. Gemmam, in qua erant expressæ effigies Musarum novem, & Ianthidis, quæ uxor Stellæ erat. Sic dicitur Pyrrhus habuisse gemmam, in qua novem Musæ cum Apolline sculptæ seu impressæ à natura, non ab arte, visebantur.

XIII.

Poëta dives.

1. Sum, fateor, semperque fui, Callistrate, pauper;
2. Sed non obscurus, nec malè notus eques:
3. Sed toto legor orbe frequens, & dicitur, hic est:
4. Quòdque cinis paucis, hoc mihi vita dedit.
5. At tua centenis incumbunt tecta columnis,
6. Et libertinas arca flagellat opes:
7. Magnaque Niliacæ servit tibi gleba Syenes;
8. Tòdet & innumeros Gallica Parma greges.
9. Hoc ego, tuq; sumus: sed quod sū, nō potes esse;
10. Tu quod es, è populo quilibet esse potest.

V E R S. 2. *Malè notus*. Ob vitia infamis, quales multi equites tunc erant.

Eques. Nomen & jura equitum habebat Martialis, at equestri censu carebat, ac verà dignitate. pag. 222.

4. Famam quam pauci post mortem sunt adepti, vivus ego sum consecutus.

6. *Libertinas*. Ingentes: Liberti enim plurimi, Cæsarium ævo, ad immodicas & invidendas opes pervenerant, tales illi Pallas, Crispinus,

Narcissus.

6. *Flagellat*. Vide Lib II. Ep. 27.

7. Plurima in Ægypto prædia possides. Ad *Syenen* urbem Ægypti, de qua meminit Lib. I. Ep. 71.

Parma. Civitas Galliæ Cisalpinæ, suis tunc lanis inclyta.

9. *Ego*. Pauper, at clarus ob eruditionem & ingenium: *tu*, dives tantum.

Quod sum. Doctus, illustris, &c. *Quod es*. Locuples.

XIV.

Eques stans & sedens.

1. Sedere primo solitus in gradu semper,
2. Tunc cū liceret occupare, Nanneius;

3. Bis excitatus tēque transtulit castra,
4. Et inter ipsas penē tertius fellas
5. Post Caiūque Luciūque confedit.
6. Illinc cucullo prospicit caput tectus,
7. Oculoque ludos spectat indecens uno:
8. Et hinc miser dejectus in viam transit,
9. Subsellioque semifultus extremo,
10. Et malē receptus altero genu, jactat
11. Equiti sedere, Lectioque se stare.

VERS. I. *Solitus*. Ante Domitiani edictum, (de quo vide 8. Ep. hujus Libri.) Inter sedes assignatas spectatoribus in amphitheatro primæ Senatoribus erant destinatæ, & hic locus totus Orchestra vocabatur. Proximæ sequentes, equitibus; & in gradus 14. divisæ erant. Reliqua sedilia populus occupabat.

3. *Excitatus*. Surgere jussus à Lectio designatore. Vide idem Ep. 8.

3. *Castra*. In alium locum fellam suam transtulit, ut Imperator aliquis castra mutaturus aliò sarcinas & impedimenta deportat.

4. Et inter duorum equitum, Caii, Luciūque, fellas, pone illos tamen, suam interposuit fellam, adeo ut medium & tertium quemdam

obtinere locum videretur.

6. *Cucullo*. Ep. 47. lib. 1.

7. *Uno*. Vel quia ita sededat, ut non nisi obliquè spectare posset, vel quia ita caput habebat obvolutum, (ne agnosceretur) ut uno tantum commodè oculo cerneret.

8. *In viam*. Quæ intercedebat inter cuneos. Intervalla quædam inter ordines erant, quibus à summo theatro ad imum descendebatur: illæ semitæ à populo plerumque occupabantur.

10. Vix admissus ac dimidiâ parte sedens extrema scamni parte, equitibus jactat se inter equites sedere: cum autem à Lectio excitatur, contendit se non sedere, sed in via stare, quod plebis concedebatur.

XV.

Innoxia carmina.

1. Quintus nostrorum liber est, Auguste, jocosū,
2. Et queritur læsus carmine nemo meo:
3. Gaudet honorato sed multus nomine lector,
4. Cui victura meo munere fama datur.
5. Quid tamē hæc prosūt quāvis venerātia multos?
6. Non profint sanē, me tamen ista juvant.

VERS. 6. Nihil sanè utilitatis accipio à meis carminibus ; non fio ditior : at plurimum ab iis capio voluptatis :

otium suaviter fallo , rem multis gratam facio , quos veneror , & celebros in meis epigrammatis .

XVI.

Carmina sterilia .

1. Seria cùm possim , quòd delectantia malim
2. Scribere ; tu causa es , lector amice , mihi,
3. Qui legis , & totâ cantas mea carmina Româ ;
4. Sed nescis quanti stet mihi talis amor .
5. Nam si falciferi defendere templa Tonantis,
6. Sollicitisque velim vendere verba reis ;
7. Plurimus Hispanas mittet mihi nauta metretas,
8. Et fiet vario sordidus ære finus .
9. At nunc conviva est , commissatorque libellus ,
10. Et tantum gratis pagina nostra placet .
11. Sed non hâc veteres contenti laude fuerunt ,
12. Cùm minimum vati munus Alexis erat .
13. Bellè, inquis, dixti : fatis est ; laudabimus usque .
14. Dissimulas ? facies me puto caudicum .

VERS. 4. *Quanti.* Quanto labore , tempore , inutili opera, inopia. *Amor.* Studium tibi gratificandi .

5. Si velim agere causas in foro. Ibi templum erat Saturni, qui vulgò cum falce pingitur. *Defendere templa* , pro , defendere causas in templo .

8. 9. Multi clientes navium Hispanarum magistri , à me defensi mittent mihi vinum Hispanum : & mihi finus ere sordido , pecuniâ, implebitur . Metreta vas quoddam est, seu mensura , continens decem congios, sive sextarios 60. hîc cadû vini aut olei significat . Lege Budæum Lib. 5. de asse.

10. At nunc mei libelli tan-

tum in conviviis leguntur ; & ita placent , ut nihil ob illos mercedis poëte auctori detur .

12. *Alexis.* Mancipium, servulus Virgilio à Mæcenate datus. Vide Satyr. 7. Juvenalis , in qua fusè agitur de sterili poëtarum arte. Sententia est : veteres poëtas nō exiguis fuisse contentos muneribus , ipsūque Virgilium pro minimo munere accepisse servulos, cùm præterea opes amplas ex arte poëtica consequeretur .

13. *Bellè, &c.* Fingitur hæc aliquis Roman. & ingratus lector dicere. O Martialis, cādide loqueris, belle scribis : perge scribere, pergemus te laudare .

14. Atqui, reponit Martialis, aliud ac laudes tuas, ô le-
 Æor, quæro. An dissimulas te
 intelligere quid velim? Si hoc

est, coges me poëticam dese-
 rere, fiam causidicus, plus fa-
 ciam lucri.

XVII.

In feminam superbam.

1. Dū proavos, atavósq; refers, & nomina magna;
2. Dum tibi noster eques sordida conditio est:
3. Dum te posse negas nisi lato, Gellia, clavo
4. Nubere; nupsisti, Gellia, cistifero.

VERS. 1. *Refers.* Narras, venditas.

2. *Conditio* Gallicè, *un parti, una dote, un matrimonio.* Dum putas virum equestri loco natum, præ te ignobilem esse, & indignum cui nubas. *Noster.* Romanus: vel, quia Martialis eques erat.

3. *Lato Clavo.* Senatori: nam senatorum propria vestis dicebatur Latus Clavus, seu tunica purpureis quibusdam globulis, qui capita clavorum imitabatur, ornata; eaque amplior, cum esset angustior tunica equitum. Erant autem

illi clavi purpureis plagulis ante pectus demissis insuti. Lib. IV. Ep. 36.

4. *Cistifero.* Sacrificulo Cybeles, homini vilissimo. Cistiferi dicebantur qui ferebant cistas in quibus erat sacrorum suppellex. Decepta igitur Gellia, cum se nubere senatori putaret, nupserat isti cistifero: vel ob inopiam id facere coacta erat. Dicebantur etiam senatores quidam Cistiferi, qui cistas suffragiorum in comitiis custodirent: de quibus explicat argutè hoc epig. interpres Plinianus Tom. V. p. 80.

XVIII.

Pauper liberalis.

1. Quòd tibi Decembri mēse, quo volant mappæ,
2. Gracilésque ligulæ, cereique, chartæque,
3. Et acuta senibus testa cum Damascenis,
4. Præter libellos vernulas nihil misi:
5. Fortasse avarus videor, aut inhumanus.
6. Odi dolosas munerum & malas artes:
7. Imitantur hamos dona; namque quis nescit
8. Avidum voratâ decipi scarum muscâ?
9. Quoties amico diviti nihil donat,
10. O Quinctiane, liberalis est pauper.

VERS. 1. *Mappæ.* Mense Decembri celebrabantur Satur-

naliam : Romani sibi invicem munera tunc missitabant, mappas, ligulas, &c. *Volant*. Ultro, citroque mittuntur.

2. *Ligula*. Ligula, quasi lingua, res varias significat: gladiolum argenteum in linguae tenuis & gracilis morem factum; spathulam chirurgicam, vasculum quoddam, tæniā quā ligantur calcei, &c.

3. *Acuta testa*. Vas fictile in acumen desinens metæ ritu, quapropter etiam turbo vocabatur.

Damascenis. Prunis è Damasco, *Damas*, Syriæ civitate, advectis, ut hodieque fit. *Senibus*, rugosis, exsiccatis furno, sole, tumo.

4. *Vernulas*. Domi natos & scriptos. Verna est servus natus domi.

8. *Scarum*. Piscis est quidā. *Musca*. Quæ illi pro esca in extremo hamo porrigitur. Legitur ab aliis aliter versiculus. *Avidum vorato decipi scarum musco*: ac *muscum* interpretantur algam, & alia id genus. Profert Brodæus locum Aristotelis ab Athenæo citatum, quo testatur scarum libenter alga vesci, & illa capi à piscatoribus.

10. *Liberalis est*. Quia divitis rationibus consulit. Si quid enim diviti daret, afferret illi necessitatem aliquā doni majoris reddendi.

XIX.

Liberalitas principum.

1. Si qua fides veri, præferri, maxime Cæsar,
2. Temporibus possunt sæcula nulla tuis.
3. Quando magis dignos licuit spectare triumphos,
4. Quando Palatini plus meruere Dei?
5. Pulcrior & major quo sub duce Martia Roma?
6. Sub quo libertas principe tanta fuit?
7. Est tamen hoc vitiū, sed non leve, sit licet unū,
8. Quod colit ingratas pauper amicitias.
9. Quis largitur opes veteri, fidōque sodali?
10. Aut quem prosequitur non alienus eques?
11. Saturnaliciæ ligulam misisse selibræ,
12. Flammataeve togæ scripula tota decem,
13. Luxuria est, tumidūq; vocāt hæc munera reges;
14. Qui crepet aureolos, forsitan unus erit.
15. Quatenus hi non sunt, esto tu, Cæsar, amicus,
16. Nulla ducis virtus dulcior esse potest.
17. Jamdudum tacito rides, Germanice, naso;
18. Utile, quod non vis, do tibi consilium.

V E R S I. Si res, uti est, creditur: si veritas fidem obtinet.

3. *Magis dignos.* Apparatu majori factos, urbe Roma digniores.

4. *Quandonam* Dii, quos Imperatores præcipuè colere solent, plus honoris meriti & consecuti sunt? quando plures illis ædēs sacræ, v. g. vel statuæ, &c. erectæ? Jovis Capitolium ornavit Domitianus, Minervam coluit impensè, &c. Vel, quandonam illi ipsi meruère, ut à nobis impensius colerentur, quàm nunc cùm Domitianum nobis dedere, cùm eundem nobis servant, & florentem sub illo rempub. præstant. Exponere sic malim.

8. Quod pauperes & obscuri cives colunt & observant patronos & amicos divites, at ingratos, à quibus nihil pro suis obsequiis accipiunt.

10. Quis eques non alienus prosequitur beneficiis veterem & fidum sodalem? Nemo unus.

Non alienus. Verus eques verè dives ac nobilis. Equitum triplex genus erat: alii stirpe & censu, qui oriundi ex equitibus, & censum equestrem habebant: alii, qui in acie stipendia faciebant equo: tertii, quibus honoris causâ nomen equitis dabatur, & jus sedendi in 14 primis ordinibus; qui alieni dicuntur hoc in loco, id est, quasi insititii & nothi: erantque interdum pauperes & ignobiles. Talis

erat Martialis.

11. Ordo est, Reges, id est hoc in loco, divites Romani, putant luxuriosa, hoc est, ampla esse munera, si per Saturnalia miserint amicis ligulam quæ pendat selibrâ, id est, semilibram, argenti; aut togam purpuream (quam flammata vocat à flammæ ardentis similitudine) cujus pretium sint decem scriptula. De ligula vide supra Ep. 18. De scrupulo, seu scriptulo, Ep. 74. Lib. IV.

Selibræ. Libra, seu pondus dividebatur in uncias 12. Sextans sunt uncia duæ; Quadrans, tres; Triens, quatuor; Quincunx, quinque; Semis, seu selibra, sex uncia; Septunx, septem; Bes, octo; Dodrans, novem; Sextans, decem; Deunx, undecim. De libra aurea & argentea dixi Lib. II. Epig. 54.

14. Reperietur fortasse aliquis unus qui det aliquot nummulos aureos, qui eos cum strepitu sonantes numeret, ad ostentandam liberalitatem.

Aureolos. Volunt plerique aureum Romanum aestimatum fuisse denariis 25. hoc est, libris Turonensibus 10.

15. Siquidem isti divites patroni, non sunt liberales, atque adeo verè amici non sunt, tu esto liberalis, & amicus, ô Cæsar.

16. *Dulcior.* Quàm munificentia.

17. *Rides.* Quia non vis amicus esse hac mercede,

& ea lege, ut munera tribuas.
Germanice. Dixi jam sæpius Domitianum ita vocatum fuisse, quod videri vellet Germanos debellasse.

18. *Utile*. Do tibi consilium, quod mihi utile est, ac tibi etiam, utpote honorificum; sed quia sumptus aliquis faciendus esset, ideo illud consilium non vis, non

probas. Carpit eos principes, quibus placent amici, sed qui gratis consent, quibus nihil dandum sit. Sunt qui legant: *Utile quod nobis, do tibi consilium*.

Hoc epigramma, licet in duo divulsum vulgò legatur, tamen viri doctissimi unum atque idem esse existimant.

XX.

Beata vita.

1. Si tecum mihi, care Martialis,
2. Securis liceat frui diebus;
3. Si disponere tempus otiosum,
4. Et veræ pariter vacare vitæ:
5. Nec nos atria, nec domos potentum,
6. Nec lites tetricas, forumque triste
7. Nossemus, nec imagines superbas:
8. Sed gestatio, fabulæ, libelli,
9. Campus, porticus, umbra, virgo, thermæ;
10. Hæc essent loca semper, hi labores.
11. Nunc vivit sibi neuter, heu! bonisque
12. Soles effugere atque abire sentit;
13. Qui nobis pereunt, & imputantur.
14. Quisquam vivere cum sciat, moratur?

VERS. 1. *Martialis*. Julius Martialis, ut antea dictum, Marci Val. Martialis amicus, & vir doctus.

3. *Disponere*. Partiri in certas occupationes.

Otiosum. Sic vocat tempus, quod non gravibus curis ac negotiis datur, sed levioribus quibusdam & optivis.

4. *Vere*. Quæ in quiete ac tranquillitate animi consistit.

5. *Potentum*. Qui à saluta-

toribus, affectatoribus, & ceteris clientibus, operosè atque ambitiosè coluntur.

7. *Nec imagines*. Non gloriaremur multitudine imaginum, in atrio domus positarum. De illis actum Lib. II. Ep. 65. Vel, non coleremus divites qui ejusmodi imaginibus gloriantur.

8. *Gestatio*. Vectio, deportatio. In rhedis, aut lecticis deportari se jubebant,

per hortos, in porticibus; interdum gestatio locum ipsum, ubi gestabantur, significat.

9. *Campus*. Martius, in quo exercebantur, luctando, currendo, &c.

Virgo. Aqua virgo. Hanc Agrippa deduxit Romam, via Prænestina. Virginis habuit nomen, Plinio teste, quia Herculaneum, rivum propinquum, refugere videtur. Alias ejusdem cogno-

menticausas affert eruditus Plinii interpres Libr. XXXI. cap. 3. n. 25. pag. 792. tom. 4.

11. *Neuter*. Neque ego, nec tu.

13. *Et imputantur*. Putantur & quasi scribuntur in summa & rationibus vitæ nostræ, licet vitam veram & suavem non vivamus.

14. Adeone quemquam infanire, ut cum sciat quibus rebus vitam vivere beatam possit, id facere cunctetur?

XXI.

Rhetor felicitis memoriæ.

1. Quintū pro Decimo, pro Crasso, Regule, Macrū
2. Ante salutabat rhetor Appollonius:
3. Nunc utrumq; suo resalutat nomine. Quantum
4. Cura, labôrque potest? scripsit, & edidicit.

VERS. 1. *Macrum*. Marlim, quàm Marcum, ut codices quidam legunt: Macer enim opponitur. magis Crasso; ut Quintus, Decimo.

Atque ita indicatur magis Apollonii tarditas, qui tam disjuncta nomina non posset distinguere, nisi ea scriberet, edisceretque.

XXII.

Patronus vigil.

1. Manè domi nisi te volui, meruîque videre,
2. Sunt mihi, Paulle, tuæ longiùs Exquiliæ.
3. Sed Tiburtinæ sum proximus accola pilæ,
4. Quà videt antiquum rustica Flora Jovem:
5. Alta Suburrani vincenda est semita clivi,
6. Et nunquam sicco sordida saxa gradu:
7. Vixque datur lōgas mulorū rumpere mandras,
8. Quæque trahi multo marmora fune vides.
9. Illud adhuc gravius, quòd te post mille labores,
10. Paulle, negat lasso janitor esse domi.
11. Exitus hic operis vani, togulæque madentis;

12. Vix tanti Paullum manè videre fuit.
 13. Semper inhumanos habet officiosus amicos;
 14. Rex, nisi dormieris, non potes esse meus.

V E R S. 1. 2. *Manè, &c.* Sententia est. Profectò volui & merui te videre manè, ac salutare: ô Paulle. Volui, quia adii domum tuam ut te salutarem; merui, quia longam idcirco viam confeci, diu domi tuæ te expectavi: ac, si non ita est ut dico, precor ut domus tua, quæ à mea est remotissima, utpote in Exquilis posita, sit adhuc remotior.

3. 4. *Tiburtinæ pile.* Maneo prope pilam Tiburtinam, eo loco ubi templum est Floræ, contra Capitolium. Hæc pila, columna quædam lapidea erat, prope viam & portam quæ ducebat Tibur, (de quo lege Ep. 51. Lib. IV.) non procul à capitolio, è regione autem capitolii visebatur templum Floræ, hortorum Deæ.

Jovem. Templum Jovis, in capitolio. Supra, Ep. 10.

5. *Suburrani.* Suburra, vicus Romæ celebris, qui à foro Romano per forum Nervæ protendebatur usque in Esquilinum montem. Ep. 15. lib. II. Hæc via ferè semper cœnosa erat ob vicinum macellum. *Vincenda.* Magno labore erependa, & superanda.

6. *Saxa.* Gradus quidam è saxo, per quos ascendebatur, in suburrano clivo.

7. *Mandra.* Est mandra, multitudo mulorum, qui sæpe viam impediunt.

8. *Trahi.* Plaustris, machinis.

10. *Lasso.* Mihi.

11. *Exitus, &c.* Hoc lucrifacio videlicet, post iter longum, ut redeam te non viso. *Madentis.* Imbre, sudore.

12. Quamvis certum foret te domi tuæ repertum iri, vix tamen idcirco tantus labor, tantum iter fuisset suscipiendum. Quantò minùs si te visurus non sum?

13. 14. Qui est officiosus, id est, hoc in loco, forensibus officiis, negotiisque deditus, quique adeo domi suæ rarò est, qui summo mane forum adit. Sic Horatius vocat operam forensensem & laborem *officiosam sedulitatem*: Epistola 7. Libri I. Et ibidem *redire ab officiis* ponit pro, reverti à foro, & dicendis causis. Paullus autem iste causidicus insignis erat. Homo igitur officiosus ferè semper amicos habet inhumanos, inurbanos, & in eo colendo, salutandoque, parum felices: itaque non eris, ô Paulle, patronus & rex meus, nisi te contineas manè domi, & dormias; ibique tuos clientes & salutatores expectes. Sic acutè Paullū laudat. Potest etiam id explicari simplicius: homo urbanus & officiosus rarò invenit amicos qui humani sint, qui ejus urbanitati, respondeant, qui sint domi, cùm eos convenit.

XXIII.

In fictum equitem.

1. Herbarum fueras indutus, Basse, colores,
2. Jura theatralis dum siluere loci;
3. Quæ postquam placidi censoris cura renasci
4. Jussit, & Oceanum certior audit eques:
5. Non nisi vel cocco madidâ, vel murice tinctâ
6. Veste nites; & te sic dare verba putas.
7. Quandringentorum nullæ sunt, Basse, lacernæ:
8. Aut meus ante omnes Codrus haberet equum.

VERS. I. &c. Dum lex theatralis, quæ vetat, ne quis præter equites sedeat in 14. primis post orchestram ordinibus, non viguit; tu, licet vili veste, ac viridis coloris, indutus, tamen inter equites sedebas: at postquam Censor hanc legem revocavit, veluti sepultam oblivione; postquam sedilium assignatorem Oceanum eques certior, & ab non equite distinctior quàm antea, audit sua sibi loca designantem; tu vestem purpuream sumpisti, quasi decepturus homines & pro equite habendus, ob vestis nitorem & pretium: falleris; nullæ enim lacernæ, quamvis purpureæ, sunt,

id est, æstimantur; valent quadringenta sestertia; non facit vestis, ut aliquis habeat censum 400. sestert. alioquin, amicus meus Codrus, licet egentissimus, eques esset, coccineis enim interdum vestibus utitur.

Herbarum. Feminae, & pueri, gerebant sæpe vestem viridis coloris.

Censoris. Quidam hic significari Domitianum volunt, qui cum censuram gereret, quam octavo consulatu perpetuam sibi decerni jussit, leges de theatri ordinibus, & alias, revocavit. De loco equitibus & senatoribus assignato dixi supra, Epig. 8. & 14.

Cocco. Ep. 33. lib. II.

XXIV.

Hermetis gladiatoris encomium.

1. Hermes Martia sæculi voluptas;
2. Hermes omnibus eruditus armis;
3. Hermes & gladiator, & magister;
4. Hermes turba sui tremorque ludi;
5. Hermes quem timet Ælius, sed unum,

6. Hermes cui cadit Advolans, sed uni;
7. Hermes vincere, nec ferire, doctus;
8. Hermes supposititius sibi ipsi;
9. Hermes divitiæ locariorum;
10. Hermes cura labôrque ludiarum;
11. Hermes belligerâ superbus hastâ;
12. Hermes æquoreo minax tridente;
13. Hermes casside languidâ timendus;
14. Hermes gloria Martis universi;
15. Hermes omnia solus, & ter unus.

V E R S. 1. Qui Romanos hoc sæculo viventes, sua in pugnis gladiatoris fortitudine ac industriâ præcipuè oblectat.

2. *Armis.* Quænam fuerint gladiatorum arma, vide infra, in postremis notis hujus epig.

3. *Magister.* Qui gladiatoriam artem docet: lanista nuncupatur.

4. *Turba.* Perturbatio, terror: qui ludum gladiatorum, hoc est, ceteros gladiatores ejusdem secum familiæ & ordinis, exanimat ac perturbat, metuentes ne ab eo vincantur. Porro erant variæ gladiatorum familiæ, certis quibusdam distinctæ coloribus & insignibus: vide Juvenalem, Sat. XI. sub finem.

5. *Ælius.* Nobilis Gladiator, tunc notus. Unum Hermetem Ælius timet, alium præterea neminem.

6. *Cui cadit.* A quo cadit, à quo vincitur. Cujus pedibus victus advolvitur. *Advolans.* Nomen gladiatoris.

7. Doctus vincere, quamvis non feriat adversarium:

v. g. quia illum antevertit, exarmat; & sic incruentam aufert victoriam: vel, quia victo & jaceti sponte parcat.

8. *Supposititius.* Supposititii appellabantur gladiatores cum sufficiebantur in locum aliorum qui fessi, aut ab alio gladiatore victi forent. Hermes non indiget supposititio gladiatore, nunquam defatigatur, sed ipse semper integer ac recens se sibi quasi supponit.

9. *Locariorum.* Locarii vocabantur qui loca, unde spectari commodè posset, ac subsellia pretio accepto, alijs dabant. Interdum pauperes divitibus tardiùs advenientibus sua sedilia magno vendebant.

10. Pro quo uno, ludia sunt sollicitæ; quem unum maxime salvum cupiunt. Ludia, sunt mulieres quæ artem histrionicam exercent, quæ mimos & alias id genus fabulas ac spectacula exhibent, in iisque faciunt quæstum, cum frequens est spectator.

11. *Hastâ.* Gladiatores ante quam setidè pugnam ini-

rent, præcludere solebant vibrandis hastis, iique maximè, qui Samnites vocabantur. Id magno cum planctu faciebat Hermes.

12. *Tridente*. Erant insignia duo genera gladiatorum, nempe Rhetarius & Mirmillo Rhetarius gestabat rete ac tridentem; Mirmillo galeam, cujus in apice piscis ex ere visebatur; & enssem recurvum. Conabatur Rhetarius implicare caput Mirmillonis, eumque suo tridente confodere. Lege Præfat. Libri II.

13. Quid sit cassis languida, rectè Lipsius explicat lib. II. Saturn. cap. 12. ea nempe, quæ utebantur gladiatores Andabatae, qui pugnabant ex equis, unde dicti ἀναβάται, id est, ascensores, & littera d, in latina voce interjecta, Andabatae. Iidem oculos galea obtegebant, quam idcirco appellare languidam videtur

vates, quia cum incerto passu & languenti, huc illuc temerè titubanterque, instacacorum, irent, ipsorum galea nutare pariter, & quasi languere videbatur. Sic omnia gladiatorum genera percurrit. Samnitium, qui utebantur maximè hasta; Rhetiariorum, qui tridente; Andabatarum qui galea. Hæc tamen galea non impediabat, quominus Hermes certos ictus vibraret ac timendus esset. Quocirca vers. 14. & 15. rectè colligit in universis generibus Martis gladiatorii Hermetem excelluisse, & solum omnia præstituisse, ac unum tribus parem fuisse nimirum Samnitibus, Rhetariis, Andabatis; atque adeo ter unum fuisse, id est, tergeminum; tribus parem; qui nempe tantum posset, quantum tres alii, quantum omnes triplicis generis & ordinis gladiatores.

XXV.

Rara libera litatis gloria.

1. Quadringenta tibi non sunt, Cherestrate, surge,
2. Lectius ecce venit: sta, fuge, curre, late.
3. Ecquis, io, revocat, discedetemque reducit?
4. Ecquis, io, largas pandit amicus opes?
5. Quem chartis famæque damus, populisque loquendum:
6. Quis Stygios non vult totus adire lacus?
7. Hoc, rogo, non meliùs, quàm rubro pulpita nimbo
8. Spargere, & effuso permaduisse croco?
9. Quàm non sensuro dare quadringenta caballo
10. Aureus ut Scorpi nasus ubique micet?

11. O frustra locuples, ô dissimulator amici,
12. Hæc legis & laudas? quæ tibi fama perit?

V E R S. I. Fingit equitem pauperem, ex exquitum sedilibus deturbari; ac dolet esse neminem, qui egenti largiatur aliquid unde suum ille gradum tueri ac dignitatem possit. *Quadringenta*. Vide superiora epigrammata octav. & decimum tertium.

Leſtius. Qui suas singulis sedes assignabat.

3. 4. 5. Quis Chærestратum ob inopiam ex exquitum sedilibus fugientem revocat, datque illi sestertia 400. ut iis fretos jam locum inter equites habere possit? Certè si quis id faceret, eum chartis & Musis omnibus loquendum ac celebrandum mandaremus, nec ille totus periret, sed maiore sui parte, & immortalī famâ superstes foret.

7. 8. 9. 10. At, ambo, nonne satius esset uti hac in Chærestратum liberalitate, hanc famam sibi compara-

re, quàm rosis theatrum spargere, & croco? quàm impendere sestertia 400. ad ponendam equestrem ex ære inaurato statuam Scorpo equorum agitatori?

Scorpi. Epig. 55. Lib. IV.

Croco. Erant in amphitheatris tubi occulti & siphones, è quibus liquores odoratos supernè, instar tenuissimī roris, in spectatores emittebantur: ad eos autem liquores conficiendos vulgò adhibebatur crocus aquâ vel vino dilutus. Vide Lib. Spectac. Ep. 3.

11. O tu, quicumque es, frustra dives, quippe qui tam pravè tuas opes impendis, qui nihil efficis quo amici leves inopiam, quam scire te dissimulas; qui hæc legis, quæ dico, & fateris esse vera, eheu! quàm insignem perdis gloriam, quæ tuæ scilicet liberalitatis fructus esset!

XXVI.

Beta togatorum.

1. Quod alpha dixi, Codre; pænulatorum
2. Te nuper, aliquâ cum jocarer in charta:
3. Si fortè bilem movit hic tibi versus,
4. Dicas licebit beta me togatorum.

V E R S. I. Jocatus erat in Codrum mendicum Libro II. Epig. 42. ubi eum vocarat alpha, seu primum pænulatorum, id est mendicorum; pauperes enim

utebantur vulgò pænula. Si te, inquit, ô Codre, offendit hic meus jocus, potes me ulcisci, ac me vicissim vocare beta togatorum, hoc est, secundum

inter togatos. Populus vulgò toga utebatur. Ego te primum tui ordinis appellavi: tu me appella secundum mei. Videtur se Martialis infra Codrum deprimere: ta-

men se illi præfert, quia multò est honorificentius esse secundum inter togatos, quàm inter pænulatos primum. Germanus hic videtur esse hujus epigram. sensus.

XXVII.

Eques verus.

1. Ingenium, studiùmque tibi, morésque, genúsque
2. Sunt equitis, fateor: cætera plebis habes.
3. Bis septena tibi non sunt subsellia tanti,
4. Ut sedeas viso pallidus Oceano.

VERS. 1. *Studium*. Indoles, occupationes.

2. 3. At plebejum censum habes, non equestrem: ideòque non sedes in 14. ordinibus; crede mihi, facilis jactura hujus honoris est: tanti enim pretii non est, non tan-

ti faciendum est, in 14. illis primis theatri subselliis sedere, ut metuas, ne ab Oceano, qui suas sedes equitibus attribuit, tanquam equestri censu carentes, ejiciaris, sedere cum plebe jubearis. Epig. 8.

XXVIII.

In obrectatorem.

1. Ut bene loquatur, sentiatque Mamercus,
2. Efficere nullis, Aule, moribus possis.
3. Pietate fratres Curtios licet vincas,
4. Quiete Nervas, comitate Rufones.
5. Probitate Macros, æquitate Mauricos.
6. Oratione Regulos, jocos Paullos:
7. Rubiginosis cuncta dentibus rodit.
8. Hominem malignum forsan esse tu credas;
9. Ego esse miserum credo, cui placet nemo.

VERS. 2. *Nullis*. Ne integerrimis quidem & optimis. Licet moribus sis castissimis, de te tamen detrahet Mamercus.

3. *Curtios*. Ex iis unus M. Curtius nomine, devovit se pro patria, & in hiatum terræ, qui medio in foro repente exciterat, armatus &

equo insidens sese demisit, anno U. C. 392. Responsum enim fuerat, ita claudendam hanc voraginem, si in eam projiceretur id quo populus Rom. plurimùm valeret. De Regulo, celebri causidico, sæpe antea diximus. Nerva Imperator, qui Domitiano successit, otii & quietis fuit a-

mantior. Paullus, de quo hic sermo, nobilis patronus extitit: Rufo, Macer, sive Marcus, Mauricus, cives primarii,

tunc noti.

7. *Rubiginosis*. Maledicis: Litor ferè pallidus, & infectis rubigine dētibus, describitur.

XXIX.

In mulierem irvenustam.

1. Si quando leporem mittis mihi Gellia, dicis
2. Formosus septem, Marce, diebus eris.
3. Si non derides, si verum, lux mea, narras:
4. Edisti nunquam, Gellia, tu leporem.

VERS. 4. *Edisti nunquam*, &c. Quia valde deformis es.

Leporē. Sumpto in cibis lepore, inquit Plinius libro 28.

c. 19. *vulgus gratiam corpori in VII. dies fieri arbitratur, frivolo quidem joco, cui tamē aliqua debeat subesse causa, in tanta persuasione. Causam*

ipse non affert. Non desunt, inquit Erasmus, qui hanc vulgi opinionem inde ortam suspicentur, quod homines lepidos & sermonis leporem, latine dicamus: atque adeo léporicum lepore, & venustate aliquo pacto conveniat.

XXX.

Suum amico librum mittit.

1. Varro, Sophocleo non inficiande cothurno,
2. Nec minùs in Calabria suspiciende lyra,
3. Differ opus: nec te facundi scena Catulli
4. Detineat, cultis aut Elegia comis:
5. Sed lege fumoso non aspernanda Decembri
6. Carmina, mittuntur quæ tibi mense suo.
7. Commodius nisi fortè tibi, potiùsque videtur
8. Saturnalicias perdere, Varro, nuces.

VERS. 1. *Inficiande*. Negande, id est, quem non neget, non spernat, Sophocleus cothurnus: qui Sophocli, tragico inter Græcos poëtæ nobilissimo, ita similis es, ut te ille suum ultro agnoscat emulum & imitatore, ut illum tui non pudeat. Cothurni habitatio mentio supra, Epig 5.

2. *Calabra*. Heroïca poësi

latina, cujus laude floruit imprimis Ennius, natus Rudiis, in Calabria: vel, poësi lyrica, cujus princeps Horatius, natus in Apulia, Calabriae vicina. De Ennio dictum antea, Epig. 10.

3. *Differ opus*. Operosa carmina per istas Saturnalicias ferias paulisper intermitte: leviora & jocosa lege.

Scena. Poëma tragicum à Catullo scriptum. Meminit Juvenalis Sat. 8. tragœdiæ, quæ inscriberetur *Phasma*, compositæ à Catullo. Et verò nomen *Scenæ*, Dramati, non Epopœjæ, convenit. Est scena propriè umbraculum, seu ornamentum theatri: pro ipsa tragœdia sumitur. Noli igitur legere Tragœdias Catulli, aut elegias. Est Elegia carmen vulgò lugubre, constans alternis versibus hexametris & pentametris, qui debent esse cultiores & nitidiores, ut placeant. De Catul-

lo facta mentio est ep 8. l. 1.
5. *Fumoso.* Ob hibernum focum.

6. *Suo.* Geniali & hilari, ideòque iocosis epigrammatis legendis & mittendis idoneo. Saturni feïta celebrabantur mense Decembri: tunc genio solebant indulgere.

8. *Nuces.* Ludere solebant per Saturnalia, nucibus, idque jactis talis: ita ut qui talis vicisset, nuces auferret. Lege itaque meos versiculos, nisi mavis ludere nucibus. Ita sua carmina deprimit, sed ingeniosè.

XXXI.

Puerorum in tauris hærentium pugna.

1. Aspice quàm placidis insultet turba juvencis,
2. Et sua quàm facilis pondera taurus amet.
3. Cornibus hîc pēdet sūmis, vagus ille per armos
4. Currit, & in toto ventilat arma bove.
5. At feritas immota riget, non esset arena
6. Tutior, & poterant fallere plana magis:
7. Nec trepidant gressus: & de discrimine palmæ
8. Securus puer est, sollicitūque pecus.

VERS. 2. *Sua pondera.* Pueros tauris insidentes, & inter se certantes.

4. *In toto, &c.* Pueri per armos & cornua taurorū curstantes ventilant, id est, agitant, & quassant arma sua, v.g. tela, venabula, sudes. Ventilare dicebantur gladiatores, cū ante pugnam suos quassabant gladios, & vanis ictibus aërem ferientes præludebant certamini.

5. 6. Tauri, natura feri

& torvi, stant immoti, quasi rigerent, ac sensus essent expertes; neque pueros lædunt, aut excutiunt: non essent pueri in arena, in pavimento, tutiores, quàm in tergo bovis: labi facilius fallente vestigio possent, in equo & plano solo.

Fallere. Magis esse lubrica, & apta prolapsioni.

7. 8. Pueri metus expertes insultāt, insistentque tauris, & certi sunt se palmam

relaturos oblectando spectatores, hærendo firmè in taurorum tergo, nihilque trepidando, &c. Ipsi tauri timent ac solliciti sunt, ne victoriam impediât, ne pueros obturbet.

XXXII.

Helluonis testamentum.

1. Quadrantem Crispus tabulis, Faustine, supremis
2. Non dedit uxori: cui dedit ergo? sibi.

VERS. 1. *Quadrantem.* Quartam assis partem: De libræ, seu assis partibus vide Lib. II. Ep. 54. & supra Epi. gram. 19. *Tabulis supremis.* Testamento. Ep. 58. lib. 4. 2. *Sibi.* Opes omnes suas ventri suo, dum adhuc viveret, donaverat. Itaque moriens, quod uxori daret, nihil reliquum habuit: omnia dum viveret ligurivit.

XXXIII.

Maledico minatur ultionem.

1. Carpere causidicus fertur mea carmina: qui sit
2. Nescio: si sciero, væ tibi causidice.

XXXIV.

Erotii epitaphium.

1. Hæc tibi, Fronto pater, genitrix Flaccilla, puellâ
2. Oscula commendo deliciâsque meas:
3. Pallida ne nigras horrescat Erotion umbras,
4. Orâque Tartareii prodigiosa canis.
5. Impletura fuit sextæ modo frigora brumæ,
6. Vixisset totidem ni minùs illa dies.
7. Inter tam veteres laudat lasciva patronos,
8. Et nomen blæso garriat ore meum.
9. Mollia nec rigidus cespes tegat ossa, nec illi
10. Terra gravis fueris, non fuit illa tibi.

VERS. 1. Martialis Frontoni & Flaccillæ suis parentibus jam demortuis, Erotion puellam, vernulam suam, immaturo fato raptam commendat, ut eam apud inferos excipiant, à Cerbero defendant &c. 2. *Oscula mea.* Puellam mihi carissimam. His vocibus blandiebantur. 3. *Erotion.* Est græca vox *Ερωτιον*, & generis femini-

ni: latinè diceret Erotium; ut Glycerium, Eustochium, seminarum nomina.

5. Sex illi dies defuere, quominus sexenniū implemet. Deceffit sexennis, minus sex diebus.

7. *Patronos*. Nempe patrē, matrem, & avos ipsius Martialis, quos puellæ vernula jure in suorum patronorum habere loco potest, eorūque

clientelā & patrociniū gaudere contra umbras ac Cerberum. Inter illos ludat & lasciviat, id est, huc illuc temerè discurrat ac lusitet, more puerorum.

9. Solemnis erat formula bene precandi mortuis: illis ut esset terra levis, orabant.

10. *Non fuit*. Puellæ enim non magna moles, leve corpus est.

XXXV.

Clavis improba.

1. Dum sibi redire de Patrensibus fundis
2. Ducena clamat coccinatus Euclides,
3. Corinthiōque plura de suburbano,
4. Longūmque pulchrā stemma repetit à Leda,
5. Et suscitanti Lectio reluctatur;
6. Equiti superbo, nobili, locupleti,
7. Cecidit repentē magna de sinu clavis.
8. Nunquam, Fabulle, nequior fuit clavis.

VERS. 1. Cū Euclides coccinea seu purpureā veste indutus, quem designator Lectius ex equitum subselliis dejecturus erat, clamaret se locupletem esse, ac nobilem equitem.

Patrensibus. Patræ, *Patras*, Achajæ urbs vetus: eò colonia deducta ab Augusto. Legitur etiam *patrue libus*; nimirum ex agris sibi relictis à fratre & sorore patrue libus: filii duorum fratrum patrueles appellantur, quia fratrum alter, ipsis patruus est.

2. *Ducena*. Subaudi, sesteria, quæ libras conficiunt, seu Francicos, ut dictitamus, nummos 20000.

Coccinatus. Vide ep. 14. l. 2.

3. Et plura sesteria de agro quodam, qui esset in suburbio Corinthi, urbis celeberrimæ in Peloponneso, sitæ in medio Isthmi, nunc *Corinto*.

4. *Stemma*. Jactat se oriundum à Leda. De hac voce, stemma, vide lib. 4. Ep. 32.

Leda. Fuit uxor Tyndari, mater Castoris & Pollucis.

6. *Equiti*. Euclidi.

7. *Clavis*. Quæ servorum erat quasi insigne: servi enim domorum claves gestabant secum, ac servabant.

8. *Nequior*. Quia illum esse servum ostendit: aut ita egentem, ut careret servo, cui suæ domus claves traderet.

XXXVI.

Poëta deceptus.

1. Laudatus nostro quidam, Faustine, libello;
2. Dissimulat, quasi nil debeat: imposuit.

V E R S. 1. Laudaveram | cedis ab eo laturum: ille
aliquem aliquo epigramma- | finxit se ignorare quid vel-
te meo; nimirum arbitratus | lem, excidi mea spe; dece-
me aliquid præmii & mer- | ptus sum.

XXXVII.

Mortem conjugis fortiter ferens.

1. Puella senibus dulcior mihi cyncis,
2. Agnâ Galæsi mollior Phalantini,
3. Conchâ Lucrini delicatior stagni;
4. Cui nec lapillos præferas Erythræos,
5. Nec modò politum pecudis Indicæ dentem,
6. Nivésque primas, liliúmque non tactum:
7. Quæ crine vicit Bætici gregis vellus,
8. Rhenique nodos, aureámque nitellam:
9. Fragravit ore, quod rosarium Pæsti;
10. Quod Atticarum prima mella cerarum;
11. Quod succinorum rapta de manu gleba:
12. Cui comparatus indecens erat pavo,
13. Inamabilis sciurus, & frequens phœnix:
14. Adhuc recenti tepet Erotion busto,
15. Quam pessimorum lex avara factorum,
16. Sextâ peregit hyeme, nec tamen totâ,
17. Nostros amores, gaudiúmque, lusúsque.
18. Et esse tristem me meus vetat Pætus;
19. Pectúsque pulsans, pariter & comam vellens,
20. De flere non te vernulæ pudet mortem?
21. Ego conjugem, inquit, extuli, & tamen vivo,
22. Notam, superbam, nobilem, locupletem.
23. Quid esse nostro fortius potest Pæto?
24. Ducenties accepit, & tamen vivit.

V. 1. *Puella, &c.* Ex Ero- | arripit occasionem Pætici ar-
tii quam fusè laudat, morte, | pendi. Porro duce ndum est

initium sententiæ à versu 14.
Erotion puella dulcior cygnis
&c. adhuc recēti busto tepet.

Senibus. Tunc enim dicuntur canere suavissimè.

2. *Galæsi.* Galæsus est fluvius agri Tarentini, de quo dictum superius. Phalantius vocatur, quia Lacedæmonius quidam, Phalantius nomine Tarentum condidit.

3. *Lucrini.* Lucrinus lacus est in Campania Itala. Lege Ep. 54. lib. 1. in eo erant conchæ, sive ostrea delicata; lapilli politii, & nitidii.

4. *Erythræos.* Natos in mari Erythræo, id est rubro, inter Arabiam, & Ægyptum, *Mar Rosso, la Mer rouge, vel la Mecha, de la Mecque.*

5. Ebur, elephantis dentem. *Modò politum.* Recens politum.

7. *Bætici.* Bætis fluvius est Hispaniæ meridionalis, nunc *Guadalquivir*, Andalusiam & vicinas regiones alluens: ejus aqua, imo totius regionis aër, ita gregibus erat amicus, ut oves Bætici celebrarentur, ac rutila & aurei coloris vellera gererent.

8. Quæ vicit Germanorum crines in nodum tortos, & cirratos. Nitella pulvis aureus fuit, sive aurea ramenta, quæ crinibus inspergebant, ut nos hodie candidum pulverem odoratum.

9. Rosas spiravit Erotium, animam ducebat roseo fragrantem odore. Pæstum, *Pæsto*, urbs Italiæ, cujus ager rosis eximiis abundabat.

10. *Atticarum.* Celebrabatur mel Atticum, maxime in monte Hymetto, floribus lectissimis & apibus referto.

11. *Gleba succinorum.* Quod cespes imbutus succino, & raptus è manu in qua tritus est, naribusque admotus. Odoratum viscum è populi arboribus decidit, ac terra admixtum duratur & coalescit in succinum seu electrum; quod si atteratur manu & confricetur, odorem spirat suavissimum. Ep. 47. lib. 4.

15. *Siurus.* Animal exiguum est, at venustissimum instar parvæ felis, in silvis frequens, ubi in arbores alias ex aliis infilit; lata cauda & villosa, unde nomen habet: *σκιά* enim Græcis est umbra, & *ῥπα*, cauda: *σκίρπος* igitur, quasi qui se totum cauda inumbret ac tegat.

Frequens. Præ Erotio frequens erat phœnix, qui tamen esse unus tantum in orbe terrarum, & singulis nasci sæculis perhibetur: illorarior Erotium erat.

14. *Modocremata* est. Rogus propriè est lignorum strues ad cremandum cadaver parata: pyra, eadem strues accensa: bustum, eadem flammis usta & consumpta.

15. *Avara.* Quæ illi tam parcè, tam malignè, annos ad vivendum adnumeravit.

16. *Peregit.* Ejus vitæ cursum absolvit: eam peremit. *Nec tota.* Nempe minùs diebus sex. Vide Ep. 345.

20. *Vernula*. Ancillę, mancipii.

21. *Et tamen vivo*. Vide, inquit Pætus, quam forti animo sim, qui tanto dolore non conficiar: disce meo exemplo fortiter ferre mortem mancipii. Certè, inquit Martialis, miror te adhuc vivere, ô Pæ-

tæ, qui uxorem amiseris adeo locupletem ut reliquerit tibi ducenties centena millia sestertiorū, hoc est, libras Francicas 2000000. Roman. Scutatos circiter 450000. Ironia: significat eum plus gaudere acceptā pecuniā, quā dolere ademptā conjugē. *la*

XXXVIII.

Eques unus & geminus.

1. Calliodorus habet censū (quis nescit?) equestrē,
2. Sexte; sed & fratrem Calliodorus habet:
3. Quadringenta secatur, qui dicit *σὺν καὶ μέριζε*:
4. Uno credis equo posse sedere duos?
5. Quid cū fratre tibi, quid cum Polluce molesto?
6. Non esset Pollux si tibi, Castor eras.
7. Unus cū sitis; duo, Calliodore, sedetis:
8. Surge, solœcisimum, Calliodore, facis.
9. Aut imitare genus Ledaë: cum fratre sedere
10. Non potes; alternis, Calliodore, sede.

VERS. 1. *Censum equestrē*. Sestertia 400.

3. Sed frater tuus secatur, jubet dividi 400. sestert. & dimidiam sibi partem hereditatis ac bonorum petit, videturque dicere tibi græcum illud proverbium *σὺν καὶ μέριζε*, hoc est, *ficus divide*. Hoc proverbium in eos cadit qui hereditatem partuntur & patrimonium. Ficus enim in Attica erant maximi pretii, in iisque ut plurimum consistebant prædiorum provenus: quare ficus partiri, erat bona, seu fortunas dividere.

4. At, inquit Calliodorus, 400. sestertia mihi & fratri sufficient ad censum

equestrē ambobus tribuendum: id vero fieri non potest, respondet Martialis, quemadmodum duo in eodem equo satis honestè & commodè sedere nequeunt: sic duo homines unum equitem efficere, unum equestrē censum possidere simul nequeunt.

5. 6. Sanè dolendum tibi est, quod fratrem habeas, qui, ut olim Pollux immortalitatem cum fratre Castore partitus est, ita tecum 400. sestert. dividat: si tibi non esset ille frater, si hunc veluti Pollucem non haberes, tu Castori similis fores, haberes enim solus tota 400. sestertia, quemadmodum Castor, si ca-

ruisset fratre Polluce, totam immortalitatem, non bipartitam, & altero tantum utendam die, habuisset. Castor & Pollux, fuerunt ambo Ledaë filii, sed Castor cum Jovis beneficio esset immortalis; suam immortalitatem ita fratri communicavit, ut alternis viverent ambo, ac morerentur Consule Ep. 32. Lib. I. Alii sic explicant: *Castor eras*, id est, esses eques. Pollux enim

erat pugil, pugilatum amabat: Castor erat eques; equis gaudebat.

8. *Solæcismum*. *Unus* enim est singularis numeri; *sedetis* verò, est pluralis.

Surge. Locum equestrem relinque.

9. *Genus*. *Filios*.

10. *Sede*. In theatro, inter equites, in 14. ordinibus. Vide supra Ep. 23. 25. 27.

XXXIX.

Captator captus.

1. Supremas tibi tricies in anno
2. Signanti tabulas, Charine, misi
3. Hyblæis madidas thymis placentas.
4. Defeci; miserere jam, Charine:
5. Signa rariùs, aut semel fac illud,
6. Mentitur tua quod subinde tussis.
7. Excussi loculosque, sacculumque:
8. Cræso divitior licet fuisset.
9. Iro pauperior forem, Charine,
10. Si conchem toties meam comesses.

V E R S. I. Charini divitis & carentis prole, hereditatem captans Martialis mittebat illi munera, idque sæpius, quia ille morbo aut vero, aut ficto, laborans, trigint[is] singulis annis testamenta obsignabat: cum verò Charinus nunquam moreretur, hoc illi vates scribit, ac se deceptum dolet.

3. *Placentas*. Liba melle condita & thymo. Hybla mons Siciliæ apibus & melle dives.

4. *Defeci*. Exhaustus sum; deficiunt me munera.

Signa. Testamentum concede. Testamentum à certis re-

stibus obsignandum erat, ut valeret.

5. *Fac illud, &c.* Morere, quod te facturum fingis, dum ægrè tussiens animam videris exhalaturus, & aliud ex alio testamentum facis.

8. *Cræso*. Rege Lydiæ ditissimo: Irus verò fuit pauperimus. Hunc suis versibus Homerus celebravit in *Odyssæa*.

10. *Si conchem*. Si tricies mecum edisses legumina & cibos vilissimos, tamen me ad extremam paupertatem redegissem: quanto magis cum

cū ego ad te liba & placen- ferim? Cōchis, est genus quod-
tas delicatas tricies jam mi- dam fabæ cum cortice elixæ.

XL.

Homo eruditus & imperitus pictor.

1. Pinxisti Venerem; colis, Artemidore, Minervā:
2. Et miraris opus displicuisse tuum?

VERS. 1. O Artemidore, Minervam colis, homo litte-
rarum amans & eruditus: at pictor non optimus pinxisti Venerem, cui sunt inimici-
tiæ cum Minerva: hæc fecit ut malè Venerem pingeres: itaque non mirum si tua tabella sine Venere est, si est ineleganter & inscitè picta.

XLI.

Opes securæ.

1. Callidus effractâ nummos fur auferet arcâ,
2. Prosterneat patrios impia flamma Lares.
3. Debitor usuram pariter sortemque negabit;
4. Non reddet sterilis semina jacta seges:
5. Dispensatorem fallax spoliabit amica;
6. Mercibus extructas obruet unda rates.
7. Extra fortunam est quidquid donatur amicis:
8. Quas dederis, solas semper habebis opes.

VERS. 3. Sortem. Summam integram, pro qua usuræ penduntur à debitore: *le capital, il capitale.*
5. Dispensator, sive œconomus qui servare pecuniam
tuam, & in legitimos usus deberet expendere, illam donabit amicæ & meretrici, ab eaque spoliabitur: & sic opes tuas dispensatoris vitio perdes. *Extructas. Plenas.*

XLII.

Empta pulchritudo.

1. Thais habet nigros, niveos Lecania dentes:
2. Quæ ratio est? emptos hæc habet, illa suos.

XLIII.

In parasitum.

1. Quid factum est, rogo, quid repente factum est?
2. Ad cœnam mihi, Dento, quòd vocanti

3. (Quis credat?) quater ausus es negare.
4. Sed nec respicis, & fugis sequentem;
5. Quem thermis modò quærere, & theatris,
6. Et conclavibus omnibus solebas.
7. Sic est: captus es unctiore cœnâ,
8. Et major rapuit canem culina.
9. Jam te, sed citò, cognitum & relictum
10. Cùm fastidierit popina dives,
11. Antiquæ venies ad ossa cœnæ.

VERS. 3. *Negare*. Recusare. Noluisti domum meam cœnatũ venire, licet vocatus.

4. *Respicis*. Respicere, est oculis retrò conversis aspiceret illud, quod à tergo est. *Sequentem*. Ut te invitem.

5. *Thermis* Lege Lib. Spectac. Ep. 2. *Quærere*. Ut à

me vocareris ad cœnam.

8. *Canem*. Te, instar canis famelici, quærentem escas.

9. 10. Sed cùm à divitibus rejectus fueris, ad meam egentem & algentem cœnam redibis, ad eam invitari cupies, & à me vicissim contemneris.

XLIV.

In malè frugalem.

1. Nunquã se cœnasse domi Philo jurat: & hoc est;
2. Non cœnat, quoties nemo vocavit eum.

VERS. 1. Jurat se Philo nunquam domi cœnasse, sed se ab aliquo nempe viro nobili semper invitatum fuisse.

Et ita se res habet, nunquam enim domi cœnat; manet domi suę jejunos & incœnatus, cùm non invitatur.

XLV.

In Calvum.

1. Vidissem modò fortè cùm sedentem
2. Solum te, Labiene; tres putavi:
3. Calvæ me numerus tuæ fefellit.
4. Sunt illinc tibi, sunt & hinc capilli,
5. Quales nec puerum decere possint;
6. Nudum est in medio caput, nec ullus
7. In longa pilus area notatur.
8. Hic error tibi profuit Decembri,

9. Tunc cùm prandia misit Imperator,
 10. Cùm panariolis tribus redisti.
 11. Talem Geryonem fuisse credo.
 12. Vites cenfeo porticum Philippi,
 13. Si te viderit Hercules, peristi.

VERS. 2. *Tres &c.* Quia tria capita videre mihi visum, tua enim calva, tuum calvum caput, tribus æquivalet: in utrisque temporibus circum auriculas aliquantulum est capillorum, sed illi tamen ita sunt rari ac breves, ut vix rariores sint in infantibus: En primum & secundum caput, nempe duo tempora raris crinibus sparsa.

7. *Area.* In ea parte capitis, quæ à fronte ad occiput protenditur. En tertium quasi caput, pars nuda inter duo tempora.

8. *Hic error.* Quo triplex, pro uno, esse existimaris.

Decembri. Quo, per festa nimirum Saturnalia civibus munera & opsonia dabantur ab Imperatore.

10. *Panariolis.* Spatulis, canistris, vasis panariis.

11. *Talem.* Tricipitem, tergeminum.

22. *Philippi.* Erat hæc porticus adjuncta Herculis & Musarum templo, quod collapsum denuo excitaverat Marcius Philippus, Augusti Cæsaris vitricus, à quo nomē hæc porticus habebat. Si te igitur Hercules, (cujus erat in hoc templo insignis statua,) viderit, ratus alterum esse Geryonem, te interficiet.

XLVI.

In cænipetam.

1. Cæno domi quoties, nisi te, Charopine, vocavi,
 2. Protinus ingentes sunt inimicitiae:
 3. Méque petis stricto medium transfigere ferro,
 4. Si nostrum sine te scis caluisse focum.
 5. Nec semel ergo mihi furtum fecisse licebit?
 6. Improbius nihil est hâc, Charopine, gulâ;
 7. Desine jam nostram, precor, observare culinam.
 8. Atque aliquando meus det tibi verba coquus.

VERS. 1. 2. 3. Ordo est. Quoties domi meæ cæno, nisi te vocavi, si te non invitavi ad cœnam, tunc mihi denuncias ingentes inimicitias, & quasi gladium in me

stringis.

5. Quid ergo? Non licebit mihi cœnare vel semel, clam te, ac me tibi suffurari? Furtum dicitur quodcumque clâ & aliis non consciis fit.

6. Nihil est te importunius, nimum gulosus homo es.

8. *Det tibi verba*. Te decipiat. Dare verba est ali-

quem fallere, quasi nihil ali-
præter verba dare. Dicat tibi
me ab alio invitatum cœnare
foris, licet domi cœnem.

XLVII.

In imperitum causidicum.

1. Hic qui libellis prægravem gerit lævam,
2. Notariorum quem premit chorus levis,
3. Qui codicillis hinc & inde prolatis
4. Epistolisque commodat gravem vultum,
5. Similis Catoni, Tullioque, Brutoque,
6. Expressere, Rufe, fidiculæ licet cogant,
7. Ave latinum, χαῖρε non potest Græcum.
8. Si fingere istud me putas, salutemus.

VERS. 1. *Libellis*. Chartis in quibus lites scriptæ &c.

2. Notarii, erant amanuenses, vel scribæ, aut librarii qui varia litium instrumenta scribebant. Per *Notas*, sæpe significantur literarum quædam compendia, quibus illi scribæ plurimum utuntur.

Levis. Imberbis.

2. Qui gravi & severo, attento & serio vultu, aures commodat prolatis sibi codicillis; audit homines legentes sibi de via, nunc codicillum, nunc epistolam: quasi omnium unus esset patronus civium. Codicilli sunt vel testamenti tabulæ, vel diplo-

mata principum, vel epistolæ longiores.

5. *Catoni*. Cujus laudatur severitas & æquitas. *Leg.* Lib. I. Ep. I.

Tullio, cujus eloquentia *Bruto*, cujus insigne literarum studium celebratur.

6. Istamen, vir tam gravis, tam eruditus, tam eloquens; non potest quemquam vel latinè, vel græcè, commodè salutare, tametsi cogatur tormentis adhibitis. *Fidiculæ* sunt funiculi & nervi, quibus reorum corpora in equuleo posita, extenduntur.

8. *Salutemus*. Hominem adeamus, periculū faciamus.

XLVIII.

Quis oblivisci beneficium debeat.

1. Quæ mihi præstiteris memini, sempérq; tenebo,
2. Cur igitur taceo, Postume? tu loqueris.
3. Incipio quoties alicui tua dona referre,
4. Protinus exclamat, dixerat ipse mihi.

5. Non bellè quædam faciunt duo : sufficit unus
 6. Huic operi : si vis ut loquar ; ipse tace.
 7. Crede mihi, quamvis ingentiæ, Postume, dona
 8. Auctoris pereunt garrulitate sui.

VERS. 2. *Tu loqueris*. Ideo fileo, quia non files : quia prædicas beneficia mihi à te data. Meum erat hoc facere.

4. *Exclamat*. Is cui tua dona commemoro. *Dixerat*. Postumus.

5. Sunt res quædam, quæ

minùs benè à duobus fiant.

6. *Huic operi*. Beneficio prædicando.

8. *Auctoris*. Ejus qui beneficium contulit. Qui dedit igitur, oblivisci beneficium debet : meminisse & prædicare, qui accepit.

XLIX.

In poëtam indoctum.

1. Colchida quid scribis, quid scribis, amice, Thyesten?
 2. Qui tibi vel Niobè, Basse, vel Andromachè?
 3. Materia est, mihi crede, tuis aptissima chartis
 4. Deucalion; vel, si non placet hic, Phaëthon.

VERS. 1. *Colchida*. Medeam. cur ita vocetur dixi lib. Spectac. Epigr. 25. Thyestes fuit Phelopis filius, Tantali nepos, frater Atrei, cujus uxorem cum temerasset, Atreus ejus filium ipsi epulandum apposuit : hinc multæ tragiæ natæ.

2. Quò pertinet, quî convenit tibi, scribere Nioben? Sic Horatius scribit Epistola 5. Libri I. *Quò mihi fortunas, si nō conceditur uti?* pro Quor.

sum, qua de causa, fortunas & opes habeo, si iis uti non licet? Andromache, fuit uxor Hectoris: Niobes nota est fabula, lege Ovid. 6 Metaph.

3. *Materia &c.* Innuit ejus poëmata digna esse flammis, vel aquis. Quippe regnante in Græcia Deucalione contingit celebre, & decantatum poëtis diluvium: Phaëthon fulmine ustus periit.

4. *Hic*. Deucalion.

L.

Rhetor extemporalis.

1. Extemporalis factus est meus rhetor:
 2. Calpurnium non scripsit, & salutavit.

VERS. 1. Extemporalis appellatur hoc loco qui dicit ex tempore, non meditatus, non

paratus. *Meus*. Quem Epigrammate 22. laudaverat, quod salutaret homines, quo-

rum nomina scripserat fac dicerat . Ille nunc tantum profecit , inquit , ut Calpur-

nium salutaverit , quamvis ejus nomen omnino non scripserit .

LI.

Artes adolescentibus discendæ .

1. Cui credas , Lupe , filium magistro
2. Quæris sollicitus diu , rogâsque .
3. Omnes grammaticôsque , rhetorâsque
4. Devites , moneo : nihil sit illi
5. Cum libris Ciceronis , aut Maronis ,
6. Famæ Rutilium suæ relinquat .
7. Si versus facit , abdicet poetam .
8. Artes discere vult pecuniosas ?
9. Fac , discat citharædus , aut choraules .
10. Si duri puer ingenî videtur ,
11. Præconem facias , vel architectum .

VERS. 6. Patiatur Rutilium , insignem oratorem , quem Cicero laudat in Bruto , florere eloquentiæ famâ .

7. Si amat versus facere , prohibe ; ac , ni desinat , abdica illum , exhereda . Miror hujus verbi significationem interpretes latuisse .

9. *Discat citharædus* . Subaudi , esse : vel , dictum hoc more Græcorum , qui cum verbo *disco* rectum sæpe casum jungunt . Legit Janus Gulielmius , *fac hiscat citharædus* . Verba enim *hiscere* , *hiare* usurpantur eleganter in re musica . Laudat versum Propertianum , *Tantum operis nervis hiscere posse meis* :

alterumque ejusdem de Apolline ad vivum depicto : *Visus marmore a cæcæ lyra* .

Opinor quia qui lyram pulsan , os diducunt , quasi vocem numeris , lyraeque vel lent sociare .

Choraules . Is est qui tibiâ in choro , seu cœtu cænantium , inflat ; *αὐλὸς* tibia ;

χορὸς , chorus : *χεράυλης* .

10. Si puer caret ingenio , præconem esse jube , vel architectum ; sunt enim artes illæ magni quæstûs , ingenii exigui . Dolet igitur bonas artes præ illis vilioribus , sæculo suo contemni .

LII.

Honestum nomen .

1. Cùm voco te dominû , noli tibi , Cinna , placere :
2. Sæpe etiam servum sic resaluto tuum

LIII.

Vive hodie.

1. Cras te victurum, cras dicis, Postume, semper :
2. Dic mihi cras istud, Postume, quando venit?
3. Quàm longè est cras istud? ubi est? aut unde petendum?
4. Numquid apud Parthos Armeniósque latet?
5. Jā cras istud habet Priami vel Nestoris annos,
6. Cras istud quanti dic mihi possit emi?
7. Cras vives: hodie jam vivere, Postume, serū est,
8. Ille sapit, quisquis, Postume, vixit heri.

V E R S. 1. *Victurum.* Vivere accipit vulgò Martialis pro, genio indulgere.

4. *Parthos.* Parthi propriè dicti habitarunt inter Persidem ad meridiem, & Hyrcaniam ad septentrionem: Persi primū subditi, postea, Romanorum tempore, totā Perside potiti sunt. Armenia, est regio in minoris Asiæ, finibus

ad Orientem, intra montes Taurum & Caucasum, l' *Armenia Ararath* olim.

5. *Priami.* Ad summam usque senectutem vixit Priamus: Nestor etates hominum tres confecit: hic Græcorum dux: ille rex Trojanorum.

8. *Heri.* Hoc enim solum nostrum est ac certum, quod est præteritum.

LIV.

Magna munera.

1. Quòd nō argentū, quòd non tibi mittimus aurū;
2. Hoc facimus causā, Stella diserte, tuā.
3. Quisquis magna dedit, voluit sibi magna remitti:
4. Fictilibus nostris exoneratus eris.

V. 2. Hoc in tuam gratiam facio; tibi consulo non mihi.

4. *Exoneratus.* Liber & so-

lutus ab onere magna munera remittendi. Fictilia, sunt vasa ex argilla & luto facta.

LV.

Obtrektor quomodo ulciscendus.

1. Allatres licet usque nos & usque,
2. Et gannitibus improbis laceffas:
3. Certum est hanc tibi pernegare famam,

4. Olim quam petis in meis libellis
5. Qualiscunque legaris ut per orbem.
6. Nam te cur aliquis sciat fuisse?
7. Ignotus pereas, miser, necesse est.
8. Non deerunt tamen hac in urbe forsan
9. Unus, vel duo, tréve, quatuórve,
10. Pellem rodere qui velint caninam.
11. Nos hâc à scabie tenemus ungues.

V E R S. 2. *Gannitibus* Probris, maledictis. Propriè vulpes gannire dicuntur.

3. 4. 5. Statuo de te penitus filere, ne tuum nomen olim in meis libellis legatur, & qualemcumque famam inde consequaris.

10. 11. *Pellem rodere &c.*

Erunt fortasse qui te vicissim remordere, & tuam pellem caninam lacerare velint: ego à tam foetido & scabioso animali tangendo abstinere constitui. Scabies hoc in loco malè accipitur à Radero & aliis, pro maledicendi libidine.

LVI.

De suis hortis.

1. Jure tuo nostris maneat licet hospes in hortis,
2. Si potes in nudo ponere membra solo.
3. Aut si portatur tecum tibi magna supellex,
4. Nam mea jam digitum sustulit hospitibus.
5. Nulla tegit fractos nec inanis culcita lectos,
6. Putris & abruptâ fascia recte jacet.
7. Sit tamen hospitium nobis commune duobus:
8. Emi hortos; plus est: instrue tu; minus est.

V. 1. 2. 3. Per me licebit utaris meâ villâ; si nuda humo contentus, ac domo vacuâ esse potes, aut si tecum tuam affers supellectilem, eâque copiosam.

4. Mea supellex jam victa est, & attrita ab aliis hospitibus. Gladiatores victi digitum attollebât ut se victos faterentur. Vide Lib. Spectac. Ep. 27. Digitum tollere est interdum, mancipem fieri,

redimere aliquid & licitari, ut patet ex Tullio, Lib. I. in Verrem, n. 141.

5. Nulla culcita insternitur lectis, ne inanis quidem, & plumâ, tomentoque vacua.

6. *Fascia*. Intellige funes reticulatos, quas vulgò cingulas vocant, quibus transversis pars ima lecti sternitur, qui funes culcitam stramineam aut plumeam ferunt:

pro quibus interdum asseres
adhibentur.

7. Sed conveniamus; com-
munes sint ambobus nobis |

horti, tu eos adorna supelle-
ctile, siquidem ego illos emi,
quod majus est.

LVII.

In poëtam se amantem.

1. Quid sentis, inquis, de nostris, Marce libellis?
2. Si me sollicitus, Pontice, sæpe rogas.
3. Admiror; stupeo; nihil est perfectius illis;
4. Ipse tuo cedit Regulus ingenio.
5. Hoc sentis? inquis: faciat tibi s̄ bene Cæsar, / i
6. Sic Capitolinus Jupiter. imò tibi.

V. 4. *Regulus*. Caufidicus
fuit eloquens & clarus, de
quo antea.

5. 6. An hoc ita sentis, ô
Martialis? inquit Ponticus:
opto, precorque, ut ob eam
rem bene tibi Cæsar faciat,
bene Jupiter, qui in Capitolio
colitur. Ita te ament, ut tu
de meis versibus bene atque
amicè sentis.

Imò tibi Imò, inquit
Martialis, tibi sic faciant

bene Cæsar & Superi, ut ego
bene sentio de tuis versibus.
Atqui de illis pessimè Mar-
tialis sentiebat, nec Ponti-
cum, nisi ore tenus, laudave-
rat: itaque sic malè illi preca-
tur. Simplicius sed minus ar-
gutè sic explicabis: *Imò tibi*.
Tibi potius dent Superi, Sape-
re ac modestè de tuis carmi-
nibus sentire, tenuitatem
tuam & inscitiam agnoscere

LVIII.

Mors vitæ magistra.

1. Sextantes, Calliste, duos infunde Falerni:
2. Tu super æstivas, Alcime, solve nives.
3. Pinguescat nimio madidus mihi crinis amomo,
4. Lassenturque rosis tempora futilibus.
5. Jam vicina jubent nos vivere Mausolea,
6. Cum doceant ipsos posse perire Deos.

V. 1. *Sextantes*. Adi Epig.
26. Libri I.

Callistus. Nomen est servi,
ut Alcimus.

Super. Super vina, solve,
infunde solutas nives super

vina, ut refrigerentur? aut
aquam frigidam, è nivibus
expressam vino affunde.

Amomo. Est amomum arbu-
scula quædam odorem sua-
vissimum spirans; in Arma-

mentia nascitur ; inde fiebant unguenta, quibus crines perfundebantur.

4. *Sutilibus*. Textilibus, nexis philyra. *Lassentur*. Onerentur coronis roseis.

5. 6. Videmus sepulcra Deorum : sic Augustum & Cæsares vocat, qui à Romanis inter Divos relati, pro mo-

re. Siquidem ergo ipsi Dii moriuntur, moriendum aliquando nobis homuncionibus erit : vivamus igitur dum licet. De Mausoleis vide Lib. Spectac. Ep. 1. Potabat in eo loco Martialis, unde hæc sepulcra spectabantur. Consule pariter Ep. 44. Libri II.

LIX.

Adulatur Domitiano.

1. Astra polúmque dedit, quãvis obstante novercã,
2. Alcidae Nemeæ terror, & Arcas aper ;
3. Et castigatum Libyæ ceroma palæstræ ;
4. Et gravis in Siculo pulvere fusus Eryx :
5. Silvarúmque tremor, tacitã qui fraude solebat
6. Ducere nec rectas Cacus in antra boves.
7. Ista tuæ, Cæsar, quota pars spectatur arenæ ?
8. Dat majora. novus prælia manè dies.
9. Quot graviora cadunt Nemeæo pōdera mōstro ?
10. Quot tua Mænalios collocat hasta fues ?
11. Reddatur si pugna triplex pastoris Iberi ;
12. Est tibi qui possit vincere Geryonem.
13. Sæpe licet Grajæ numeretur bellua Lernæ,
14. Improba Niliacis quid facit Hydra feris :
15. Pro meritis cælum tantis, Auguste, dederunt
16. Alcidae citò Dî : sed tibi serò dabunt.

VERS. 1. Ordo est. Aper Arcas, hoc est, Arcadius ; & leo Nemeæus, evexerunt Herculem ad astra, quam vis obstaret Juno. De illis monstris & Hercule plura vide in Libro Spectac. & Lib. IV. Ep. 45. 48.

3. Et Anteus Afer, unctus ceromate, qui fuit castigatus id est, victus ab eodem Hercule in palæstra. Ceroma

esse diximus, oleum pulveri & ceræ admixtum, quo athletæ inungebantur: hic ponitur pro Antæo ita inuncto Ep. 4. Lib 4.

Palæstræ. Sumitur pro luctatione & qualibet corporis exercitatione, vel pro ipso loco luctationis.

4. *Eryx*. Veneris filius, immani mole & fortitudine, degabat in Sicilia ; Herculem

illuc ab Hispania venientem, provocavit ad cæstum certamen, ab eo victus demum & cæsus est. Virgil. V. Æneid.

6. *Cacus*. Historiam vide in Virgil. lib. VIII. Ille vacas Herculis *non rectas*, id est, cauda in speluncam tractas, & inverfis, ne deprehenderetur furtum, vestigiis, abduxit in suum antrum.

7. Ista Herculis facinora quantula pars sunt eorum, quæ in tua arena quotidie spectantur?

8. *Novus*. Alius ex alio: vel, renascens.

9. *Pondera*. Immanes beluæ, majores leone Nemeæo.

10. Quot apros illi Mænaliæ similes aut majores, hausta unius è tuis venatoribus

& gladiatoribus collocat, id est, abjicit humi, ac sternit? De Mænalo Arcadiæ urbe & monte mentio incidit in Libro Spectac. Epigr. 25.

11. 12. Si renovetur Herculis pugna cum Geryone, qui pastor, sive rex Hispaniæ fuit; habes qui illum possint vincere. Triplex pugna dicitur, quia ter vincendus Geryon erat, quippe tricolor.

13. Quamvis rediret Hydra, eaque non una, tamen illa non esset comparanda cum crocodilis, qui sunt in amphitheatro cæsi. De Lerna dictum in eodem Epig. 25. Libri Spectac. Crocodili frequentes sunt in Nili ripa.

16. *Sero*. Quia te diu sospitem nobis servabunt.

LX.

Parcus saluator.

1. Sæpe salutatus, nunquam prior ipse salutas:

2. Sic erit æternum, Pontiliane, vale.

VERS. 2. Salutatus à me sæpius, non respondes præarrogantia, mortuus videris: itaque non dicam tibi deinceps salve, aut ave, fed vale, id quod mortuis dici

solet, teque indignum arbitror qui in hominum numero censearis, multò minùs amicorum. Vale igitur æternum, & morere.

LXI.

Hirundo lacerata.

1. Hibernos peterent solito cùm more recessus

2. Atthides, in nidis una remansit avis.

3. Deprendere nefas ad tempora verna reversæ,

4. Et profugam volucres diripere suæ.

5. Serò dedit poenas, discerpi noxia mater

6. Debuerat: sed tunc cum laceravit Itym.

VERS. 1. *Recessus*. Loca remotiora & calidiora.

2. *Atthides*. Volucres Atticæ; hirundines: Progne quippe Pandionis Atticæ regis filia in hirundinem versa est.

3. Illam hirundinem, quæ ceteras non erat secuta, aliæ redeuntes vere novo, invene-

runt, & quasi piaculum fecisset, sprevissetque socias, lacerarunt.

6. *Itym*. Progne Itym filium cæsum marito suo Tereo, à quo suam sororem Philomelam temeratam fuisse cognoverat, epulandum apposuit. Ovid. 6. Met.

LXII.

In rufos Lesbicæ crines.

1. Arctoa de gente comam tibi, Lesbica, misisti
2. Ut scires, quantò sit tua flava magis.

V. 1. *Arctoa gente*. Germaniâ, quæ tota vergit ad septentrionem. De voce *Arctos* diximus Ep. 14. lib. Spec. Solebant Germani rufos alere & laudare crines; Romanæ

matronæ amabant nigros; meretrices, flavos: ridet igitur istam, cujus coma esset magis rufa, quàm omnes Germanorum nativæ comæ.

LXIII.

Antonius Ciceronis percussor.

1. Antoni, Pnario nil obiecture Pothino,
2. Et leviùs tabulâ, quam Cicerone, nocens:
3. Quid gladium demens Romana stringis in ora?
4. Hoc admisisset nec Catilina nefas.
5. Impius infando miles corrumpitur auro:
6. Et tantis opibus vox tacet una tibi.
7. Quid profunt sacræ pretiosa silentia linguæ?
8. Incipient omnes pro Cicerone loqui.

VERS. 1. O Antoni, qui nihil habes quod obicere Pothino possis; qui Pothinum accusare jure non potes, si quidem longè graviùs illo peccavisti. Pothinus Ptolemæi regis Ægyptii famulus Pompeium Magnum, occidit

jussu domini. Vide Lib. III. Epig. 52

2. *Tabula*. Proscriptionis. Antonius instituto triumviratu multos cives proscripsit, id est, neci destinavit, eorum nominibus in tabula publicè proposita scriptis, & addito

pretio quod percussori numeraretur. Sententia versiculi est. Qui levius crimen admisti tot cives proscribendo & interficiendo, quàm unum Ciceronem necando.

3. *Romana*. Ciceronis, qui Romæ quasi caput & lingua fuit. Porro ultima syllaba hujus vocis *Romana* producit ob duas consonantes quæ sequuntur in voce *stringis*.

4. *Catilina*. Ille, Cicerone consulatum gerente, in rempublicam conjuravit: ejus conjurationem extinxit idem Cicero, strangulatis in carcere principibus conjurationis: ipse Catilina, commisso contra senatus copias prælio, cæsus est.

5. *Corrumpitur*. Ut Ciceronem interficiat. Popilius Tullii percussor fuisse perhi-

betur, licet ab eodem Tullio in capitis causa defensus.

6. Tanto pretio emisti, ut Ciceronis vox sileret tibi: hoc est, ne illæ vox increparet tua scelera. Ea, inquam, vox, cujus silentium tibi uni utile, ceteris quos defendebat, civibus damnosum fuit.

7. Quid prodest quod magno pretio emeris, ut sileret de te Cicero, ut periret? Omnes, tacente Cicerone, tua scelera, quæ tegere non potes, palam accusabunt: sic pro uno accusatore, jam sexcentos habebis: Vel omnes Ciceronem defendent, atque adeo multo plures defensores mortuus reperiet, qui partes ipsius & causam contra te agant, quàm vivus: unus pro se loquebatur, nunc omnes pro eo loquentur.

LXIV.

In decoctorem.

1. Infusum sibi nuper à patrono
2. Plenum, Maxime, centies Syrius
3. In sellariolis vagus popinis
4. Circa balnea quatuor peregit.
5. O quanta est gula, centies comesse!
6. Quantò major adhuc, nec accubare!

VERS. 1. *Infusum*. In crumenam fustum, datum ab herero, à quo donatus fuerat libertate. Servi ad heris manumissi eos habebant in patronorum loco Ordo est Syrius peregit, id est, dilapidavit, absumpsit in popinis, plenum, id est, totum centies, sibi à patrono infusum.

2. *Plenum centies*. Integrum summam sestertiorum centies centenorum millium. Francicas videlicet libras 1000000. Roman. Scutator. millia circiter ducenta viginti quinque.

3. *Sellariolis*. Sellariolæ popinæ dicebantur illæ, in quibus ad mensam non accum-

bebant, ut fiebat ab honestis civibus, & in iusto convivio; sed in sellulis sedentes gulæ raptim indulgebant.

4. *Balnea quatuor*. Nempe Neronis, Grylli, Titi, Agrip-

pæ: quæ in urbe tùm erant celeberrima: & circa quæ visabantur istæ viles popinæ.

6. *Accubare*. Ad mensam in lectulo accumbere.

LXV.

Æstiva villa.

1. Humida quâ gelidas sūmittit Trebula valles,
2. Et viridis Cancris mensibus alget ager;
3. Rura Cleonæo nunquam temerata leone,
4. Et domus Æolio semper amica Noto
5. Te, Faustine, vocant: longas his exige messes
6. Collibus, hibernum jam tibi Tibur erit.

VERS. 1. 2. Quâ valles sunt humidæ prope Trebulam, ubi aër est frigidus, ipso mense Junio, sole Cancrum tenente. Cancer signum est Zodiaci, numero quartum, cui cùm sol supponitur maximi sunt calores in plaga septentrionali. Trebula, est oppidulum in Sabinis, nunc *Monte Leone*.

3. *Temerata*. Numquam ulla caloribus, quos Leonis fidus affert. Cleonæ urbs Peloponnesi erat, prope quam Hercules leonem interfecit, in sidera post relatum. Lib.

Speâac. Epig. 5. & 25.

4. *Æolio*. Æolus rex ventorum. Virgil. I. *Æneid*. Notus est ventorum principum unus, in Italiam imbres frigidus advehens.

5. *Exige &c.* Transige dies æstivos longiores, quibus frumenta demetuntur.

6. Hyemem exiges posthac Tibure, quæ urbs præ villa & agro Trebulano videtur esse calida, atque adeo hyemi traducendæ opportuna: licet Tibur ob frigidiorē auram laudetur. Tiburis facta mentio lib. IV. Ep. 45. 48.

LXVI.

Cur Theodoro non mittat sua carmina.

1. Non donem tibi cur meos libellos
2. Oranti toties, & exigenti,
3. Miraris, Theodore? magna causa est,
4. Dones tu mihi ne tuos libellos.

VERS. 4. *Tuos* Qui sunt insulse & ineptè scripti.

LXVII.

Pompejorum sepulcra.

1. Pompejos juvenes Asia atque Europa, sed ipsū
2. Terra tegit Libyes; si tamen ulla tegit.
3. Quid mirum toto si spargitur orbe? jacere
4. Uno non poterat tanta ruina loco.

VERS. I. Duos habuit Pompejus Magnus filios: Cn. Pompejum natu majorem, qui victus à Cæsare, obiit Mundæ in Hispania, quæ pars est Europæ: & Sext. Pompejum natu minorem, qui Mileti (est urbs Asiæ,) Ab Antonii militibus periit. *Ipsū.* Pompejum Magnum.

2. *Libyes.* Ægypti, in qua diu insepultus jacuit. Ideo addidit, *si tamen ulla tegit.*

3. Quid mirum si virorum tantorum ruina & funus Europam, Asiam & Africam occupat? Magnum Pompejorum nomen, magna gloria, magna quoque ruina, & orbe sparsa toto esse debuit.

LXVIII.

Focus in adulteram.

1. Quæ legis causa nupsit tibi Lælia, Quinte,
2. Uxorem potes hanc dicere legitimam.

VERS. I. Legitimæ uxores vocantur vulgò, castæ & pudicæ, quæ ducuntur à viro post matrimonium sanctè & legitimè contractum. Domitianus revocaverat legem à Julio Cæsare olim latā in adul-

teros, quæ jubebantur adulteras ducere, ac eas habere pro uxoribus, & graves luere pœnas ni facerent. Iste Quintus lege Juliæ cogente, sic Læliam duxerat: quam joco Martialis vocat legitimam uxorem.

LXIX.

Remedium adversus famem.

1. Profecit poto Mithridates sæpe veneno,
2. Toxicæ ne possent sæva nocere sibi.
3. Tu quoque cavisti cœnando tam malè semper,
4. Ne posses unquam, Cinna, perire fame.

VERS. I. Mithridates rex Pontii in Asia, quem Pompejus debellavit, cum timeret ne veneno clam dato periret,

quotidie venenum bibere assueverat, adeo ut illi, consuetudine ipsa, innoxium evaserit. Tu quoque esuriendi cō-

suetudine facies ut fame perire non possis.

2. *Toxica*. Venena : quasi

taxica : taxus, arbor nocens; cujus umbra exitialis esse dicitur ac mortifera.

LXX.

In assentatorem.

1. Narratur bellè quidam dixisse, Marulle,
2. Qui te ferre oleum dixit in auricula.

VERS. 2. Oleum symbolum est assentationis. Oleum igitur in auricula ferre meritò dicitur qui & adulator est,

& adulatoribus gaudet : qui assentationes in promptu semper habet, quibus alienas aures permulceat.

LXXI.

Libera & frugalis cœna.

1. Si tristi domicœnio laboras.
2. Turani, potes esurire mecum :
3. Non deêrunt tibi, si soles ~~propter~~ *ποσειδων*,
4. Viles cappadocæ, gravésque porri.
5. Divisis cybium latebit ovis :
6. Ponetur digitis tenendus unctis
7. Nigrâ coliculus virens patellâ,
8. Argentum modò qui reliquit hortum :
9. Et pultem niveam premens botellus :
10. Et pallens faba cum rubente lardo.
11. Mensæ munera si voles secundæ,
12. Marcentes tibi porrigentur uvæ,
13. Et nomen pyra quæ ferunt Syrorum,
14. Et quas docta Neapolis creavit
15. Lento castaneæ vapore tostæ :
16. Vinum tu facies bonum bibendo.
17. Post hæc omnia fortè si movebit
18. Bacchus, quam solet, esuritionem,
19. Succurrent tibi nobiles olivæ
20. Piceni modò quas tulêre rami,
21. Et fervens cicer, & tepens lupinus.
22. Parva est cœnula (quis potest negare?)
23. Sed finges nihil, audiésve fictum,

24. Et vultu placidus tuo recumbes;
 25. Nec crassum dominus leget volumen.
 26. Sed, quod non grave sit nec inficetum,
 27. Parvi tibia condyli sonabit.
 28. Hæc est cœnula, Claudiam sequêris:
 29. Quam nobis cupis esse tu priorem.

VERS. 1. 2. Si piget te domi tuæ solum & tristem cœnare, poteris cœnare mecum, ita parcè tamen ac frugaliter, ut meritò adhuc post cœnam esurias.

3. Si soles *ποπίνειν*. Si amas aliquid prægustare ante cœnam, reperiēs legumina ad eam rem idonea, v.g. capadocas, (est genus lactucarum) cum porris, quorum odor est gravior &c. Nihil mirum, si dicatur *ποπίνειν* de cibo, cum vox *πόπιμα* dicatur de gustu, quâ voce esca etiam significatur: & verbum propinare, quod è græco factum est, de cibis etiam usurpetur. Sic Ierent. Hunc ego vobis comedendum propino. Potest tamē exponi cum Raderò in Analectis, *προπίνειν* præbibere. Si ante cœnam amas bibere, seu præbibere, dabo legumina quædam, quæ tibi sitim acuant.

5. *Cybius*. Est piscis genus, cujus caro admiscebatur ovis divisis, sive concisis in frustra: unde intritum quoddam fiebat, cybius etiam dictum.

6. *Unctis*. Propter oleum quod infundebatur caulibus. Coliculus est brassicæ pars te-

nerior: *nigra patella* est fumosa, vel parum nitida. Legunt nonnulli, *Ustis*, quia coliculus ab foco & igne recens.

9. *Bofellus*. Genus est farciminis: apponebatur, ut fit hodièque, cum pulte facta è pis: aut ex alica, quæ est farinæ purioris genus: unde niveam vates vocat. Vide Ep 31. Lib. 2.

11. *Secundæ*. In secundis mensis bellaria & fructus apponebantur.

12. *Marcentes*. Maturæ, & rugosæ; lividæ: vel, siccatae fumo, sole, furno.

13. *Syrorum*. Pyra è Syria advecta.

15. *Vapore*. Igne calido, vel aquâ. Tostæ enim, aut elixæ apponuntur.

16. *Bibendo*. Quod vinum per se parum est bonum, ipsa siti bonum facies: ciborum quippe condimentum est fames; & sitienti placet omne vinum.

17. Si post ejusmodi dapes, adhuc appetentiam cibi faciet vinum, ut fit.

20. *Piceni*. Ager Picenus est in Umbria, Italiæ parte, olivis frequens. *La Marca d'Ancona*.

21. *Cicer*. Est genus pisi, quod frigebatur: Lupinus est genus leguminis.

23. *Finges...* Non fictis narrationibus & molestis cōdientur epulæ, ut in divitum accidit mensis, ubi convivæ omnia faciunt ac loquuntur ad gratiam, ad veritatem ferè nihil.

24. *Tuo.* Non coactō, non alienam in gratiam & voluntatem composito.

25. *Dominus.* Ego, cenæ pater.

27. Tibia parvi condyli, est tibia exigui foraminis: ti-

bia exiguo digito tangenda molliter, non toto vel fortiori. Condylus enim est illa pars averſi digiti quæ extat, quæ contrahitur & explicatur, cū digitus aperitur & clauditur: itaque pro toto digito sumitur. Suspiciatur Gruterus Condylum esse nomen hominis.

28. *Claudiam.* Invitabo etiam Claudiam, eam sequēris; imò cupis illam adesse priorem, quippe quam plus nobis diligas.

LXXII.

Vestium ostentator.

1. Undecies unâ surrēxti, Zoïle, cœnâ,
2. Et mutata tibi est, synthesis undecies:
3. Sudor inhæreret madidâ ne veste retentus,
4. Et laxam tenuis læderet aura cutem.
5. Quare ego non sudo, qui tecum, Zoïle, cœno?
6. Frigus enim magnum synthesis una facit.

V E R S. 2. Synthesis, quænam vestis esset, explicui Ep. 38. lib. 2. Zoïlus, ut ostenderet plures sibi esse vestes ejusmodi, fingebat se sudare, & quasi depositurus madidam sudore synthésin, aliam sumebat. Vis non sudare, inquit Martialis, ne muta synthéses, unâ contentus es, to,

quali ego utor, non sudabis, aut sudare te simulabis, imò algebis.

4. 6. *Laxam.* Calor enim poros laxat, quos aura frigida contrahit ac lædit.

5. 6. Cur ego non sudo? rogas? quia vestem unam tantum habeo, eamque detritam.

LXXIII.

Liber immortalis.

1. Non totam mihi, si vacabis, horam
2. Dones, & licet imputes, Severe,
3. Dum nostras legis exigísque nugas.
4. Durum est perdere ferias: rogamus
5. Jacturam patiaris hanc, ferásque.

6. Quòd si legeris ipse cum diserto
7. (Sed numquid sumus improbi ?) Secundo;
8. Plus multò tibi debiturus hic est,
9. Quàm debet domino suo , libellus.
10. Nam securus erit, nec inquieta.
11. Lassi marmora Sisyphi videbit,
12. Quem censoria cum meo Severo
13. Docti lima momorderit Secundi.

VERS. 1. 2. 3. Rogo te ,
 ô Severe , si tibi est otium , si
 vacat , da mihi horam , eam-
 que ne integram quidem , ut
 mea epigrammata expendas:
 hoc beneficium tantum arbi-
 trabor ut facilè passurus sim ,
 illud mihi à te imputari , &
 in meis rationibus numerari ,
 quasi rem magnā tibi deberē.

4. Satis intelligo durum
 tibi esse perdere otium his nu-
 gis lectitandis , tamen roga-
 mus hoc animo æquo feras .
Ferias . Fortasse Saturnalio-

rum : aut alias id genus .

7. *Improbi* . Importuni ,
 odiosè petaces .

10. Non adibit inferos, ubi
 Sisyphus marmor , seu lapi-
 dem, urget ad fastigium mon-
 tis , unde semper lapis ultro
 relabitur . Æternum apud su-
 peros florebit .

13. *Lima*. Pro examine &
 iudicio virorum doctorum
 usurpatur ea vox . Censoria
 dicitur , quia censores id ha-
 bebant muneris, ut mores ci-
 vium emendarēt, ac notarent.

LXXIV.

Quinam diteſcant.

1. Semper eris pauper , si pauper es, Æmiliane,
2. Dantur opes nullis nunc, nisi divitibus .

LXXV.

In avarum.

1. Quid promittebas mihi millia, Gaure, ducenta,
2. Si dare non poteras , millia , Gaure , decem?
3. An potes, & non vis: rogo, non est turpius istud?
4. I , tibi dispereas , Gaure , pusillus homo es .

VERS. 1. Nuper mihi pro-
 mittebas ultro , te mihi datu-
 rum ducenta millia sestert.
 Francicas (libras 20000. scu-
 tatos Rom admodum quater-
 mille quingentos . Nunc pe-
 tenti mihi decem millia , ne-

gas te dare posse . Libræ sunt
 Gallicæ 1000. Romani verò
 nummi scutati ducenti vigin-
 ti quinque .

3. An potes quidem mihi
 dare ista decem millia , sed
 non vis dare , quia metuis ne

non reddam, vel aliam ob
causam? Esto sanè, at cur
pollicebaris? Nonne est tur-
pius negare cum promiseris,
quàm nihil promittere?

4. *I, tibi &c.* Malè pereas.
Tibi abundat hoc in loco: ut
sæpe aliàs, v'g. in adverbio,

ecce tibi. Abi in malam rem
cum tuis opibus, homo es il-
liberalis, angustii & pusilli
animi. Libenter legerim cum
Scriverio: *I, tibi disperdas.*
Hoc sensu: serva tibi tuos
nummos, & eos disperse,
malè perde & consume.

LXXVI.

Αἰτίπαισιν.

1. Insequeris, fugio; fugis, insequor: hæc mihi mēs est:

2. Velle tuum nolo, Dindyme, nolle volo.

V. 2. *Velle tuū.* Hellenismus | det tibi, mihi displicet; quod
est: pro, id quod vis. Quod arri- | tibi displicet, arridet mihi.

LXXVII.

Par pari.

1. Jam tristis nucibus puer relictis

2. Clamose revocatur à magistro:

3. Et blando malè proditus fritillo,

4. Arcanâ modo raptus è popinâ,

5. Ædilem rogat udus aleator.

6. Saturnalia transiêre tota;

7. Nec munuscula parva, nec minora

8. Misisti mihi, Galla, quæ solebas.

9. Sanè sic abeat meus December.

10. Scis certè, puto, vestra jam venire

11. Saturnalia Martias Kalendas:

12. Tunc reddam tibi, Galla, quod dedisti.

V. 1. 2. Abierūt Saturnalia,
magistri revocāt pueros ad lu-
dum literariū, jubentque illos
lucos quibus lusitāt, omittere.

3. Et aleator madidus, seu
bene potus, qui in popina lu-
di aleâ clā, nempe jam trans-
actis Saturnalibus, sono talo-
rum in fritillo concussorū pro-
ditus ac deprehēsus, rogat ve-
niam ab Ædile. Alea Saturna-
libus permessa, reliquis tempo-

ribus vetabatur. De Fritillo
vide Lib. IV. Epigr. 11.

9. *Meus* Virorū festa erant
Saturnalia: Martialia verò, fe-
sta mulierū; quæ tamen femi-
narum Saturnalia tertio: post
versu vocat. Vide Horat. no-
strum l. 3. Ode 7. Saturnalibus
mittebant munera viris femi-
næ: Martialibus, viri feminis.

12. *Quod dedisti.* Nēpe, nihil.
Nihil dedisti: nihil dabo.



M. VAL. MARTIALIS
EPIGRAMMATUM
LIBER V.

EPIGRAMMA I.

Librum amico mittit.

1. **S**extus mittitur hic tibi libellus,
2. **S**imprimis mihi care Martialis:
3. Quem si terferis aure diligenti,
4. Audebit minús anxiustreménsque
5. Magnas Cæsarís in manus venire.

VERS. 2. *Martialis*. Erat hic vatis nostri amicus, de quo sæpe antea.

3. *Terferis*. Purgaveris, emendaveris, eum audiendo

diligenter, libri enim quasi nobiscum loquuntur, & auris est symbolum judicii, censuræque.

5. *Cæsarís*. Domitiani.

II.

Domitiani filio Genethliacum.

1. Nascere Dardanio promissum nomen Julo,
2. Vera Deûm soboles, nascere magne puer:
3. Cui pater æternas post sæcula tradat habenas;
4. Quíque regas orbem cum seniore senex.
5. Ipsa tibi niveo trahet aurea pollice fila,
6. Et totam Phryxi Julia nebit ovem.

VERS. 1. *Nascere*. Fautis omnibus in lucem editus sis. *Promissum* &c. O puer

promisse à fatis Julo Æneæ filio, & à fatis destinate ut illius gereres nomen.

Dardanio. A Dardano Æneas ortus. III. Æn. v. 168.

2. *Vera &c.* Quia Domitiani filius, qui se Deum volebat appellari; tum, Romani Imperatores ab Venere per Æneam oriundi, se Deorum genus vocitabant.

3. *Habenas.* Clavum Imperii, orbis regimen. *Æternas.* Id est, diu tractandas: sive, æterni & immortalis imperii habenas.

6. *Phryxi.* Fuit Phryxus Athamantis filius, qui cum novercam Nephelen, feminam impotentissimam, ferre non posset, è paterna domo una cum Helle sorore profugit: abduxere secum arietem eximium, aureo vellere, cujus in tergo (ut Hellespontum, angustum fretum, quod Europam ab Asia separat, tra-

jicerent) cum navis nulla suppeteret, federunt. Helle in mare decidit, & Hellesponto nomen dedit, Phryxus in Colchidem pervenit ad Æeten Medæ patrem: ibi arietem Marti immolavit, ejusque aureum vellus Æetæ tradidit: artes in sidera relatus est.

Julia. Erat illa Tito genita, Domitiani fratre, paulò ante demortuo, & ipsi Domitiano patruo suo, carissima. Non igitur Parcæ stamina, ut solent ceteris hominibus nascentibus, è fatali colu ducent huic puero, sed ipsa Julia Parcæ omnibus nobilior, nebit: aurea stamina & felicia fata trahet, ac totum vellus aureum famosi arietis, quo Phryxus olim mare trajecerat, impendet in eam rem.

III.

Roma emendata.

1. Censor maxime, principumque princeps,
2. Cum tot jam tibi debeat triumphos,
3. Tot nascentia templa, tot renata,
4. Tot spectacula, tot deos, tot urbes;
5. Plus debet tibi Roma, quod pudica est.

VERS. 1. *Censor.* Domitianus octavo suo consulatu censoris perpetui munus sibi sumpsit anno U.C. 834 Christi, 83. ac leges de pudicitia novas condidit, antiquas instauravit, &c.

3. *Renata.* Restituta, reparata.

4. *Tot Deos.* Novis quibusdam Diis templa condiderat, seu nova quadam appellatione insignitis, ut Fortunæ reduci, Jovi custodi &c.

IV.

Nummos rogat.

1. Rustica mercatus multis sum prædia nummis;

2. Mutua des centum, Cæciliane, rogo.
3. Nil mihi respondes? tacitum te dicere credo,
4. Non reddes: ideò, Cæciliane, rogo.

VERS 2. *Centum*. Subaudi, sestertia; id est, libras Frâncicas 10000. Quænam sint prædia rustica, quænam urbana; dixi Ep. 25. lib. 3.

4. *Non reddes*. Verba sunt Cæciliani, secum id dicentis: ô Martialis, non reddes si tibi dederò.

Ideo rogo. Respondet Martialis. Quia nolo reddere, ideo peto, nempe ut des gratis. Rogant proprie, qui stipem aut domum petunt; unde mendici, rogatores vocantur: poscunt seu petunt, qui reddere aut possunt, aut volunt.

V.

Lex Julia de adulteris.

1. Julia lex populis ex quo Faustine renata est,
2. Atque intrare domos iussa pudicitia:
3. At minùs, aut certè non plus, tricesima lux est,
4. Et nubit decimo jam Thelesina viro.
5. Quæ nubit toties, non nubit: adultera lege est,
6. Offendor mœchâ simpliciore minùs.

VERS. 1. *Julia lex*. Sic est appellata à C. Julio Cæsare Octaviano Augusto, & hujus legis capita refert eruditus Briffonius. Vocabatur autem de adulteriis, aut de pudicitia Vide Svet. c. 34. vitæ Augusti. Porro in ea lege fanciebatur, ut si mulier post adulterium commissum, alteri nuberet, non posset accusari de adulterio, nisi ejus adulter accusaretur ante ac reus fieret. Itaque adulteræ relictis viris suis, statim alteri, inter alios ipsi adultero, nubebant, ut effugerent pœnas sibi im-

minentes à maritis, qui operam sæpe ludebant in accusando adultero: ita ut nonnullæ intra mensam decies nuberent, ut hæc Thelesina.

Renata. Revocata, renovata. Quidam codices nō habent hoc primum distichum.

5. 6. *Non nubit*. Pro legitima uxore haberi nequit: vera & legitima est adultera. Præstaret ut simpliciter & candidè se adulteram fatetur, nec abuteretur legis privilegio ad scelus tegendum, ejusque pœnam declinandam.

VI.

Conditio felix.

1. Prætores duo, quatuor tribuni,

2. Septem caufidici, decem poëtæ,
3. Cujusdam modò nuptias petebant
4. A quodam sene, non moratus ille
5. Præconi dedit Eulogo puellam.
6. Dignum quid fatuo, Severe, fecit?

VERS. I. Prætores. Prætor dicebatur ille magistratus qui jus dicebat. Ep. 55. lib.

4. Tribuni alii erant urbani seu plebis; qui jura populi tuebantur: alii milites, qui certæ parti exercitus præerant. Ep. 55. lib. 3.

3. Cujusdam. Puellæ. Sene:

puellæ patre aut tutore.

6. Quid ille fecit dignum fatuo? Nonne sapienter fecit? nonne jam præconis conditio est potior quàm omnium prætorum, tribunorum? &c. Legit Scriverius. Dic, numquid fatue, Severe, fecit?

VII.

Eques è somno excitatus.

1. In Pompejano dormis, Lævine, theatro:
2. Et quereris si te suscitât Oceanus?

VERS. I. Dormis. Ille fignatus eques ne ab Oceano designatore juberetur è 14. ordinibus exire, somnum simulabat. De ordine sedendi in theatro dictum Ep. 23. lib. 5.

Pompejano. Erat illud theatrum in regione urbis nona,

capiebatque octoginta hominum millia.

2. Suscitât. Lusus in hoc verbo est: sensus enim esse potest; è somno te excitat vel, ejicit te de sedili, jubet ut surgas, abeasque. Vide lib. 5. Ep. 8. 14.

VIII.

Argutè nummos à Domitiano petit.

1. Pauca Jovem nuper cùm millia fortè rogarem;
2. Ille dabit, dixit, qui mihi templa dedit.
3. Templa quidem dedit ille Jovi; sed millia nobis
4. Nulla dedit: pudet, heu, pauca rogasse Jovem.
5. At quàm non tetricus, quàm nullâ nubilus irâ,
6. Quàm placido nostras legerat ore preces!
7. Talis supplicibus tribuit diademata Dacis;
8. Et Capitolinas itque reditque vias.
9. Dic precor, ô nostri dic conscia Virgo tonantis,
10. Si negat hoc vultu, quo solet ergo dare?

11. Sic ego : sic breviter positâ mihi Gorgone
Pallas ;

12. Quæ nondum data sunt, stulte, negata putas?

V E R S. 1. *Pauca millia* .
Sestertiorum videlicet .

2. *Ille*. Domitianus (inquit
Jupiter) tibi hos nummos da-
bit, qui templum mihi extru-
xit . Capitolium instaurave-
rat , uti memoravimus . Ep.
10. lib. 5.

4. *Pudet heu* . Pudore affi-
cior quòd qui rem tantillâ ro-
garem , à Jove repulsam ta-
men tulerim .

6. *Preces* . Libellum suppli-
cem .

7. *Talis*. Ore tam placido,
tam læto . De Dacis trium-
phavit Domitianus. Vid. Ep.
52. hujus libri, & lib. 5. Ep. 1.

8. *Talis est* , cùm per viam
sacram progreditur in capito-
lium , Jovi scilicet gratias a-

cturus post relatum de hosti-
bus triumphum .

9. *Virgo*. Pallas, quam Do-
mitianus præcipuè colebat,
& quam , velut ejus arcano-
rum omnium consciam , in-
terrogat Martialis .

Nostri Tonantis. Domitia-
ni, qui Jupiter quasi terrestris
& præsens est .

10. Si tam hilari vultu ne-
gat, quanto hilariore annuit ?

11. *Gorgone*. Scuto , in quo
erat pictum Medusæ , unius
è Gorgonibus, caput . Depo-
suerat autem scutum Dea ne
terrorem vati injiceret . De
hoc scuto lege lib. VII. Ep. 1.

12. Si nondum dedit , non
ideo negavit: tantùm distulit,
brevis dabit , confide .

IX.

Qui vult amari , amet .

1. Quòd nō sit Pylades hoc tēpore, nō sit Orestes,

2. Miraris ? Pylades, Marce , bibebat idem .

3. Nec melior panis, turdūve dabatur Oresti ;

4. Sed par , atque eadem cœna duobus erat .

5. Tu Lucrina voras , me pascit aquosa Peloris ;

6. Non minùs ingenua est & mihi, Marce, gula.

7. Te Cadmea Tyros , me pinguis Gallia vestit:

8. Vis te purpureum , Marce , sagatus amem?

9. Ut præstē Pyladen, aliquis mihi præstet Orestē:

10. Hoc non fit verbis, Marce: ut ameris, ania.

V. 1. *Pylades* . Filius fuit
Strophii regis Phocensium ,
Orestes verò filius Agamem-
nonis & Clytemnestræ , qui
cùm patrem ab Ægysto ma-

tris adultero cæsum ultus es-
set , interfecit matre , variis
exinde periculis vexatus , in
illis socium Pyladen semper
habuit, qui tanto eum amore

complectebatur, ut pro illo emori non dubitaret; ac utriusque amicitia proponatur in specimen & exemplum.

2. *Idem*. Vinum: eodem utebatur vino, atque Orestes amicus

5. *Lucrina*. Subaudi ostrea, quæ optima nascebantur in Lucrino lacu, de quo egimus Ep. 64. lib. 1.

Peloris. Est ostrei deterioris genus. Aquosam Peloridem vocat, quia succum & saporem habet elutum, & infusum.

6. *Ingenua*. Delicata, erudita, ut ingenui esse solent: apta dignoscendis dapibus

exquisitis, quibus homines lauri & ingenui ferè vescuntur.

7. Te vestiunt lanæ purpureæ, tinctæ in urbe Tyro, quæ Cadmus condidit: (Epig. 36. lib. 1.) ego vestior pingui & rudi sago, quod in Gallia conficitur. Sagum est militaris quædam pænula: sagatus, qui sagum gerit

9. Ut similis sim Pyladi, similis sit amicus meus Orestis.

10. Amicitia non continetur verbis, salutationibus, & aliis id genus deliciis urbanitatis, sed opum ac rerum ceterarum communicatione.

X.

Empta cæsaries.

1. Jurat capillos esse, quos emit, suos

2. Fabulla: numquid illa, Paulle, pejerat?

VERS. 2. An illa mentitur & pejerat? neutiquam: illos enim emit, & potest quisque,

quod emit, suum dicere. Sic excusando accusat. Vide Ep. 18. Lib. II.

XI.

De statua Juliae.

1. Quis te Phidiao formatam, Julia, cælo;

2. Vel quis Palladiæ non putet artis opus?

3. Candida nō tacitâ respondet imagine Lygdos,

4. Et placido fulget vivus in ore decor.

5. Ludit Acidalio, sed non manus aspera, nodo,

6. Quem rapuit collo, parve Cupido, tuo.

7. Ut Martis revocetur amor, sūmīque Tonantis,

8. A te Juno petat Ceston, & ipsa Venus.

V. 1. *Phidiaco cælo*. Arte & manu Phidiæ, insignis statuarii. Cælum autem est scal-

prum seu stilius, quo lapides inciduntur.

Julia. De illa dictum su-

pra, Epig. 2. Huic statuum Domitianus poni jufferat è marmore, habitu ac ritu Veneris cestum tenentis. Est porro cestus, Veneris cingulum, seu fascia quædam, quæ hanc habere vim credebatur, ut is amore insaniret, quem eâ Venus percussisset.

2. Quis ab ipsa potiùs Pallade positam esse neget?

3. Tam affabrè facta est statua è marmore, ut loqui videatur. *Candida Lygdos*, est, marmor candidum, ex quo statua constat, advectum è Lygdo, quæ pars est montis Tauri in Asia; *respondet*, id est, videtur loqui & respondere in *immagine*, in statua, *non tacita*, sed quasi spirante & vocali.

4. *Decor*. In vetustis aliquot libris legitur *liquor*: quæ vox notat splendorem quemdam lubricum, qui instar a-

quæ defluat & spargatur. Ita Claudianus dixit, in IV. Consulatu Honorii: *Clamys effluit auro*: id est, emittit aureum splendorem. Statius silv.

1. *Splendor ab alto defluus*. Turnebus mavult indicari hoc vocabulo, *liquor*, mollitudinem quandam & teneritatem: sic vocem sæpe appellant poëtæ liquidam, id est, mollem, teneram.

5. Manus Juliæ, in hac statua, gerit, ludētis in speciem, nodum seu cestum Veneris Acidaliæ. Venus ita vocatur ab Acidalio fonte Bœotiæ, illi sacro.

8. Si Venus amari à Marte iterum velit, (lib. V. Ep. 7.) & Juno à Jove, cum quo sæpe illam inimicitias exercere poëtæ perhibent, petant deinceps cestum à te, ô Julia, cujus in manu erit efficacior, quàm si à Venere daretur.

XII.

Scriptor eximius.

1. Versus scribere posse te disertus
2. Affirmas, Laberi: quid ergo non vis?
3. Versus scribere qui potest disertus,
4. Non scribat, Laberi: virum putabo.

VERS. 4. Si illi non scribat, putabo esse magni & præstantis animi virum, qui gloriam possit, & boni poë-

tæ famam contemnere. Talem esse te non arbitror: imperitum potiùs credo, quem infamiae metus deterreat.

XIII.

Sepulcrum formicæ.

1. Dum Phaëthonteâ formica vagatur in umbrâ,
2. Implicuit tenuem succina gutta feram.
3. Sic modò quæ fuerat vitâ contempta manente,

4. Funeribus facta est nunc pretiosa suis.

V. 1. Dum formica vagatur sub umbra populi, (sorores Phaëtonis in arbores populos mutatas fuisse fabulis proditum est) incidit in guttam electri, quod ex istis arboribus manat, & in hoc visco implicata mansit. Lege similia duo Epig. 25. & 47. in Lib. IV.

XIV.

Cinnamus, Cinna.

1. Cinnam, Cinname, te jubes vocari:
2. Non est hic, rogo, Cinna, barbarismus?
3. Tu si Furius ante dictus esses,
4. Fur istâ ratione dicereris.

V. 1. Cinnarum olim apud Romanos illustris familia fuit. Ab ea ut oriundus videretur Cinnamus quidam tonsor, homo ignobilis, volebat se pro Cinnamo Cinnam, detracta una syllaba, vocitari.

2. *Barbarismus.* Est locutio barbara. De illo Cinnamo est epigramma in Lib. VII. ordine 53.

XV.

Consolatio de patris obitu.

1. Sancta Salonini terris requiescit Iberis,
2. Quâ melior Stygias non videt umbra domos.
3. Sed lugere nefas: nam qui te, Prisce, reliquit,
4. Vivit quâ voluit vivere parte magis.

V. 1. *Iberis.* Hispanis, ab Ibero fluvio, *Ebro.* Saloninus in Hispania tumultatus est.

3. *Prisce.* Filium Salonini fuisse apparet, vel amicum.

4. *Quâ parte.* Nempe in te superstiti. Adhuc in te vivit: non totus est mortuus.

XVI.

Ineptus causidicus.

1. Non de vi, neque cæde, nec veneno,
2. Sed lis est mihi de tribus capellis:
3. Vicini queror has abesse furto.
4. Hoc judex sibi postulat probari:
5. Tu Cannas, Mithridaticumque bellum;
6. Et perjuria Punici furoris,

7. Et Sullas, Marióſque, Mucióſque
8. Magna voce ſonas, manúque totâ.
9. Jam dic, Poſtume, de tribus capellis.

VERS. 3. Queror illas mihi à vicino ſubreptas.

5. *Cannas*. Cannæ, oppidulum eſt Apuliæ, ubi Romani magnâ clade affecti ab Annibale fuerunt circa annum ab U. C. 540.

Mithridaticum. Mithridates rex Ponti (eſt Aſiæ regio) gravia cum Romanis bella geſſit. Vide orationem Ciceronis pro lege Manilia. Illum penitus debellavit Pompejus anno U. C. 691.

5. *Punici furoris*. Pœni ſive Carthaginienses erant perfidi ac fœdiſragi: tria bella cum Romanis maximè geſſerunt, de quibus diximus

Libro II. Epig. 2.

6. *Syllas*. L. Corn. Sylla bellum civile contra Marium geſſit circa annum U. C. 660. Marium in Africam fugere compulit, qui Romam paulò poſt rediens urbem cædibus complevit, & Syllam ex Aſia Mithridatico bello revertentem pertimeſcens, voluntaria crapula perit: Sylla rerum potiùs dictatorem ſe creari curavit, ac ſubinde ſponte abdicata dictatura, pediculari morbo conſectus eſt Puteolis prope Neapolim.

Mucios. Mucius Scævola, inter ceteros Mucios illuſtris fuit. Laudatur Ep. 22. Lib. I.

XV II.

Qui cito dat, bis dat.

1. Mutua te centum ſeſtertia, Phœbe, rogavi:
2. Cùm mihi dixiſſes; exigis ergo nihil?
3. Inquiris, dubitas, cunctaris, mèque diebus
4. Téque decẽ crucias: jam, rogo, Phœbe, nega.

VERS. 1. 2. Cùm aliquando mihi ultro dixiſſes, Phœbe, (nomen eſt aliquod fictum) ô Martialis, nihilne tandem à nobis petis? ſenties me amicum & liberalem ſi quid exigas: ego rogavi te mutua centum ſeſtertia: tu continuo cœpiſti, inquirere, nempe

quando vellem illa dari, & alia id genus à me petere, dubitare, tergiverſari, &c.

Centum ſeſtert. Nummi ſunt Francici 10000.

4. *Nega*. Apertè nega, noli te ampliùs mèque macerare ac vexare, quærendo varias negandi cauſas.

XVIII.

Male togatus.

1. Nil laſcivius eſt Charifiano,
2. Saturnalibus ambulat togatus.

V R S. I. 2. Senatores & equites Saturnalibus togam deponebāt ac sumebant syntheses, de quibus antea dictum: Carisianus pauper eum synthesim non habe-

ret, retinebat togam: poëta ridens hoc ascribit lasciviæ, id est, arrogantiae & putide elegantie, quasi ille cives suos, & morem publicum contemneret.

XIX.

Cauta fortitudo.

1. Marcelline, boni soboles sincera parentis,
2. Horrida Parrhasio quem tegit Ursa iugo:
3. Ille vetus pro te patriusque quod optat amicus
4. Accipe, & hæc memori pectore vota tene:
5. Cauta sit ut virtus, nec te temerarius ardor
6. In medios enses sævæque tela ferat.
7. Bella velint, Martemque ferū rationis egentes:
8. Tu potes & patriæ miles, & esse decus.

V E R S. I. *Sincera*. Vera, genuina. *Parentis*. Marcellinum hunc sæpe celebrat, virum bello bonum, qui tunc in oris septentrionalibus militabat. Est enim ursa signum septentrionale, prope Plautum, seu currum Bootæ, quod jugum hic appellat (lib. Spectac. 14.) Mulierem Arcadiam, Callisto dictam, in ursam celestem mutatam fuisse Poëtæ finxerunt. Arcadia autem, Græciæ regio, Parrhasia olim est appellata.

3. *Ille*. De se loquitur ipse Martialis, ac se vocat patrium, id est, patris Marcel-

lini amicum. Accipe igitur quid optem, quid te monitum velim.

7. Sensus est; Homines imprudentes, sapientiâ & bonis artibus destituti, temerè in mortem ac ferrum ruant: tu potes patriæ esse propugnator in bello, ac miles, pro illa moriendo: & idem ipse potes patriæ esse decus, pro illa vivendo, & eam pacis ac bonarum artium ornamentis illustrando: itaque vitæ & salutis consule, quæ non minorem patriæ gloriam & utilitatem asferet, quàm mors tua.

XX.

In avaros parentes.

1. Bis vicine Nepos (nam tu quoque proxima Floræ
2. Incolis, & veteres tu quoque Ficelias)
3. Est tibi, quæ patriâ signatur imagine vultus,
4. Testis maternæ nata pudicitiae.

5. Tutamen annoso nimiùm ne parce Falerno:
6. Et potiùs plenos ære relinque cados.
7. Sit pia, sit locuples, sed potet filia mustum.
8. Amphora cum dominâ, nunc nova, fiat anus,
9. Cæcuba non solos vindemia nutriat orbos:
10. Possunt & patres vivere, crede mihi.

VERS. 1. *Bis vicine*. Qui ædes meis vicinas & in urbe, & ruri habes: in urbe, prope templum Floræ, cui proxima loca, ut ego, tenes; ruri, in pago Ficeliis: fuit ille in via Nomentana, sic dictus à copia ficorum arborum.

3. 4. Habes filiam tibi simillimam: quæ similitudo significat esse illam ex te genitam: atque adeo esse tibi uxorem pudicam: *Laudantur simili prole puerperæ*: Horat. l. 4.

6. *Ære*. Pecunia. Nummos tuos filiæ relinque, non vina: hæc bibe & genio indulge, illos natæ serva.

7. *Mustum*. Vinum recens, & hornum.

8. Tua filia condat ipsa sibi vinum, & servet illud in amphoris, quæ nunc novæ sunt & recentes, sed cum ipsa, illarum domina fiant vetulæ, & senescant.

9. 10. Vinum generosum & nobile, quale in Cæcubo Campaniæ monte colligitur, (Lib. 2. Ep. 34.) non tantùm ab iis bibendum est qui liberis carent, sed ab iis etiam qui habent. Non debent parentes parcè ac duriter vivere in gratiam liberorum. *Vivere*. Genio indulgere.

XXI.

Epitaphium.

1. Libertus Melioris ille notus,
2. Totâ qui cecidit dolente Româ,
3. Cari deliciæ breves patroni,
4. Hoc sub marmore Glaucias humatus
5. Juncto Flaminiaë jacet sepulcro:
6. Castus moribus, innocens pudore,
7. Velox ingenio, decore felix;
8. Bis senis modò mœssibus peractis
9. Vix unum puer applicabat annum.
10. Qui fles talia, nil fleas viator.

VERS. 1. *Melioris*. Nomen est divitis Romani ac nobilis Libertus, est servus

donatus libertate.

3. *Patroni*. Servi heros à quibus donati fuissent liberi.

tate, in patronorum loco habebant.

5. *Functo*. Vicino. Propter vias ponebantur sepulcra. De via Flaminia dictū ep. 51. l. 4.

9. *Applicabat*, addebat. Decimum tertium annum nondum expleverat.

10. *Talia*. Glaucie mortem. *Nil fleas*. Esto semper felix.

XXII.

Quæ cara, non diuturna.

1. Non de plebe domus, nec avaræ verna catastæ,
2. Sed domini sancto dignus amore puer:
3. Munera cū posset nondum sentire patroni,
4. Glaucia libertus jam Melioris erat.
5. Moribus hoc formæque datū: quis blandior illo?
6. Aut quis Apollineo pulchrior ore fuit?
7. Immodicis brevis est ætas, & rara senectus:
8. Quidquid ames, cupias non placuisse nimis.

VERS. 1. *Ecce*. Glaucia nō erat de grege ac turba domesticorum servorum, qui vulgò malè nati & corpore & animo sunt; non erat verna, (Lib. I. Ep. 36.) qualis proponitur ab avaris venditoribus venalium servorum, in catasta: quæ machina erat lignea, instar caveæ, in qua mancipia vendenda prostabant.

2. Vide superius Epigr.

3. 4. Eâ ætate, quâ nondum poterat manumissionis suæ beneficium intelligere, scilicet annum duodecim vix egressus, jam libertate donatus erat.

5. *Hoc*. Libertas.

6. *Apollineo*. Apollinis intonsa cæsaries & forma laudatur.

7. *Immodicis*. Insigni aliqua dote præstantibus.

XXIII.

Gratia tarda, ingrata.

1. Sex sestertia si statim dedisses,
2. Cū dixti mihi; sume, tolle, dono:
3. Deberem tibi, Pæte, pro ducentis.
4. At nunc cū dederis diū moratus,
5. Post septem puto, vel novem Kalendas,
6. Vis dicam tibi veriora veris?
7. Sex sestertia, Pæte, perdidisti.

VERS. 1. Si mihi statim, illa mihi promissisti, cū dedisses sex sestertia, quando dixisti, sume, do illa tibi: de-

be. 1. tibi tantas gratias,
 2. tantas si dedisses ducenta.
 3. Sex sestertia valēt libras Gal-
 licas 600. Rom. scutatos cir-
 citer 135.

5. *Kalendas*. Menses. Ka-
 lendæ sunt prima dies cujus-

que mensis. Lib. 4. Ep. 54.

7. *Perdidisti*. Quia benefi-
 cium ista mora corrupisti: ne-
 que tibi quidquam debere me
 puto pro munere tam tardo,
 tantâ morâ redempto.

XXIV.

Otho Catone major.

1. Cùm dubitaret adhuc belli civilis Enyo,
2. Forsitan & posset vincere mollis Otho;
3. Damnavit multo staturum sanguine Martem,
4. Et fodit certâ pectora nuda manu.
5. Sit Cato, dum vivit, sanè vel Cæsare major:
6. Dum moritur, numquid major Othone fuit?

V. 1. *Enyo*. Cùm Enyo, sive
 belli civilis exitus esset adhuc
 in dubio positus, cùm adhuc
 Otho posset vincere, cùm non-
 dum ejus res & fortuna esset
 desperata, ipse condemnavit
 bellum quod tam cruentum
 patriæ futurum videret, ac
 se ferro contodit. *Enyo*. Vi-
 de lib. 4. Ep. 54.

2. *Otho*. Romanus fuit
 Imperator octavus. Adi Sue-
 tonium in ejus vita.

3. *Staturum*. Constatu-
 rum. Res magno stare dicitur,
 quæ grandi pretio emitur.

5. 6. Esto sanè fuerit ma-
 jor & laudabilior ipso Cæsare
 Cato dum vitam duxit, & im-
 pendit in salutem reipublicæ:
 at in ipsa morte, dum se ipse
 interfecit, an non ipso infe-
 rior Othone fuit? Certè fuit:
 Otho enim rebus adhuc inte-
 gris sibi manus attulit; Cato,
 perditis ac desperatis. Ille
 odio belli civilis; hic vitæ tæ-
 dio, ac victoris metu. Cornel.
 Tacitus de Othone: *Alii diu-
 tius imperium tenuerunt, ne-
 mo tam fortiter reliquit.*

XXV.

In molestum causidicum.

1. Septem clepsydras magnâ tibi voce petenti
2. Arbitrer invitus, Cæciliane, dedit.
3. At tu multa diu dicis, vitreisque tepentem
4. Ampullis potas semisupinus aquam.
5. Ut tandem saties vocémque, sitímque, rogatus
6. Jam de clepsydra, Cæciliane, bibas.

VERS. I... Arbiter cujusdam litis, invitatus, quia tuam in dicendo prolixitatem norat, tibi totas septem horas ad perorandam causam, ut petebas, concessit: tu ad satietatem dicis, & identidem ad reficiendam vocem potas aquam tepidam: desine tandem aliquando loqui, & de ipsa clepsydra, quæ spatium temporis tibi concessi metitur bibe, ut ea citius exhausta, demum finias.

Clepsydras. Clepsydra vasculum erat persimile horologiis nostris pulvereis, seu arenariis: in eo aqua includebatur, quæ guttatim per angustum foramen exstillans, tempus metiebatur: unaquæque vulgò horam integram conti-

nebat. Itaque septem clepsydræ sunt horæ septem. Nomen græcum est à verbo κλέπτειν, abscondere, furari, & ὕδωρ, aqua, in eo quippe vasculo latebat aqua, & furtim exsudabat. Porro sex horæ ex lege concedebantur accusatori, novem reo. Iste causidicus addi sibi horam unam petierat. Vide Plinii Ep. 9. Lib. 4., & Raderum in suis Analectis.

Arbiter. Vulgò est judex ab utraque parte contendentium electus, qui litem amicè componat.

4. *Ampullis.* Phialis. Cum oratores diu dicebant, solebant, rejecto in tergum capite, aquam tepentem potare abs fovendam vocem.

XXVI.

Vota pro pueri incolumitate.

1. Aspicias ut parvus, nec adhuc trieteride plenâ,
2. Regulus auditum laudet & ipse patrem;
3. Maternòsque sinus viso genitore relinquat,
4. Et patrias laudes sentiat esse suas.
5. Jam clamor, centùmque viri, desùmque coronæ
6. Vulgus, & infanti Julia tecta placent.
7. Acrisequi soboles magno sic pulvere gaudet,
8. Sic vitulus molli prælia fronte cupit.
9. Dî, servate, precor, matri sua vota, patrîque;
10. Audiat ut natum Regulus, illa duos.

V. 1. *Nec adhuc &c.* Nondum triennis. Trieteris est annorum trium spatium. Τρεῖς, tres, τρία, tria, ἔτος annus.

2. *Auditum.* Erat quippe

insignis causidicus: Et ipse. Cum ceteris applaudentibus.

5. *Clamor.* Forensis. Centumviri. Subsellia Centumvitalia & judicia. Erant Romæ tribus quinque ac triginta: terni judices è singulis

tribubus eligebantur, ad certas causas dijudicandas, v.g. usucapionum, tutelarum, nexorum, &c. de quibus Cicero agit l. i. de Oratore. Iudices illi, Centumviri dicebantur, quamvis essent centū & quinque. *Coronæ*. Populi, iudicum subsellia circumstantis.

6. *Julia tecta*. Intelligi-

tur domus, seu basilica, Julii Cæsaris, in quam Centumviri conveniebant, ad exercenda judicia.

9. *Sua vota*. Filium incolumem, id quod unice cupiunt ac precantur.

10. *Audiat*. Aliquando causas agentem. *Duos*. Filium & maritum.

XXVII.

Poeta raucus & declamans.

1. Qui recitat lanâ fauces & colla revinctus,
2. Hic se posse loqui, posse tacere negat.

VERS. 1. *Lana*. Foculi, & pannis ad fovendum guttur adhibitis. Ep. 33. Lib. 4.

2. *Hic*. Significat se loqui non posse, quia raucus: non

posse tacere, quia gloriæ cupidus, & ostentator est. Si enim tacere vellet, facile esset raucedinem excusare.

XXVIII.

Laus Thermarum.

1. Etrusci nisi thermulis lavaris,
2. Illotus morieris, Oppiane.
3. Nullæ sic tibi blandientur undæ:
4. Nec fontes Aponi rudes puellis,
5. Non mollis Sinuessæ, fervidique
6. Fluctus Passeris, aut superbus Anxur,
7. Non Phœbi vada, principisque Bajæ.
8. Nusquam tam nitidum micat serenum:
9. Lux ipsa est sibi longior, diésque
10. Nullo tardius à loco recedit.
11. Illic Taygeti virent metalla,
12. Et certant vario decore saxa,
13. Quæ Phryx, & Lybis altiùs cecidit.
14. Siccos pinguis onyx anhelat æstus,
15. Et flammâ tenui calent Ophitæ.
16. Ritus si placeant tibi Laconum,
17. Contentus potes arido vapore
18. Crudâ Virgine, Marciave mergi:

19. Quæ tam candida, tam serena lucet,
 20. Ut nullas sibi suspiceris undas,
 21. Et credas vacuum nitere Lygdon.
 22. Non attendis, & aure me supinâ
 23. Jam dudum quasi negligenter audis.
 24. Illotus morieris, Oppiane.

VERS. 1. 2. Nisi utaris
 thermis Etrusci, nullis lavari
 aliis aquis, ita ut morbum sa-
 nes, poteris. Accipi hoc po-
 test quasi dictum jocosè &
 hyperbolicè: nunquam bene
 lotus eris, licèt utaris aliis
 balneis, nisi laveris balneis
 Etrusci: in his tantùm verè
 lavantur homines, non in
 aliis. Exponi etiam potest ita,
 ut reprehendatur illuvies &
 agrestis insulsitas istius Op-
 piani, qui lautus & politus
 fieri non posset ullis balneis
 nisi Etrusci, quasi illæ balneæ
 hominem illotum & omni ru-
 re inficetiolem, lautum &
 nitidum possèt facere. *Etrusci.*
 Quis ille fuerit dicetur com-
 modiùs Epig. 58.

Blandientur. Erunt utiles.

4. *Aponi.* Fons Aponus,
Abano, est Patavio vicinus:
 in eo non lavabant feminæ,
 sed soliviri, & aquæ mulieri-
 bus noxiæ esse dicebantur:
 hinc rudes puellis, id est inco-
 gnitæ, intactæ, dicuntur.

5. *Sinuessæ.* Urbs Campa-
 niæ Italæ maritima, ad radi-
 ces montis Massici, thermis
 suis celebrata. Mollis voca-
 tur ob amœnitatem cæli, &
 salubritatem aquarum. In
 ejus destructæ loco est oppi-
 dum incolis dictum *Rocca di*
Mondragone, inter ostia Li-

ris & Vulturni.

6. *Passeris.* Est locus ejus-
 dem Campaniæ, ubi aquæ iti-
 dem salubres, ut Anxure, de
 quo dictum Ep. 1. lib. 5.

7. *Phæbi vada.* Littus &
 oppidum Cumanum, in quo
 templum Apollinis nobile,
 de quo Virgilius Lib. VI.

Principes. Id est, quarum
 aquæ principatum obtinent
 inter salubres aquas. l. 1 ep. 51.

9. *Diésque.* Et nullus est
 Italiæ locus ubi dies tardiùs
 desinat, quia semper est pu-
 rum & innubæ cælum.

11. *Illic.* Visuntur in bal-
 neis Etrusci marmora eruta
 è Taygeto. Taygetus est
 mons Laconia in Peloponne-
 so, nunc dictus *Portes*: pro-
 pe Spartam & Amyclas. Mar-
 mora pretiosa in eo effodiun-
 tur, quæ vates metalla vocat
 per catachresim. De thermis
 dixi lib. spect. Ep. 2.

12. 13. *Vario decore.* Pul-
 cra colorum varietate.

Saxa. Marmora excisa in
 Phrygia, quæ purpurei colo-
 ris erant; & in Libya, Afri-
 cæ parte, quæ flavi.

Altius cecidit. Ex intimis
 & altissimis montium visce-
 ribus secuss, effodit.

14. *Onyx.* Lapis pretiosus,
 aut marmoris genus, quo
 fortasse parietes erant incru-

stati, aut ex quo facta vascula unguentaria, quorum usus in thermis: sensus est, ipsum Onychem calore thermarum sudare, & quasi anhelare estū, id est, æstum indicare velut anhelando & sudando. *Siccus*. Non humidus & graves.

15. *Ophite*. Ophites genus est marmoris: à maculis quibus serpentium pellem variam imitatur, nomen habet: *ὄφις*, serpens.

16. *Ritus &c.* Si tibi Lacedæmoniorum consuetudo placet, qui sudabant in cellulis quibusdam clausis (qualia sunt Germanorum hypocaufta) aquā calidā ad sudorem provocandum non adhibitā, tum corpus frigidā lavabant: poteris istud facere in iisdem Etrusci thermis, & contentus

esse arido vapore, qualis est aër calidus ejusmodi cellarum: tum lavari aquā virgine crudā, id est, valde gelidā. Erat in urbe fons, sive aqua, Virgo dicta proprio nomine, de qua mentio facta l. 5. ep. 20.

8. *Marcia*. Ancus Marcius, rex quartus Rom. & postea Q. Marcius prætor aquā in urbem invexere, Marciam idē nuncupatam. Est ille Aquæductus ad septentrionem Urbis. Vide l. 9. Ep. 15.

19. *Quæ*. Quæ aqua Virgo, aut Marcia, tam pura est in istis thermis, ut vix aquam in vasis putes ullam esse, ac vasa ingentia è Lygdino facta marmore (de quo supra Ep. 11.) vacua credas.

22. *Supina*. Gestus est contemnentium.

XXIX.

Otium valetudini amicum.

1. Dum tibi felices indulgent, Castrice, Bajæ,
2. Canaque sulfureis Nympha natatur aquis:
3. Me Nomentani confirmant otia ruris,
4. Et casa jugeribus non onerosa suis:
5. Hic mihi Bajani soles, mollisque Lucrinus;
6. Hic vestræ mihi sunt, Castrice, divitiæ.
7. Quondam laudatas quocunque libebat ad undas
8. Currere, nec longas pertinuisse vias:
9. Nunc Urbi vicina juvant, facilisque recessus;
10. Et satis est, pigro si licet esse mihi.

VERS. 1. 2. Dum aquæ Bajanae omnes suas tibi delicias largiuntur liberaliter; dum natare amas in aquis, ob admixtum sulphur albicantibus: ego valetudinem recu-

pero & confirmo in mea villa Nomentana, ubi Bajæ & Lucrinum lacum lib. 1. Ep. 54. reperio.

2. *Nympha*. Aqua. Præerant enim aquis Nymphae.

Adde quod aquam ipsam veteres nympham vocabant, quam postea dixere una littera mutata lympham.

4. Domuncula non major quàm quæ ali possit è fructibus vicinorum jugerum & prædiorum. Vel: mihi non onerosa, non molesta propter ampla latifundia, quæ coli & nitida esse, nisi magnis sumptibus, & onere magno, nequeunt.

6. Divitiæ. Lautitiæ Ba-

jarum & luxus.

7. 8. &c. Olim satis habebam virium, ut aquas ob salubritatem laudatas, ubicumque forent, quantumcumque essent disjunctæ, adirem, & amœna ista loca frequentarẽ: nunc facilè careo illis deliciis, nihilque aliud præter honestam quietem ac otium desidero. Pro omnibus deliciis est, nihil agere. Vel: satis habeo, si nullo alio quam inertiae morbo laborem.

XXX.

In scurram malè olentem.

1. Festivè credis te, Calliodore, joculari;
2. Et solum multo permaduisse sale.
3. Omnibus adrides; dicteria dicis in omnes:
4. Sic te convivam posse placere putas.
5. At si ego non bellè, sed verè dixero quiddam;
6. Nemo propinabit, Calliodore, tibi.

VERS. 2. Et putas te solum esse madidum, imbutum, salibus ac leporibus.

5. At ego, si verè dicam, etsi non admodum tibi jucundè, quiddam, nempe te os

habere spurcum & grave olens, nemo tibi propinabit, nemo convivam volet. Qui propinabant alii aliis, ex eodem vulgò bibebant scypho.

XXXI.

Auriga malè strenuus.

1. Vapulat assiduo Veneti quadriga flagello,
2. Nec currit; magnam rem, Catiane, facit.

VERS. 1. Aurigæ cujusdam Veneti, hoc est, è factione Veneta, currus & equi continuis verberibus ab eo percutiuntur, nec tamen celerius currunt. Aurigam enim verò strenuum & peritum. Ironia. Vel: non temerè id

auriga facit: Vult Domitiano placere, hanc metam consequetur.

Veneti &c. Romani maxime delectabantur certaminibus curulibus: genera verò quædam seu factiones aurigarum numerabantur præci-

puè quatuor, suis quæque coloribus distinctæ. Factio Venetorum, qui cæruleum ferebant, erat cælo & mari sacra: Prasinatorum, qui viridem; terræ, seu veri & floribus dicata: Russatorum, qui

igneum, Marti & Igni consecrata, denique Alborum, qui album viridi mixtum colorem gerebant. Veneta factio erat invisa Domitiano: cui fortè vates hîc, ut alibi sæpe, adulatur.

XXXII.

Ad fontem, ut sit salubris.

1. Nympha, meo Stelle quæ fonte domestica puro
2. Laberis, & domini gemmea tecta subis:
3. Sive Numæ conjux Triviæ te misit ab antro;
4. Sive Camœnarum de grege nona venis:
5. Exsolvit votis hâc se tibi virgine porcâ
6. Marcus, furtivam quòd bibit æger aquam.
7. Tu contenta meo jam crimine, gaudia fontis
8. Da secura tui; sit mihi sana sitis.

VERS. 1. 2. O Nympha, quæ præsides fonti domestico amici mei Stellæ, quæque in ejus ornatissimam domum subis. *Gemmea*. Nitida, elegantia.

3. Sive Ægeria, coniux Numæ, te misit ab antro Dianæ Aricinæ. In valle prope Ariciam, *la Riccia*, urbem olim Latii, ubi Diana colebatur, rivus erat seu fons, unde ista Stellæ aqua manare dicitur à Martiale.

4. Prope portam Capenam erant aquæductus ingentes, nec procul ædes Camœnarum seu Musarum, è quibus una forsan esse Nympha istius fontis dicitur.

5. Ex fonte Stellæ Martialis ægrotans aquam suffragatus erat, clam biberat; mox

timens ne illa noceret sibi, promisit fontis numini, sacrificaturum se porcâ nondum fœtam, idque facit & voto se solvit.

7. *Meo crimine*. Furto, sive aqua furtim ex alieno fonte hausta. Placata sacrificio, quod pro meo crimine obtuli, pœnam debitam indulge, ac remitte.

Gaudia. Usam aquæ tuæ: vel; fac ut impunè leter meo furto.

8. *Sit mihi sana sitis*. Aqua illa quam sitiens bibi, non officiat sanitati. Vel; quando sitiâ, possim bibere ita, ut aqua valetudini non incommodet. Vel: possim sine nullo periculo sitire. Sive bibam, sive non bibam, utrumque impunè faciam. In vulgatis inscrip-

12

tionibus hujus epigramma-
tis, vocatur hæc Nympha,
hinc fons, Janthis, quam
vocem ex duabus Græcis *ἰοῦ*,
viola, & *ἄνθος* flos, videtur

finxisse Martialis in gra-
tiam uxoris Stellæ: quæ Vio-
lantilla vocabatur, cujus no-
men accommodare fonti vo-
luit.

XXXIII.

Diserta cœna.

1. Quod tã grãde sophos clamat tibi turba togata;
2. Non tu, Pomponi; cœna diserta tua est.

VERS. 1. Sophos. Græca
vox est, *σοφῶς*, sapienter,
bellè. Ea Latini, cùm ap-
plauderant, cùm acclama-
bant, utebantur. Iste Pom-
ponius cùm à se factos versus
amicis recitare vellet, eos in-

vitaret ad cœnam: illi bo-
num hospitem & poëtam pes-
simum fictis laudibus prose-
cuti erant: Ridet hominem
Martialis.

Togata. Civium Rom. ve-
stis toga vulgò erat.

XXXIV.

Conviva non vocatus.

1. Quòd convivaris sine me tam sæpe, Luperce,
2. Inveni, noceam quâ ratione tibi.
3. Irascar, licet usque voces, mittasque, rogésque.
4. Quid facies? inquis: quid faciam? veniam.

VERS. 3. 4. Irascar. Ulciscar
te quòd me non invites, &
quamvis voces me deinceps
semel, iterùm, tertio... ex-
pectabat Luperus dum Mar-

tialis diceret se non ventu-
rum, quod homini avaro gra-
tissimum accidisset; contra-
rium facetè respondet.

XXXV.

Tonsoris Epitaphium.

1. Hoc jacet in tumulo raptus puerilibus annis
2. Pantagathus, domini cura dolórque sui,
3. Vix tangente vagos ferro refecare capillos
4. Doctus, & hirsutas excoluisse genas.
5. Sis licet, ut debes, tellus placata, levísque;
6. Artificis levior non potes esse manu.

VERS. 3. 4. Doctus. Peritus
capillos vagos & nimios ton-
dere, genas pilosas radere

ita molliter, ut vix tangi fer-
ro viderentur.

5. *Sis licet &c.* O tellus,

licet, fas est, ut sis illi levis, ac minimè onerosa. Legitur vulgò, & si mendosè, *sic licet inde sibi lenis*. Ubi vocem *sibi* positam volunt pro *illi*: ita enim loquuntur aliquando Latini more Græcorum, ut pronomen possessivum pro

demonstrativo ponant. De hac formula bene mortuis precandi, *sic illi in terra levis*, Vide Librum V. Ep. 35.

6. Quantumlibet levis fueris, non eris levior, quàm erat ipsius tonsoris manus, dum tondêret.

XXXVI.

In medicum imperitum.

1. Lotus nobiscum est, hilaris cœnavit, & idem
2. Inventus manè est mortuus Andragoras.
3. Tam subitæ mortis causam, Faustine, requiris?
4. In somnis medicum viderat Hermocratem.

VERS. 4. Adeo infelicitè suos ægrotos tractat Hermocrates, ut eum vel in

somnis vidisse satis fuerit Andragoræ ad mortem obeundam.

XXXVII.

Bene olere, nihil olere.

1. Quòd semper cassiâque, cinnamóque,
2. Et nido niger alitis superbæ,
3. Fragras plumbea Nicerotiana;
4. Rides nos, Coracine, nil olentes:
5. Malo, quàm bene olere, nil olere.

VERS. 1. *Cassia*. Cassia & cinnamum, sive cinnamomum, sunt odoratifrutices, unde unguenta & odores cōficiebântur.

2. Et delibutus unguentis quæ conficiuntur ex odoratis fruticibus & floribus, quibus phœnix moriturus nidum suum extruit.

3. Redoles unguenta Nicerotis (Erat ille Niceros my-

ropola celebris) quæ asservantur in vasculis plumbeis. In plumbo, ut docet Plinius l. 13. cap. 2. commodiùs coquuntur unguenta, & servantur.

5. Homo enim impurus & olidus, unguentis emendare & compescere gravitatem odoris nativi debet: istis non eget homo purus, & nullo fetore inquinatus.

XXXVIII.

In Calvum.

1. Mentiris fictos unguento, Phœbe, capillos,

2. Et tegitur pictis sordida calva comis.
3. Tonsores capiti non est adhibere necessum:
4. Radere te melius spongia, Phœbe, potest.

VERS. 1. *Unguento*. Calvi solebant aream nudi capitis oleo odorato ac pigmento inungere, & capillos in cal-

va sic delibuta pingere; qui capilli non egebant novacula, qua tonderentur; sed spongia, qua delerentur.

XXXIX.

Vota pro amici reditu.

1. Cernere Parrhasios dum te juvat, Aule, Triones
2. Cominus, & Getici sidera pigra poli:
3. O quàm pænè tibi Stygias ego raptus ad undas,
4. Elysiæ vidi nubila fusca plagæ!
5. Quamvis lassæ tuos quærebant lumina vultus,
6. Atque erat in gelido plurimus ore Pudens.
7. Si mihi lanificæ ducunt non pulla sorores
8. Stamina, nec furdos vox habet ista Deos;
9. Sospite me sospes Latias revêheris ad urbes,
10. Et referes pili præmia clarus eques.

VERS. 1. Dum tu, ô Aule Pudens, (erat ille, vir bello clarus, amicus Martialis) in Sarmatia & plagis septentrionalibus bello distineris, ego pænè confectus morbo perii. De voce *Parrhasius* vide supra Ep. 19.

Triones. Ita vocatur signum cæleste, quod alio nomine appellant Plaustrum, sive ursam minorem, de qua dixi l. Spect. Ep. 14. & lib. 4. Ep. 3. compositum è stellis septem, quarum anteriores speciem bovum plaustrum trahentium exhibent: boves autem à rusticis apud Latinos veteres, vocabantur triones, quasi ter-riones, id est, agrum terendes & scindentes aratro. Hinc

toti signo inditum nomen, ut Septentrio, seu septem triones diceretur. Eodem nomine appellatur etiam Ursa major, quia septem clariores stellas habet, inter 27. è quibus constat. Hinc Virgilius *geminos triones* vocat.

2. *Getici*. Getæ populi Daciæ erant, Scythi vicini, ubi nunc ferè sunt Moldavi.

Elysiæ. Elysi campi erant apud poëtas, inferorum regio quædam amœnior, piis & probis hominibus destinata. *Fusca*. Omnia enim sunt in inferis nigra.

5. Oculi mei, licet morbo gravati, te nihilominus requirebant.

7. Si parca nondum tra-

hunt mihi nigra stamina. Morituris nigra, victuris alba fila nere dicebantur Parcae supra, lib. 4. Ep. 42. 60.

8. Si cælites vocem hanc meam, & concepta pro te vota audiunt.

9. Vivam ad illud usque tempus, quo in patriam re-

dibis.

10. Creaberis primus Centurio, & ornamentis equestribus donaberis. Statim atque primipilatu aliquis donabatur, fiebat eques non titulo tantum, sed equestri etiam censu. De Primipilo vide Lib. I. Ep. 76.

XL.

In ostentatorem.

1. Et dolet, & queritur, sibi non contingere frigus
2. Propter sexcentas Baccara gausapinas:
3. Optat & obscura luces, ventosque, nivésque:
4. Odit & hibernos, si tepuere, dies.
5. Quid fecere mali nostræ tibi, sæve, lacernæ,
6. Tollere de scapulis quas levis aura potest?
7. Quantò simpliciùs, quantò est humaniùs illud
8. Mense vel Augusto sumere gausapinas?

VERS. 1. 2. Baccara, propterea quod vult ostentare sexcentas, quas domi servat, gausapinas, dolet hyemem non adesse, odit calidos dies. Erat Gausapina vestis villosa, & crassa penula, quæ gestabatur hyeme, & ab illis ostentatoribus sæpe mutabatur.

5. 6. Quid nostræ lacernæ, sive, quid nos lacernis induti, fecimus tibi mali, ô homo crudelis, quid in te peccavimus, ut nobis optes hyemem? quæ profectò nobis non potest non esse incommoda, qui

lacernis adeo levibus utimur, ut eas ventus excutere ab humeris nostris queat.

Lacernæ Lib. 2. Ep. 26.

7. Quantò simpliciùs ad testandam omnibus ostentationem tuam faceres, si mense Augusto sumeres tuas gausapinas? omnes enim statim intelligerent quo id consilio faceres. Sed esset hoc ipsum humaniùs, quia non optares, & votis tuis velut accereres hyemem nobis leviter vestitis valde incommodam.

XLI.

Victurus liber.

1. Rem factam Pompillus habet, Faustine; legetur
2. Et nomen toto sparget in orbe suum:
3. Sic leve flavorum valeat genus Usipiorum,

4. Quisquis & Aufonium non amat imperium,
5. Ingeniosa tamen Pompilli scripta feruntur:
6. Sed famæ non est hoc, mihi crede, satis.
7. Quàm multi tineas pascunt, blattâsque disertis!
8. Et redimunt soli carmina docta coci!
9. Nescio quid plus est, quod donet secula chartis,
10. Victurus genium debet habere liber.

V. 1. &c. Pompillus voti est compos, legetur illius liber, auctorisque fama orbe toto spargetur: ac ni est ita, valeat ac floreat Uspiorum natio, & quicumque Romani nominis hostis est. Hoc totum ironice est accipiendum. Uspii sunt populi Germaniæ ad Rhenum prope Lupiam fluv. in Westphalia; vel, ut alii malunt, in Belgio, ubi nunc est comitatus Zutphaniæ. *Leves* appellantur, quia defecerant à Romanis: *Flavi*, quia erant Germanorum flavæ ut plurimum comæ. De locutione ista, *rem factam habere*,

consule Epig. 26. Lib. 1.

5. *Ingeniosa*. At enim, inquiet aliquis, nonne confiteris esse ingeniosum librum Pompilli? Fateor, inquit Martialis, sed hoc satis non est.

8. *Redimunt*. Emunt, ad involvèdos v. g. pisciculos &c.

9. *Seacula*. immortalitatē,

10. *Genium*. Numinis boni favorem. Debet propitio Genio natus esse: habere nescio quid quod placeat &c. Genius erat Deus, quasi lætitiæ dator; ac fortunæ singulorum, felicitatisque velut arbiter. Eo irato nihil succedebat.

XLII.

Magna laus, invidis displicere.

1. Laudat, amat, cātat nostros mea Roma libellos:
2. Méque sinus omnes, me manus omnis habet.
3. Ecce rubet quidam, pallet, stupet, oscitat, odit.
4. Hoc volo: nunc nobis carmina nostra placēt.

V. 2. *Sinus*. In sinu aliquid ferre; est, amare: magni pendere.

3. *Quidam*. Invidus. *Pallet*. Livor pallidos facit.

Oscitat. Quasi fastidiret. *Hoc volo*. Bene habet: istud perplacet, nūc sentio bona esse mea carmina, quippe quæ invidis & malis displiceant.

XLIII.

In heredipetam.

1. Amisit pater unicum Silanus;

2. Cessas mittere munera, Oppiane;
3. Heu crudele nefas, malæque Parce!
4. Cujus vulturis hoc erit cadaver.

VERS. I. *Unicum.* Filium.
Itaque jam orbus est, &
dives: ô Oppiane, quid mora-
ris eum muneribus devinci-
re, ut te suum heredem scri-
bat; ô Parcæ, factum crude-

liter à vobis est! unicum e-
nim patri misero filium ab-
stulistis, & ipsum patrem
tanquam mortuum cadaver,
heredipetis & vulturibus vo-
randum objecistis!

XLIV.

Veræ lachrymæ.

1. Scis te captari; scis hunc, qui captat, avarum;
2. Et scis qui captat, quid, Mariane, velit:
3. Tu tamē hunc tabulis heredem, stulte, supremis
4. Scribis, & esse tuo vis, furiose, loco.
5. Munera magna tamen misit, sed misit in hamo:
6. Et piscatorem piscis amare potest!
7. Hiccine deflebit vero tua fata dolore?
8. Si cupis, ut ploret; des, Mariane, nihil.

VERS. I. *Captari.* Mune-
ribus dolosis tuam heredita-
tem & mortem peti.

7. Sunt qui sic legant &
interpungant. *Hiccine? defle-*
bit verò mea fata dolore. An
hunc ita culpas, ô Martialis?

hiccine est quem sic accusas?
Ille verò dignus est heredita-
te meâ, novi hominis memo-
rem animum & pium, me
mortuum flebit ex animo.
8. *Des nihil.* Tunc enim de-
ceptus verè flebit.

XLV.

In obrectatorem & invidum.

1. Cùm sis nec rigidâ Fabiorum gente creatus,
2. Nec qualem Curio, dum prandia portat arāti,
3. Hirsutâ peperit rubicunda sub ilice conjux;
4. Sed patris ad speculū tonsi, matrísque togatæ
5. Filius, & sponsam possit te sponsa vocare:
6. Emendare meos, quos novit fama, libellos,
7. Et tibi permittis felices carpere nugas:
8. Has, inquā, nugas, quibus aurē advertere totam
9. Non aspernantur procures urbísque forique:

10. Quas & perpetui dignantur scrinia Silii,
 11. Et repetit toties facundo Regulus ore;
 12. Quisque videt propius magni certamina circi
 13. Laudat Aventinae vicinus Sura Dianae:
 14. Ipse etiam tanto dominus sub pondere rerum
 15. Non dedignatur bis terque revolvere Cæsar.
 16. Sed tibi plus mentis, tibi cor, limante Minerva,
 17. Acrius, & tenues finxerunt pectus Athenæ.
 18. Ne valeam, si non multo sapit altius illud
 19. Quod cum panticibus laxis, & cū pede grandi,
 20. Et rubro pulmone vetus, nasisque timendum,
 21. Omnia crudelis lanius per compita portat.
 22. Audes præterea, quos nullus noverit, in me
 23. Scribere versiculos, miseras & perdere chartas:
 24. At si quid nostræ tibi bilis inusserit ardor,
 25. Vivet; & hærebit, totoque legetur in orbe;
 26. Stigmata nec vafra delebit Cinnamus arte.
 27. Sed miserere tui, rabido nec perditus ore
 28. Fumantem vivi nasum tentaveris urfi:
 29. Sit placidus licet, & lambat digitosq; manusq;
 30. Si dolor, & bilis, si iusta coegerit ira,
 31. Ursus erit: vacua dentes in pelle fatiges,
 22. Et tacitam quæras, quam possis rodere, carnem.

VERS. 1. *Rigida*. Bellicosa, severa. Fabiorum gens, id est, familia & domus, illustris Romæ fuit: ex ea cū trecenti contra Veientes pugnaret, unā die omnes cæsi sunt, præter unum.

2 Cū non sis similis filio M. Curii, qui cū de Samnitibus, de Sabinis, de Pyrrho triumphasset, in rusticana villa & vita consumpsit extremum ætatis. Cic. de senect. *Rubicunda*. Perusta solibus & æstu.

4. Sed patris effeminati filius. *Togata*. Adulteræ. Vide

Lib. II. Epig. 33.

5 *Sponsam* &c. Cū sis adeo pexus & comptus, ut mulieri propior quā viro sis.

6. *Nugas*. Ludicra epig.

10. Quas Silius Italicus, poeta nobilis, lib. 4. Ep. 11. & perpetuā famā victurus, dignatur in suis scriniis servare. *Scrinia*. lib. 1. Ep. 3.

11. *Regulus*. Patronus percelebris. Supra, Ep. 26.

12. Et quas laudat clarissimus orator Palfurius Sura, qui ædes habet in Aventino monte, unde propius spectat certamina & ludos Circen-

ses, quia prope abest Circus
ab ejus domo. In vertice A-
ventini erat Dianæ templū:
nunc ædes Divæ Sabinæ di-
cata, unde monti nomen, *Di
Santa Sabina*.

Circi. Lege lib. Spect. Ep.

26. Tres erant Romæ Circi:
Circus maximus inter Pala-
tium & Aventinum: Circus
Flaminius, qui etiam dictus
est Apollinaris; & Circus Ne-
ronis, in Vaticano.

16. Sed tibi videlicet judi-
cium est acrius, Palladis ar-
tium bonarum præsidis ope
ac beneficio, & mens sanior
quàm Cæsari, Regulo &c.

Limante. Poliente Palla-
de, acuate illud tuum judi-
cium & cor.

17. *Athenæ*. Ubi artes om-
nes florebant.

18. Dispeream, ni plus sa-
pit cor pecudis mortuæ pu-
tridū, quàm tuum: ni sanius
est jecur, ac pernæ rancidæ, &
pantices, (intestina sunt,
cum adipe & omaso) ac pul-
mo jam corruptus & foetens,
quem nasi omnes ob foeto-
rem fugiunt, & alia id genus

quæ lanii portant per cõpita.

22. *Noverit*. Legerit.

23. *Perdere*. Quia nemo eas
volvet.

24. At si quid ego justâ bile
& iracundiâ incitatus in te
scripsero, illud vivet, ac cele-
brabitur; & stigmata, seu no-
tas infamiæ, quæ tibi à me, ut
ferro candenti, in fronte inu-
rentur, nullus Cinnamus, (e-
rat ille tonsor famosus) de-
lebit.

27. Noli irritare ursum i-
ratum, id est, me laceffere, ul-
tutum scilicet ac remorsu-
rum. Iræ sedem vulgò ponunt
in naso, quam prodit flatus
vehementior & calidior ex
eo erumpens Ursus autem a-
nimal iracundum.

29. *Placidus*. Cicur.

31. *Ursus erit &c.* Redibit
ad ingenium: nativum furo-
rem resumet.

Vacua pelle. Tomento far-
tâ & stramine: vel, mortua, &
animæ vacua.

32. Quære alium quem tuis
maledictis carpas; qui nec
sentire tuam obrectationē,
nec ulcisci queat.

XLVI.

Epigrammata longiora.

1. Hexametris epigrāma facis, scio dicere Tuccā.

2. Tucca, solet fieri: denique, Tucca, licet.

3. Sed tamen hoc longum est: solet hoc quoque,
Tucca, licetque:

4. Si breviora probas, disticha sola legas.

5. Conveniat nobis: ut fas epigrammata longa

6. Sit transire tibi; scribere, Tucca, mihi.

VERSUS. Ordo verborum est. Scio Tuccam, invidum & cri-

ricum quemdam, dicere & ob-
 jicere mihi quod longa epi-
 grāmata (quale esse superius)
 versibus hexametris scribam.

2. O Tucca, respondeo id
 fieri solere, tum etiam licere.

3. 4. Atenim sunt ista epi-
 grammata longiora: sed lon-
 giuscula licet facere: quæ si ti-

bi displicent, ea solum legas
 quæ duobus versibus conti-
 nentur.

5. Ita inter nos, quæso, con-
 veniat, ita litem compona-
 mus, ut mihi fas sit longa
 scribere epigrammata; tibi
 illa transire, & non legere.

XLVII.

Epitaphium Eutychi pueri.

1. Flete nefas vestrum, sed toto flete Lucrino,
2. Najades, & luctus sentiat ipsa Thetis.
3. Inter Bajanæ raptus puer occidit undas
4. Eutychus, ille tuum, Castrice, dulce latus,
5. Hic tibi curarum socius, blandumque levamen.
6. Hic amor, hic nostri vatis Alexis erat.

VERS. 1. *Lucrino*. Vide
 lib. 1. Ep. 54. Najades, Deæ
 fontium præfides. De Baiis
 actum Ep. 51. ejusd. lib. 1.

4. *Latus*. Tuus comes, a-
 micus, sodalis. Quia stipare

latus solent amici & dedu-
 ctiores.

6. *Alexis*. Domino caru-
 puer: ut Alexis Virgilio, quæ
 mentionem de eo facit in 2.
Ecloga. *Vatis*. Castrici,

XLVIII.

Valere vivere est.

1. Sexagesima, Martiane, messis
2. Acta est, & puto, jam secunda Cottæ,
3. Nec se tædia lectuli calentis
4. Expertum meminit die vel uno.
5. At nostri bene computentur anni,
6. Et, quantum tetricæ tulere febres,
7. Aut languor gravis, aut mali dolores,
8. A vita meliore separentur;
9. Infantes sumus, & senes videmur.
10. Ætatem Priamique, Nestorisque
11. Longam qui putat esse, Martiane,
12. Multum decipiturque falliturque:
13. Non est vivere, sed valere, vita.

VERS. 1. 2. 3.

V E R S. 1. 2. 3. &c. Cotta jam sexagesimum & secundum, ut puto, annum, ò Martiane, confecit, neque adhuc vel uno die ægrotavit. At si numerentur anni nostri, atque separentur ab aliis dies illi, quibus febre vel alia vexati fuimus ægritudine, videbimur infantes, & recens nati, quamvis jam ob canos videamur senes, diuque vixerimus. Errat qui longam vitam

putat eam quæ Priami vel Nestoris numeret annos; ea longa est quæ multum habet valetudinis ac sanitatis: hæc dos est vitæ potissima, & ipsa potior vitâ.

3. *Calentis*. In quo æger calet febre.

10. *Nestoris*. Vixisse tres ætates dicitur: Priamus quoque ad summam pervenit senectutē. Hic rex Trojæ; ille dux Græcorum prudentissimus.

XLIX.

In furem.

1. Fur notæ nimium rapacitatis
2. Compilare Cilix volebat hortum:
3. Ingenti sed erat, Fabulle, in horto
4. Præter marmoreum nihil Priapum;
5. Dum non vult vacuâ manu redire;
6. Ipsum furripuit Cilix Priapum.

V. 2. *Compilare*. Spoliare. *Cilix*. Nomen est proprium: aliàs gentile. Cilicia pars Asiæ minoris.

4. *Priapum*. Erat ille horto-

rum Deus custos: qui tunc non modo hortum, sed ne se ipse quidem potuit custodire. Deum hunc ligneum ridet. Hor. Sat. 8. Lib. I.

L.

Ficti dentes.

1. Medio recumbit imus qui lecto,
2. Calvam trifilem semitactus unguento,
3. Foditque tonsis ora laxa lentiscis;
4. Mentitur, Esculane: non habet dentes.

V. 1. *Medio* &c. In tricliniis vulgò tres lecti erant: in singulis terni convivæ ut plurimum, quorum summus ille dicebatur, qui ad lecti caput acubabat: medius, qui in medio lecto; eratque locus honoratissimus: imus, qui post me-

dium jacebat.

2. Qui habet caput calvum, discretum tamen pietis & fluentibus pingui unguento tribus aut quatuor pilis, instar filorum. Suprà, Epig. 38.

Semitactus. ἡμίχρους, leviter tactus ac delibutus: nā

tangere oleo, tangere unguēto, dixerunt optimi scriptores Cato, Varro, Propertius. Legunt nōnulli *semitatus*, quasi sulcatum esset unguento & exaratum caput; sed vereor ut ista vox latina sit.

3. *Fodit*. Purgat, fodicat. *Lentiscis*. Dentiscalpiis & ramulis acutis lentisci, (arbuscula quædam est, factis. *Non habet*. Aut nullus habet, aut emptos. Recalvastū & edentulum deridet senem.

LI.

Veneficæ munera.

1. Cū mittis turdūmve mihi, quadrāve placētæ,
2. Sive femur leporis, sive quid his simile;
3. Bucellas misisse tuas te, Pontia, dicis:
4. Has ego nec mittam, Pontia; sed nec edam.

VERS. 1. *Quadram*. Partem quartam; frustum.

2. *Bucellas*. Propriè buccella seu bucea, est particula ci-

bi vel panis: quantum capere bucca potest.

4. *Mittam*. Amicis: sunt enim veneno infectæ.

LII.

Epitaphium Fusci.

1. Ille sacri lateris custos, Martisque togati,
2. Credita cui summi castra fuere ducis;
3. Hic situs est Fuscus: licet hoc Fortuna sateri;
4. Non timet hostiles jam lapis iste minas.
5. Grande jugum domitæ Dacus cervice recepit,
6. Et famulum victrix possidet umbra nemus.

VERS. 1. *Ille &c.* Fuerat Cornelius Fuscus præfectus prætorii, custos corporis Domitiani. Vide Tacitum lib. 2. & 3. hist.

Martis togati. Domitiani, qui licet in urbe sit, ac togatus, vincit tamen hostes per suos duces, ac Mars Romanorum est veluti domesticus, ac urbanus. Possunt etiam per Marcem togatum intelligi milites Prætorianæ cohortis, quæ ad Imperatoris

palatium excubabat quorum Fuscus præfectus fuit.

2. Cui Domitianus castra sua & exercitum contra Dacos commiserat. Ab iis Fuscus postea cæsus est: victi tamen subinde Daci, ac de illis Domitianus triumphavit.

3. *Licet hoc &c.* Possumus jam impunè, ô Fortuua, cladem istam confiteri, quam abundè compensavit nostra de Dacis victoria. Fusci tumultus eorum vim & crudeli-

atem non reformidat, & vi-
rix ejus umbra placidè con-
quiescit in hoc nemore, quod
olim Dacorum, nunc Roma-
orum est, nunc Romanis
servit. Pars magna victoriæ,
vel cladis solatium censeba-

tur, si cadavera & sepulcra
mortuorum non essent in ho-
stium potestate: id nunc va-
tes gratulatur. Daci quinam
essent dixi Ep. 23. lib. 1. &
Ep. 2. lib. 2.

LIII.

Pauper superbus.

1. Cùm sis tam pauper, quã nec miserabilis Irus;
2. Tam juvenis, quàm nec Parthenopæus erat;
3. Tã fortis, quàm nec, cū vinceret, Artemidorus;
4. Quid te Cappadocum sex onus esse juvat?
5. Rideris, multoque magis traduceris Afer,
6. Quàm nudus medio si spatière foro.
7. Non aliter mōstratur Atlas cum cōpare ginno,
8. Quæque vehit similem bellua nigra Libyn.
9. Invidiosa tibi quàm flectica, requiris?
10. Non debes ferri mortuus hexaphoro.

V E R S. 1. *Irus*. Mendicus,
apud Homerum, & conse-
quentes deinde poëtas decan-
tatus.

2. *Tam juvenis*. Tam æta-
te florenti quàm Partheno-
pæus, imo etiam illo junior.
Is fuit Antiopæ filius, floruit
in bello Thebano, & ab Æs-
chylo laudatur in sua *Septem
ad Thebas*. Et à Papinio,
Lib. IV. Thebaïdos.

3. *Artemidorus*. Pugil fuit
egregius, Galbæ, Vitelliisque
temporibus, patria Trallia-
nus, qui, ut narrat Pausanias
in Eliacis Lib. 2. cū in cer-
taminibus Olympicis admo-
dum adolescens parum feli-
citer pugnasset ob ætatis im-
becillitatem, confirmatis po-
stea viribus, cū Smyrnæi
publicos ederent ludos, in a-

renam descendit, & eodem
die non solum eos à quibus
antea in Olympicis victus
fuerat, verum etiam adoles-
centes alios, ac viros omniū
valentissimos, pancratio su-
peravit. Hinc vocem illam
explicabis, *cū vinceret*.

4. Quid opus est te ferri in
lectica hexaphoro (Lib. II.
Ep. 59.) & onerare sex ser-
vos? Frequentes servi è Cap-
padocia, minoris Asiæ regio-
ne, mittebantur.

5. *Traduceris*. Haberis lu-
dibrio. Lege lib. Spectac. Ep.
4. lib. 1. 47.

6. *Spatiere*. Ambules.

7. 8. Non aliter ac tu, ri-
detur ille nanus, quem joco
vocamus Atlantem, quando
per urbem vectatur illo suo
exiguo mulo, qui illi par est,

& æque pumilus: aut quando aliquis Afer portatur ab elephante, cui est similis, nempe fuscus, subniger. Cinnus est parvus mulus, teste Plinio lib. 8. c. 48. & Aristotele de hist. anim. lib. 6. ca. 24 Libs, sive Libys, idem est ac Africanus. 9. *Invidiosa &c.* Quæris cur

tantam tibi apud omnes invidiam conciliet hæc tua leætica? nempe cum sis vivum cadaver, & indignus qui lucem intuearis, non debes herexaphoro gestari, sed feretro & vili sandapila. Habes epigramma simile num. 59. Epig. 54.

LIV.

Vinum venenum.

1. Potor nobilis, Aule, lumine uno
2. Luscus Phryx erat, alteroque lippus:
3. Huic Heras medicus, bibas caveto;
4. Vinum si biberis, nihil videbis.
5. Ridens Phryx, oculo, valebis, inquit.
6. Misceri sibi protinus deunces,
7. Sed crebros jubet: exitum requiris?
8. Vinum Phryx, oculus bibit venenum.

VERS. 1. Ordo est. Phryx quidam, egregius potor, erat oculo uno luscus, & lippus altero.

3. *Heras*. Nomen medici tunc celebris: legitur etiam Eros, utraque vox græca Ἡρᾱς, Ἐρως.

4. *Nihil videbis*. Oculos perdes.

5. At Phryx ridens, ocu-

lum suum sic est allocutus, ὦ mi ocule, vale, nullus esto, pereas sanè. lib. 2. 67.

6. *Deunces*. Explicui hanc vocem lib. 1. Ep. 26.

8. Vinum hoc Phrygi aliud nihil quam vinum fuit, & quidem suave: at ejus oculo fuit venenum & pestiferum, quia oculus eo, tanquam veneno, est extinctus.

LV.

Malè fortunatus.

1. Tristis es, & felix: sciat hoc Fortuna caveto:
2. Ingratum dicet te, Lupe, si scierit.

VERS. 2. *Ingratum*. Qui sua beneficia animo iniquo

accipias: lætum te ac hilarem in rebus bonis ac lætis facito.

LVI.

Romanæ rosæ.

1. Ut nova dona tibi, Cæsar, Nilotica tellus
2. Miserat hibernas ambitiosa rosas:
3. Navita derisit Pharios Memphiticus hortos,
4. Urbis ut intravit limina prima tuæ.
5. Tantus veris honos, & odoræ gratia Floræ,
6. Tantâque Pæstani gloria ruris erat.
7. Sic quacunq; vagus gressumq; oculósq; ferebat,
8. Sutilibus fertis omne rubebat iter.
9. At tu Romanæ jussus jam cedere brumæ,
10. Mitte tuas messes; accipe, Nile, rosas.

V E R S. 1. 2. Ægyptus tibi, ô Cæsar, miserat rosas hibernas, ut mira quædam & insolita munera, eas ambitiosè, quasi magnum aliquid, venditans. *Nilotica*. Nilus Ægypti fluv. notissimus.

3. 4. Sed Ægyptii nautæ, cùm Romam venerunt, cœperunt suam Ægyptum, ejusque hortos & rosas contemnere. Pharus, quid esset exposui Ep. 13. lib. 1. Quid Memphis, lib. Spect. Ep. 1.

5. Tot videbant Ægyptii, vel media in hyeme, flores & rosas Romæ. Flora erat

hortorum & florum Dea.

6. Tanta erat rosarum copia ex agro Pæstano (Lib. IV. Ep. 48.) advectarum.

8. *Sutilibus*. Inter se nexis & confutis. Legitur etiam, *textilibus*.

9. *Jussus cedere &c.* Coactus fateri rosas, vel in ipsa bruma, esse Romæ plures ac præstantiores, quàm in Ægypto, ubi æstas assidua.

10. Contentus esto nobis frumentum mittere, rosis tuis carere possumus, imo tibi nostras mittere.

LVII.

Mendicat eleganter.

1. Quidam me modò, Rufe, diligenter
2. Inspectum, velut emptor, aut lanista,
3. Cùm vultu digitóque subnotasset,
4. Túne es, túne, ait, ille Martialis,
5. Cujus nequitas jocósq; novit
6. Aurem qui modò non habet Batavam?
7. Subrisi modice, levíque nutu
8. Me, quem dixerat esse, non negavi.

9. Cur ergo, inquit, habes malas lacernas;
 10. Respondi: quia sum malus poëta.
 11. Hoc ne sæpius accidat poëtæ,
 12. Mittas, Rufe, mihi bonas lacernas.

VERS. 2. *Velut emptor*.
 Quasi vellet emere mancipium aliquod. Qui emebant servos, eos diligenter inspiciebant, ne quid lateret vitii: item lanistæ, qui gladiatores emebant, ut eos alerent dormi, exercerentque ad mutuam lanienam.

3. *Subnotasset*. Quum me, vultu admirantis in speciem composito, & producto digito commonstrasset.

5. *Nequitias*. Epigrammata ludicra & improba.

6. Modò ille jocari paululum amet ac sciat. Auris Batava in hoc loco est, rudis jocorum & imperita. Nempe rigidi & bellicosi erant Batavi, atque adeo minimè istarum amâtes nugarum. Nunc inter illos multi sunt politioribus litteris in primis exculi.

9. *Lacernas*. De hac voce dictum Ep. 26. lib. 2. & 2. lib. 4.

11. Ne quis mihi paupertatem exprobet, ac sterilem poësim objiciat.

LVIII.

Principis clementia.

1. Quantum sollicito fortuna parentis Etrusco,
 2. Tantum, summe ducum, debet uterque tibi.
 3. Nam tu missa tuâ revocasti fulmina dextrâ:
 4. Hos cuperem mores ignibus esse Jovis.
 5. Si tua sit summo, Cæsar, natura Tonanti,
 6. Utetur toto fulmine rara manus.
 7. Muneris hoc utrumque tui testatur Etruscus,
 8. Esse quod & comiti contigit, & reduci.

VERS. 1. Quantum Etruscus pater debet filio suo, qui parentis fortunam & calamitatem in meliorem statum mutavit; tantum uterque, pater nempe & filius, tibi debet, ô Cæsar, qui preces filii audiveris, & patrem ab exilio revocaveris.

Sollicito. De patris exilio & calamitate. *Fortuna* Sors, restitutio ab exilio.

Etrusco. Etruscus pater, sive Hetruscus, primùm Tiberii Cæsar libertus fuit, deinde Caligulam minùs faventem expertus, ab eo pulsus aula; mox tamen revocatus est, & in ejus comitatu profectus ad Germanicam expeditionem; sub aliis deinde Cæsaribus varia fortuna usus, ad magnos honores, & majores opes eva-

fit: annos demum 80. natus, à Domitiano jussus exulare, filium habuit comitem exilii voluntarium, sed ejus operâ revocatus, non ita multò post decessit. Hunc laudat egregio carmine Statius l. 3. Silvium.

3. *Fulmina*. Exilii decretum.

6. Jupiter nunquam aut ra-

rò fulminavibraret totâ vi, totâ manu. Effet in reos mitior.

7. 8. Etruscus filius utrumque hoc beneficium à te acceptum confitetur, & quod non ægrè tuleris ipsum patri comitem sponte in exilium ire; & quod cum patre redire ab exilio jufferis.

LIX.

Sanus non sanus.

1. Octaphoro sanus portatur, Avite, Philippus:

2. Hunc tu si sanum credis, Avite, furis.

VERS. 1. *Octaphoro* Octaphorus erat lectica quam servi octo ferebant: eâ utebatur interdum ægroti ut mollius gestarentur.

2. Jocus est in voce *sanus*: iste, sano licet corpore, licet

valens ac robustus, tamen octaphoro vehitur: an credis eum esse sanum? Id si credis, insanis ipse: ægrotat certè, non corpore, at animo, propter arrogantiam & amorem deliciarum.

LX.

Epitaphium.

1. Editur heu! sextus sine te mihi, Rufe Camoni,

2. Nec te lectorem sperat, amice, liber.

3. Impia Cappadocum tellus, & numine lævo

4. Visa tibi, cineres reddit & ossa patri:

5. Funde tuo lachrymas orbata Bononia Rufo:

6. Et resonet tota planctus in Æmilia.

7. Heu qualis pietas! heu quàm brevis occidit ætas!

8. Viderat Alphei præmia quinque modò.

9. Pectore tu memori nostros evolvere lusus,

10. Tu solitus totos, Rufe, tenere jocos.

11. Accipe cum fletu mœsti breve carmen amici,

12. Atque hæc absentis thura fuisse puta.

VERS. 1. O Rufe Camoni, hunc sextum librum edidi, te absente.

3. 4. Rufus Camonius in

Cappadocia decessit; ejusque cineres Romam ad ipsius patrem sunt reportati.

4. *Numine lævo*. Quam adii-

sti adversis, iratisque superis,
nempe in ea moriturus.

5. *Bononia*. Urbs Italiae in
Æmilia seu Longobardia, cis
Padum: *Bologna*.

8. Vixerat per quinque tã-
tùm Olympiadas, id est an-
nos 20. ad Olympiam (quæ
olim etiam Pisa dicta est) ur-
bem Græciæ in Peloponneso,

celebrabantur clarissima cer-
tamina ad fluvium Alpheim,
quarto quoque anno ineunte;
quod spatiũ propterea Olym-
pias vocatum est. Vide Ep. 35.
lib 4.

12. Accipe hæc carmina lo-
co thuris, quod in tuo fune-
re superis adolevissem, si ad-
fuissem.

LXI.

Vinum nivibus temperatum.

1. Setinum, dominæque nives, densique trientes,
2. Quando ego vos, medico non prohibete, bibã?
3. Stultus, & ingratus, nec tanto munere dignus,
4. Qui mavult hæres divitis esse Midæ.
5. Possideat Libycas messes, Hermũq; Tagũque,
6. Et potet calidam, qui mihi livet, aquam.

VERS. 1. *Setinum*. Sub-
audi *Vinum*. Setia Campa-
niæ est oppidum, *Sezza*.

Dominæ. Quæ inter cete-
ras mensarum delicias veluti
principatum obtinetis, quia
vinum refrigeratis.

Densi. Crebri. De triente
vide Ep. 26. lib. 1.

3. Est ille profectò insa-
nus & ingratus pro acceptis
Fortunæ munere opibus, qui
esse similis Midæ, & ejus esse
heres, id est, esse æquè di-

ves mavult, quàm vina bona
bibere.

5. Quicumque mihi invi-
det, ille sanè Africæ messes,
aureas Hermi ac Tagi fluvio-
rum arenas possideat: sed
aquam calidam ipse bibat,
mihi vinũ & nives relinquat.
Hermus nunc *Sarabat*, est
in Asia minori, devolvitur in
Pactolum, & vicinos. Smyr-
næ campos alluit. Tagus in
Hispania. *Tajo*. Ambo au-
reis arenis inclyti.

LXII.

Emax precatio.

1. Dî tibi dent, & tu Cæsar, quæcunque mereris:
2. Dî mihi dent, & tu, quæ volo, si merui.

LXIII.

Damnosa familiaritas.

1. Manè salutavi vero te nomine casu;

2. Nec dixi dominum, Cæciliane, meum.
3. Quanti libertas constet mihi tanta, requiris?
4. Centum quadrantes abstulit illa mihi.

VERS. 1. Manè te tuo nomine salutavi, idque casu, non dedita opera; te Cæcilianum appellavi, non dominum meum, ut patronos appellare solent clientes.

3. At carò ista mihi salu-

tandi libertas & familiaritas constitit: nam abstulisti mihi statim sportulam, quam antea dare consueveras.

4. De centum illis quadrantibus & sportula vide Ep. 54. lib. 1. & 6. lib. 3.

LXIV.

Vinum pateræ congruens.

1. Cælatus tibi cum sit, Ammiane,
2. Serpens in patera Myronis arte;
3. Vaticana bibis: bibis venenum.

VERS. 1. Siquidem habes pateram in qua cælatus est serpens, & bibis vinum Vaticanum (quod erat pessimum) certè venenum bibis, & cum isto serpente tuum vinum congruit, ita ut serpens cælatus extra, indicare videatur toxicum intra latens.

2. *Mironis.* Erat sculptor egregius de quo Plinius multa.

3. *Vaticana.* Mons Vaticanus, *il Vaticano*, prope Romam erat, nunc in ipsa Roma: in eo condita est admirabilis Basilica S. Petri. In agro vicino colligebatur vinum deterrimum.

LXV.

Mulier unguentis delibuta.

1. Tam malè Thaïs olet, quàm non fullonis avari
2. Testa vetus, mediâ sed modò fracta viâ;
3. Pullus abortivo nec cum putrescit in ovo;
4. Amphora corrupto nec vitata garo.
5. Virus ut hoc alio fallax permutet odore,
6. Depositâ quoties balnea veste petit;
7. Psilothro viret, aut acidâ latet oblita cretâ:
8. Aut tegitur pingui térque quatérque fabâ.
9. Cum bene se tutam per fraudes mille putavit,
10. Omnia cum fecit, Thaidâ Thaïs olet.

VERS. 1. Pejus olet Thaïs quàm testa in qua fullones urinam

ad expurgandas vestes utilem, excipiunt; cum recentissime est fracta illa testa, & in vicum projecta.

3. Ova vetera, maxime si per aliquot dies illis gallina incubuerit, sunt odoris gravissimi.

4. *Garum*. Est garum liquamen quoddam, & muriae salis genus, factum ex intestinis pisciculorum, putridis, & sale maceratis.

5. Ut odorem suum tetrum, alieno suavi permutet ac obruat.

7. Psilothro utitur, quoties petit balnea: aut apponit affatim ori pigmentum confectum

estum è creta aceto diluta. Est psilothrum unguenti odorati genus, quo cutis laevigatur & politur detractis pilis; à verbo græco ψιλόν: nudo, pilis spolio. *Viret*, quia juvenilem quandam ori viriditatem conciliat.

Acida creta. Creta aceto diluta.

8. Farina è fabis expressa, vultum totum tegit, oblinitque.

9. *Tutam*. A fœtore. Bene olentem.

10. Quidquid agat, male semper olet.

LXVI.

Splendidus alienis opibus.

1. Ponuntur semper chrysendeta Calpetano,
2. Sive foris, seu cum cœnat in urbe domi.
3. Sic etiam in stabulo semper, sic cœnat in agro.
4. Non habet ergo aliud? non habet imò suum.

VERS. 1. *Ponuntur*. In mensa apponuntur *Chrysendeta*. Explicui Ep. 36. lib. 2.

3. *Stabulo* Diversorio, publico hospitio: sic vocatur, quia ibi statur de via. *Sic*. Cum istis poculis. *Agro*. Villa.

4. Nonne habet alia vasa? aliam supellectilem? Imò non habet aliam suam, alienam habet. Nihil habet quod suum sit, adeo est pauper; si quid habet, aut commodatum sumpsit ab aliis, aut furto ipse sustulit.

LXVII.

Vis exempli.

1. Non miror quod potat aquam tua Bassa, Catulle;
2. Miror quod Bassi filia potat aquam.

VERS. 1. *Tua*. Filia: quæ sobrium patrem imitatur.

2. *Bassi*. Ebrii parentis. Imitamur autem facilius exempla deteriora, quare ma-

gis mirandum est, ebrii hominis filiam non esse ebriam, quam sobrii parentis prolem esse sobriam.



M. VAL. MARTIALIS
EPIGRAMMATUM
LIBER VII.

EPIGRAMMA I.

Lorica Domitiani .

1. **A**CCIPE belligerę crudū thoraca Minervę,
2. Ipsa Medusęæ quem timet ira comę:
3. Dum vacat hæc, Cęsar, poterit lorica vocari;
4. Pectore cū sacro federit, ægis erit.

V E R S. I. O Cęsar, qui ad bellum Sarmaticum es profecturus, sume thoracem qualem Minerva gerit, è crudo & rigido confectum ferro.

2. Quem vel ipsa ægis Minervę, horrida & terribilis ob Medusę caput in ea sculptum ac iratis serpentibus hirsutum, timeat. Qui terribior est Ægide Minervę. Alii sic legunt hunc versum: *Ipsa Medusęæ quo tumet ira coma.* Nempe; quo in thorace cernitur Medusę caput iratis ac tumentibus anguibus, instar comarum, hirsutum. Alii sic: *Ipsa Medusęæ quem timet ira Deę.* Est adeo terribilis thorax, ut ipsa Pallas irata hunc

formidare possit.

Medusęæ. Medusa fuit una è Gorgonibus, cujus crines aureo prius colore insignes, Minerva ipsi infensa mutavit in colubros, quibus ea vis inesset, ut quicumque illos aspiceret, in lapidem verteretur. Perseus accepto Palladis scuto, ubi percussos in splendido ære colubros impunè aspiceret, Medusę caput abscidit. Illud Minerva, aut illius effigiem, postmodum suo thoraci vel clypeo inseruit.

3. Quando loricam hanc non gestabis; dum illa, te à bellis vacante, veluti cessabit ac feriabitur, lorica vocari poterit, & mortalis thorax: quã.

O v i

do illam indues, tunc Ægis vocabitur, & Jovis aut Palladis thorax.

4. *Ægis*. Erat Deorum, vel lorica, vel clypeus, maximè Jovis & Minervæ. Id nominis illi factum est, ex eo quod nariet poëte, hunc thoracem, sive clypeum tectum fuisse pel-

le Amaltheæ capræ, à qua Jupiter nutritus est; vox enim græca *αῖγίς* pellem caprinam significat. Innuit Martialis hoc epigrammate Domitianum esse Deum non inferiorem Jove aut Minervâ.

II.

Vota pro Domitiani reditu.

1. Invia Sarmaticis Domini lorica sagittis,
2. Et Martis Getico tergo fida magis:
3. Quam vel ad Ætolæ securam cuspidis ictus
4. Texuit innumeri libricus unguis apri:
5. Felix forte tuâ! sacrum cui tangere pectus
6. Fas erit, & nostri mente calere Dei.
7. I comes, & magnos illæsa merere triumphos,
8. Palmatæque ducem, sed cito, redde togæ.

VERS. I. O lorica Domitiani, quam nullæ Sarmatarum sagittæ pervadere poterunt ac perrumpere. Sarmatæ populi Europæ ad Septentrionem, nunc Poloni, Moschi, &c.

2. *Tergore*. Loricâ, quæ olim è tergo & corio pecudum fiebat. Dicitur Mars lorica habere Geticam, quia Getæ, populi barbari ad septentrionalem Europæ plagam, (pag. 306.) sunt admodum bellicosi. Sensus est: quâ indutus Cæsar tutior erit quàm si gereret Martis ipsius lorica.

3. 4. Quæ est texta & conferta è squamis æneis, aprorum ungues imitantibus; vel

ex ipsismet aprugnis ungulis, veris ac nativis atque adeo tuta est contra ictus lanceæ vel acutissimæ. Ætoli enim, teste Plinio, lanceas invenerunt: adde quod celebris ille Meleager, qui telis aprum interemit, Ætolus fuit. Vide ep. 14. Libri Spect.

8. Victis hostibus Cæsarem urbi cito restitue triumphantem, & toga palmata indutum. Vestis palmata triumphantium erat propria: sic dicta est à ramis palmarum in ea intextis, sive pictis: toga gestabatur à civibus in urbe; ut in acie sagum à militibus; paludamentum, ab Imperatoribus.

III.

Ad malum Poëtam.

1. Cur non mitto meos tibi, Pontiliane, libellos?
2. Ne mihi tu mittas, Pontiliane, tuos.

IV.

Vates pallidus.

1. Effet, Castrice, cum mali coloris,
2. Versus scribere coepit Oppianus.

VERS. 1. Oppianus pallebat morbo: putavit oblatam sibi esse commodam occasionem colligendæ famæ: coepit versus facere, ut è studio & labore pallere crederetur. Vel, putavit satis esse, ut poëta fieret, si esset pallidus. Vide Horatium in Arte Poetica, sub finem.

V.

Ad Domitianum, ut in urbem redeat.

1. Si desiderium, Cæsar, populique, patrûmque
2. Respicias, & Latæ gaudia vera togæ;
3. Redde Deum votis poscentibus: invidet hosti
4. Roma suo, veniat laurea multa licet:
5. Terrarum dominum propius videt ille, tuoque
6. Terretur vultu barbarus, & fruitur.

VERS. 3. Deum. Te: sic enim se appellari edicto sãxit. Invidet hosti. Qui te præfente fruitur. 4. Laurea. Corona è laureo, signum victoriæ: litteræ laureatæ, de quibus vide sequens Ep. Quamvis de tuis victoriis felices & crebrinūciæ Romam afferantur.

VI.

Ab eundem.

1. Ecquid Hyperboreis ad nos conversus ab oris
2. Ausonias Cæsar jam parat ire vias?
3. Certus abest auctor, sed vox hoc nunciat omnis:
4. Credo tibi: verum dicere, Fama, soles.
5. Publica victrices testantur gaudia chartæ:
6. Martia laurigerâ cuspide pila virent.
7. Rursus, io, magnos clamat tibi Roma triumphos,
8. Invictusque tuâ, Cæsar, in urbe sonas.

9. Sed jam lætitiæ quo fit fiducia major,
10. Sarmaticæ laurus nuncius ipse veni.

V E R S. 1. Ergone tandem Cæsar in Italiam à septētrione revertitur? De voce *Hyperboreus* vide Ep. 3. Lib. 4.

2. *Aufonias* Italas. Aufon, vel Aufonius, Italiæ rex priscus fuit.

4. O fama, credo tibi, redire Domitianum: vox enim publica & fama solet vera esse.

5. *Chartæ*. Illigatæ lauro literæ, quas duces, reportatâ victoriâ, mittere solebant ad senatum.

6. *Pila*. Jacula brevia, Romanis usitata. Illa post victoriam partam, lauro implicabantur.

8. *Sonas*. Diceris, prædicaris.

VII.

Domitiani absentis desiderium.

1. Hiberna quamvis Arctos, & rudis Peuce,
2. Et ungularum pulsibus calens Ister,
3. Fractusque cornu jam ter improbo Rhenus,
4. Teneat domantem regna perfidæ gentis
5. Te summe mundi rector, & parens orbis:
6. Abesse nostris non tamen potes votis.
7. Illic & oculis & animis sumus, Cæsar:
8. Adeoque mentes omnium tenes unus,
9. Ut ipsa magni turba nesciat circi
10. Utrúmne currat Passerinus, an Tigris.

V E R S. 1. *Arctos*. Vide Librum Spectac. Ep. 14.

Peuce. Insula est, in Istri ostio: *Rudis*, Barbara, inculta.

2. *Ister*. Fluvius idem prope fontem. Danubius; prope ostia, Ister vocatur. Calere dicitur ungularum equinarum pulsibus, quia gelu confriectus equos transeûtes impune admittit. Sic à Virgilio fervere via dicitur, in qua multi ultro citroque commeant: calor quippe in motu maximè est. Pag. 236.

3. *Cornu*. Dantur fluviiis taurorum cornua, ob strepitum fluctuum, qui mugitum taurorum imitatur. Ob eam rem Achelous fluvius, in taurum se ipse dicitur convertisse, ut cum Hercule dimicaret, à quo victus & uno cornu truncatus est. Rhenus dicitur hic ter exutus cornibus, ob triplicem Domitiani victoriam de Germanis.

7. *Illic*. Ibi, ubi es.

8. Ita te unum cogitamus, licet absentem, ac videmus, ut cum Passerinus &

Tigris, illi egregii cursores, | remus, omnes in tui deside-
in circo incredibili velocitate | rio, & cogitatione defixi.
currunt, eos nemo aspiciat, | Quid esset circus dixi Pagi-
& uter illorum currat, igno- | na 24.

VIII.

Domitiani reditus.

1. Nunc hilares, si quando, mihi nunc ludite Musæ:
2. Victor ab Othryfio redditur orbe Deus.
3. Certa facis populi tu primus vota December:
4. Jam licet ingenti dicere voce, venit.
5. Felix forte tuâ, poteras non cedere Jano,
6. Gaudia si nobis, quæ dabit ille, dares.
7. Festa coronatus ludet convicia miles,
8. Inter laurigeros cum comes ibit equos.
9. Fas audire jocos, leviorâque carmina, Cæsar,
10. Et tibi; si lusus ipse triumphus amat.

VERS. 2. *Othryfio*. Othry-
fii, sive Odryfii, populi fue-
runt Thraciæ circa Hebrum,
aut inter Abderam & Istrum.
Deus. Supra, Ep 5.

3. Perlatus est mense De-
cembri certus nuncius, quo
affirmatur Romam redire;
id quod omnes optant.

6. Si Decembri mense pos-
set venire in urbem, ut cer-
tò venturus est Januario.

Huic mense Janus præest.

7. *Convicia*. Solebant mi-
lites in Imperatorem trium-
phantem dicta dicere & jace-
re convicia per jocum, magnâ
libertate, ac sæpe protervia.

9. Liceat tibi, ô Cæsar, hæc
jocosa carmina æquis auribus
accipere, qui convicia luden-
tium militum non respuis. Sit
mihi fas ludere, si fas est mi-
liti cavillari.

IX.

Malus orator.

1. Cum sexaginta numeret Casselius annos,
2. Ingeniosus homo est: quando disertus erit?

VERS. 1. Casselius est se-
xagenarius, non caret inge-
nii laude: eloquentiâ certè
caret. Quandonam erit elo-

quens? nunquam: quia elo-
quentia laboris multum ope-
ræque postulat, neque nas-
cuntur oratores, sed fiunt.

X.

Aliena curans , sua negligens .

1. In lucem cœnat Sertorius: Ole, quid ad te?
2. Cùm liceat totâ stertere nocte tibi.
3. Septingenta Tito debet Lupus: Ole, quid ad te?
4. Assen ne dederis, crediderisve Lupo.
5. Illud dissimulas ad te quod pertinet, Ole,
6. Quódque magis curæ convenit esse tuæ;
7. Pro togula debes; hoc ad te pertinet, Ole;
8. Quadrantem nemo jam tibi credit: & hoc.
9. Uxor mœcha tibi est: hoc ad te pertinet, Ole;
10. Poscit jam dotem filia grandis: & hoc.
11. Dicere quindecies poterã quod pertinet ad te:
12. Sed quid agas, ad me pertinet, Ole, nihil.

VERS. 1. Cœnam usque in lucem protrahit: nocte totâ pergræcatur.

3. *Septingenta*. Subaudi festertia, id est, libras Tiron. 70000.

4. Cave tu tantum, ne quidquam credas Lupo, scilicet malo debitori, ne quid illi des: noli esse sollicitus, an alius

ei det, credatve.

7. *Debes*. Nempe nummos.

8. *Quadrantem*. Quartam assis partem. Pag. 248

12. Quemadmodum ad te nihil pertinet quid agant alii, sic ad me nihil spectat, quid agas tu; verèorque ne illud meum mihi reponas, *Quid ad te?*

XI.

Versus archetypi.

1. Cogis me calamo; manúque nostrâ
2. Emendare meos, Pudens, libellos:
3. O quàm me nimium probas, amâsque,
4. Qui vis archetypas habere nugas!

VERS. 1. Postulas à me meos libellos, sed meâ manu emendatos, ut illos nempe in tuis scriniis serves; deamo te, ac demiror, qui rem tantillam, quales sunt mei versus, tanti facias, ut velis eorû

primariû exemplar domi habere. Est archetypum, primum rei exemplum, primum opus ad cuius similitudinẽ fiunt alia. ἀρχή, initium: τύπος, typus, forma, exemplar.

XII.

Liber innoxius.

1. Sic me fronte legat Dominus, Faustine, serenâ,
2. Excipiâtque meos quâ solet aure jocos:
3. Ut mea, nec iuste quos odit, pagina lædit,
4. Et mihi de nullo fama rubore placet.
5. Quid prodest? cupiant cùm quidam nostra videri
6. Si qua Lycambeo sanguine tela madent:
7. Vipereùmque vomant nostro sub nomine virus,
8. Qui Phœbi radios ferre diémque negant.
9. Ludimus innocui; scis hoc bene: juro potentis
10. Per Genium famæ, Castaliùmque gregem,
11. Pérque tuas aures, magni mihi numinis instar
12. Lector, inhumanâ liber ab invidiâ.

VERS. I. *Dominus. Cæsar.*

3. Sic me libenter à Domitiano legi velim, ut lædo neminem in meis scriptis, ne illos quidem in quos odio iusto sum incensus.

4. Nec placet mihi fama quæsitæ ex aliquo epigrammate, quod alicui ruborem & pudorem afferat.

5. Quid hoc mihi tamen prodest, quod vel inimicis temperem, si nihilominus quidam mihi attribuunt, & pro nostris venditant carmina nō nulla maledica, qualia edita olim fuere in Lycamben? Archilochus poëta græcus lyricus insignis fuit: huic Lycambes Neobulen filiam cùm despondisset, eandem mutato

consilio alteri nuptum dedit. Iratus Archilochus tam amaros in Lycambē jambos scripsit, ut ille sibi laqueo vitam eripuerit.

8. Qui non audent suum nomen prodere, qui lucem oderunt: atque adeo sub meo nomine sua maledicta pervulgant.

10. *Genium Famæ* Per illum Deum qui famæ præsidet, qui eruditorum laudi consulit. *Lege lib. 6. Ep. 41.*

11. Et per tuas aures quibus benignè me audis, ô lector candide, & ab omni invidia disjuncte, qui mihi instar magni Apollinis, & Musarum es; cujus favorem pluris facio, quàm omnes Musas.

XIII.

In mulierem formæ studiosam.

1. Dum Tiburtinis albescere solibus audit
2. Antiqui dentis fusca Lycoris ebur

3. Venit in Herculeos colles: quid Tiburis alti
4. Aura valet? parvo tempore nigra redit . .

VERS. 1. 2. Ordo est .
Dum Lycoris fusca , audit
Tiburtino sole , & cælo fieri
album ebur , et si vetus & ni-
grum , eo accessit . Sed nigra

rediit quæ nigra venerat .

Antiqui dentis ebur . Ebur
est dens elephantinus .

3. *Herculeos* . Pagina 39.
213. 216.

XIV.

Munera bis utilia .

1. Æra domi non sunt: superest hoc, Regule, solū
2. Ut tua vendamus munera : numquid emis?

VERS. 1. Nulla mihi do-
mi est pecunia: sūt multa quæ
à te accepi munera ; cogor ea
vendere, ut nempe ex iis ven-
ditis cōficiam nummos. Num-
vis ea emere? Expectat nem-

pe vates dum Regulus dicat,
parce hoc facere , retine mea
munera : do illam tibi , quam
ex iis venditis redigeres , pe-
cuniam: hanc habe, cum mu-
neribus .

XV.

Suos libellos amico mittit .

1. Ruris bibliotheca delicati ,
2. Vicinam videt unde lector urbem ;
3. Inter carmina sanctiora si quis
4. Lascivæ fuerit locus Thaliæ ,
5. Hos nido licet inferas vel imo
6. Septem quos tibi mittimus libellos,
7. Auctoris calamo sui notatos:
8. Hæc illis prætium facit litura .
9. At tu munere dedicata parvo ,
10. Quæ cantaberis orbe nota toto ,
11. Pignus pectoris hoc mei tuere ,
12. Julî bibliotheca Martialis .

VERS. 1. *Ruris* . Villuræ
elegantis . Illam fusè descri-
bit Lib. 4. Epig. 52.

2. *Vicinam* . Erat enim ista
villa in Janiculo , qui collicu-
lus imminet Romæ .

3. *Sanctiora* . Severiora ,
graviora . Pag. 238.

4. *Thaliæ* . Unī è Musis ,
quæ jocis & ludicris versibus
gaudet : *θάλλω* , *floreo* .

5. *Nido* . Loculo , scrinio .

7. *Notatos* . Scriptos à me
& emendatos , atque adeo
non carentes lituris .

8. Lituræ bona carmina
commendant, quia indicant
esse emendata & scripta di-
ligenter.

9. *Dedicata*. Donata, con-
secrata.

11. *Pectoris*. Amoris.

XVI.

Antiqua in pretio.

1. Fragmento quod vile putas, & inutile lignum, */um*
2. Hæc fuit ignoti prima carina maris.
3. Quam nec Cyaneæ quondam potuere ruinæ
4. Frangere, nec Scythici tristior ira freti,
5. Sæcula vicerunt: sed quamvis cesserit annis,
6. Sanctior est salvâ parva tabella rate.

VERS. I. Quod vides na-
vis fragmentum, ac putas
vile esse lignum, est carina,
seu trabs infima, navis Ar-
gûs, quæ Argo fuit prima ra-
tis commissa mari adhuc i-
gnoto & intentato.

3. Quam navim procelle ac
tempestates gravissimæ exci-
tatæ ad insulas Cyaneas non
potuerunt frangere, hanc
vicit vetustas. Cyaneæ, sunt
insulæ duæ, seu potius sco-
puli, ad os Bosphori Thra-
cii prope Pontum Euxinum,
quem in sequenti versu Scy-
thicum appellat fretum. Di-

etæ sunt etiam à veteri-
bus Symplegades, Planetæ,
Syndromades, quod eminus
intuentibus videntur move-
ri loco & in se incurrere: ab
incolis vocantur *Farcæzes*.

5. *Sed &c.* Quamvis sæ-
culis & vetustate fracta ratis
& victa sit: hæc tamen uni-
ca quæ superest tabula exi-
gua & trabs, propter anti-
quitatem est venerabilior,
quàm ipsa tota fuerit olim
Argo salva, & recens: imò
quàm alia quælibet ratis in-
tegra. De Argo navi, & Ar-
gonautis dixi pag. 177. */r*

XVII.

In gulosum.

1. Nihil est miserius, nec gulosius Sanctrâ:
2. Rectam vocatus cum cucurrit ad cœnam,
3. Quam tot diebus noctibusque captavit;
4. Ter poscit apri glandulas, quater lumbum,
5. Et utrâmq; coxam leporis, & duos armos:
6. Nec erubescit pejerare de turdo,
7. Et ostreorum rapere lividos cirros.
8. Dulci placentâ sordidam linit mappam:
9. Illic & uvæ collocantur ollares,

10. Et Punicorum pauca grana malorum,
11. Et lippa ficus, debilisque boletus.
12. Sed mappa cum jam mille rumpitur furtis,
13. Rosos tepenti spondylos sinu condit,
14. Et devorato capite turturem truncum.
15. Colligere longam turpe nec putat dextram
16. Analecta, quidquid & canes reliquerunt.
17. Nec esculenta sufficit gulæ præda;
18. Mist o lagenam replet ad pedes vino.
19. Hæc per ducentas cum domum tulit scalas,
20. Séque obseratâ clausit anxius cellam
21. Gulosus ille, postero die vendit.

V E R S 2. *Rectam*. Cæna recta, sive honesta liberalisque vocabatur ea, in qua cliētes cum patronis accumbebant. Lib. II. Ep. 50. Lib. 3. Ep. 6. 24.

4. *Glandulas*. Sunt carnes quedam callosæ, circa collum apri, ac delicatæ.

6. *Coxam*. Coxa est posteriorum pedum pars superior: armus, anteriorum.

6. *Pejerare*. Negando se illum attigisse, quem tamen furripuit.

7. *Cirros*. Partes extremas quæ, instar cirrorum crispantur in ostreis generosis. Vel pedunculos caudasque cancrorum, quæ, ut cirri, protenduntur. Cancræ, squillæ &c. in ostreis etiam numerantur. *Lividos*. Elixos, inde enim lividum colorem habent.

8. *Linit*. Inquinat: mappam placentam furtivam involvendo. Legit Scriverius: *Buccis placentæ sordidam linit mappam*. Buccæ panis, placetæ &c. sunt frustula demorsa:

hec frustra indebat in mappam.

9. *Ollares*. In ollis servatæ.

10. *Punicorum* &c. Lib. I. Epig. 38.

11. *Lippa*. Matura. Tunc enim humor aquosus ex illa, ut ex oculis lipporum, fluit.

Debilis. Non integer, truncus, semesus. *Boletus*. Lib. 3. Ep. 47.

13. *Spondylos*. Spondyli sunt vertebræ, è quibus constat dorsi spina. Has, agni v. g. aut vituli, vertebrae arrosas suo ipse in sinu condit.

14. *Devorato*. Comesos *Turturem* cui est caput ablatum.

15. *Longa*. Dicuntur esse longæ furibus manus.

16. *Analecta*. Sunt reliquiae quæ convivis excidunt, aut ab iis projiciuntur. ἀναλέγω, colligo.

17. *Esculenta*. Non escas tantum, & cibos furatur.

18. *Vino ad pedes*. Ex vino quod ad pedes miscetur: nempe in mensa servorum aut puerorum, qui ad pedes aliorum

convivarum positi cœnant & vile potant vinum. Vel: la-
genam, quam habet paratam
ad pedes, optimo vino im-

plet.

19. *Ducentas scalas* Per du-
centos gradus, quia prope te-
gulas habitat.

XVIII.

De natali die Lucani.

1. Hæc est illa dies, quæ magni conscia partûs,
2. Lucanum populis, & tibi, Polla, dedit.
3. Heu! Nero crudelis, nullâque invisor umbrâ:
4. Debuit hoc saltem non licuisse tibi.

VERS. 2. *Polla.* Uxor Lu-
cani fuit.

3. Crudelem te, Nero, qui
hunc mori jufferis! Nullâ
umbrâ, nullius cæde, mayo-
rem tibi invidiam concitasti.
Natus est Lucanus Cordubæ
in Hispania. Cum ipsi Nero
invideret ob famam ingenii
& eruditionis, sentiens hoc
Lucanus de tollendo ipso Ne-

rone conjuravit: re detectâ,
morte multatus est. Pag. 66.

4. Alludens Mattialis in-
dicat Neronis vocem, qui
cùm plurimos egregios cives
impunè de medio sustulisset.
ajebat se nescisse hætenus
quantùm Imperatori liceret.
Utinam, inquit Martialis,
tibi tantum poëtam interfi-
cere non licuisset!

XIX.

De eodem.

1. Vatis Apollinei magno memorabilis ortu
2. Lux redit: Aonidum turba favete sacris.
3. Hæc meruit, cùm te terris, Lucane, dedisset,
4. Mixtus Castaliæ Bætis ut esset aquæ.

VERS. 2. *Aonidum turba.*
Musæ vocantur Aonides ab
Aonia regione Bæotiæ, ubi
maximè colebantur.

Sacris. Sacrificio in Lucani
honorem faciendo.

4. Meruit ista dies, Lucani
videlicet natalis, ut Bætis,
(Hispaniæ flumen, Andalu-

siam, in qua est Corduba Lu-
cani patria, perfluens, nunc
Guadalquivir,) jungeretur
cum aqua fontis Castalii, eo-
demque honore celebraretur.
Fons Castalius est in Phoci-
de ad radices Parnassi mon-
tis, Musis sacer.

XX.

De eodem.

1. Phæbe veni, sed quantus eras cùm bella canēti

2. Ipse dares Latiae plectra secunda lyrae.
3. Quid tantâ pro luce precer? tu, Polla, maritum
4. Sæpe colas, & se sentiat ipse coli.

VERS. I. *Veni.* Ad sacra, pro colendo natali die Lucani celebranda.

2. *Bella.* Civilia inter Cæsarem & Pompejum.

Canenti. Lucano. Scripsit versibus historiam belli civilis. Legitur in quibusdam codicibus *tonanti*: quæ vox indicat stilum Lucani inflatum, ac sæpe fragoris plus quam dignitatis habentem.

2. *Secunda &c.* Cum ipsi secundum à Virgilio carmi-

nis Latini palmam concederes; cum unum illi Virgilium anteferes. Plectrum est pecten seu instrumentum quo fila lyrae feriuntur: *πλήττω*, percutio.

4. *Colas.* Mariti memoriam sacris anniversariis sæpe recolas & renoves, atque adeo vivas diu: & ipse se à te coli, ubi ubi est, sentiat, & hac suavissimâ voluptate post obitum perfruatur.

XXI.

In obrectatorem.

1. Cum Juvenale meo quæ me committere têtas,
2. Quid non audebis, perfida lingua, loqui?
3. Te fingente nefas, Pyladen odisset Orestes:
4. Thesea Pirithoi destituisset amor.
5. Tu Siculos fratres, & majus nomen Atridas,
6. Et Ledæ poteras diffociare genus.
7. Hoc tibi pro meritis, & talibus imprecor ausis;
8. Ut facias illud quod mala lingua facis.

V. I. *Committere.* Quasi pugnaturum componere: committi enim & componi propriè dicuntur gladiatores certaturi. Quæ dissidii causas inter nos & inimicitiarum seris, quæ nostram conaris amicitiam discindere.

3. *Fingente nefas.* Criminante: odia inter amicos excitante fictis criminibus.

Pyladen. Vide Lib. 6. Ep. 9.

4. *Thesea.* Vid. lib. 10. Ep. 11.

5. *Siculos fratres.* Nominantur illi à Strabone Lib. VI.

Amphinomus & Anapias, qui ob mutuum amorem tota Sicilia fuere celeberrimi.

Atridas. Agamemnonem & Menelaum Atrei regis Mycænarum filios. *Majus nomen.* Illustriores Siculis istis fratribus.

6. *Ledæ genus* Castorem & Pollucem. Lib. V. Ep. 38.

8. *Ut facias &c.* Nempe ut pergas maledicere. Quid enim maledicentia odiosum hominibus magis & invisum?

XXII.

Acuta epigrammata.

1. Dulcia cū tantū scribas epigrāmata semper,
2. Et cerussatā candidiora cute;
3. Nullāque mica salis, nec amari fellis in illis
4. Gutta sit; ô demens! vis tamen illa legi.
5. Nec cibus ipse juvat morfu fraudatus aceti;
6. Nec grata est facies, cui gelasinus abest.
7. Infanti melimela dato, fatuâsque mariscas:
8. Nam mihi, quæ novit pungere, Chia sapit.

V. 2. *Cerussata.* Cerussa pigmentū est eximii candoris, quo feminæ os oblinunt.

3. *Salis.* Ad oblectandum.

Fellis. Ad pungendum.

5. Non delectat cibus nisi addatur aliquid acidum, quo gustus acuatur.

6. *Gelasinus.* Ita vocantur rugæ, quibus inter ridendum frons sulcatur: Gelasini etiam dicuntur illi dentes anteriores, qui ridendo nudantur. Denique est gestus omnis qui

editur à ridente: γέλως, risus.

7. *Melimela.* Sic vocantur poma dulcia, & quasi mellita: μέλι, mel; μήλον, pomum. Mariscæ sunt ficus insulsæ, & languidi saporis, fatuæ idcirco hîc dictæ.

8. *Chia.* Ficus advecta ex insula Chio, (est illa in Ægeο mari, nunc Scio,) quæ multū salis, & acuti saporis habet.

XXIII.

Libro patronum quærit.

1. Apollinarem conveni meum Scazon,
2. Et si vacabit (ne molestus accedas)
3. Hoc quaecunque, cujus aliqua pars ipse est,
4. Dabis: hoc facetum carmen imbuant aures.
5. Si te receptum fronte videris totâ,
6. Noto rogabis ut favore sustentet.
7. Quanto mearum scis amore nugarum
8. Flagret: nec ipse plus amare te possum.
9. Contra malignos esse si cupis tutus,
10. Apollinarem conveni meum Scazon.

V. 2. Si erit otiosus, nolo enim molestum te illi esse: effes autem si seria occupatione districtum adires.

3. *Hoc &c.* Hunc libellum, cujus pars aliqua ipse est, siquidem ejus nomen in eo legitur, in hoc scilicet epigrammate: vel quia ipse librum emendaverat.

4. Illius aures imbuant hoc meum carmen. Videtur esse hypallage, pro *Carmen*

aures imbuat, id est, impleat: auribus avidis, & tentis hauriatur. Sic animi dicitur imbui opinione, & trina.

5. Si te videris ab eo accipi fronte penitus exporrecto & hilari, eum rogabis ut solito favore tueri te pergat.

XXIV.

Aper dono missus.

1. Tuscae glandis aper populator, & ilice multa
2. Jam piger, Ætolæ fama secunda feræ,
3. Quem meus intravit splendēti cuspide Dexter,
4. Præda jaces nostris invidiosa focis.
5. Pinguescant madido læti nidore Penates,
6. Flagret & exciso festa culina jugo.
7. Sed coquus ingentem piperis consumet acervū,
8. Addet & arcano mixta Falerna garo.
9. Ad dominum redeas, noster te non capit ignis
10. Conturbator aper: vilius esurio.

VERS. 1. *Tusce &c.* Qui glande silvarum Tusciæ pastus es. In Tuscia, *la Toscana*, Italiæ parte, apri erant præstantes.

2. *Piger.* Ob adipem & saginam.

Ætolæ &c. Proximus Ætolo illi apro, quem Meleager occidit. Vide Lib. Spectac. Ep. 14. Omnium ferocissimus secundum aprum Ætolum.

3. *Intravit.* Intrante & adacto per medium corpus venabulo, interfecit.

Dexter. Martialis amicus quidam.

4. *Invidiosa.* Quæ mihi aliorum accerses invidiam; invidebitur enim mihi penes

quem regiæ istæ sint dapes. Nobis onerosa & gravis.

5. Age igitur, tam opimus cibus, ut par est, torreatur, & mei Penates (erant Dii domestici, quorum simulacra prostabant ad focum) rudes, inculti, nec lautis id genus opsoniis assueti, fumo istius apri madeant ac pinguescant. Fuligo & nidor pingue quiddam & unctum habent.

6. *Jugo.* Lignis è montis jugo excisis.

8. *De garo.* Vide Lib. VI. Ep. 65. *Arcano.* Clam infuso. De vino Falerno dictum pag. 43. 123.

9. Non capit te angusta mea culina, egentior sum quam

quàm ut te condiam pro dignitate.

10. *Conturbator*. Quasi deceptor, qui faceres ut ego conturbare cogerer, & om-

nes meas fortunas unum in opsonium conferre.

Vilius esurio. Fames mea placari potest, ac solet, viliori cibo & minoris impensæ.

XXV.

Lectorem qualem velit.

1. Sic Tiburtinæ crescat tibi silva Dianæ,
2. Et properet cæsum sæpe redire nemus :
3. Nec Tartessiacis Pallas tua, Fusce, trapetis
4. Cedat, & immodici dent bona musta lacus :
5. Sic fora mirentur, sic te palatia laudent,
6. Excolat & geminas plurima palma fores :
7. Otia dum medius præstat tibi parva Decēber,
8. Exige, sed certâ, quos legis, aure, jocos.
9. Sciret libet verum : res est hæc ardua ; sed tu
10. Quod tibi vis dici, dicere, Fusce, potes.

VERS. 1. Precor, optoque ut silva cæsa, quàm prope Tibur habes, (de Tibure actum pag 39. 213 216.) cito revirescat ; ut Pallas tua, id est, olivæ tuæ, Pallas enim oleæ inventrix, non cedant trapetis Tartessiacis, hoc est, tantam olei copiam tibi reddant, quantam exprimunt è suis oleis trapeto, seu prælo & molæ subjectis Hispani prope oppidum Tartessum. Hæc, inquam, precor tibi omnia, eâ lege & conditione, ut meum libellum evolvas, expendâsque.

Tartessiacis. Tartessus fuit olim oppidum Hispaniæ Bæticæ, ad oram maritimam ; prope fretum Gaditanum, & vocabatur *Tariffa*, cum illud à Mauris Hispani receperunt, nunc est dirutum. Sunt qui

Tartassum velint esse urbem primariam Gadium insulæ, nunc *Calix* & *Cadix*.

4. *Lacus*. Sunt ingentia vasa & dolia, quæ liquorem à trapetis expressum excipiunt.

5. *Mirentur*. Te dicentem & causas agentem. Erat ille orator bonus. Fora Romæ plurima erant. Lege pag. 31. 75. *Palatia*. Aula, Imperator, aulici.

6. *Palmae* præfigebantur januis causidicorum qui vicissent causam.

7. *Medius December*. Tunc enim agebantur Saturnalia, & fiebat forum.

8. *Exige*. Examina, excute. *Certâ aure*. Certo & sagaci judicio.

9. 10. Pervelim veritatem ex te rescire : aperi mihi candidè & verè quid sentias de

meis epigrammatis & jocis. Scio rem esse arduam. Potest hoc ipsum exponi quasi à Fusco diceretur. Rem magnam petis, ô Martialis: veritas odium parit. Sic est, (reponit Martialis:) tu tamen potes id

mihi dicere, quod tibi velle dici, si ipse quempiam roga- res quid de aliqua causa à perorata sentiret: dic mihi quod tibi dici velles; id est lauda me, ut velles laudari.

XXVI.

Villa sterilis.

1. Raucæ cortis aves, & ova matrum,
2. Et flavas medio vapore Chias,
3. Et fetum querulæ rudem capellæ,
4. Nec jam frigoribus pares olivas,
5. Et canum gelidis olus pruinis
6. De nostro tibi rure missa credis:
7. O quàm, Regule, diligenter erras!
8. Nil nostri, nisi me, ferunt agelli.
9. Quidquid villicus Umber, aut colonus,
10. Aut rus marmore tertio notatum,
11. Aut Tusci tibi, Tusculive mittunt;
12. Id totâ mihi nascitur Suburra.

VERS. 1. *Aves.* Callinas, columbas, anates &c. quæ in rustica strepitant corte. *Matrum.* Galinarum.

2. Et ficus Chias (de quibus Ep. 21.) mediocri ac temperato calore! vel, meridiano sole, siccatas. 3. *Hœdum.*

4. Et olivas jam frigore contractas, ac ei ferendo non pares.

7. *Diligenter.* Quasi dedita opera, & dissimulans ruris mei notam sterilitatem.

9. *Umber.* Umbria, pars Italiae ad mare Adriaticum,

nunc vocatur il Ducato di Spoleto.

10. *Marmore.* Lapide. Ad singulos mille passus lapis in via publica erigebatur, quo in lapide locorum intervalla & leucæ notabantur. pag. 39.

11. *Tusci, Tusculi.* Subaudi, coloni, clientes Tusculum urbs alias Latii, nunc Campaniæ Romanæ; *Frascati.* Tuscia, Italiæ pars, *la Toscana.*

12. Id omne in urbe, in vico Suburra, emo. De Suburra notam habes in Epig. 15. Lib. II.

XXVII.

Laudat currendi exercitationem.

1. Attice, facundæ renovas qui nomina gentis,

2. Nec finis ingentem conticuisse domum :
3. Te pia Cecropiæ comitatur turba Minervæ ,
4. Te secreta quies , te sophos omnis amat .
5. At juvenes alios fracta colit aure magister ,
6. Et rapit immeritas sordidus unctor opes .
7. Non pila , non follis , non te paganica thermis
8. Præparat , aut nudi stipitis ictus hebes :
9. Vara nec injecto ceromate brachia tendis ,
10. Non harpasta vagus pulverulenta rapis :
11. Sed curris niveas tantū prope Virginis undas ,
12. Aut ubi Sidonio taurus amore caler .
13. Per varias artes , omnis quibus area fervit ,
14. Ludere , cūm liceat currere , pigritia est .

V. 1. *Attice*. Erat è stirpe Pomponii Attici, cujus extat vita apud Cornelium Nepotē .

2. Qui non finis ut laus Atticorum in tua domo conticescat: qui gloriam & famam eruditionis, à majoribus partam, egregiè sustines .

3. Semper habes in tuo comitatu Athenienses philosophos. Cecrops fuit rex primus Atheniensium Minerva litterarum præses .

4. Colunt , amantque te, qui ab omni ambitione & negotiis remoti , otium sectantur. Te sophi, id est, sapientes omnes ambiunt . Sophos, græca terminatio, pro sophus; σοφός, sapiens, philosophus .

5. At alios juvenes, tui videlicet dissimiles , magister aliquis , qui fractas & contusas plagis aures habet , excolit, docetque illos pugilatum, sive artem athleticam . Pugiles , cūm inter se luctantur, ferè caput, auresque adversa-

reriorum petunt . Voces illæ *fracta aure*, possunt referri ad aures juvenum crebro exercentis magistri pulsu, vel præceptis , contritas .

6. Spoliat illos unctor opibus quas non meretur. In palæstris præsto erant servi, qui corpora sudore diffuentia fricarent , ungerentque; unctores & aliptæ dicebantur , ac plurimam à pugilibus pecuniam corradebant , homines vilissimi .

7. *Paganica*. Erat pila quædam, plumâ vel tomento facta , quam nudis manibus rustici pulsare in pagis solebāt , unde illi nomen paganicæ . Pag. 193.

8. *Præparat*. Antequam in thermis corpora lavarent , quod paulò ante cœnam faciebant, aliquâ exercitatione utebantur , maximè pilâ pulsanda, folle, &c.

Nudi stipitis. Aliud exercitationis genus; Pali defigebantur in terram , ita ut sex

pedibus extarent humo : hos cominus fudibus, id est, baculis ligneis; eminus, telis & jaculis, tanquam si veri hostes fuissent petebāt. *Ictus hebes.* Quia non ferro sed ligno, si-
ve ligneis gladiis & telis, lignum & stipitem laceſſebāt, hostis veri simulacrum.

9. Non injicis, non allinis tuis brachiis ceroma, ut lucteris. Qui luctabantur, varis, id est, diversis, contortis, divaricatis brachiis deſicere ſe nitebantur; cū quæ nudi ſere pugnarent, oleo quodam crasso (ceroma vocabatur, de quo vide Lib. IV. Ep. 4.) corpus inungebant.

10. *Harpastā.* Vide Lib. IV. Epig. 14.

11. 12. Sed te tātūm exerces

curſu, ad aquam Virginem (de illa dictum Lib. V. Epig. 20.) vel ad porticum Europæ (de qua vide Epig. 12. Lib. 2.) ubi Jupiter pingitur mutatus in taurum, & vehens Europam regis Sidoniorum filiam.

13. Cū alicui liceat currere, ille ſi malit variis artibus quibus area, id est Campus Martius & palæſtræ fervent, ludere; dicendus piger est: pigritia mera est uſurpare alios ludos; ſola currendi exercitatio plena est alacritatis & utilitatis, ac ceteris est meritō præferenda. Vulgò legitur: *Omnis quibus area ſervit: lego, fervit à ſervo, fervis, quo poëtæ utuntur pro, ferveo, ferves.*

XXVIII.

Malè concinnus.

1. Sordidior cœno cū fit toga, calceus autem

2. Candidior primâ fit tibi, Cinna, nive:

3. Deſecto quid, inepte, pedes perfundis amiſtu?

4. Collige, Cinna, togam; calceus, ecce perit.

V. 3. Meritō reprehendit Cinnam, qui majorem calceorum, quàm togæ rationem haberet: vel, qui in-

quinaret, perderetque calceos, ut togam malè oſtenderet, ac longo fluentem ſyrmate per cœnum traheret.

XXIX.

Amalis aliquid boni fieri poteſt.

1. Quo poſſit fieri modò, Severe,

2. Ut vir peſſimus omnium Charinus

3. Unam rem bene fecerit, requiris?

4. Dicam, ſed citò. Quid Nerone pejus,

5. Quid thermis melius Neronianis?

6. Non deest protinus ecce de malignis,
7. Qui sic rancidulo loquatur ore:
8. Ecquid tu Domini Deique nostri
9. Præfers muneribus Neronianas?
10. Thermas præfero balneis Charini.

V. 3. *Unam rem*. Thermas populo utiles.

4. *Dicam*. Respondet exemplo. Nero fuit pessimus, optimas tamen thermas extruxit. Quid essent Thermæ explicui pag. 5.

6. Video non defuturos quosdam ex invidis & malignis, qui omnia in pejorem partem interpretantur, qui

me accusent quasi præferam Neronis thermas operibus publicis à Domitiano in usum & gratiam populi extructis: ego verò id non ago: præfero tantùm Neronianas thermas balneis Charini hominis impuri & obscuri, Domitiani munera colo & veneror. Ille se Deum vocari, ut jam dixi, jusserat.

XXX.

Domus dives, pauper dominus.

1. Cùm pluvias madidūque Jovē perferre negaret,
2. Et rudis hibernis villa nataret aquis;
3. Plurima, quæ posset subitos defendere nimbos,
4. Muneribus venit tegula missa tuis.
5. Horridus, ecce, sonat Boreæ stridore Decēber;
6. Stella, tegis villam, non tegis agricolam.

V. 1. &c. Cum mea villa rudi & agresti opere structa undique perplueret, misisti ad me tegulas, quibus pluviam arcerem: tecta est &

secura nunc villa; sed ego ejus dominus, & mei coloni, nudi adhuc sumus, nos tege.

Agricolam. Villę dominū. qui agrum & domum colit.

XXXI.

Nasus homicida.

1. Nostri mortiferum quæstoris, Castrice, signum?
2. Est operæ pretium discere theta novum.
3. Exprimeret quoties rorantem frigore nasum,
4. Lethalem juguli jusserat esse notari.
5. Turpis ab inviso pendebat stiria naso,
6. Cùm staret madidâ fauce December atrox:

7. Collegæ tenuere manus: quid plura requiris?

8. Emungi misero, Castrice, non licuit.

VERS. 1. 2. Quæstor quidam, homo crudelis & in pro-
scriptionibus, tempore, ut a-
junt, Vitellii, versatus, cum
aliquem vellet interfici, hoc
dabat lictoribus suis signum,
ut nasum sibi emungeret. Is
cum versaretur per hiemem
inter amicos aliquando, ac
nasus illi mucos & stiria gra-
vis esset, manum naso admo-
vit, quasi emuncturus. Qui a-
stabant, ferale signum veriti,
eum prohibuerunt, atque adeo
mucosum & sæde stillantem
nasum circumferre coactus
est, vetitusque nasum sibi ab-
stergere, qui jugulum aliis
præcidebat. Sententia primi
hujus distichi est: ô Castrice,
numquid audivisti de signo,
quo utebatur quæstor ad ho-
mines condemnandos? juvat
novam hanc hominum morti
addicendorum significationem,
& quasi Theta, tibi narrare.

Quæstoris. Quæstores apud
Romanos alii dicti sunt *Ca-
pitales*; eorum erat in parrici-
dia, perduellionem, & alia
crimina inquirere: abrogati
sunt anno U.C. 465. & eorum

munus Triumviris Capitali-
bus demandatum. Alii *Æra-
rii*, sive *Urbani*; præerant æ-
rario, curabant vectigalia, &c.
Alii *Militares*: annonam &
stipendia exercitui suppedita-
bant, manubias recipiebant,
&c. Alii denique *Provinciales*:
Vectigalia, tributa, portoria,
frumentum, colligebant &c.
Quæstura primus ad honores
alios gradus erat: eam capie-
bat nemo nisi annos circiter
28. natus, & nisi stipendia per
annos decem fecisset.

Theta. In Græcia, iudices
reum condemnaturi, litteram
Θ in tabellis scribebant, quia
prima littera est vocis Θάνατος,
mors. Apud Latinos adhibe-
batur condemnandis reis lit-
tera C. absolvendis A.

4. Fuguli. Feriendi, secan-
di; hominis necandi.

6. Cum pluvius December
malas tusses faucibus & epi-
phoras, importaret.

7. Collegæ. Alii quæstores:
collegæ vocantur qui eum-
dem gerunt magistratum, aut
munus.

XXXII.

Servi monstrorum similes.

1. Tantus es, & talis, nostri Polypheme Severi,

2. Ut te mirari possit & ipse Cyclops.

3. Sed nec Scylla minor: quod si fera monstra duorum

4. Junxeris, alterius fiet uterque timor.

Severus, Martialis amicus, servum habebat miræ ma-

lera

gnitudinis, quem idcirco Polyphemum vocaverat: eidem erat ancilla æquè procera, & mirè deformis, eam Scyllam vocitabat. Affirmat vates, si jungantur ambo, & opponantur, alterum alteri metuentum & horridum fore, ita ut non aliis tantum & ignotis, sed sibi ipsis terrori esse possint. De Polyphemo dictum pag. 207. Scylla verò, fuit monstrum in mari Siculo, Cha-

rybdi oppositum: Virgilio III. Æneid. 11.

VERS. 1. Polypheme, mancipium amici mei Severi, tam inusitatæ magnitudinis ac deformitatis es, ut movere admirationem vero Cyclopi Polyphemo posses.

3. Minor. Minus procera, & deformis. *Monstra duorum.* Id quod ambo habent portentosum & horribile: proceritatem ac deformitatem.

XXXIII.

Morbus ex ficto verus.

1. Discursus varios, vagumque mane,
2. Et fastus, & ave potentiorum,
3. Cum perferre patique jam negaret,
4. Cœpit fingere Cælius podagram:
5. Quam dum vult nimis approbare veram,
6. Et sanas linit obligatque plantas,
7. Inceditque gradu laborioso;
8. (Quantum cura potest, & ars doloris!)
9. Desit fingere Cælius podagram.

VERS. 1. *Vagum mane.* Salutationes matutinas, cum clientes patronos salutaturi vagantur per totam urbem.

5. Dum contendit probare omnibus verè se podagra laborare.

7. *Laborioso.* Difficili, mo-

lesto, lento & cespitante.

8. *Ars doloris.* Industria in fingendo scitè, quem verè non habeas, morbo ac dolore.

9. Reipsa podagrâ laboravit; ita ut non esset opus fingere: didicit podagrâ laborare. *Desit.* Desiit.

XXXIV.

Filii pietas in patris funere.

1. Hic jacet ille senex Augustâ notus in aulâ,
2. Pectore non humili passus utrumque Deum:
3. Natorum pietas sanctis quem conjugis umbris
4. Miscuit: Elysium possidet umbra nemus.
5. Occidit illa prior viridi fraudata juventâ.

6. Hic prope ter fenas vixit Olympiadas.
 7. Sed festinatis raptum tibi credidit annis,
 8. Adspexit lacrymas quisquis, Etrusce, tuas.

VERS. 1. *Senex. Etruscus.*
 Ep. 58. lib. 6.

2. *Utrumque Deum.* Faventem & iratum Jovem, prosperam & adversam Fortunam forti animo passus. Quidam explicant hoc de Caligula, vel de Nerone & Claudio Imperatoribus, quos Romani in Deos retulerant pro more, sub quibus ita se gesserat ut magnas opes colligeret, ac invidiam effugeret. Alii de uno, eodemque Domitiano, qui iratus Etruscum ejecit in exilium; postea placatus revocavit.

4. Pro *umbra*. Legunt nonnulli *ambo*, in accusandi nem-

pe casu. Elysi campi ambos nunc habent: obierunt ambo.

6. *Ter fenas.* Annos 72. Quid esset Olympias explicui pag. 204. Ep. 35. Lib. IV. Licet sit spatium annorum quatuor, eam tamen aliquando poetæ pro quinquennio & Romano lustro accipiunt. Atque ita vixerit Etruscus annos ferè 90. quod Statius asserit, ut dixi lib. 6. ep. 58.

7. Sed quisquis tuas, ô Etrusce fili, de patris obitu lacrymas vidit, is eum non senectute summâ, sed juvenem, & immaturâ morte raptum putet: adeo piè illum luges.

XXXV.

Mundi civis.

1. Còsmicos esse tibi, Semproni Tucça, videris:
 2. Còsmica, Semproni, tã mala, quàm bona sunt.

VERS. 2. *Còsmicos.* Græca vox est, à κόσμος, mundus. Stoici affectabant hanc appellationem, ut Còsmici, hoc est, mundi cives dicerentur, erat enim hoc eorum effatum: *Omne solum forti patria est.* Tucça, Socraticus videri vo-

lens, se Còsmicum jactabat: bene est, inquit vates, civem te mundi esse dicis, at in mundo multa bona, mala itidem multa, imò plura sunt; multi sunt in tanta orbis civitate cives pessimi. Vide ne unus istorum sis.

XXXVI.

Amico poetæ mittit carmina.

1. Muneribus cupiat si quis contendere tecum;
 2. Audeat hic etiam, Castrice, carminibus.
 3. Nos tenues in utroque sumus, vincique parati:

4. Inde sopor nobis, & placet alta quies.
 5. Tā mala cur igitur dederī tibi carmina, queris?
 6. Alcinoο nullum poma dedisse putas?

VERS. 1. 2. Ita dives es, ut nemo tecum audeat certare muneribus; ita doctus, ut nemo contendere carminibus. Itaque si quis velit te provocare muneribus, aut versibus, utrumque temerē faciet, ac irritō conatu.

4. Hinc fit ut quiescam, & dormire malim, quā laborare versibus tibi mittendis.

5. Cur igitur prāter consuetudinē hāc tibi mitto

carmina?

6. Alcinoος rex Phæacum in insula Corcyra (*Corfū*) inter Italiam & Epirum sita, hortos habuisse dicitur cultissimos, & pomis omnibus repletos. Ad eum tamē missa sunt aliquādo ab amicis poma, inquit Martialis, & quidem iis quibus abundabat, deteriora, quæ ille bonam in partem accepit: sic tibi homini erudito inerudita mitto carmina.

XXXVII.

Aut dandum, aut citō negandum.

1. Primum est, ut præstes, si quid te, Cinna, rogabo;
 2. Illud deinde sequens, ut citō, Cinna, neges.
 3. Diligo præstantem; non odi, Cinna, negantem:
 4. Sed tu nec præstas; nec citō, Cinna, negas.

XXXVIII.

Amicus fidelis.

1. Maximus ille tuus, Ovidi, Cæsonius hic est;
 2. Cujus adhuc vultum vivida cera tenet.
 3. Hunc Nero damnavit; sed tu damnare Neronē
 4. Ausus es, & profugi, non tua, fata sequi.
 5. Æquora per Scyllæ magnus comes exulis isti;
 6. Qui modō nolueras consulis ire comes;
 7. Si victura meis mandantur nomina chartis;
 8. Et fas est cineri me superesse meo:
 9. Audiet hoc præsens, venturāque turba; fuisse
 10. Illi te, Senecæ quod fuit ille suo.

VERS. 1. Maximus Cæsonius, vir consularis, à Nerone damnatus, & in

exilium pulsus, habuit voluntarium exilii comitem Ovidium quemdam, non

illum poetam vulgò notum ,
sed amicum Martialis, ad quẽ
hi versiculi, cum imagine ce-
rea Cæsioni in exilio mortui ,
videntur à vate nostro missi .
Hic est. In ea scilicet effigie
cerea quam ad te mitto ; vel
quam tu ad me mittis .

3. *Damnare Neronem.* Qua-
si rem injustam faceret, Cæso-
nium pellendo in exilium .

4. *Non tua fata.* Quia tu
damnatus exilio non eras .

Profugi. Cæsionii fugientis,
exulis ; eum comitando .

5. *Æquora per Scyllæ.* Per
mare Siculum , ubi Scylla &
Charybdis , duæ voragines
famosæ . *Isti.* Ivisti .

6. Cæsionius post consula-
tum , in Africam fuerat mis-
sus , ut illi præesset , eum se-
cutus nõ erat Ovidius, at exu-

lantem secutus est . Amicus
nimirum certus in re incerta ,
& afflicta fortuna cernitur .

7. 8. Si eorũ nomina quos
meis versibus mando , victu-
ra sunt , & apud posteros ce-
lebranda : si mea fama mihi
mortuo superstes erit .

9. 10. Prædicabo te talem
erga illum fuisse , qualis ille
fuerat erga suum amicum Se-
necam : te eandem erga Cæ-
sonium fidem adhibuisse in
tuenda amicitia , quam ipse
Cæsionius erga Senecam ad-
hibuerat : ut enim Cæsionius
damnatum Senecam , & à
Claudio Imperatore in Corsi-
cam relegatum est secutus ;
ita tu Cæsonium exulem co-
mitatus es . *Senecæ . Lib. 1.*
Ep. 53. IV. 32.

XXXIX.

Romanus Pylades .

1. Facundi Senecæ potens amicus ,
2. Caro proximus aut prior Sereno ,
3. Hic est maximus ille , quem frequenti
4. Felix littera paginâ salutat .
5. Hunc tu per Siculas secutus undas ,
6. O nullis Ovidi tacende linguis ,
7. Sprevisisti Domini furentis iras .
8. Miretur Pyladen suum vetustas ,
9. Hæsit qui comes exuli parentis :
10. Quis discrimina comparet duorum ?
11. Hæfisti comes exuli Neronis .

VERS. 1. Ordo est . Hic
est , in hac imagine expref-
sus , (vide superius Epigr.)
ille Maximus Cæsionius, ami-
cus Senecæ , quem Seneca

aut proximè post Serenum
sibi carissimum, aut illo etiam
magis amavit .

3 *Quem frequenti &c.* Ad
quem maximum tot episto-

has scripsit Seneca.

7. *Domini*. Neronis.

8. *Pyladen*. Vide Epig. 9.

Lib. 6.

9. *Exuli parentis*. Orestis, à parente sua pulso. Orestes cum audivisset Clytemnestrā Ægistho adultero seipsam ac regnum suum dedidisse, matrem timens, ac Deos consulturus, domo profugit: mox tamen reversus matrem &

adulterum interemit.

10. 11. Quis par fuisse dicat periculum amborum, Pyladis nempe ac tuū? vel, Orestis ac Cæsonii. Orestes à matre pellebatur, Cæsonius à Nerone immanissimo tyranno: Pylades nihil habebat à Clytemnestra metuendū; tu merito metuebas, ne in te quoque sæviret Nero. Itaque Pyladen longo intervallo superasti.

XL.

Munus utile sit.

1. Commendare tuū dū vis mihi carmine munus,
2. Mæonióque cupis doctius ore loqui;
3. Excrucias multis pariter me, téque diebus;
4. Et tua de nostro, Prisce, Thalia placet.
5. Divitibus poteris Musas, elegósque sonantes
6. Mittere: pauperibus munera pexa dato.

VERS. 1. 2. Promisisti aliquid mihi muneris, quod ut exornes, cogitas illi jungere carmina elegantia, ipsis Homericis præstantiora. Homerus Mæonius vocatus est vel à patre Mæone, vel à patria Lydia, in Asia minori, quæ dicta quoque fuit Mæonia.

3. 4. Tu mihi ac tibi incommodus es; maceras te condendis versibus; defraudas me tuis muneribus. Placet tibi tua Musa, de nostro incommodo: versus: cum tua voluptate magna facis, sed cum meo detrimento & impendio;

interim enim tuis muneribus nō fruor. Mallem statim mitteres munera, carmina omitteres. Sic Terentius ait: *Olet de meo*, id est, meis sumptibus & impensis unguēta cōparat.

5. 6. Serva tua ista munera ornata, & carmina divitibus; at pauperibus, qualis ego sum, da munera utilia: mitte illis non versus, & bona verba, sed bonas & bene pexas vestes. Ea vox *pexas* pro lauto & compto sumitur, & præcipuè in re vestiaria usurpatur. Pag. 127. 131. Elegos. Pag. 154.

XLI.

Valetudinem amico restitutam gratulatur.

1. Doctorum Licini celeberrime Sura virorum,
2. Cujus prisca graves lingua reduxit avos:

3. Redderis, heu! quanto fatorum munere nobis,
4. Gustatâ Lethes pænè remissus aquâ!
5. Perdiderant jam vota metum, securâque flebat
6. Tristitia, & lacrymis jamque peractus eras.
7. Non tulit invidiam taciti regnator Averni;
8. Et raptas fatis reddidit ipse colos.
9. Scis igitur quantas hominû mors falsa querelas
10. Moverit, & frueris posteritate tuâ.
11. Vive velut raptō, fugitivâque gaudia carpe:
12. Perdiderit nullum vita reversa diem.

VERS. II. Licinus Sura vir fuit eloquentissimus & eruditissimus.

2. Qui antiqua & germana eloquentia tua, revocas & repræsentas nobis priscos illos oratores, majores nostros.

4. *Lethes*. Lethe fluvius est inferorum, cujus aqua, eorum omnium, quæ quis apud apud superos egisset, oblivionem afferebat: Λήθη, oblivio. Ordo verborum est iste: remissus, & redonatus nobis aquâ Lethes propemodum gustatâ: hoc est, instanti morti ereptus.

5. 6. Jam vota faciebamur pro tua incolumitate sine metu eam non impetrandi, ut sine spe impetrandi, quia conclamata videbatur, ac deplorata. Secura tristitia vocatur quæ nihil habet quod perdat, jam enim perditus, & ut ait postea, *peractus*, id est, con-

clamatus ac depositus omnium lacrymis Licinius plorabatur. *Jamque*, pro *jam*, ponitur, ut *dumque*, pro *dum*. Lib. 9. Ep. 46. X. 44.

7. Non potuit Pluto Silentium & Umbrarum rex, ferre convicia quibus obruendum se videbat, si te damnaret leto, itaque colos jam ereptas Fatis, id est hoc in loco, *Parcis*, quæ Fatorum jussu vitæ nostræ spatium metiuntur, (pag. 210.) ipsis reddidit, ac longiorem tibi vitam ut nerent, imperavit.

9. *Falsa*. Falso vulgata.

10. *Frueris &c.* Frueris vivus ea gloria, quam olim mortuus apud posteros consequuturus es.

12. *Perdiderit* Auctor tibi sum ut nullum vitæ tibi restitutæ diem perdas; sed omnes bene colloques, & genio indulgeas.

XLII.

Cæna ambulatoria.

1. Cum mensas habeat ferè trecentas,

2. Pro mensis habet Annius ministros:
3. Transcurrunt gabatæ, volântque lances.
4. Has vobis epulas habete lauti,
5. Nos offendimur ambulante cœnâ.

VERS 1. Annius licet mensas plures habeat; in iis tamē cibos convivis nullos stabiles apponit, sed jubet eos offerri à ministris transcurentibus, qui sic prætervolant, ut non dent spatium ac moram dapes accipiendi.

3. *Gabatæ*. Genus est lancis concavæ. *Lances*. Vasa escaria latiora.

4. *Lauti*. Divites, qui oculos ferculorum quasi scena gaudetis pascere; nos tenuiores aliud quærimus.

XLIII.

Dona rusticana.

1. Parva suburbani munuscula mittimus horti:
2. Faucibus ova tuis; poma, Severe, gulæ.

VERS 2. *Faucibus*. Ova enim raucis vel exulceratis

faucibus medentur; poma, famem acunt.

XLIV.

Liber vivus.

1. Mercari nostras si te piget, Urbice, nugas?
2. Et lasciva tamen carmina nosse libet:
3. Pompejum quæras (& nosti forsitan) Auctum;
4. Ultoris primâ Martis in æde sedet.
5. Jure madens, variôque togæ limatus in usu,
6. Non lector meus hic, Urbice, sed liber est.
7. Sic tenet absentis nostros cantâtque libellos;
8. Ut pereat chartis littera nulla meis.
9. Denique, si vellet, poterat scripsisse videri;
10. Sed famæ mavult ille favere meæ.
11. Hûc licet à decima (nec enī fatis ante vacabit)
12. Sollicites: capiet cœnula parva duos.
13. Ille leget bibe tu: nolis licet, ille sonabit;
14. Et cùm, jam fatis est; dixeris: ille leget.

VERS. 1. 2. Si non vis emere mea epigrammata; & cupistamen cognoscere qualia sint, indicabo tibi homi-

nem qui ea memoriter omnia tenet, à quo illa audire possis.

3. *Quære Pompejum Au-*

Etum, & eum forsitan nosti :
 habitat in aditu templi Mar-
 tis ultoris. Primum forum,
 prima via, &c. sæpe significat
 initium fori, viæ, &c. Tem-
 plum Martis ultoris ædifica-
 tum ab Augusto fuit, ex voto
 quod ediderat Philippiensi pro-
 lio, si Julium Cæsarem ulci-
 sceretur, ejus percussoribus
 interfectis.

5. *Jure madens.* Pompejus
 Auctus juris civilis scientiâ
 planè imbutus est, non levi-
 ter tinctus. *Togæ &c.* Exer-
 citatissimus idem est in foren-
 sibus causis.

6. Non tam est lector meo-
 rum versuum, quam vivens
 liber : omnes enim memoria

comprehensos tenet.

7. *Nostros absentis.* Meos,
 etsi absim : legitur etiam
absentes, id est, non inspectos,
 non præsentem libro.

8. Ut ne minima quidem
 syllaba quæ sit in meis char-
 tis, aut littera, ipsi excidat.

10. Mavult me illorum au-
 ctorem haberi, quos vindicare
 sibi posset, ac jactare pro suis.

12. Licebit illum provocas;
 poteris illum provocare ad
 mea carmina tibi recitanda :
 vocare ad cenam circa horam
 ab orto sole decimam. Ep. 89.
 Lib. I. 7. IV.

13. *Sonabit.* Recitabit,
 etiam injussus, etiam desi-
 nere monitus; ita illos amat.

XLV.

Lector judex.

1. Gratum est, quod Celeri nostros legis, Aucte,
 libellos,
2. Si tamen & Celerem quod legis, Aucte, juvat.
3. Ille meas gentes, & Celtas rexit Iberos,
4. Nec fuit in nostro certior orbe fides.
5. Major me tanto reverentia turbat : & aures
6. Non auditoris, judicis esse puto.

V. 2. Si tamen illum ea le-
 ctio, mea carmina delectant.

3. *Meas.* Hispanas. Celti-
 beriam proconsul administra-
 verat. De Celtiberis facta
 mentio pag. 56.

4. Nec in nostra Hispania
 fuit quisquam majori integri-

tate & fide.

5. Quo major & venerabi-
 lior est hominis dignitas ac
 virtus, eò magis revereor illius
 judiciû; eò gravius perturbor;
 cum illi mea carmina recitan-
 tur, nec tam illum auditorem
 esse, quàm judicem censeo.

XLVI.

Parva munera & ambitiosa.

1. Omnia misisti mihi Saturnalibus, Umber,
2. Munera, contulerant quæ tibi quinque dies;
3. Bis se nos triplices, & dentiscalpia septem :

4. His comes accessit spongia, mappa, calix;
5. Semodiũsque fabæ cum vimine Picenarum,
6. Et Laletanæ nigra lagena sapæ:
7. Parvæque cum canis venerunt coctana prunis,
8. Et Libycæ fici pondere testa gravis.
9. Vix puto triginta nummiorum tota fuisse
10. Munera, quæ grandes octo tulêre Syri.
11. Quantò commodiũs nullo mihi ferre labore
12. Argenti potuit pondera quinque puer?

V E R S. 1. Ordo est: misisti mihi omnia munera, quæ tibi contulerant, congesserant, dies quinque, Saturnalibus, id est, per festa Saturnalia, quæ diebus quinque peraguntur.

3. *Triplices* Subaudi, pugilares: qui à tribus foliis seu tabellis, triplices: à quinque quincuplices, &c. dicebantur. *Bissenos*. Duodecim.

Vimine. Vase vimineo pleno Picenarum olivarum. Picenus ager oleis abundat. Pagina 55. 206.

6. *Laletanæ sapæ*. Vini cocti pessimi, è Laletania, Hispaniæ Tarraconensis regione, advecti. Sapa est propriè vi-

num decoctum ad tertias; id est, ita ut ejus tertia tantum pars supersit.

7. *Coctana*. Ficus quædam sunt. Cana vocantur pruna, hoc est, rugosa, durata sole aut igne.

9 Vix puto hæc omnia munera valuisse triginta nummos sestertios: hoc est tres libras Turonicas, sive unum, ut ajunt, Gallicum scutatum, quem Romanus tribus admodum assibus superat.

10. *Syri*. Servi è Syria.

12. *Pondera quinque*. Quinque libras. Pag. 13. *Puer*. Servulus.

XLVII.

Somnia damnoſa.

1. Semper manè mihi de me mera sompnia narras,
2. Quæ moveant animum sollicitentque meum.
3. Jam prior ad facem, sed & hæc vindemia, venit;
4. Exorat noctes dum mihi saga tuas:
5. Consumpsi, falsasque molas, & thuris acervos;
6. Decrevêre greges, dum cadit agna frequens.
7. Non porcus, non cortis aves, non ova supersunt:
8. Aut vigila; aut dormi, Nasidiene, tibi.

V E R S. 1. 2. Semper mihi dicis manè, te aliquid intau-

stum somniasse de me.

3. 4. Ego, dum per sagam,

id est, ſceminam ſomniorum interpretem, & magicæ artis peritam, expiare conor illa inſauſta ſomnia, & exorare ſuperos, ne quid illa mihi afferant detrimenti, vinū prioris vindemiæ, imò hujus anni, libationibus & ſacrificiis totum, ad ſecem uſque, conſumpſi.

5. Mola ſalfa, erat far to-

ſtum, ſale permixtum, quo aræ & viſtimas cōſpergebant.

6. *Decrevēre*. Diminuti ſunt: à verbo decreſco.

Cadit. Immolatur.

7. *Cortis*. Cors cortis, ſive cohors, *una baſſa corte*.

8. *Dormi tibi*. Id eſt: ſi qua ſomnia procudiſ inſauſta, in tuum ſint caput. De te, non de aliis ſomnies licet.

XLVIII.

Architectus nobilis.

[Pia]

1. Aſtra polúmque percepiſti mente, Rabiri,
2. Parrhaſiam mirâ qui ſtruis arte domum.
3. Phidiaco ſi digna Jovi dare templa parabit
4. Haſ petat à noſtro piſa Tonante manus.

VERS. 1. O Rabiri, (Domitiani architectuſ erat) dum in monte Palatino extruiſ. Imperatori domum aſtris æmulam, oportet te aſtra ipſa mente complexum eſſe, qui ſimillimam illis domū feceris.

2. *Parrhaſiam*. Palatinam. Evander ex Arcadia in Italiam advectus, in eo loco, ubi mons Romæ Palatinuſ eſt, edificavit palatium: Arcadia autem dicta olim eſt Parthaſia. Pag. 188.

3. Si Piſa velit Jovi Olym-

pico, templa nova extruere, aut inſtaurare vetera, Rabi-rium artificem à Jove noſtro: id eſt, Domitiano, poſtulet, eſt ille multò, quàm Phidias, & artifices omnes Græciæ, præſtantior. *Percepſti* pro percepiſti; ut *dixi* pro, dixiſti, &c. *Phidiaco*. Ep. 26. Lib. III.

4. *Piſa*. Urbs Peloponneſi ad Alpheum fluvium, dicta etiam Olympia, nunc *Lan-ganico* vocata. Prope illam erat inſigne templum Joviſ Olympici. Pag. 204.

XLIX.

Bellus conviva.

1. Non cœnat ſine apro noſter, Tite, Cæcilianuſ:
2. Bellum convivam Cæcilianuſ habet.

VERS. 1. Cæcllianus ſemper apponit in cœna aprum, ſed eo ſolus veſcitur, ita ut nullos alios adhibeat convi-

vas, aut ſi quos adhibet, illi ex apro nihil attingant, atque adeo ejus conviva dici aper ille poſſit; næ convi-

vam elegantem ! Nonnulli hoc intelligunt de homine infulso & inconcinno, qui Aper diceretur, qui tamen (ironicè videlicet) bellus conviva

nominetur. Sumptuosa autem convivia putabantur, in quibus aper apponeretur; at hic aper, non ferculum, sed conviva, erat.

L.

Vota pro Cæsare.

1. Tarpejæ venerande rector aulæ,
2. Quem salvo Duce credimus Tonantem;
3. Cùm votis sibi quisque te fatiget,
4. Et poscat dare, quæ Dei potestis;
5. Nil pro me mihi, Jupiter, petenti,
6. Ne succensueris velut superbo:
7. Te pro Cæsare debeo rogare,
8. Pro me debeo Cæsarem rogare.

VERS. 1. O Jupiter, qui coleris in Tarpejo Monte, ubi capitolium est. Mons Tarpejus, ante dictus Saturnius, nomen id habuit à Tarpeja virgine Vestali, quæ arcem in eo

positam Sabinis prodidit, ac deinde ab illis interfecta, in eodem sepulta est. Pag. 209.

2. Quem Deū & Jovē credimus, si servas imperatorem.
8. Impia & turpis assēratio.

LI.

Laxatæ urbis viæ.

1. Abstulerat tota temerarius institor urbem,
2. Inque suo nullum limine limen erat.
3. Jussisti tenues, Germanice, crescere vicos:
4. Et, modò quæ fuerat semita, facta via est.
5. Nulla catenatis pila est præcincta lagenis:
6. Nec prætor medio cogitur ire luto.
7. Stringitur in densâ nec cæca novacula turbâ;
8. Occupat aut totas nigra popina vias.
9. Tonfor, caupo, coquus, lanius sua limina servât:
10. Nunc Roma est; nuper magna taberna fuit.

VERS. 1. 2. Abstulerat. Ita occupabant mercatores totas urbis vias, tabernis & tentoriis suis ut urbem civibus abstulisse viderentur, & in do-

mibus nullum limen, janua nulla appareret, præstructis ubique officinis & pergulis. Mercatores appellantur institores eò quod negotio geren-

do insistent.

3. *Germanice*. Pag. 235.

4. *Semita* est angustum iter: via; latum & patens.

5. *Pila*, est postis seu columna, sive pars quædam tabernæ aut officinæ, in viam projecta & prominens, ad

quam solent opifices appendere instrumenta, aut specimina suæ artis.

6. *Prætor*. Vide pag. 222.

7. *Sectores zonarii*, exertâ clam novaculâ, marsupiâ non præcidunt.

LII.

Poëta ex oratore.

1. Perpetui nunquam moritura volumina Silii

2. Qui legis, & Latîa carmina digna togâ;

3. Pierios tantum vati placuisse recessus

4. Credis, & Aoniæ Bacchica ferta comæ?

5. Sacra cothurnati non atigit ante Maronis,

6. Implevit magni quàm Ciceronis opus.

7. Hunc miratur adhuc centum gravis hasta virorum;

8. Hunc loquitur grato plurimus ore cliens.

9. Postquam bis senis ingentem fascibus annum

10. Rexerat, asserto qui sacer orbe fuit;

11. Emeritos Musis, & Phœbo tradidit annos,

12. Pròque suo celebrat nunc Heliconæ foro.

VERS. 1. *Perpetui*. Qui perpetuò florebit. De Silio Italico dixi plura pag. 190.

2. Quicumque legis versus Silii, dignos Romanâ eloquentiâ & dignitate, dignos Romano consule & oratore, qualis fuit Silius. Toga pacis, fori, & bonarum artium est symbolum. Pag. 60. 91.

3. 4. Credis illum poëtam semper fuisse, & amasse semper hederas, quibus poëtæ coronatur?

Pierios Pierus Mons Thesaliæ, Musis, quod in eo natæ dicerentur, sacer: hinc Pierides vocantur. *Aonia* regio est Bœotiæ, ubi eadem Musæ colebantur: hinc Aonides

dictæ: & hoc in loco Aonia coma vocatur poëtarum eruditorum caput. *Bacchica ferta*. Hederæ. Pag. 75.

5. Ille verò non prius sacra & divina Virgilii carmina imitari cœpit: ingredi sacra vatum penetralia, quibus Maro veluti præsidet. *Cothurnati*. Pag. 237.

6. Quàm artem oratoriam & eloquentiam, quæ Ciceronis opus dici potest, ad plenum excoluit.

7. Hunc mirantur cives adhuc, & meminerunt egisse causas centumvirates, hastâ positâ, quæ illorum iudiciorum quasi insignis fuit. De Cæstumviris vide Lib. VI. Ep. 26.

8. *Cliens*. Cujus egit causam, quem periculo liberavit.

9. Postquam fuit consul eo anno, qui Romanum orbem, occiso Nerone, in libertatem veluti asseruit, quique idcirco Ingens dictus est. Fascibus regere annum Consul ibi dicitur, quia inibant Consules magistratum mense Januario, & sumebant fasces, sive illis præbant lictores cum fascib. 12. Erat fascis ille, virgarum seu bacillorum manipulus, loro revinctus; in medio manipulo erat securis, cu-

jus ferrum extabat in summa parte manipuli. Per securim significabatur potestas interficiendi: per virgas, levius animadvertendi; pro criminum videlicet gravitate aut levitate. Pag. 41.

11. *Emeritos*. Defunctos honoribus. Emeriti propriè dicebantur gladiatores, qui, acceptâ missione, rude donabantur. Pag. 160.

12. *Helicon*. Pag. 77. Foeni arte deposita, se ad poetisim contulit.

Suo. In quo tandiu floruit.

LIII.

Eques ex tonsore, tonsor ex equite.

1. Qui tonsor fueras totâ notissimus urbe,
2. Et post hoc, dominæ munere, factus eques,
3. Sicanias urbes Ætnæaque regna petisti
4. Cinname, cum fugeres tristia jura fori:
5. Quâ nunc arte graves tolerabis inutilis annos?
6. Quid facit infelix & fugitiva quies?
7. Non rhetor, non grammaticus, ludivæ magister,
8. Non Cynicus, non tu Stoicus esse potes:
9. Vendere nec você Siculis plaufumq; theatris;
10. Quod superest, iterum, Cinname, tonsor eris.

VERS 2. *Dominæ*. Heræ, à qua libertate donatus fuerat, & ad equitum ordinem pro-
vectus.

3 *Sicanias*. Siculas. Ætna mons Siciliæ: *Mongibello*.

4. Cum vocatus esses in jus, & scelerum pœnas jure metueres, exilium voluntarium suscepisti.

5. 6. Quid facies nunc otiosus in exilio Siculo, & fugitivus?

7. *Ludi*. Litterarii scilicet;

scholæ puerilis.

9. *Cynicus*. Pag. 209. De Stoicis facta mentio pag. 37.

Fuere philosophi celeberrimi, quorum sectam, & placita describit elegantes Tullius orat, pro Muræna: illorum auctor & conditor Zeno. Nomen habuerunt ab ingenti porticu, in quam convenire Athenis solebant ad differendû Στωά, porticus: Στωικοί.

9. Non potes esse præco,

citharædus, aut histrio, in Sicilia, & quæstum aliquem istis artibus facere. De Præcone theatriali vide pag. 100.

LIV.

In litigatorem.

1. Lis te bis decimæ numerantem frigora brumæ
2. Conterit una tribus, Gargiliane, foris.
3. Ah miser, & demens! viginti litigat annis
4. Quisquam, cui vinci, Gargiliane, licet?

V. 2. *Conterit*. Opibus exhaustit; macerat te, ac fatigat. *Tribus fortis*. Vide pag. 317. S. Satiùs nimirum est semel causâ cadere, quàm per tot annos vitam & pecuniam di-

4. *Vinci*. Litem perdere. I sperdere.

LV.

Heredipeta deceptus.

1. Heredem Fabius Labienum ex asse reliquit:
2. Plus meruisse tamen se Labienus ait.

V. 1. *Ex asse*. Bonorum omnium. Pag. 150.

2. Tamen Labienus tot munera viventi Fabio dederat, ac Fabius tam macram illi reliquit hereditatem, opibus nempe absumptis dum vive-

ret, ut Labienus multò plus damni quàm lucri fecerit: majorem hereditatē ac mercedem meritis sit. Acumē & jocus in eo est, quòd qui totā habeat hereditatem, nihil habere plus posse videatur.

LVI.

De suis versiculis.

1. Commendare meas, Instanti Rufe, Camœnas
2. Parce precor socero: seria forsan amat.
3. Quòd si lascivos admittit & ille libellos,
4. Hæc ego vel Curio Fabriciôque legam.

VERS. 1. Noli precor, ô Rufe Instanti (est vocandi casus, à recto instantius) legere & laudare meos versiculos tuo socero, forsan est homo severus, quem istæ nugæ non delectent: quod si ta-

men illas non respuit, nullum existimabo eas rejecturum, licet Curiis omnibus & Fabriciis graviolem ac austeriorem. Nemini non probabuntur ea carmina quæ illi placuerint.

LVII.

Mulier erudita & proba.

1. Hæc est illa tibi promissa Theophila, Cani,
2. Cujus Cecropiâ pectora dote madent.
3. Hanc si jure petat magni senis Atticus hortus,
4. Nec minùs esse suam Stoïca turba velit.
5. Vivet opus quodcunque per has emiseris aures,
6. Tam non femineum, nec popolare sapit:
7. Non tua Pantænis nimiùm se præferat illi,
8. Quamvis Pierio sit bene nota choro.
9. Carmina fingentem Sappho laudabit amatrix:
10. Castior hæc, & non doctior illa fuit.

VERS. I. Hæc illa uxor tibi dudum promissa, ô Cani, quæ Græcorum litteris, urbanitate, ceterisque dotibus egregiè est instructa. De Canio vide Lib. I. Ep. 60.

3. Hanc sibi jure vendicet Platonis Academia: eâ discipulâ jure ille gloriatur. Plato doctorum cœtus quosdam instituit in hortis civis Atheniensis, nomine Academi: inde huic loco & istis eruditorum congressibus datum nomen Academiæ. Decessit annos natus ferè 90. unde magnus senex vocatur hoc in versiculo, vel ob famam ingenii & doctrinæ.

4. *Stoïca turba.* Vide supra, Epig. 53.

5. Laudem perpetuam habebunt ea carmina quæ illi legeris, quæ emendarit, quæ probaverit.

6. Adeo supra sexum, supra communem vulgi captum est erudita.

7. *Pantænis.* Mulier item docta fuit, Canio nota.

9. Mirabitur Theophilam scribentem Sappho poëtria, quæ versus amatorios scripsit. Hæc patriam habuit Lesbion insulam Ægei maris, & lyricos versus obscenos, licet elegantes, edidit. De illa egi pluribus in Horatio, ad oden 10. Lib II.

10. Theophila est castior quàm Sappho: & Sappho doctior Theophilâ non fuit.

LVIII.

Ficosi ficis carentes.

1. Ficosa est uxor, ficosus & ipse maritus;
2. Filia ficosa est, & gener, atque nepos:
3. Nec dispensator, nec villicus ulcere turpi,
4. Nec rigidus fossor, sed nec arator eget.
5. Cùm sint ficosi pariter juvenésque senésque,

6. Res mira est ; ficos non habet unus ager .

VERS. I. *Ficosa*. Lib. I. Epig. 57.

6. *Ficos*. Fructus intellige : solus illorum ager ficosus non est : ficis caret. Lusus est in vocum similitudine .

LIX.

Libri patronus & vindex.

1. Gratus sic tibi, Paulle, sit December ;
2. Nec vani triplices, brevèsque niappæ,
3. Nec thuris veniant leves selibræ ;
4. Sed lances ferat, aut scyphos avorum,
5. Aut grandis reus, aut potens amicus :
6. Seu quod te potiùs juvat, capítque,
7. Sic vincas Noviumque Publiumque
8. Mandris & vitreo latrone clausos :
9. Sic palmam tibi de trigone nudo
10. Unctæ det favor arbiter coronæ,
11. Nec laudet Polybî magis sinistras.
12. Si quisquam mea dixerit malignus
13. Atro carmina quæ madent veneno ;
14. Ut vocem mihi commodes patronam,
15. Et, quantum poteris, sed usque, clames ;
16. Non scripsit meus ista Martialis .

VERS. I. *December*. Quo Saturnalia celebrantur. Faxint superi ut tunc tibi multa & magna mittantur munera. Pag. 140.

2. *Vani triplices*. Pugilla res trium tabellarum seu foliorum ; munuscula vilis pretii. Supra, Epig. 46.

3. *Selibræ*. Libræ dimidiæ. Pag. 89. 137. 249.

4. Sed aliquis potens reus, cujus causam agas, tibi muneris ferat lances argenteas, avorum scyphos aureos, &c.

5. *Capit*. Oblectat, placet.

7. 8. Sic vincas Novium & Publium ludo calculorum :

eorum latrunculi à tuis clausi, & in arctum compulsi, à te capiantur. Calculi lusorii, sive scrupi, latrones appellantur, quòd aliis alii velut insidientur, instar latronum : vocantur etiam canes, quod alios alii allatrare videantur. Loculus verò & sedes calculorum in abaco, seu tabula lusoria, mandra vocabatur. Ea verò ludi lex erat ut si quis calculus inter duos diversi coloris, & velut agminis calculos deprehensus esset solus, & à suis desertus ; periret, ac auferretur. Vitreus appellatur calculus, quia cæ-

cæruleo colore fortasse tinctus erat, aut è vitro factus.

9. 10. Sic tibi præmiiū pilæ trigonalis, (de qua consule lib. IV. Epig. 14.) adjudicent gymnastæ, seu collutores nudi, & olea inuncti. *Coronæ*. Multitudinis. *Arbiter*. Penes quem est judicium de præmio alicui tribuendo: illud enim favoris

vulgò munus est.

1. Nec tibi circumstantium corona, & ludi arbitrorum, præferat Polybium, ob agilitatem sinistræ mânus in excipienda, remitendâque pila.

12. *Mea*. Esse à me scripta.

12. Carmina maledica, famosa.

15. *Usque*. Assiduè, semper.

LX.

Qui ubique est, nusquam est.

1. Esquilis domus est, domus est tibi colle Dianæ,

2. Et tua Patricius culmina vicus habet:

2. Hinc viduæ Cybeles, illinc sacraria Vestæ;

4. Inde Novum, Veterem prospicis inde Jovē.

5. Dic, ubi conveniam? dic, quâ te parte requiram?

6. Quisquis ubique habitat, Maxime, nusquam habitat.

V. 1. *Esquiliis*. Esquilæ, si væ Equiliæ, nomen est unius è septem Romæ colliculis, qui à rege Tullo Hostilio urbi adjectus fuit, & septus excubiis, à quibus, detortâ paulisper voce, nomen invenit. pag. 218. notâ 11. *In colle Dianæ*. In monte Aventino, ubi Dianæ templum. pag. 219.

2. *Patricius vicus*. Erat subiectus Exquiliis, à patriciis ita dictus, quod Servius Tullius eos ibi habitare jufferit. Jactabant patricii se genus ducere à centum primis illis senatoribus, quos Romulus primùm creavit, & Patres ho-

nestissimo nomine appellavit. Ex eo vico spectabantur templa Cybeles ac Vestæ. *Culmina*. Domum.

3. *Viduæ*. Quæ Atym amiserat. Pag. 139.

4. *Inde &c.* Per novum Jovem intelligit capitolium novum: per veterem, capitolium vetus. Hoc cernebatur ex Aventino colle; illud ex Esquiliis & vico Patricio: hujus cōditor Nūma; illius Tarquinius Priscus. Vide Lipsium de Magnitudine Romana Lib. III. c. 5. Nisi fortè per *Novum*. *Jovem*, intelligit Domitiani palatium, ut conjectat Lipsius

LXI.

In scurram.

1. Quod te diripiunt potentiores

2. Per convivia, porticus, theatra:

3. Et tecum, quoties ita incidisti,
4. Gestari juvat, & juvat lavari:
5. Nolito nimium tibi placere:
6. Delectas, Philomuse, non amaris.

VERS. I. *Diripiunt.* Simul diversi invitant, domum trahunt, ac certatim ad se rapiunt: certant quis te sit habiturus convivam.

4. Quod unusquisque ambit, quoties ita casus tulit

ut in eum incideres, tecum gestari, in suum te currum admittere, ac balneum.

6. non faciunt hoc amore tui, sed suæ oblectationis causâ: non coleris ut amicus, sed expeteris ut scurra.

LXII.

Munerum venditor.

1. Exigis ut nostros donem tibi, Tucca, libellos:
2. Non faciam; nam vis vendere: non legere.

LXIII.

~~Saxetani~~ *Pauper munificus.*

1. Cum saxetani ponatur cauda lacerti;
2. Et bene si cœnas, conchis inuncta tibi est:
3. Sumen, aprum, leporem, boletos, ostrea, mullos
4. Mittis: habes nec cor, Papile, nec genium

V. 2. &c. Cum apponatur tibi tantum domi tuæ lacerti saxetani cauda, & uncta oleo conchis, idque, cum opiparè cœnas; ramen mittis aliis, sumen, mullos &c. Ne tu stultus es & miser. Cares corde, id est, sapientia: cares genio, id est, mi-ferè facis, quia ut aliis bene

facias, genium defraudas, & fame cōficeris *Saxetani*. Lacertus, seu stellio, est terrestre animalculum, vel pisciculus; uterque in saxis ferè delitescit.

2. *Conchis.* Est fabæ genus. Pag. 264. Vile opsonium.

3. *Sumen, Mullos.* Pag. 120. *Boletos.* Pa. 44.

LXIV.

Vinum consulare.

1. Potavi modò consulare vinum:
2. Quæris quàm vetus atque liberale?
3. Ipso consule conditum: sed ipse,
4. Qui poscebat, erat, Severe, consul.

VERS. I. Vinum Consulare, mio consule conditum ante vulgò dicebatur vinum Opi- annos ferè ab nato Martiale ducentos.

ducentos. Pag. 46.

2. *Liberale*. Homine lauto & liberali dignum.

3. *Ipso Consule*. Videtur consulem Opimum significare; sub quo vinum Consulare fuerit conditum: tamen ille

consul erat is ipse à quo vocabatur ad cœnam; atque adeo vinum erat illo ipso anno natum, consules enim singulis annis mutabantur, ut dixi supra, Epigram. 52. pag. 355.

L X V.

Servus utilis.

1. Quatenus Othryfios jam pax Romana Triones
2. Temperat, & tetricæ conticuere tubæ,
3. Hunc Marcellino poteris, Faustine, libellum
4. Mittere: jam chartis, jam vacat ille jocis.
5. Sed si parva tui munuscula quæris amici
6. Commendare; ferat carmina nostra puer,
7. Non qualis Geticæ satiatus lacte juvencæ
8. Sarmaticâ rigido ludit in amne rotâ;
9. Sed Mitylenæi roseus mangonis ephebus,
10. Vel non cæsus adhuc matre jubente Lacon.
11. At tibi captivo famulus mittetur ab Istro,
12. Qui Tiburtinas pascere possit oves.

V. 1. Siquidem confecto septentrionali bello pax est composita. *Tetricæ*. Tristes, diræ. *Triones*. Pa. 306. De Othrysiis vide Ep. 8. hujus libri.

6. *Puer*. Servulus. Mitte illi cum meo libello, elegans & venustum aliquod mancipiū.

7. Non puer barbarus, quales Sarmatarum filii, qui rotâ, id est, circulo ligneo vel ferreo, quem vulgò trochum vocabant, ludunt in flumine concreto gelu. Exponi etiam potest: Qui habitat in vago curru, imposito anni glacie astricto. *Sarmatica*. Pag. 6. Duplex fuit Sarmatia, altera in Europa, altera in Asia:

nunc Polonia, Moscovia, Tartariæ pars.

Juvence. Pueri Getarum equino lactæ alebantur: viri, sanguine interdum. De Getis dixi Libro VI. Ep. 39.

9. 10. Sed juvenis emptus recens à Mitylenæo mangone, id est, mancipiorum venditore, (Mitylene, *Metlin*, est urbs primaria Lesbi insulæ.) vel puer Lacedæmonius aliquis, nondum jussu matris verberatus. Lacedæmonii crebris plagis pueros suos ad patientiam erudiebant, adeo ut pueruli loris, alapisq; confusi ne ingemiscerent quidem.

11. Tibi verò non ejusmo-

di puer comptus & elegans,
at bubulcus, è captivis popu-
lis ad Istrum positus emptus,
mittetur, quo utêris non ad
miscenda pocula, sed ad pas-
cenda pecora, quibus abundas

in agro Tiburtino. De Tibure
vide pag. 38. 213. De Istro,
pag. 236. Laudat Faustini
parsimoniam, qui non servos
elegantes, sed utiles optaret.

LXVI.

Bonus liber.

1. Triginta toto mala sunt epigrammata libro;
2. Si totidem bona sunt, Lause: liber bonus est.

VERS. 1. 2. Potest accipi
primus versiculus quasi lo-
quatur Lausus, idque Martia-
li objiciat, esse in ejus libro

mala epigrammata 30. Tum
illi respondeat vates secundo
versiculo.

LXVII.

Tonsor lentus.

1. Eutrapelus tonsor dum circuit ora Luperci,
2. Expungitque genas: altera barba subit.

V. 1. *Circuit.* Tondet accu-
ratè, pilos omnes vestigando
& expungendo, id est, eraden-
do: interim nova barba jam

succevit; adeo tardus & len-
tus est. Legitur in aliquot li-
bris, *expungitque*, id est, expo-
lit & quasi pingit.

LXVIII.

Imago nunquam delenda.

1. Dum mea Cæcilio formatur imago Secundo,
2. Spirat & argutâ picta tabella manu;
3. I liber ad Geticam Peucen, Istrumq; tacentem:
4. Hæc loca perdomitis gentibus ille tenet.
5. Parva dabis caro, sed dulcia, dona sodali;
6. Certior in nostro carmine vultus erit.
7. Casibus hic nullis, nullis delebilis annis
8. Vivet, Apelleum cum morietur opus.

V. 1. Dum ego curo pin-
gendam meam imaginem,
quam G. Plinio Cæcilio Se-

cundo mittam. De Peuce
dictum supra Epig. 7.
Cæcilio Secundo. Plinio ju-

niori. Plinii fuere duo, alter senior dictus, patriâ Veronensis, qui Verpasiano imperante vixit, cuius negotiis administrandis vacabat interdum, noctu verò & horis subcesivis, dabat litteris operam, ac historiam illam suam de rebus naturalibus, conscribebat. Perit in Vesuvii montis incendio, dum ejus causam propius indagare gestit. Pag. 207. Alter C. Plinius Cæcilius Secundus, Plinii Secundi senioris è sorore nepos, qui panegyricum Trajano dixit, & cuius extant epistolæ cultissimæ. Illi carus Martialis fuit.

3. *Tacentem*. Aquas latissimo alveo volventem nullo strepitu. Pag. 236. Vel: pace compositâ, quiescentem.

4. *Tenet*. Illi regioni præfuit Plinius cum proconsulari potestate.

6. *Certior*. Firmior, diuturnior erit imago mea in carmine meo, quàm in tabellis pictis, quæ vetustate ac situ deteruntur scilicet.

7. *Hic*. Vultus in meis versibus expressus.

8. *Apelleum opus*. Picta tabula. Apelles pictor egregius, patriâ Cous, floruit sub Alexandro Magno.

LXIX.

Librum scribere.

1. Quòd non insulse scribis tetrasticha quædam;
2. Disticha quod bellè pauca, Sabelle, facis:
3. Laudo, nec admiror: facile est epigramma, Sabelle,
4. Scribere: sed librum scribere difficile est.

VERS. 1. Tetrasticha epigrammata versibus quatuor constant: disticha, duobus

σίχως, versus, ordo; δύο, duo
τέσσερα, seu τέτταρα, quatuor.

LXX.

Illebralis & avarus.

1. Ad natalitias dapes vocabar,
2. Essem cùm tibi, Sexte, non amicus:
3. Quid factum est, rogo, quid repente factum est?
4. Post tot pignora nostra, post tot annos,
5. Quòd sum præteritus vetus sodalis?
6. Sed causam scio; nulla venit à me
7. Hispani tibi libra pustulati;
8. Nec tenuis toga, nec rudes lacernæ.

9. Non est sportula quæ negotiatur :
 10. Poscis munera, Sexte, non amicos.
 11. Jam dices mihi; vapulet vocator.

V. 1. Olim cum tibi nondum esse amicus ac familiaris, tamen à te invitabar ad cœnam, cum diem tuum natalem celebrabas.

4. *Pignora*. Significationes amicitiae.

5. *Præteritus*. Non vocatus ad cœnam.

7. *Hispani*. Subaudi, argenti, vel auri *Libra*. Vide pag.

136. *Pustulati*. Optimi, probè excocti: argentum enim purum intumescit in pustulas, cum coquitur. Svet. in Neron. cap. 44. *Exegit argentum pustulatum, aurum ad obrusam*. Legunt nonnulli, *pustulati*, vel *pustilati*, quod idem est ac *pustulati*.

8. *Toga*. Pag. 58. 88.

Lacernæ Pag. 84. 116. 182.

Rudes. Nove: vel pingui

& crasso filo textæ.

9. 10. Ea sportula dicenda non est, quæ à patrono non datur gratis, sed eâ lege, ut qui illam accipit, rependat munera. Nundinatio quædam potius, & negociatio dicenda est. Cum mihi das sportulam, non tam mihi das, quam vendis, & mecum negotiaris. De Sportula lege pag. 66. 148.

11. Jam video quid dicturus sis, per te non stetisse quin vocarer, & adessem, at præteritum me fuisse à vocatore. Ita dicebatur qui convivas invitabat. Dabit ille pœnas, inquis, neque hoc inultum ferret, qui te, licet à me justus, non vocaverit. Bellam scilicet excusationem!

LXXI.

Puer eruditus.

1. Si meus auritâ gaudet glaucopide Flaccus;
 2. Si fruitur tristi Canius Æthiope:
 3. Publius exigue si flagrat amore catellæ;
 4. Si Cronius similem cercopithecon amat:
 5. Delectat Marium si perniciosus ichneumon;
 6. Pica salutatrix si tibi, Lause, placet:
 7. Si gelidum collo nectit Gratilla draconem,
 8. Lusciniaë tumulum si Thelesina dedit;
 9. Candida Apollinei cur non amet ora Labycæ,
 10. Qui videt hæc dominis mōstra placere suis?

V. 1. *Glaucopide*. Bubone, noctua. Vox est græca, γλαυ-

κῶπις, à γλαυκός glaucus, & ὤψ visus, oculus. Fortè sic

dicitur, quoddam sacra sit noctua Minervæ, quæ solenni epitheto vocatur apud Homerum, Γλαυκῶπις. *Aurita* Bubo extantes, ut felis, aurículas habet.

2. *Fruitur*. Delectatur.

Æthiope. Servo nigro ac deformi, ex Æthiopia, quæ est pars interioris Africæ.

3. *Catelle*. Caniculæ.

4. *Cercopithecon*. Est cercopithecus animal simiæ simile, nigro capite, pilo asinino: vocatur etiam simia caudata: κέρκος cauda πίθηκος simius. *Similem*. Sibi: nigrum & deformem, ut ipse Cronius est. Vel, similem catellæ, de qua fit mentio in

versiculo superiori.

6. *Ichneumon*. Mus indicus vulgò appellatur: felis magnitudine, & muris formâ. Est crocodili hostis infensissimus, cum quo sic pugnat. Luto se totum oblinat: mox in fauces apertas crocodili dormientis insiliens, in ejus viscera penetrat, ea lacerat ac pertundit.

6. *Salutatrix*. Quæ voces humanas docetur, easque præsertim, Ave, χαῖρε.

9. *Apollinei*. Eruditi.

10. Qui noctuas, Æthiopes, &c. placere posse intelligit, cur bene institutum servum & adolescentem in pretio non habeat?

LXXII.

Sibi de suis libris gratulatur.

1. Fertur habere meos, si vera est fama libellos
2. Inter delicias pulchra Vienna suas.
3. Me legit omnis ibi senior, juvenisque, puérque,
4. Et coram tetrico casta puella viro.
5. Hoc ego maluerim, quàm si mea carmina cantent
6. Qui Nilum ex ipso protinus ore bibunt:
7. Quàm meus Hispano si me Tagus impleat auro,
8. Pascat & Hybla meas, pascat Hymettos apes.
9. Nō nihil ergo sumus, nec blādæ munere linguæ
10. Decipimur: credam jam puto, Lausæ, tibi.

VERS. 2. *Vienna*. Urbs Galliae antiquissima, in Delphinatu, *Vienna*.

6. *Ex ipso ore*. Fonte. Populos intelligit Africæ remotissimos, ubi Nilus nascitur.

7. *Tagus*. Fluvius Hispa-

niæ. Pag 58. Is arenas, aureas volvere dicebatur.

8. *Hybla*. Mons Siciliæ: *Hymettus*, Atticæ, uterque floribus abundans, & apibus.

9. 10. Non igitur tam sumus contemnendi quàm di-

cebas, ô Lause (supra, Ep. 66.) | quære, qui tibi ea vitupe-
neque adulantibus plus ju- | ranti credat: non ego certè.
sto credimus, quasi ab iis | Vel simplicius; ô Lause, qui
decipiamur. I nunc, carpe | mea laudas epigrammata,
mea carmina, ô Lause, & | jam tibi credam.

LXXIII.

Corona è rosis.

1. I felix rosa, mollibúsque fertis
2. Nostri cinge comas Apollinaris,
3. Quas tu nectere candidas, sed olim,
4. (Sic te semper amet Venus) memento.

V E R S. 3. *Candidas*. Ca- | senex, diu vivat & valeat.
nescentes, canas. *Olim*. Post | 4 *Venus*. Cui rosa est conse-
multos annos, ita ut serò fiat | crata.

LXXIV.

Liber inæqualis.

1. Jactat inæqualem Matho me fecisse libellum:
2. Si verum est, laudat carmina nostra Matho.
3. Æquales scribit libros Calvinus, & Umber:
4. Æqualis liber est, Cretice, qui malus est.

V. 1. *Inæqualem*. In quo | jus Libri: & 17. Libri I.
non omnia æquè culta & bo- | 3. *Calvinus*, *Umber*, Mali
na. Lege epigramma 66. hu- | poëtæ.

LXXV.

Promissor.

1. Si quid opus fuerit, scis me non esse rogandum,
2. Bis nobis dicis, Baccara, térque die.
3. Appellat rigidâ tristis me voce Secundus:
4. Audis; sed nescis, Baccara, quid sit opus.
5. Esse queror gelidásque mihi tritásque lacernas;
6. Audis; sed nescis, Baccara, quid sit opus.
7. Hoc opus est, subitò fias ut fidere mutus;
8. Dicere ne possis, Baccara, quid sit opus.

VERS. 1. Ordo verborum est. Dicis mihi, ô Baccara, singulis diebus bis, terque: O Martialis, nosti me, si quid opus tibi fuerit, dabo meâ spôte, neque opus erit ut roges.

3. *Secundus*. Nomen est creditoris. Pecuniam à me Secundus exigit, te audiente, & dissimulante quid mihi sit opus: opus esset ut pro me solveres. *Rigida*. Nempe litem minitans & nervum.

5. *Pensio*. Pretium ædium

conductarum.

9. Utinam aliqua siderum vi arcanâ, mutus fias, ut ne frustra mihi semper promittas. Homines, plantæ & animalia interdum, cæli vitio, tabem contrahunt, ita ut pars eorum aliqua inarescat ac sensum amittat, ossa ipsa carie conficiantur. Hic morbus sideratio vocatur, & homines ita percussi appellantur siderati, quasi maligno afflati fidere.

LXXVI.

Amicus absens.

1. Narnia, sulfureo quam gurgite candidus amnis

2. Circuit, ancipiti vix adeunda iugo,

3. Quid tam sæpe meum nobis abducere Quintū

4. Te juvat, & lentâ detinuisse morâ?

5. Quid Nomentani causam mihi perdis agelli,

6. Propter vicinum qui præciosus erat?

7. Sed jã parce mihi, nec abutere, Narnia, Quinto,

8. Perpetuo liceat sic tibi ponte frui.

VERS. 1. *Narnia*. Est Italiæ civitas, in Umbria, *Narni*. Eam rogat ut ne diutius detineat Quintum Ovidium. Habebat ille villam in agro Nomentano; prope villam Martialis, à quo sæpe invisebatur. *Amnis*. Nar, nunc *la Nera*.

2. *Jugo*. Quæ difficilem aditum habes, eò quod in gemino & arduo montis cacumine sis ædificata. Est in parte montis Apennini.

5. Cur eum abducis, cu-

jus unius causâ tam libenter moror in villa mea Nomentana, quæ mihi propter tam suavem vicinum est cara?

7. *Abutere*. Eum diutius remorando.

8. Id si feceris, præcor ut æternum duret pons tuus Ille duos montes, quibus erat imposita Narnia, separatos jungebat, flumine subterlabente inter duplex jugum montis. Adhuc visuntur ejus pontis ruinæ ac rudera.

LXXVII.

Anima fœtens.

1. Unguētū fuerat, quod onyx modò parva gerebat;
3. Olfecit postquam Papilus; ecce, garum est.

VERS. 1. Vasculum ex onyche factum, gerebat modò unguentum odoris suavissimi: Papilus illud olfecit, & fœtente halitu sic statim corripit, ut ex unguento garum factum sit. Est garum, mu-

riæ genus è pisciculorum sale maceratorum sanie confectū, odoris gravissimi, maxime ubi est corruptum. Onyx, gemma est, unguis humani colorem referens. Onyx, Grecis unguis est.

LXXVIII.

Nimis officiosus.

1. Bruma est, & riget horridus December;
2. Audes tu tamen osculo nivali
3. Omnes obvius hinc & hinc tenere,
4. Et totam, Line, basiare Romam.
5. Quid possis graviusque sæviusque
6. Percussus facere atque verberatus?
7. Cujus livida naribus caninis
8. Dependet glacies, rigetque barba,
9. Qualem forficibus metit supinis
10. Tonsor Cinyphio Cilix marito.
11. Quare si tibi sensus est, pudorque,
12. Hibernas, Line, basiationes
13. In mensem, rogo, differas Aprilem.

VERS. 3. *Tenere*. Morari salutando.

4. *Basiare*. Osculari. Obvios amicos salutando solebant osculari. Pag. 115.

5. An posses inimicos, à quibus esses verberatus, ulcisci graviore supplicio.

6. *Livida*. Coloris sulphurei. *Caninis*. Canibus sunt nares frigida ac mucosæ.

Glacies. Stiria.

9. 10. Qualem barbam hircus, cum tondetur, habet. Vocatur *maritus*, ut à Virgilio vir gregis appellatur: Cinyphius dicitur, quia sunt majores hirci prope Cinyphæ Africae fluvium, *Macres*, qui se exonerat in mare mediterraneum in regno Tripolitano. *Cilix tonsor*. Cilices, (populus Asiæ minoris in ora meridiana maritima) plurimum

utuntur vestibus confectis è
pilo hircino. *Forficibus supi-*
nis. Extrema pars forficum
& acies, deprimitur inter ton-
dendum; manubrium attol-

litur.

13. Orem te, ut in mitiorem
& calidiorem tempestatem
tua illa oscula & frigidas sa-
lutationes differas.

LXXIX.

Epitaphium infantis.

1. Conditus hîc ego sū Bassi dolor Urbicus infans:
2. Cui genus & nomen maxima Roma dedit.
3. Sex mihi de prima deerant trieteride menses,
4. Ruperunt tetricæ cū mala pensa deæ.
5. Quid species, quid lingua mihi, quid profuit ætas?
6. Da lacrymis tumulo, qui legis ista, meo.
7. Sic ad Lethæas, nisi Nestore ferior, undas
8. Non eat, optabis quem superesse tibi.

VERS. 1. *Bassi*. Paren-
tis mei, vel domini.

2. In urbe natus, & ab
urbe dictus Urbicus. Roma
urbs antonomastice dicitur.

3. Confeceram annos duos
& dimidium. De Trieteride
vide Lib. VI, Ep. 26.

4. *Deæ*. Parcæ. Lib. IV.
Epigr. 42.

7. Precor vicissim ut ser-
vus, aut amicus quem dili-
gas, & quem tibi esse super-
stitem velis, diutius vivat
quam Nestor. Pag. 271.

Lethæas, Epig. 41. supra.

LXXX.

Librum amico mittit.

1. Nosti si bene Cæsum, libelle,
2. Montanæ decus Umbriæ Sabinum,
3. Auli municipem mei Pudentis;
4. Illi tu dabis hæc vel occupato:
5. Instent mille licet premantque curæ,
6. Nostris carminibus tamen vacabit.
7. Nam me diligit ille, proximūque
8. Turni nobilibus leget libellis.
9. O quantum tibi nominis paratur!
10. O quæ gloria! quam frequens amator!
11. Te convivia, te forum sonabit,
12. Ædes; compita, porticus, tabernæ.
13. Uni mitteris, omnibus legêris.

VERS. 1. *Cæsum* Cæsius Sabinus, vir fuit omni laude præstans, ad quem extant multe Plinii epistolæ.

2. *Umbria*. Pars est Italiae infra Venetos, ad mare Adriaticum, motibus aspera. P. 338.

3. *Municipem*. Ejusdem, ac Pudens, municipii, seu oppidi. De hac voce dictum

pag. 220. De Pudente incidit mentio Lib IV Ep. 10 & 22.

8. *Turni*. Nomen est poetæ satyrici tunc florentis.

10. *Amator*. Lector benevolus & cupidus.

12. *Legêris*. Solebat Cæsius omnibus legere & recitare Martialis epigrammata: tanti ea faciebat.

LXXXI.

In emacem.

1. Omnia, Castor, emis: sic fiet ut omnia vendas.

VERS. 1. Castor, cum ditissimus non sit, emit tamen omnia: cogetur brevi

omnia, vel illa quæ emerat, vel etiam sua, vendere, ut vitam toleret.

LXXXII.

Pro versibus nummos petit.

1. Sic placidum videas semper, Crispine, Tonantē;

2. Nec te Roma minùs, quā tua Mēphis amet:

3. Carmina Parrhasiā si nostra legentur in aula;

4. (Namque solent sacrā Cæsaris aure frui:)

5. Dicere de nobis, ut lector candidus, aude,

6 Temporibus præstat nonnihil ille tuis;

7. Nec Marso nimiū minor est, doctōque Catullo.

8. Hoc satis est; ipsi cetera mando Deo.

VERS. 1. *Crispine*. Fuit Ægyptius quidam, obscuro loco natus, princeps equitum à Domitiano factus, quem Juvenalis lacerat Satyra 1. & 4. Quem hoc in epigrammate vides adulator laudat.

2. *Memphis*. Pag. 2.

3. *Parrhasia*. Imperatoria. Vide supra Ep. 48.

5 6. Hoc de me, ut candidi & benevoli lectores solent, qui libros quos probant,

laudare gestiunt, dices Domitiano: ô Cæsar, iste Martialis aliquid ornamentum affert a vo tuo, rebus tuis gestis.

7. *Marso, Catullo*. Epigrammatum scriptoribus celeberrimis. Pag. 35. 134.

8. Cetera permitto & relinquo facienda ipsi Domitiano, ut nempe aliquid mihi muneris largiatur. Tu me laudabis, ille remunerabitur.

LXXXIII.

Omnis homo, nullus homo.

1. Pontice, per reges discurras & omnia lustras;
2. Magna quidem sequeris, Pontice, magnus homo es.
3. Pontice, si qua facis, sine teste facis, sine turba,
4. Nō adhibes multos; Pontice, cautus homo es.
5. Pontice, te celebrem formā natura creavit,
6. Dignus eras Helena; Pōtice, pulcher homo es.
7. Pontice, voce tuā posses adamanta movere,
8. Vox tua dulce sonat; Pontice, dulcis homo es.
9. Pontice, sic alios, sic te quoque decipit error:
10. Vis dicam verum; Pontice, nullus homo es.

VERS. 1. *Per reges.* Per domos potentiorum.

2. Magnifica & splendida confectaris.

4. Non te impertis multis & comunicas, in quo sanè cautus es: homo es, ut ille Terentianus, paucorum hominum.

6. *Martius* Helenā dignus, ipso Paride pulchrior.

10. *Nullus.* Dum vis esse omnia; nihil es. Dum vis in omnibus videri magnus & excellens, in omnibus parvus, vel potius, nullus es. Sunt qui hoc epigramma Martiali abjudicent.

LXXXIV.

Pro Caro & Norbana, Mercurio votum.

1. Cyllenes cælique decus, facunde Minister,
2. Aurea cui torto virga dracone viret:
3. Sic tibi jucundi non desit copia furti,
4. Et senior parcā mole præmatur avus:
5. Hūc semper Norbana diem cum conjuge Caro
6. Leta colat, primis quem coluere toris.
7. Hic pius antistes Sophiæ sua dona ministrat:
8. Hic te ture vocat, fidus & ipse Jovi.

VERS. 1. *Cyllenes.* Cyllene mons Arcadię, in quo Mercurius genitus est. Hinc vocatur ipse, Cyllenius.

Celi decus. Magnam Su-

peris navabat operam Mercurius, quippe cæli cursor, & tabellarius. *Facunde.* Mercurius est eloquentiæ præses, Vide oden. 9. Libri I. Hora-

tiani . *Mercuri Facunde, &c.*

Minister. Quia Deorum ,
ut dixi, est nuncius, ac publi-
cus quasi proxeneta .

2. Virga Mercurii vulgò
Caduceus nuncupatur. Bac-
lus est quem hinc inde am-
plectuntur duo angues, com-
missis, interjecti sive in sum-
ma bacilli parte capitibus,
caudis, in ima: cetero cor-
pore in hemicylum circa vir-
gam utrimque circumfuso .
Ajunt Mercurium, cum vir-
gam tenens manu iret per
Arcadium, incidisse in duos
serpentes inter se colligatos
ac depugnantes; virgâque in-
terpositâ, statim pugnam di-
remisse . Inde ~~bacillum~~ pa-
cis, foederisque symbolum
est, & oratores ac legati mis-
si ad pacem conficiendam,
Caduceatores vocantur .

3. *Furti.* Præerat etiam
furibus Mercurius .

4. Et Atlas minùs labore-
t in ferendo cælo . Atlas, avus
Mercurii fuit; Mauritaniæ,
ut ajunt, rex, qui humeris
cælum sustinuisse dicitur, quod
primus astrorum cursus va-
rios observaverit . Eundem

à Perseo mutatum fuisse fe-
runt in montem altissimum;
cujus cacumen cum inter nu-
bila condatur, hinc fortasse
locus fabulæ factus, ut Atlas
cælum humeris ferre diceretur .

Parcâ mole. Exiguo, mi-
nori pondere; nempe cæli hu-
meris impositi .

6. Quo die matrimonio
juncti fuerunt .

7. Carus, est sapientiæ, cui
tu quoque præsides, deditus:
eique suum ingenium, otium,
curas, impendit .

Antistes. Propriè est præfe-
ctus sacrorum, ædi sacra
præpositus, sacerdos prima-
rius . Sapientia, ceu, græcâ
voce, Sophia, Dea quædam
est; cujus sacerdotes esse di-
cuntur viri docti . Per meta-
phoram *antistes* sæpe dicitur
quicumque in re aliqua excel-
lit, ac principatum obtinet,
aliisque velut antestatur . Sic
Plato vocatus olim est Sa-
pientiæ antistes .

8. *Jovi.* Domitiano, quem
suum sæpe Jovem Nos er ap-
pellat . Est Carus, fidus mi-
nister Jovi Romano, ut co-
cælesti Jovi .

4. Caduceus



Aradham | pag. 294.

lye Aradham

213. not. | 6. | 18. | 20 |
millitae

Not a book
- 1000 -

1000 - 1000 - 1000 -
1000 - 1000 - 1000 -

Superior
1754

Martialis, Marcus Valerius,

Epigrammata

Roma 1703

A.lat.a. 950

urn:nbn:de:bvb:12-bsb10241935-9